

# ଦ୍ରବ୍ୟ ସଂସ୍କରଣ



ଶ୍ରୀସୁରେନ୍ଦ୍ରମୋହନ ଭଟ୍ଟାଚାର୍ଯ୍ୟ  
ପ୍ରଣୀତ ।

ଦ୍ୱିତୀୟ ସଂସ୍କରଣ ।

କଲିକାତା ;

୧୦୮ ନଂ କାଳୀପ୍ରସାଦ ମହେବ ସ୍ଟିଟ, "ମାହିତ୍ୟ-ପ୍ରଚାର" କାର୍ଯ୍ୟାଳୟ ହରିଡ଼ି

ଶ୍ରୀନବକୁମାର ଦତ୍ତ କର୍ତ୍ତୃକ  
ପ୍ରକାଶିତ ।

୧୦୧୫

ମୂଲ୍ୟ ୨।୦ ଏକ ଟାକା ଆଟ ଆନା ।

---

৫০১ নং কালীপ্রসাদ দত্তের ষ্ট্রীট, "অবসর প্রেস" হইতে  
শ্রীপঞ্চানন মিত্র দ্বারা মুদ্রিত।

---

## নিবেদন ।



মানুষকে যত প্রকার শক্তি লইয়া নাড়া-চাড়া করিতে হয়, সে সমস্তই দৈবীশক্তি । মানুষ যেন একটি কেন্দ্র, জগতের সমুদয় শক্তি তিনি নিজের দিকে আকর্ষণ করিয়া লইতেছেন,— তিনি নিজে কি ? চৈতন্য পুরুষ । চৈতন্যপুরুষই কেন্দ্র ;—ঐ কেন্দ্রতেই উহাদিগকে একত্রিত করিতেছেন । তারপরে খুব প্রবল তরঙ্গাকারে উহাদিগকে বাহিরে নিক্ষেপ করিয়া দ্বিভেদিত করিতে পারেন, তিনিই প্রকৃত মানুষ । শক্তিকে স্ববশে আনা—শক্তির দ্বারা ইচ্ছামত কার্য্য করিয়া লওয়াই মানুষের কাজ । এই কার্য্য সম্পন্ন করিবার জন্ত আরাধনার প্রয়োজন । তাই হিন্দুর দেবতা ও আরাধনা ।

দেবতা অসীম, শক্তি অসীম—সাধনা অনন্ত । মানুষের ক্ষুদ্র শক্তিতে এই সমস্ত শক্তির আলোচনা-আন্দোলন ও তত্ত্ব নিরূপণ করা ব্যক্তিগত ক্ষমতার আয়ত্ত্ব নহে । তবে দেবতা ও আরাধনার মূলতত্ত্ব এই গ্রন্থে প্রদর্শন করিবার চেষ্টা করিয়াছি । মস্তকের স্বর-কম্পন, ভাব ও তত্ত্বেরও আলোচনা করিবার প্রয়াস পাইয়াছি, ব্যাপার অতীব গুরুতর । ইহাতে সম্পূর্ণ সাফল্য লাভ করিবার আশা দুরাশা মাত্র ; তবে পাশ্চাত্য-শিক্ষা-বিকৃত-মস্তিষ্ক কোন পথহারা ব্যক্তির যদি এতদগ্রন্থ পাঠে, দেবতা ও আরাধনার প্রবৃত্তি হয়, সমস্ত শ্রম সফল জ্ঞান করিব । ইতি

অনন্তপুর ;

১৬শে মাঘ, ১৩১৪ বঃ ।

} শ্রীস্বরেন্দ্রমোহন ভট্টাচার্য্য ।





# সূচীপত্র ।



বিষয়	পৃষ্ঠা	বিষয়	পৃষ্ঠা
<b>প্রথম অধ্যায় ।</b>		হিন্দু জড়োপাসক কি না	৬৬
মনোহের কথা	১	হিন্দু বহু উপাসক নহে	৭৩
প্রকটভাব	৫	দেবতাপূজার প্রয়োজন	৭৯
আত্মশক্তি	২১	আরাধনা	৮৩
পঞ্চীকরণ	১৩	সুখের স্বরূপ	৯০
মহামায়া	১৮	সুখের সংস্কার	১০২
ত্রি-গুণ	২৪	দেবতার আরাধনার	
ত্রি-শক্তি	২৭	সুখলাভ	১০৭
ব্রহ্মা ও সরস্বতী	৩৩		
স্পন্দন বাদ	৩৭		
বিষ্ণু ও লক্ষ্মী	৩৯	<b>তৃতীয় অধ্যায় ।</b>	
বিষ্ণুর পশুযোনি	৪১	সংকল্প-তত্ত্ব	১১০
শিব ও কালী	৪৬	ইচ্ছাশক্তি	১২০
কালীরূপ ও শিবলিঙ্গ	৫০	শব্দশক্তি	১২৫
		মনোর গতি	১৩৩
		যন্ত্র-তত্ত্ব	১৩৮
<b>দ্বিতীয় অধ্যায় ।</b>		যন্ত্র-সিদ্ধি	১৪৫
ব্রহ্মার সৃষ্টি	৫৭	প্রার্থনার উত্তর	১৬০
দেবতত্ত্ব	৬১		

বিষয়	পৃষ্ঠা	বিষয়	পৃষ্ঠা
<b>চতুর্থ অধ্যায় ।</b>		দৈব-বল	৩০৬
ইন্দ্র ও অহল্যাহরণ	১৭১	—	
ইন্দ্রের নারায়ণ-কবচ	১৭৭	<b>পঞ্চম অধ্যায় ।</b>	
ইন্দ্রের ব্রহ্মহত্যা	১৮৬	পূজাপ্রণালী ও তাহার	
বৃত্রাসুরের জন্ম	১৯১	বৈজ্ঞানিক ব্যাখ্যা	৩০৭
দধীচির অশ্বি ও বৃত্রবধ	১৯৯	প্রত্যুষে পাঠের মন্ত্র	৩১২
সূর্য ও চন্দ্র	২০৩	গুরু ও স্ত্রী-গুরু পূজা	৩১৯
গ্রহ, নক্ষত্র ও অষ্টবসু		কুলকুণ্ডলিনী পূজা	৩৩১
প্রভৃতি	২১২	সাধারণ পূজা প্রণালীর	
দক্ষপ্রজাপতি ও তদংশ	২১৫	বৈজ্ঞানিকত্ব	৩৩৩
—		—	
<b>পঞ্চম অধ্যায় ।</b>		<b>ষষ্ঠ অধ্যায় ।</b>	
হুর্গাশক্তি	২২৬	তান্ত্রিকী সাধনা	৩৪৭
হুর্গোৎসব	২৪০	কলির লক্ষণ ও কর্তব্যতা	৩৫৫
দক্ষযজ্ঞ	২৫৪	পঞ্চ-ম-কার তত্ত্ব	৩৬০
দশমহাবিজ্ঞা	২৬১	পঞ্চ-ম-কার বিধি	৩৬৯
উমার জন্ম ও শিবসংযোগ	২৬৬	পঞ্চ-ম-কার শোধন	৩৭২
অন্নপূর্ণা	২৬৯	পঞ্চ-ম-কারে কালী-সাধনা	৩৮২
—		গুহ সাধনা	৩৯৩
<b>ষষ্ঠ অধ্যায় ।</b>		রাধীকৃষ্ণ	৩৯৯
প্রতিমাপূজা	২৭৩	—	
দেবতত্ত্ব	২৮৮		

বিষয়	পৃষ্ঠা	বিষয়	পৃষ্ঠা
<b>নবম অধ্যায় ।</b>		<b>একাদশ অধ্যায় ।</b>	
গতলীলা দর্শন	৪০৫	পুরস্কার	৪২২
যুগলরূপ দর্শন	৪০৮	জপের বিশেষ নিয়ম	৪২৮
শালগ্রাম ও শিবলিঙ্গ	৪১২	পঞ্চাঙ্গ শুদ্ধি	৪২৯
—		মন্ত্র-শুদ্ধির উপায়	৪৩০
<b>দশম অধ্যায় ।</b>		মন্ত্রের দোষশাস্তি	৪৩৪
পশু-পূজা	৪১৫	মন্ত্র-সিদ্ধির লক্ষণ	৪৩৫
অগ্নি-আরাধনা	৪১৭	<b>দ্বাদশ অধ্যায় ।</b>	
জলের আরাধনা	৪১৯	গ্রহশাস্তি	৪৩৭
—		দৈববাণী প্রকাশ	৪৩৯
—		—	





# দেবতা ও আরাধনা ।

প্রথম অধ্যায় ।

প্রথম পরিচ্ছেদ ।

সন্দেহের কথা ।



শিষ্য । সমস্ত ভারতবর্ষ ব্যাপিয়া, কত যুগ-যুগান্তর হইতে হিন্দুধর্ম তাহার বিমল-স্নিগ্ধ-কিরণ বিকীর্ণ করিয়া বিদ্যমান রহিয়াছে,—কত অতীত কাল হইতে এই ধর্মের আলোচনা, আন্দোলন ও সাধন-রহস্য উদ্ভেদ হইতেছে, কত বৈজ্ঞানিক, কত দার্শনিক ইহার সম্বন্ধে বাদানুবাদ, তর্কবিতর্কাদি করিয়াছেন, কিন্তু এই ধর্ম এখনও কি অসম্পূর্ণ বা কুসংস্কারাচ্ছন্ন আছে ?

গুরু । এ প্রশ্ন কেন ?

শিষ্য । বর্তমান যুগের সভ্য-শিক্ষিত পাশ্চাত্যদেশীয়গণ, তথা পাশ্চাত্য-শিক্ষা-দৃষ্ট-ভারতবাসীর মধ্যে অনেকেই হিন্দুগণকে পৌত্তলিক,—জড়োপাসক ও কুসংস্কারাচ্ছন্ন বলিয়া ঘৃণা করিয়া থাকেন ।

## দেবতা ও আরাধনা ।

গুরু । হিন্দুগণ বহুদিন হইতে অধীনতা-শৃঙ্খল পরিয়া জড়বৎ হইয়াছে, কাজেই হিন্দু জড়োপাসক হইতে পারে, অর্থাৎ তাহা-দিগকে ঋহা ইচ্ছা বলা যাইতে পারে,—নতুবা যে সকল ধর্মের আস্থ মজ্জায় পৌত্তলিকতা, সেই সকল ধর্মযাজকগণ হিন্দুকে পৌত্তলিক বলে ! যাহাদের ধর্ম এখনও খঞ্জ বালকের ঞায় উঠিয়া দাঁড়াইতে সক্ষম নহে, তাহারাই হিন্দুধর্মের নিন্দাবাদ করে,—ইহা আশ্চর্যের বিষয় সন্দেহ নাই । হিন্দুর ধর্ম, বিজ্ঞান-সম্মত । হিন্দুধর্ম দার্শনিকতায় পরিপূর্ণ । আশা করি, অতি অল্প দিনের মধ্যেই হিন্দুধর্মের অমল-ধবল কোমুদীতে সমগ্র দেশের, সমগ্র মানব, সমগ্র জাতি উদ্ভাসিত এবং প্রফুল্লিত হইবে । সকলেই হিন্দুধর্ম গ্রহণ করিয়া হিন্দু হইবে ।

শিষ্য । হিন্দু, জড়োপাসক,—হিন্দু পৌত্তলিক ; অনেকেই একথা বলিয়া থাকে ।

গুরু । হিন্দুধর্ম বুঝিতে পারে না বলিয়াই ঐরূপ বলিয়া থাকে ।

শিষ্য । হিন্দু, খড় দড়ী মাটি রং ও অন্ন রাখতা-দিয়া ছবি প্রস্তুত করিয়া, ঈশ্বর-জ্ঞানে তাহারই পূজা করিয়া থাকে ।

গুরু । তাহাতে কি দোষ হয় ?

শিষ্য । সেই যে, পুতুল প্রস্তুত করিয়া পূজা করা হয়, তাহার কি কোন ক্রমতা আছে ? আমরাই তাহা প্রস্তুত করিয়া থাকি,—আমরাই তাহা ভাঙ্গিয়া ফেলিয়া থাকি,—আমরাই তাহার কর্তা । তাহার কোন জ্ঞান নাই,—কোন শক্তি নাই,—তবে তাহার পূজা বা আরাধনা করিবার উদ্দেশ্য কি ? তৎপরে অগ্নি, জল, বাতাস, দিক্ ও কাল প্রভৃতি জড়

পদার্থের পূজাতেও আমরা শরীর পাত করিয়া থাকি ।  
কষ্টোপার্জিত অর্থ, ঐ সকল ব্যাপারে ব্যয় করিয়া থাকি ।  
অধিকন্তু, মৃত বিশ্বাসে মুগ্ধ হইয়া অগ্নিপূজারূপ যজ্ঞকার্যাদি  
করিয়া অগ্নি, জল, মেঘ, আকাশ, বায়ু, এমন কি, আদিব্যাদি  
মহামারী প্রভৃতিকে বশীভূত করিয়া লইতে চেষ্টা করিয়া থাকি ।  
এ সকল আমাদের ভ্রমাত্মক বিশ্বাস ও কুসংস্কার ; তাহা হিন্দু  
ভিন্ন অন্যান্য ধর্মাবলম্বীগণ বলিয়া থাকেন ।

গুরু । তুমি যদি হিন্দুধর্ম বুঝিতে চেষ্টা কর, তবে  
দেখিবে, হিন্দু যাহা করে, তাহার একবিন্দুও কুসংস্কার বা  
মিথ্যা নহে । হিন্দু যাহা বুঝে, এখনও তাহার ত্রিসীমায়  
পঁছছিতে অন্য ধর্মাবলম্বীগণের বহু বিলম্ব । হিন্দুধর্ম গভীর হৃদয়  
আধ্যাত্মিক বিজ্ঞানে পূর্ণ,—ইহা বুঝিতে চেষ্টা কর ; জানিতে  
পারিবে, তোমাদের জড় বৈজ্ঞানিক বা অন্যান্য দেশের অথবা  
অন্যদেশের হিন্দুধর্ম-নিন্দুকগণ সুশিক্ষিত ও সজ্জন হইলেও  
তাঁহাদিগের দৃষ্টি, চিরপ্রকৃত সংস্কারের শাসনে স্থূল গঠিত জড়  
প্রাচীরের পর পারে যাইতে অনিচ্ছুক । তাঁহারা জানেন না যে,  
এই অতি বিচিত্রতাময় সৃষ্টি-রাজ্যের সীমা কোথায় ? তাঁহারা  
জড়াতিরিক্ত কিছু বুঝেন না বলিয়াই, হিন্দুকে জড়োপাসক  
বলিয়া থাকেন ।

শিষ্য । আমাদের শাস্ত্রে তেত্রিশকোটি দেবতার কথা  
আছে,—তাহা কি সত্য ? যথার্থই কি দেবতা আছেন ?

গুরু । দেবতা নাই ? ধর্ম নাই ? তবে আছে কি ?

শিষ্য । দেবতার কোথায় থাকেন ?

গুরু । স্বর্গে ।

শিষ্য । স্বর্গ কোথায় ?

গুরু । স্বর্গের রাজ্যে ।

শিষ্য । সে কোথায় ?

গুরু । তাহা বলিবার আগে, তোমাকে অল্প কতকগুলি বিষয় জানিতে ও শিখিতে হইবে, নতুবা বুঝিতে পারিবে কেন !

শিষ্য । দেবতাগণ থাকেন স্বর্গে, আমরা থাকি মর্ত্যে,—এখান হইতে আমরা মন্ত্রাদি পাঠ করি, আর তাঁহারা সেখান হইতে কার্য্য করেন কেমন করিয়া ? আমাদের কথা কি তাঁহারা শুনিতে পান ?

গুরু । এ সকল বিষয় তোমাদের বোধগম্য হয় না, কাজেই বিশ্বাসও কর না। ভারতের পুরাতনকালের ঋষিগণ বলিয়াছেন বলিয়া বোধ হয়, আরও বিশ্বাস করিতে ইচ্ছা হয় না। কিন্তু তোমাদের পাশ্চাত্য বৈজ্ঞানিকগণও এত দিন পরে এখন বলিতেছেন,—এমন হইতে পারে। \* বায়ুর কুম্পনে চিন্তা-শক্তি দূর হইতে বহুদূরে গিয়া পঁহুছে। আমেরিকা হইতে ভারতে সংবাদ পাঠাও—টেলিগ্রাফের তার নাই থাকুক,—কোন যন্ত্র-শক্তির সাহায্য নাই থাকুক, চিন্তাশক্তি সেখানে যাইয়া পঁহুছিবে। দেবতায় চিন্তাশক্তি আরোপণ করিলে, দেবতার দ্বারা কার্য্য করাইয়া লওয়া যায় ; কিন্তু সে সকল জানিবার আগে, তোমাকে বুঝিতে হইবে, দেবতা কি, স্বর্গ কি ;—মানুষ কি, মর্ত্য কি। ইহা না বুঝিলে, কেমন করিয়া দেবশক্তি বুঝিতে পারিবে ? কেমন করিয়া দেব-শক্তি-বশীকরণ করিতে হয়, কেমন করিয়া

\* Ether vibrations have power and attributes abundantly equal to any demand—even the transmission of thought.—Sir William Crookes.



তাঁহাদের দ্বারায় আপন অভীষ্ট কার্য সম্পাদন করিয়া লইতে হয়,—এ সকল বুঝিতে পারিবে না। অতএব, সর্বাগ্রে সেই বিষয়ের একটু আলোচনা করিতে হইবে। ভরসা করি, তুমি সমাহিত চিত্তে ঐ সকল বিষয়ের তদ্বালোচনায় যত্ববান হইবে।

## দ্বিতীয় পরিচ্ছেদ ।



### প্রকট ভাব ।

শিষ্য । সর্বাগ্রে আমাকে দেবতা কি, তাহাই বুঝাইয়া বলুন। তাহা শুনিবার জন্য আমার অত্যন্ত ইচ্ছা হইতেছে।

গুরু । দেবতা কি, তাহা বলিতে হইলেই আধ্যাত্মিক জগতের আলোচনাও একটু করিতে হইবে। এবিষয় তোমাকে পূর্বে বিস্তৃতরূপেই বলিয়াছি, \* বোধ হয়, তাহা তোমার স্মরণ-পথারুই আছে। তথাপিও সংক্ষিপ্তরূপে এস্থলেও তাহার একটু উল্লেখ করিতে হইতেছে।

এই জগৎ সমস্তই ব্রহ্ম। দেবতা বল, অসুর বল, ভূত বল, মানুষ বল, বৃক্ষ বল, পর্বত বল, জল বায়ু অগ্নি যাহাই কিছু বল,—সমস্তই ব্রহ্ম। তিনি ভিন্ন আর কিছুই নাই।

একমেবাদ্বিতীয়ং সৎ নামরূপবিবর্জিতম্ ।

সৃষ্টেঃ পুরাধুনা পাস্য তাদৃক্তং তদিতীয়াতে ॥

পঞ্চশী ।

“এই পরিদৃশ্যমান নামরূপধারী প্রকাশমান জগতের উৎপত্তির পূর্বে নামরূপাদি বিবর্জিত কেবল এক অদ্বিতীয়

\* মংপ্রণীত “জন্মান্তর-বহন” নামক পুস্তকে।

সচ্চিদানন্দস্বরূপ সৰ্বব্যাপী ব্রহ্ম বিদ্যমান ছিলেন । আর এখনও তিনি সৰ্বব্যাপী ও সেই ভাবেই অবস্থিত আছেন ।”

শিষ্য । কথাটা ভাল করিয়া বুঝিতে পারিলাম না । সৃষ্টির আগে নামরূপবিবৰ্জিত ব্রহ্ম ছিলেন, এবং এখনও সেই ভাবে আছেন,—একথা বলিবার তাৎপর্য কি ? নিগুণ ব্রহ্মই ত মায়া-দ্বারা অন্বিত হইয়া জগৎরূপে দেদীপ্যমান রহিয়াছেন । একথা ত আপনারই নিকটে ক্রত হইয়াছি । এই জগৎ-প্রপঞ্চ মহাদি অণু পর্য্যন্ত, যাহা কিছু দেখিতে পাওয়া যায়, সমস্তই ব্রহ্ম । ভাগবতেও পাঠ করা গিয়াছে,—

“এই বিধ, ভগবান্ নারায়ণে অবস্থিত করিয়াছে, সেই ভগবান্ সৃষ্টি কার্যাদির জন্ত মায়ায় আকৃষ্ট হইয়া বহু গুণাবিত হইয়াছেন ; কিন্তু তিনি স্বয়ং অগুণ হইয়া আছেন।” †

গুরু । আমি পূর্বে সেইরূপ কথাই বলিয়াছি । তবে একটু বিশেষত্ব আছে । সেই বিশেষত্বটুকু এই যে, বিশ্ব, ব্রহ্মে অধিষ্ঠিত এবং ব্রহ্ম, বিশ্বে পরিবর্তিত ; একথা যদি বলা যায়, তাহা হইলে, ব্রহ্ম-স্বরূপত্ব থাকে না । ঘটাদির মুখ্য কারণ মৃত্তিকাদি যেমন ঘটত্বে পরিণত হইলে মৃত্তিকাত্ব থাকে না, সেইরূপ ব্রহ্ম যদি জগতের সূক্ষ্ম কারণরূপে পরিবর্তিত হইয়া আপনাতে এই দেদীপ্যমান জগতের প্রকাশ করেন ; তাহা হইলে, তিনি আপনি বিশ্বরূপে পরিবর্তিত হইলেন, বুঝিতে হইবে । যদি ব্রহ্মের এই পরিবর্তন নিত্য হয়, তাহা হইলে ব্রহ্মের স্বরূপত্ব থাকে না,— একেবারে তিনি গিয়া জগৎ হয় ; প্রলয়ে বিশ্বসমুদয়ের সহিত তিনিও লয় প্রাপ্ত হইবেন । এই জগৎই ক্রতি বলিয়াছেন, “তিনি সৃষ্টির পূর্বেও যেমন ছিলেন, এখনও তেমনই আছেন ।”

† শ্রীমদ্ভাগবত, ২য়, ৬ষ্ঠ, ৩১ শ্লোক, অনুবাদ ।

শ্রীমদ্ভাগবতের যে শ্লোকের অনুবাদ পাঠ করিলে, তাহাতেও ঐকথাই আছে—“তিনি অগুণ হইয়া আছেন ।”

শিষ্য। কোন পদার্থই স্বভাবে থাকিয়া অপর পদার্থের উৎপত্তি করিতে পারে না। সমস্তই ক্রমবিবর্তনে ( Evolution ) অন্তিত হয়। ফুলের কুঁড়ি শতদলে পরিণত হইয়া সৌরভ-সৌন্দর্য্যে জগৎ মাতায়। আবার ফলের সৃষ্টি করিয়া ফুল মরিয়া যায়। ব্রহ্ম, স্বরূপ অবস্থায় বিদ্যমান থাকিয়া, কি প্রকারে বিশ্বের বিকাশ করিলেন।

গুরু। ব্রহ্ম কি কোন দ্রব্য? দ্রব্য-ধর্ম্মও তাহাতে নাই। নাই বলিয়াই, জড়-বিজ্ঞান তাহাকে বুঝিতে পারে না। কিন্তু ইহা বুঝিতে পারে যে, যতদূর আলোচিত হইল, তাহার পরে আরও কিছু থাকিল,—আলোচনার শেষ হইল, কিন্তু আলোচ্য-বিষয়ের শেষ হইল না। যাহা খুঁজিয়াছি—তাহা পাই নাই; কিন্তু খোঁজা শেষ হইয়া গিয়াছে। এত খুঁজিয়া খুঁজিয়া জড় বই আর কিছুই পাইলাম না; কিন্তু শেষ মিটিল না। যে অন্ধকার লইয়া আসিয়াছিলাম, তাহাই লইয়া ফিরিয়া গেলাম। \*

\* পাশ্চাত্য জড় বিজ্ঞানের বিখ্যাত পণ্ডিত হার্বার্ট স্পেন্সার একথা আরও স্পষ্ট করিয়া বলিয়া আক্ষেপ করিয়াছেন,—“শেষ রহস্য যেমন, তদ্রূপই থাকিয়া গেল। জৈবনিক কুট প্রস্রাবলীর মীমাংসা হইল না, কেবল মাত্র ইহাকে পশ্চাতে প্রক্ষেপ করা হইল। আকাশব্যাণ্ড বিক্ষিপ্ত ভৌতিক পদার্থ কোথা হইতে আসিল, নেবুলার মত উহার প্রকৃত কারণ দেখাইতে পারে না। যৌগিক পদার্থ ও বিক্ষিপ্ত পদার্থের কারণ নির্দেশ করা সমান ভাবেই আবশ্যিক। একটি পরমাণুর উৎপত্তি সেইরূপ রহস্যময়, তেরূপ একটি গ্রহের উৎপত্তি রহস্যময়। প্রকৃত কথা বলিতে কি, আমি যাহা লিখিলাম—তাহা

ইহার কারণ এই যে, যে বস্তু খুঁজিতে হইবে, তাহার মত দর্শনশক্তির আবশ্যক হইবে। ব্রহ্মবস্তু-তত্ত্ব অবগত হইতে হইলে, ব্রহ্ম-তত্ত্বের সত্ত্বা-সম্ভাবিত হওয়া প্রয়োজন। যোগী ভিন্ন তাহা সম্ভবে না।

ব্রহ্ম, নামরূপবিবর্জিত। তিনি কিপ্রকার, তাহা বুঝাইবার শক্তি কাহারও নাই। কেহ তাহা অনুভবও করিতে পারে না। বেদান্ত বলেন,—“তিনি সকলের গুণু, সকলি তাঁহার।” কিন্তু সেই তিনি যে কেমন, তাহা বুঝিবার শক্তি কাহারও নাই। তিনি অবাঙ্‌মনসগোচর। তিনি নিগুণ অবস্থায় থাকিয়া সগুণাবস্থার সৃষ্টি করিয়া থাকেন। কেমন করিয়া করেন, তাহাও শ্রুতিতে উক্ত হইয়াছে।

যথোর্ণনাভিঃ সৃজতে গৃহতে চ যথা পৃথিব্যাঃ মোষণয়ঃ সম্ভবন্তি ।

যথা সতঃ পুরুষাৎ কেশলোমানি তথাহক্ষরাৎ সম্ভবন্তীহ বিশ্বম্ ॥

মুক্তোপনিষৎ ।

“উর্ণনাভ যেমন স্বর্গরীরাভ্যন্তর হইতে তত্ত্ব বাহির করিয়া আবার পুনরায় গ্রহণ করে, পৃথিবীতে যেমন ওষধি জন্মে,

হইতে সৃষ্টিচক্রে রহস্য উদ্ভেদ হইল না, অধিকন্তু উহাকে অধিকতর রহস্যময় করিয়া ফেলিলাম।” ইহার ইংরাজীটুকু এই---

“The ultimate mystery continues as ever. The problem of existence is not solved, it is simply removed further back. The Nebular hypothesis throws no light on the origin of diffused matter and diffused matter as much needs accounting for as the concrete matter. The genesis of an atom is not easier to conceive than the genesis of a planet. Nay, indeed so far from making the universe a less mystery than before, it makes it a greater mystery.

জীবিত মানুষ হইতে যেমন কেশলোম উদ্গত হয়, তেমনি সেই অক্ষর ব্রহ্ম হইতে সমুদয় ক্ষর বা বিশ্বের বিকাশ হইয়াছে ।

তিনি কি ভাবে অবস্থিতি করিতেছেন, তাহাও উপনিষদে বর্ণিত হইয়াছে ।

যস্তুর্গনাভ ইব তস্তুভিঃ প্রধানজৈঃ ।

স্বভাবতো দেব একঃ সনাত্বণোৎ ॥ স্বেতাশ্বতরোপনিষৎ ।

“উর্গনাভ ( মাকড়সা ) যেমন আপন শরীর হইতে হস্ত বাহির করিয়া আপনার দেহকে আচ্ছাদিত করিয়া রাখে, পরমায়া তদ্রূপ স্বকীয় শক্তিতে বিশ্বের বিকাশ করিয়া তদ্বারা আপনি আচ্ছন্ন অর্থাৎ আবৃত হইয়া আছেন ।”

“আমি বহু হইব” অথবা “বিশ্ব রচনা করিব” ব্রহ্মের এইরূপ বাসনা সঞ্জাত হইলেই তিনি প্রকট চৈতন্য হইলেন ও সেই বাসনা মূলাতীতা মূলপ্রকৃতি হইলেন । এই মূলপ্রকৃতিরূপিণী আদ্যাশক্তিই জগতের আদিকারণ,—কিন্তু সেই অক্ষর পুরুষ হইতে স্বতন্ত্র । সূর্য যেমন আপনতেজে নিজ হইতে স্থলরূপ জল প্রকাশ করেন, এবং সূক্ষ্মভাবে পুনরায় গ্রহণ করেন, তদ্রূপ ব্রহ্ম তটস্থ হইয়া ঈশ্বর রূপে চৈতন্যের আকর হইলেন । তাঁহার শক্তির ভাব বাসনা, তাঁহাতেই লীন হইতে পারে । যে অংশ বাসনা নাই অর্থাৎ জগৎ নাই, সেই অংশ নিত্য এবং সর্বাধার-রূপে বর্তমান । ইহা বুঝিতে হইলে, যোগশক্তি থাকিবার প্রয়োজন । ইহা তোমার আমার মত বদ্ধ জীবের না বুঝিলেও চলিতে পারে । কল্পজীব, অব্যক্তের ভাব লইয়া কি করিবে ? আর বুঝিবেই বা কি প্রকারে ? আমাদের সম্মুখে অহোরাত্র যে অণু সকল কিলিমিলি করিয়া ঘুরিয়া বেড়াইতেছে, আমাদের স্থল

চক্ষুতে আমরা তাহা দেখিতে পাই না,—পাই না এই জন্য যে, তাহাদিগের রূপের অনুরূপ চক্ষুর সূক্ষ্মশক্তির বিকাশ আমাদের নাই ;—বিকাশ করিতে পারিলে, দেখিতে পাইব ।

গুণ অতিশয় সূক্ষ্মতম পদার্থ,—কাজেই আগে সূক্ষ্মের রাজত্ব, সূক্ষ্ম হইতেই স্থলের বিকাশ হয় । শাস্ত্রে উক্ত হইয়াছে,—

“হে নারদ ! যাহা হইতে এই ব্রহ্মাণ্ড প্রকাশ হইয়াছে, এবং এই ভূতেশ্বর-  
গুণায়ক বিরাটরূপী বিশ্বপ্রকাশ হইয়াছে,—তিনিই ঈশ্বর । সূর্য্য যেমন সর্বত্র  
প্রকাশ হইয়াও সকল হইতে অতিক্রান্ত ভাবে আপন মণ্ডলে রহিয়াছেন,  
ঈশ্বরও সেই প্রকার এই ব্রহ্মাণ্ডরূপী জব্য প্রকাশ করিয়া সকলের অতিক্রান্ত  
ভাবে রহিয়াছেন । শ্রীমদ্ভাগবত, ২য় । ৬ষ্ঠ । ২৩ শ্লোক । অঃ ।

কাল, চৈতন্য, সদসদাঙ্গিকশক্তি—ইহাদিগের মিসনে প্রধান  
ও মহত্ত্ববাবস্থা হয় । সেই অবস্থায় সব, বুদ্ধি ও তমো গুণের  
প্রকাশ হয় । ঐ তিন গুণে ঈশ্বর প্রতিবিম্বিত অর্থাৎ আকৃষ্ট হইলে  
অহঙ্কার প্রকাশ হয় । ঐ অহঙ্কার হইতে সাত্বিক, রাজসিক ও  
তামসিক ভেদে মন, দেবতা, ইন্দ্রিয় ও ভূতাদির প্রকাশ হয় ।  
এই সকল কারণাবস্থায় যখন ঈশ্বরের বাসনা ও স্বরূপ-চৈতন্য  
পতিত না হয়, তখনই ইহাদের অঙ্গীৰ অণু বলে । ইহাই  
ব্রহ্মাণ্ড । তদনন্তর ঈশ্বর স্বরূপ-চৈতন্য ও বাসনার সহিত মিশ্রিত  
হইলে এই বিশ্ব বা বিরাট দেহ প্রকাশ হয় । ব্রহ্মাণ্ডে ও বিশ্বে  
এইমাত্র প্রভেদ । ঈশ্বরের কারণাবস্থার পরিণতির নাম ব্রহ্মাণ্ড  
এবং কার্যাবস্থার পরিণতির নাম বিশ্ব । সূর্য্য যেমন সকলের  
প্রকাশক, কিন্তু সর্বত্র ব্যাপ্তি মত্রে আপন মণ্ডলে রহিয়াছেন  
ঈশ্বরও তদ্রূপ আপনার শক্তিসমূহ হইতে বিশ্ব ও ব্রহ্মাণ্ড প্রস্তুত  
করিয়া তাহাতে প্রকাশ হইয়া স্বরূপে আপনাতে রহিয়াছেন ।



এক্রমে বোধ হয়, তুমি বুঝিতে পারিয়াছ যে, নিগূর্ণ ব্রহ্ম স্বরূপে অবস্থিত থাকিয়া যখন সৃষ্টি করিবার ইচ্ছা করিলেন, তখনই প্রকট অর্থাৎ মণ্ডল স্খর হইলেন । আর জগতের উপাদান কারণ হইলেন, প্রকৃতি । অব্যক্ত সৃষ্টিবীজ ব্রহ্ম-সত্তে নিহিত ছিল,—সেই বীজ হইতে বিশ্বের বিকাশ হয়, এ কথা পাশ্চাত্য বৈজ্ঞানিকগণও যুক্তকণ্ঠে স্বীকার করিয়াছেন । \*

### তৃতীয় পরিচ্ছেদ ।

#### আদ্যাশক্তি ।

শুরু । আমি ইতঃপূর্বে পুরুষ ও প্রকৃতি কি, কিপ্রকারে তাঁহারা সৃষ্টি কার্য্য করিয়া থাকেন, কিপ্রকারে ব্রহ্মা বিষ্ণু ও মহেশ্বরের সৃষ্টি হয়,—সে সমুদয় বিশেষরূপে বুঝাইয়া দিয়াছি, বর্তমানে কেবল দেবতা কি, এবং কি প্রকার আরাধনার তাঁহাদিগকে স্ববশে আনিয়া সাধন-সিদ্ধি লাভ করিতে পারা যায়, তাহাই বলিব ; ইহা তুমি স্মরণ রাখিও । যেহেতু সে সকল বিষয়ের যখন একবার মীমাংসা করা হইয়াছে, তখন আর তাহাতে প্রবৃত্ত হওয়া ভাল নহে,—কেননা, একই বিষয়ের

\* An entire history of any thing must include its appearance out of the Imperceptible and its disappearance into the Imperceptible. Be it a single object or the whole universe, any account which begins with it in a concrete form, is incomplete ; since there remains an era of its knowable existence undescribed and unexplained"—  
H. Spencer.

পুনঃপুনঃ আলোচনা করিতে গেলে, অনেক সময় নষ্ট হইয়া থাকে । \*

শিষ্ণু । আমি পুনরায় আর সে সকল বিষয়ের আলোচনা করিতে চাহি না, পূর্বে যাহা বলিয়াছেন, তাহা উত্তমরূপেই স্মরণ রাখিয়াছি । এক্ষণে জিজ্ঞাস্য এই যে, আপনি যে পুরুষ ও প্রকৃতির কথা বলিলেন, সেই প্রকৃতিই কি আদ্যাশক্তি মহামায়া ?

গুরু । বোধ হয়, তোমার বুদ্ধিতে বাকি নাই যে, ব্রহ্ম বখন নিগুণ নিষ্ক্রিয়, ডখনই তিনি ব্রহ্ম,—আর সগুণ বা প্রকট হইলেই ঈশ্বর বা পুরুষ । আর সেই ইচ্ছা বা বাসনা-শক্তিই প্রকৃতি বা আদ্যাশক্তি মহামায়া । সেই পুরুষ ও প্রকৃতি সর্বত্র-গামী ও সর্ব বস্তুতেই অবস্থিতি করিতেছেন । • ইহসংসারে তদুভয় বিহীন হইয়া কোন বস্তুই বিদ্যমান থাকিতে পারে না । পূর্বেই বলিয়াছি, পরব্রহ্মের সৃষ্টিকারিণীশক্তি হইতে সত্ত্ব, রজঃ ও তমোগুণের উদ্ভব হইলে, তাহাতে ব্রহ্মা, বিষ্ণু, ও মহেশ্বর হইলেন । তাঁহারা সকলেই সর্বতোভাবে ত্রিগুণ সমন্বিত হইয়া সৃষ্টি স্থিতি ও প্রলয় কার্য সম্পাদন করিতেছেন । ইহসংসারে যে যে বস্তু দৃশ্য হইয়া থাকে, তৎসমুদয়ই ত্রিগুণ বিশিষ্ট । দৃশ্য অথচ নিগুণ, এপ্রকার বস্তু জগতে কখনও হয় নাই এবং হইবেও না । পরমাত্মা নিগুণ, তিনি কদাচই দৃশ্য হয়েন না ;—পরম প্রকৃতিরূপিণী মহামায়া সৃজনাদির সময় সগুণা ; আর সমাধি সময়ে নিগুণা হইয়া থাকেন ।

\* এই গ্রন্থ পাঠ করিবার আগে, যৎপ্রণীত "জ্ঞানাত্ম-ব্রহ্মস্মা" নামক পুস্তকখানি একবার পাঠ করিলে ভাল হয় । তাহাতে প্রলয় হইতে জীব-সৃষ্টি কাল পর্যন্ত বিশদরূপে বর্ণনা করা হইয়াছে । সে গুলি না বুঝিলে, এ সকল কথা বুঝিতে গোল বা সন্দেহ হইতে পারে ।



প্রকৃতি অনাদি, অতএব তিনি সততই এই সংসারের কারণ-রূপে বিদ্যমান আছেন, কখনই কার্যরূপ হয়েন না। তিনি যখন কারণরূপিণী হয়েন, তখনই সগুণা, আর যখন পুরুষ-সন্নিধানে পরমাঙ্গার সহিত অভিন্নভাবে অবস্থান করেন, গুণ-ত্রয়ের সাম্যাবস্থা হেতু গুণোদ্ভবের অভাবে তখনই প্রকৃতি নিগুণা হইয়া থাকেন। অহঙ্কার ও শব্দ-স্পর্শাদি গুণসমুদয় দ্বারা ত্রই পূর্ব পূর্ব ক্রমে কারণরূপে এবং উত্তরোত্তর ক্রমে কার্যরূপে পরিণত হইয়া কার্য সম্পাদন করিতেছে, কদাচই তাহার বিরাম হয় না। অহঙ্কার দুই প্রকার, তন্মধ্যে একটি পরাহন্তারূপ সংপদার্থ হইতে উৎপন্ন, অপরটি মহত্ত্ব হইতে উৎপন্ন হইয়াছে। প্রকৃতিই সেই পরাহন্তা সংপদার্থরূপিণী ; বিচারতত্ত্বনিপুণপণ্ডিতগণ সেই পরাহন্তারূপা প্রকৃতিকেই অব্যক্ত শব্দে অবিহিত করিয়া থাকেন, অতএব প্রকৃতিই জগতের কারণ,—অহঙ্কার প্রকৃতিরই কার্য ; প্রকৃতি তাহাকে ত্রি গুণ সমন্বিত করিয়া জগতের কার্যসাধনার্থ প্রতিষ্ঠিত করিয়া রাখিয়াছেন। সেই পরাহন্তা (সমষ্টি বুদ্ধিতত্ত্ব) হইতে মহত্ত্বের উৎপত্তি, পণ্ডিতগণ তাহাকেই বুদ্ধি বলিয়া কীর্তন করিয়াছেন। অতএব মহত্ত্ব কার্য এবং পরাহঙ্কার তাহার কারণ। পরন্তু, মহত্ত্বজ্ঞাত-কার্যরূপ অহঙ্কার হইতে পক্ষীকৃত পঞ্চমহাভূতের কারণ হয়। সমস্ত প্রপঞ্চের উৎপত্তিকালে এই পঞ্চ তন্মাত্রের সাত্ত্বিকাংশ হইতে পঞ্চ জ্ঞানেন্দ্রিয়, এবং রজসাংশ হইতে পঞ্চ কর্মেন্দ্রিয় এবং ঐ তন্মাত্রপঞ্চকের পক্ষীকরণ দ্বারা পঞ্চভূত এবং পঞ্চ ভূতের মিলিত সাত্ত্বিক অংশ হইতে মন উৎপন্ন হইয়াছে। আদি পুরুষ সনাতন কার্যও

নহেন, কারণও, নহেন।—এই প্রপঞ্চ সমুদয়ের কারণ প্রকট পুরুষ এবং মায়া বা আদ্যাশক্তি কার্য।

কিন্তু, এই আদ্যাশক্তি কি প্রকার, তাহা বুঝিবার বা তাঁহার স্বরূপতত্ত্ব জানিবার শক্তি সাধারণ মানবের নাই। জড়-শক্তিতে যে যত পাণ্ডিত্যই থাকুক, জড়াতীত জ্ঞান-শক্তির বিশিষ্ট উন্নতি না হইলে, কেহই এই মূলপ্রকৃতি মহা-শক্তির তত্ত্ব অবগত হইতে পারে না। তোমাদের পাশ্চাত্য-জড়বিজ্ঞানের গুরু হার্বার্টস্পেন্সার কঠোর জড়শক্তির সাধনা-সংগ্রামে প্রবৃত্ত হইয়া যতদূর জড় আছে, ততদূর আলোচনা করিয়াছেন—কিন্তু সে যে কি, তাহা বলিতে পারেন নাই। তিনি বলিয়াছেন, “জড়ও শক্তি, তাহা বুঝিয়াছি,—কিন্তু শক্তি কি তাহা বুঝি নাই”। \* না বুঝিবারই কথা, যোগিগণের ধ্যান-ধারণা ব্যতীত এই সূক্ষ্মতীক্ষ্ম পুরুষ-প্রকৃতির সন্ধান মিলে না।

### চতুর্থ পরিচ্ছেদ।

#### পঞ্চীকরণ।

শিষ্য। গুণত্রয়ের স্বরূপ অহঙ্কার সাত্বিক, রাজস ও তামসভেদে তিন প্রকার, সেই সমুদয়ের স্বরূপগত প্রকার-

\* Supposing him ( he man of science) in every case able to resolve the appearances, properties and movements of things into manifestations of Force in Space and time ; he still finds that force, Space and Time pass all understanding.....First principles. page 66.

ভেদ, গুণত্রয়ের লক্ষণ এবং পঞ্চীকরণ আমাকে একবার বিশদ করিয়া বলুন ।

গুরু । জ্ঞানশক্তি, ক্রিয়াশক্তি ও ইচ্ছাশক্তিভেদে অহঙ্কারের শক্তি তিন প্রকার; তন্মধ্যে সাত্বিক অহঙ্কারের ইচ্ছাজনিকাশক্তি, রাজসের ক্রিয়াজনিকাশক্তি এবং তামসের অর্থজনিকাশক্তি জানিবে । তামসাহঙ্কার সম্বন্ধিনী দ্রব্যজনকশক্তি হইতে শব্দ, স্পর্শ, রূপ, রস ও গন্ধ এবং ঐ সমস্ত গুণ হইতে পঞ্চতন্মাত্র অর্থাৎ সূক্ষ্ম পঞ্চ মহাভূত উৎপন্ন হইয়াছে । আকাশের গুণ শব্দ, বায়ুর গুণ স্পর্শ, অগ্নির গুণ রূপ, জলের রস ও পৃথিবীর গন্ধ, এই সূক্ষ্ম দশটি পদার্থ মিলিত হইয়া পৃথিব্যাদিক্রম কার্যজনিকাশক্তি বিশিষ্ট হয় ; পরে, পঞ্চীকরণ নিস্পাদিত হইলে, দ্রব্যশক্তি বিশিষ্ট তামসাহঙ্কারের অনুরক্তি যুক্ত হইয়া ব্রহ্মাণ্ডের সৃষ্টি কার্য সম্পন্ন হয় । শ্রোত্র, ত্বক্, রসনা, চক্ষু ও ঘ্রাণ এই পঞ্চ জ্ঞানেন্দ্রিয় ; বাক্, পাণি, পাদ, পায়ু ও উপস্থ এই পঞ্চ কর্মেন্দ্রিয় এবং প্রাণ, অপান, ব্যান, সমান ও উদান এই পঞ্চবিধ বায়ু—এই সমুদয় মিলিত হইয়া যে সৃষ্টি হয়, তাহাকে রাজস সৃষ্টি বলে । এই ক্রিয়াশক্তিময় সাধন অর্থাৎ কারণ-সংজ্ঞক ইন্দ্রিয় সকল, আর ইহাদের উপাদান কারণ, ইহাদিগকে চিদানুরক্তি বলে । সাত্বিক অহঙ্কার হইতে পঞ্চ জ্ঞানেন্দ্রিয়ের জ্ঞানশক্তি সমন্বিত পঞ্চ অধিষ্ঠাতৃ দেবতা অর্থাৎ দিক্, বায়ু, সূর্য্য, বরুণ ও অশ্বিনীকুমারদ্বয় এবং বুদ্ধি প্রভৃতি চারি প্রকারে বিভক্ত অন্তঃকরণের চন্দ্র, ব্রহ্মা, রুদ্র, ও ক্ষেত্রজ এই চারি অধিষ্ঠাতৃ দেবতা উৎপন্ন হইয়াছেন । পঞ্চজ্ঞানেন্দ্রিয়, পঞ্চকর্মেন্দ্রিয়, পঞ্চবায়ু ও ক্ষেত্রজ অর্থাৎ মন ইহাই সাত্বিকী সৃষ্টি ।

পূর্বে যে সূক্ষ্ম ভূতরূপ পঞ্চতন্মাত্রের কথা বলিয়াছি, পুরুষ অর্থাৎ ঈশ্বর সেই সকলের পঞ্চীকরণ ক্রিয়াধারা সূক্ষ্ম পঞ্চভূতের উৎপাদন করিয়াছেন । সেই পঞ্চীকরণ কি তাহা বলিতেছি—

মনে কর, উদরু নামক সূক্ষ্ম সৃষ্টি করিবার নিমিত্ত প্রথমে রসতন্মাত্রকে দুইভাগে বিভক্ত কর। হইক, এইরূপে অবশিষ্ট সূক্ষ্মভূতরূপ তন্মাত্রচতুষ্টয়ও পৃথক পৃথক দুইভাগে বিভাজিত হইল। এক্ষণে, পঞ্চভূতের প্রত্যেকের অর্ধভাগ রাখিয়া দিয়া অবশিষ্ট প্রত্যেক অর্ধভাগকে পুনর্ব্যব চারিভাগে বিভক্ত কর, সেই চারিভাগের এক এক ভাগ, নিজের অর্ধাংশে যোগ না করিয়া অল্প অল্প প্রত্যেকেই যোগ কর। এইরূপ করিলে জল ও ক্রিতি আদি সূক্ষ্ম পঞ্চভূতের উৎপত্তি হইবে। এইরূপে জলাদির সৃষ্টি হইলে পর তাহাতে অধিষ্ঠাত্বরূপে চৈতন্য প্রবিষ্ট হন, তখন সেই পঞ্চভূতাত্মক দেহে ‘আমিই পঞ্চভূতাত্মক, দেহ’ এইরূপ তাদাত্ম্য ভাবে সংশয়াত্মক মনো-বৃত্তির উদয় হয়। আকাশাদি ভূতগণ পঞ্চীকরণধারা দৃঢ়ীভূত ও স্পষ্টরূপে প্রকাশিত হইলে, আকাশে এক, বায়ুতে দুই, এইরূপ ক্রমে ভূত সকলে এক এক অধিক গুণ দৃষ্ট হয়। তদনুসারে আকাশের এক শব্দ-গুণ তিন অপর আর কিছুই নাই; বায়ুর শব্দ ও স্পর্শ; অগ্নির শব্দ, স্পর্শ ও রূপ; জলের শব্দ, স্পর্শ, রূপ ও রস এবং পৃথিবীর শব্দ, স্পর্শ, রূপ, রস ও গন্ধ এই পাঁচটি গুণ নির্দিষ্ট আছে। এইরূপে পঞ্চীকৃত ভূতসমূহের মিলন-প্রক্রিয়াধারা এই অখিল ব্রহ্মাণ্ডরূপ ব্রহ্মের বিরাট মূর্তি উৎপন্ন হইয়াছে।

শিষ্য। এইরূপ পঞ্চীকরণ কি আপনিই হইয়াছিল?

গুরু । না,—ইহারা পরম্পর কম্পনাভিধাতে এইরূপ হইয়াছিল ; আর যুলে সেই পরমা প্রকৃতি ছিলেন । শতপথ ব্রাহ্মণে আছে,—

● ছন্দাঃসি বৈ বিশ্বরূপাণি ।

ছন্দের দ্বারা এই বিশ্ব-রূপ প্রকাশ । ছন্দইত স্বর-কম্পন । বেদেও উক্ত হইয়াছে—

“পৃথিবী ছন্দঃ । অন্তরীক্ষং ছন্দঃ । দ্যৌছন্দঃ । নক্ষত্রানি ছন্দঃ । বাক্ ছন্দঃ । কৃষিছন্দঃ । গৌছন্দঃ । অজ্ঞা ছন্দঃ । অশ্বছন্দঃ ।” — গুরু বজুর্বেদসংহিতা ।

পৃথিবী, অন্তরীক্ষ, স্বর্গ, নক্ষত্র, বাক্য, কৃষি, গরু, ছাগল, অশ্ব এ সমুদয় আর কি ? ছন্দ বা স্পন্দন ভিন্ন আরত কিছুই নহে । নিশ্বাস-প্রশ্বাসে, স্বর-কম্পন—“হংস” ইহাই ত জীবাত্মা । শ্বাস বহির্গত হইবার সময় হং ; আর যখন স্পন্দিত দেহে প্রবেশ করে—তখন সঃ । মানব হইতে সমস্ত পদার্থেই এই স্বর-কম্পন । স্বর-কম্পনরোধ হইলেই ভাঙ্গিয়া চুরিয়া, আবার গঠিয়া নূতন স্বর-কম্পনের আশ্রয়ীভূত হয় ।

স্পন্দনবাদ দ্বারা সৃষ্টি-রহস্য সহজেই বুঝা যাইবে । যোগবাশিষ্ঠ রামায়ণে স্পন্দনবাদদ্বারাই সৃষ্টি-রহস্য প্রমাণীকৃত হইয়াছে । কুম্ভকার যষ্টিদ্বারা তাহার কুলালচক্রকে বেগে কাঁপাইয়া দিয়া তদ্বারা মূর্ত্তিকাদিকে ঘট-সরাবে পরিণত করে । কুলালচক্রের অতিরিক্ত কম্পন-কালে বোধ হয় যেন তাহা ঘুরিতেছে—কিন্তু বস্তুতঃ সে কম্পনেরই অধিক বেগ । ধামিষা আসিবার সময় দেখিবে, তাহা কাঁপিতেছে । পাশ্চাত্য বৈজ্ঞানিক পণ্ডিতগণও এক্ষণে এই কম্পনবাদ অতি প্রকার সহিত স্বীকার এবং এতদ্বারা অনেক অদ্ভুত অদ্ভুত ক্রিয়া সম্পাদন

করিতেছেন । এবং ইহার উপরেই ধর্মতত্ত্বকে সংস্থাপন করিতে প্রয়াস পাইতেছেন । \*

### পঞ্চম পরিচ্ছেদ ।

#### মহামায়া ।

শিষ্য । আপনি বলিলেন, সেই আদ্যাশক্তি মহামায়া সর্ব, ব্রহ্মঃ ও তম এই ত্রিগুণ প্রসব করিলেন, অর্থাৎ ব্রহ্মা বিষ্ণু মহেশ্বরেরও জননী হইতেছেন মহামায়া । কিন্তু মায়ার আবার দেবত্ব কি ? মায়ার আবার আরাধনা কি ? মায়া ত মিথ্যা ।

গুরু । মহামায়ার দেবত্ব নাই,—কিন্তু দেবতার উপরেও তিনি । আমি ত পূর্বেই বলিয়াছি, হরি, হর এবং ব্রহ্মারও জননী তিনি,—তিনিই পরব্রহ্মের বাসনা বা চিচ্ছক্তি ।

মায়া বা এষা নারসিংহী সর্বমিদং সৃষ্টি, সর্বমিদং রক্ষতি, সর্বমিদং সংহরতি ; তন্মাৎ মায়ামেতাৎ শক্তিং বিদ্যাৎ । য এতাং মায়াম শক্তিং বেদ স মৃত্যুং জয়তি, স পাপানং তরতি, সোহমৃতত্বঞ্চ গচ্ছতি মহতীং শ্রিয়মশ্নুতে ॥  
তাপনীয়শক্তি ।

“এই নরসিংহ-শক্তিরূপিণী মহামায়াই এই সমুদয় বিশ্বজগতের সৃষ্টি, পালন ও সংহার করিয়া থাকেন, অতএব সাধকের এই

\* The vibratory theory explains all the various potencies of creation. in fact. I believe it to be the key that unlocks the great secret of nature. It explains the nature of love, hate, friendship, light, heat, electricity, chemical combination, mesmerism and in short, every thing when properly understood.—The Religion of the Stars, page 84.



মহতী মায়াশক্তিকে জানা অবশ্য কর্তব্য । যিনি এই মায়াশক্তি জানিতে পারেন, তিনি মৃত্যুকে জয় করেন এবং সমস্ত পাপ হইতে উত্তীর্ণ হইয়া ইহলোকে মহতী সম্পদ ভোগ এবং পরলোকে অমৃত্যু লাভ করেন ।”

ঈং বৈষ্ণবীশক্তিরনন্তবীৰ্য্যা বিশ্বস্য বীজং পরমাসি মায়া, সম্বোধিতং দেবি সমস্তমেতৎ ।

“হে দেবি । তুমি বিশ্বব্যাপিনী অনন্তবীৰ্য্যরূপিণী মহাশক্তি, তুমিই এই বিশ্বের কারণস্বরূপা ; তুমিই মহামায়া, এই সমুদয় সংসার তোমারই মায়াতে বিমোহিত ।”

শিষ্য । অনেকে বলেন, ঐ যে মায়াশক্তি, তাহা জড়মায়া স্বরূপা বৈষ্ণবীশক্তি ।

গুরু । তাহা নহে ।

অধাতোহঘোপনিষদং ব্যাখ্যাস্যামোহথ হোনাং ব্রহ্মরক্কে ব্রহ্মরূপিণী-  
মাপ্নোতীতি তথা ভুবনাধিনরী তুর্যাভীতা বিশ্বমোহিনীতি ।

ভুবনেশ্বরী উপনিষৎ ।

“হে সৌম্যগণ ! তোমরা যখন সম্পূর্ণ অধিকারী হইয়াছ, তখন আমি অবশ্যই তোমাদিগকে সেই পরম সত্ত্ব-নিঃশুণাত্মক ব্রহ্মবিষয়ক উপনিষদ্ বলিব । যিনি এই সমস্ত ভুবনের নিয়ন্ত্রী সেই বিশ্ববিমোহিনী স্বরূপতঃ তুরীয়চৈতন্যরূপিণী । অতএব সেই ব্রহ্মরূপা তোমাদের এই দেহ মধ্যেই বিরাজ করেন, এক্ষণ এই শরীরের অন্তর্কর্তী ব্রহ্মরক্কে অন্বেষণ করিলেই প্রাপ্ত হইবে ।

অতঃ সংসারনাশায় সাক্ষিনীমাত্মরূপিণীম্ ।

আরাধয়েৎ পরাং শক্তিং প্রপঞ্চোন্নাসবর্জিতাম্ ।

শূভ সংহিতা ।

“অতএব, সংসারনাশের নিমিত্ত সেই সাক্ষিনীমাত্রে, সমস্ত

প্রপঞ্চ ও উল্লাসাদি পরিবর্জিত আত্মস্বরূপা পরাশক্তির আরাধনা করিবে ।”

পরা তু সচ্চিদানন্দরূপিণী জগদম্বিকা ।

সৈবাধিষ্ঠানরূপা স্যাৎ জগদ্ভ্রাস্ত্বেচ্চিদাম্বিকা ॥

কন্দপুরাণ ।

“চিদাম্বিকাতো যে এই জগতের ভ্রাস্তি হয়, তদ্বিষয়ে সেই সচ্চিদানন্দরূপিণী পরাশক্তি জগদম্বিকাই অধিষ্ঠান স্বরূপা জানিবে ।”

এতৎ প্রদর্শিতং বিপ্রা দেব্যা মাহাত্ম্যমুত্তমম্ ।

সৰ্ব্ব-বেদান্ত-বেদেষু নিশ্চিতং ব্রহ্মবাদিভিঃ ॥

এবং সৰ্ব্বগতং সূক্ষ্মং কূটস্থমচলং ধ্রুবম্ ।

যোগিনস্তৎ প্রপশ্যন্তি মহাদেব্যাঃ পরং পদম্ ॥

পরাৎপরতরং তদ্বৎ স্বাশ্বতং শিবমচ্যুতম্ ।

অনন্তং প্রকৃতৌ লীনং দেব্যান্তৎ পরমং পদম্ ॥

শুদ্ধং নিরঞ্জনং শুদ্ধং নিশ্চলং দৈন্যবর্জিতম্ ।

অশ্রোপলক্টিবিষয়ং দেব্যান্তৎ পরমং পদম্ ॥

কুর্খ পুরাণ ।

“হে বিপ্রগণ ! দেবীর মাহাত্ম্য ব্রহ্মবিদ্বৎবিগণকর্তৃক পরি-  
নিশ্চিত হইয়া বেদ ও বেদান্ত মধ্যে এইরূপ প্রদর্শিত হইয়াছে  
যে, তিনি একমাত্র অদ্বিতীয় সৰ্ব্বত্রগামী নিজ কূটস্থ চৈতন্য স্বরূপ,  
কেবল যোগিগণই তাঁহার সেই নিরূপাধিক স্বরূপ দর্শন করিতে  
সমর্থ । প্রকৃতি-পরিলীন অনন্ত মঙ্গলস্বরূপ দেবীর সেই পরাৎপর  
তদ্বৎ পরমপদ যোগিগণই নিজ হৃদয়-কমল-मध्ये সাক্ষাৎকার  
করিয়া থাকেন । হে মহর্ষিবৃন্দ ! দেবীর সেই অতীব নিশ্চল  
সতত বিশুদ্ধ সৰ্ব্বদীনতাতিদোষ-বর্জিত নিশ্চল নিরঞ্জন ভাব  
কেবল অশ্রোপলক্টির বিষয় ; একমাত্র বিমলচেতা যোগেশ্বর  
গুরুধেৱাই সেই পরমধাম দর্শন করিয়া থাকেন ।”



নিগুণা সগুণা চেতি দ্বিধা শ্রোক্তা মনীষিভিঃ ।

সগুণা রাগিভিঃ সেব্য৷ নিগুণা তু বিরাগিভিঃ ।

দেবীভাগবত ।

“হে মুনিগণ ! সেই পরব্রহ্মরূপিণী সচ্চিদানন্দময়ী পরা-  
শক্তি দেবীকে ব্রহ্মবাদিমনীষিগণ সগুণ ও নিগুণ ভেদে দুই  
প্রকার বলিয়া কীর্তন করিয়াছেন ; তাহার মধ্যে সংসার-  
আসক্তে সকাম সাধকগণ তাঁহার সগুণতাব, আর বাসনা-বর্জিত  
জ্ঞানবৈরাগ্যপূর্ণ নিৰ্মলচেতা যোগিগণ নিগুণতাব সমাশ্রয়পূর্বক  
আরাধনা করিয়া থাকেন ।”

চিতিস্তৎপদলক্ষ্যার্থা চিনেকয়সরূপিণী ।

ব্রহ্মাণ্ড পুরাণ ।

“চিতি, এই পদ তৎপদের লক্ষ্যার্থবোধক, অতএব তিনি  
এক মাত্র চিদানন্দস্বরূপা ।”

এতাবত্ তোমাকে যাহা বলিলাম, তাহাতে তুমি বোধ হয়,  
বুঝিতে পারিয়াছ, ত্রিগুণপ্রসবিনী সনাতনী মহামায়া প্রকৃতি  
হইতেই সৃষ্টিকর্তা ব্রহ্মার এবং হরি-হরাদি দেবতাগণের সৃষ্টি  
হইয়াছিল ।

শিষ্য । তাহা স্মরণ আছে, কিন্তু এখনও আমার কথা  
আছে । কথাটা এই ;—আপনি পূর্বে বলিলেন, নিক্রপাধিক  
নিগুণব্রহ্মের সৃষ্টির বাসনাই মায়া বা আদিশক্তি ;—কিন্তু এক্ষণে  
শাস্ত্রের যে সকল প্রমাণ শুনাইলেন, তাহাতে একেবারে সেই  
মহামায়াকে নিগুণ ব্রহ্ম বলিয়া গেলেন, ইহার তাৎপর্য্য কি ?

গুরু । নিগুণব্রহ্ম, আর মায়া একত্বসম্পাদক বাক্যার্থ ;  
তাই ঐরূপ বুঝাইয়াছে ;—কিন্তু ফলে দোষ হয় নাই । বিশে-

যতঃ বেদান্তশাস্ত্রে স্পষ্টই উক্ত হইয়াছে—মায়া মিথ্যা ;—কেবল অধিষ্ঠানরূপ ব্রহ্মেতেই মায়া কল্পিত হইয়া থাকে । কাজেই অধিষ্ঠানের সত্তা ব্যতীত মায়ার পৃথক সত্তার প্রতীতি হয় না । তবে এখন মায়াতেই অধিষ্ঠানভূত সত্তারূপ ব্রহ্মেরই উপাসনা সম্ভাবিত বলিয়া স্বীকার করিতে হইবে । ফলতঃ এই আকারে মায়ার স্বরূপত্ব প্রতিপাদন হইলেও কোন বিরোধ সজ্জাটিত হইতে পারে না । কেননা, ব্রহ্ম-উপাসনায় কেবল ব্রহ্মের গ্রহণ না করিয়া, যেমন শক্তির ব্রহ্মাতিরিক্ত সত্তার অভাব প্রযুক্ত শক্তি-বিশিষ্ট ব্রহ্মের গ্রহণ করিতে হইবে, সেইরূপ মায়ায় আরাধনা করিলেই পরব্রহ্ম-সত্তাবিশিষ্ট মায়ার উপাসনা বুঝিতে হইবে । ফল কথা এই যে, যেমন নিকৃপাধিক বিগুহ্ব চৈতন্য স্বরূপ পর-ব্রহ্মের উপাসনা সম্ভবে না, সেইরূপ ব্রহ্মকে ছাড়িয়া, কেবল মহামায়ার উপাসনাও সম্ভবে না । অধিকন্তু, কেবল মায়ার আশ্রয় নাই । তিনি ব্রহ্মেরই আশ্রিতা ।

পাবকস্যোকতেঃ বয়মুকাংশোরিব দীধিতিঃ ।

চন্দ্রস্য চন্দ্রিকেষু শিবস্য সহজা ক্রবা ।

“যেমন অগ্নির উষ্ণতা, কিরণমালীর কিরণমালা, নিশাকান্ত হিমাংশুর জ্যোৎস্না প্রভৃতি স্বভাবশক্তি, সেইরূপ সেই পরাৎপরা পরমাশক্তি শিবময় পরব্রহ্মের স্বভাবশক্তি ।”

স্বপদা স্বশিরশ্চায়ান্ যদমজিতুমীহতে ।

পাদোদ্দেশে শিরো ন স্যাৎ তথেষৎ বৈশ্বকী কলা ।

“যেমন কোন লোক নিজ পদদ্বারা নিজমস্তকের ছায়া লঙ্ঘন করিতে চেষ্টা করিলে, প্রতিপদনিক্বেপেই মস্তকছায়ার বিদ্যমানতা থাকে না, তদ্রূপ এই বিন্দু সম্বন্ধিনী কলাকে জানিবে,

অর্থাৎ পরব্রহ্মকে পরিত্যাগ করিয়া কদাপি ব্রহ্মশক্তির সত্তা থাকিতে পারে না ।”

চিন্মাত্রাশ্রয়মায়ায়াঃ শক্ত্যাকারে দ্বিজোত্তমাঃ ।

অনুপ্রবিষ্টা যা সংবিৎ নির্বিকল্পা স্বয়ম্প্রভা ॥

সদাকারা সদানন্দা সংসারচ্ছেদকারিণী ।

সা শ্ৰীবা পরমা দেবী শিবাভিন্না শিবঙ্করী ॥

“হে দ্বিজোত্তমগণ ! চিন্মাত্রাশ্রিত মায়াশক্তির অবয়বে অনুপ্রবিষ্টে যে সঙ্গীপা সদানন্দময়ী সংসার-উচ্ছেদকারিণী কল্পনাদি-বিরহিতা স্বয়ম্প্রভা চিৎশক্তি, সেই পরমদেবীই পরমশিবরূপিণী ।”

শিষ্য । আরও একটি দুর্বোধ্য কথা আছে ।

গুরু । কি বল ?

শিষ্য । আপনি শাস্ত্রীয় প্রমাণে যাহা ব্যক্ত করিলেন, তাহাতে বুঝিতে পারা গেল,—মায়া নিগুণ পরব্রহ্মেরই শক্তি । কিন্তু প্রকট বা সগুণ ঈশ্বরই পুরুষ এবং প্রকৃতিই তাঁহার শক্তি ; ইহা আগে বলিয়াছেন,—এইরূপ উভয় প্রকার কথাতে আমার ভ্রম জন্মিতেছে ।

গুরু । ভাল করিয়া বুঝিতে চেষ্টা কর না, বলিয়াই কথা-গুলায় গোলযোগ লাগিয়া থাকে । কাষ্ঠধণ্ডে আগুন আছে, কিন্তু যতক্ষণ সে অগ্নি বাহির না হয়, ততক্ষণ কাঠ,—কাঠ । কিন্তু ঘর্ষণেই হউক, আর অন্তবিধ কারণেই হউক, যেই কাঠ জলিয়া উঠে, সেই সে আগুন । মায়াশক্তি ব্রহ্মে আছে—কিন্তু স্তিমিত ভাবে ; যেই মায়াশক্তির বিকাশ হয়, সেই তিনি প্রকট ।

শিষ্য । বুঝিতে পারিলাম না । প্রকট হইলেন কি ব্রহ্ম ?

গুরু । হইলেন, কিন্তু স্বরূপে থাকিয়া ।

শিষ্য । বুঝিতে পারিলাম না ।

গুরু । ব্রহ্ম বস্তু বুঝিবার উপায় নাই । তুমি এখন সেই চিৎখন প্রকট ঈশ্বর, আর চিচ্ছক্তি মহামায়াকে জানিয়া রাখ । জীবের ইহার অধিক বুঝিবার শক্তি নাই বলিয়া সাংখ্যকার কপিলদেব এই পর্য্যন্তই খুঁজিয়াছেন ।

### ষষ্ঠ পরিচ্ছেদ ।

ত্রি-গুণ ।

গুরু । আমি তোমাকে যে আদ্যাশক্তি মূলা প্রকৃতির কথা বলিলাম, তাহা অব্যক্ত ও সূক্ষ্মাতিসূক্ষ্মা । মানুষ উহা ধারণাও করিতে পারে না, মানুষের নিকট উহা সম্পূর্ণরূপে অব্যক্ত । স্ত্রী-অণু যেমন পুংঅণুর সংযোগে পরিণাম প্রাপ্ত হয়, সেইরূপ প্রকৃতি পুরুষের সংযোগে পরিণাম প্রাপ্ত এবং ক্রমবিবর্তিত হইয়া স্থূল প্রকৃতিতে পরিণত হয় । জড় বিজ্ঞানের মতে জড় পদার্থের পরমাণুপুঞ্জ যে প্রকার জড়শক্তির সংযোগে কোষিত ও পরিণত হয়, মূলপ্রকৃতিও তদ্রূপ পুরুষ-সংযোগে কোষিত হইয়া পরিণাম-বিকার এবং বৈষম্য প্রাপ্ত হইয়া থাকেন । তুমি স্মরণ রাখিও— এই সূক্ষ্মাতিসূক্ষ্মা প্রকৃতি আর স্থূলা প্রকৃতি, পৃথক্ । ভগবান্ বলিয়াছেন,—

ভূমিরাপোহনলো বায়ুঃ খং মনো বুদ্ধিরেব চ ।

অহঙ্কার ইতীয়ং মে ভিন্না প্রকৃতিরষ্টথা ॥

অপরেয়মিতস্তন্যাং প্রকৃতিং বিদ্ধি মে পরাম্ ।

জীবভূতাং মহাবাহো যরোদং ধার্যতে জগৎ ।

শ্রীমদ্ভগবদ্গীতা ।

“আমার মায়ারূপ প্রকৃতি, ভূমি, জল, অনল, বায়ু, আকাশ, মন, বুদ্ধি ও অহঙ্কার এই আট প্রকারে বিভক্ত । হে মহাবাহো ! এই প্রকৃতি অপরা ( নিকৃষ্টা ) এতদ্ভিন্ন আমার আর একটি জীব স্বরূপ পরা ( উৎকৃষ্টা চেতনময়ী ) প্রকৃতি আছে ; উহা এই জগৎ ধারণ করিয়া রহিয়াছে ।”

আমি তোমাকে এই পরা প্রকৃতির কথা বলিলাম,—এবং ইহাই বলিয়াছি যে, পরা প্রকৃতিই পুরুষের যোগে ক্রমবিবর্তনের পথে অপরা প্রকৃতি হইল ।

মম যোনির্মহদ ব্রহ্ম তস্মিন্ গর্ভং দধাম্যহম্ ।

সম্ভবঃ সর্বভূতানাং ততো ভবতি ভারত ॥

সর্বযোনিষু কৌন্তেয় মূর্তয়ঃ সম্ভবন্তি যাঃ ।

তাসাং ব্রহ্ম মহদযোনিরহং বীজপ্রদঃ পিতা ॥

শ্রীমদ্ভগবদ্গীতা ।

“হে ভারত ! মহৎপ্রকৃতি আমার গর্ভাধান-স্থান, আমি তাহাতে সমস্ত জগতের বীজ নিক্ষেপ করিয়া থাকি, তাহাতেই ভূত সকল উৎপন্ন হয় । হে কৌন্তেয় ! সমস্ত যোনিতে যে সকল স্থাবর জঙ্গমাশ্বক মূর্তি সম্ভূত হয়, মহৎ প্রকৃতি সেই মূর্তি সমুদয়ের যোনি ( মাতৃস্থানীয় ) এবং আমি বীজপ্রদ পিতা ।”

প্রলয়কালে ব্রহ্মাণ্ড যখন কারণার্ণবে প্লাবিত, ভগবান্ সমস্ত পদার্থের কৰ্ম্মবীজ বা জীব-বীজ নিজ অঙ্গে সংরক্ষিত করিয়া, সেই কারণ-বারিতে শায়িত থাকেন, তখন এই পরা প্রকৃতিও নিশ্চেষ্ট থাকেন, এবং উহার গুণও ক্ষোভিত হয় না, কাজেই পরিণামও প্রাপ্ত হয় না । সে সময়ে ঐ গুণ স্পন্দন রহিত ও মৃতবৎ থাকে । তৎপরে, সৃষ্টির প্রাকালে যখন পুরুষের ভেদ,

মূল প্রকৃতিতে সংক্রামিত হয়, তখনই উহার গুণক্রিয়া আরম্ভ হইয়া ক্রম বিবর্তিত অবস্থা হইতে অবস্থান্তরে গমন করে।

সৎ রজস্তম ইতি গুণাঃ প্রকৃতি-সম্বাঃ।

ঐ মূল প্রকৃতি হইতে সৎ, রজঃ ও তমোগুণের উৎপত্তি হইয়া থাকে।

এই তিন গুণের দেবতা ব্রহ্মা, বিষ্ণু ও মহেশ্বর। এক কথায় ব্রহ্মা, বিষ্ণু ও মহেশ্বর প্রকট ঈশ্বরের তিনটি গুণ-বিভাগ। ঈশ্বরকে জানিতে হইলে, ঐ দেবতাত্রয়কেই জানিতে হইবে। তিন গুণকে না জানিতে পারিলে, সগুণ অর্থাৎ পূর্ণ গুণাতিবিক্ত ঈশ্বরকে জানিবে কি প্রকারে? পাশ্চাত্য দেশের মধ্যে অনেক লোকেও এই ত্রিগুণের ত্রিমূর্তি স্বীকার ও সাধনা করেন। তাঁহারাও বলেন, পরব্রহ্ম অনন্ত, এই হেতু তিনি ‘একমেবাদ্বিতীয়ং’—তিনি সতত প্রকাশশীল এবং পরিবর্তনশীল এজ্ঞ ত্রিমূর্তিধারী।” \*

খৃষ্টিয়ানগণও ঈশ্বরের এই ত্রিমূর্তি স্বীকার করেন। যদিও তাঁহাদের ধর্ম দর্শন-বিজ্ঞানের নিকট যুক্তি দেখাইতে হইলেই অবনতমস্তক হয়, তথাপি এই গুণত্রয়ের ত্রিমূর্তি তাঁহাদের ধর্ম-গ্রন্থে প্রকারান্তরে স্বীকৃত হইয়াছে। তাঁহারা, পিতা পরমেশ্বর ( God The Father ) পুত্র পরমেশ্বর ( God The Son ) এবং কপোতেশ্বর ( Holy Ghost ) বলিয়া ঈশ্বরের ত্রিমূর্তির আভাস প্রকাশ করেন। জ্ঞানপ্রধান বৌদ্ধ ধর্মেও বুদ্ধ, ধর্ম ও সঙ্গ এই ত্রিমূর্তির কথা আছে। ফলতঃ যিনি যে ভাবেই বলুন, মূলে ঈশ্বরের বিকাশিত গুণের স্বতন্ত্র পূর্ণভাবময় শক্তির স্বতন্ত্র বিকাশ ত্রিমূর্তি। স্মরণ রাখিও—ব্রহ্মা, বিষ্ণু এবং শিব ঈশ্বরেরই মূর্তি,—ঈশ্বরই।

\* The Deity is one, because it is infinite. It is triple, because it is ever manifesting.—Secret Doctrine.



## সপ্তম পরিচ্ছেদ ।

### ত্রি-শক্তি ।

পুরু । ঈশ্বরের বাসনা চৈতন্য-মিশ্রণে যে ভাবে ক্রিয়াপর হয়েন, সেই ভাবে শক্তি কহে । স্বতঃ বাসনা চৈতন্যাদি কাল ও সতের সহিত মিলনে যে অবস্থা হয়, তাহাকে বস্তু বলা যাইতে পারে । এক ব্রহ্মই অবস্থাভেদে বস্তু ও শক্তি এই দ্বিবিধ ব্যক্ত ভাবে পরিণত । শক্তি, উপায় নির্ধারণ করিয়া, বস্তুকে লইয়া যে ভাবে জগৎ প্রকাশ করেন, সেই মিশ্র-চৈতন্য ভাবে মায়া বলে । ঐ মায়া দুই ভাগে বিভক্ত । একাংশ শক্তিগত মায়া । অপরাংশ বস্তুগত মায়া । বস্তুগত মায়া পুরুষ এবং শক্তিগত মায়া প্রকৃতি । এই সহযোগে পুরুষ কার্যপর হইয়া জগৎরূপে পরিবর্তিত হইতেছেন ।

জগতের সৃষ্টি, স্থিতি ও সংহার—কার্য জগৎ ব্রহ্মা, বিষ্ণু ও মহেশ্বর রূপ ঈশ্বরের তিনটি গুণ তিনটি শক্তি লইয়া কার্য করিতেছেন । শ্রীমদ্ভাগবতে উক্ত হইয়াছে,—

“হে নারদ ! সেই ঈশ্বর ত্রি-শক্তিধারী হইতেছেন,—  
তাহাকর্তৃক নিয়োজিত হইয়া আমি ( ব্রহ্মা ) সৃজন করিতেছি,  
হর তাঁহার বশীভূত হইয়া সকল বস্তু হরণ করিতেছেন এবং বিষ্ণু  
বিশ্বপালন করিতেছেন ।”

শ্রীমদ্ভাগবত, ২য় স্কঃ । ৬ষ্ঠ অঃ । ৩২ শ্লোকঃ অঃ ।

উপরে ভাগবতের যে শ্লোকটির বঙ্গানুবাদ বলা হইল,  
তাহাতেই সমস্ত কথা বিশদ ভাবে বুঝিতে পারিবে । সপ্তম

ঈশ্বর ত্রি-শক্তিধারী । ত্রি-শক্তি আছে ঈশ্বর, তিনিই ত্রিশক্তি-ধারী । কাল, চৈতন্য ও সৎ এই তিনটি নিত্য চৈতন্যময় বস্তু ক্রিয়াপর অবস্থাই তিনটি শক্তি ! দ্রব্য, জ্ঞান, ক্রিয়া এই তিনটি মায়ার শক্তি । সেই ত্রি-শক্তি মিশ্রিত হইয়া মায়া নামে একটি চৈতন্যাংশ প্রকাশ হইয়া থাকে ।

যিনি পুরুষ ও প্রকৃতি হইতে চৈতন্য-প্রবাহ-বস্তু সংগ্রহ করিয়া, জগৎ প্রকাশের উপযোগী করিতেছেন, তিনি চৈতন্যময় স্বভাব পুরুষ বা ব্রহ্মা । ব্রহ্মা কি পদার্থ, তাহা বোধ হয়, বুঝিতে পারিয়াছ ?

সগুণ ঈশ্বর বিশ্ব পরিপালন করিতেছেন । সর্বতোভাবে আত্মবশ করণের নাম পালন । ঈশ্বর পরম চৈতন্যাবস্থা হইতে জীব বা আত্মারূপে মায়া-মধ্যগত হইয়া মায়ার সকল বিভূতিকে অর্থাৎ ভূত, ইন্দ্রিয় ও মনাদিকে সজীব রাখিয়া আত্মবশ রাখিয়া-ছেন ; এই পালনকর্তা বিষ্ণু । বোধ হয়, বিষ্ণু কি, তাহাও বুঝিয়াছ ।

সগুণ ঈশ্বর হইতে কাল ও অহঙ্কার শক্তির এবং চৈতন্য-প্রবাহিকা শক্তির প্রকাশ হইয়া এই জগৎ সুনিয়মে প্রকাশ হই-য়াছে । সেই কালই হর বা শিব নামে খ্যাত । কাল হরণ-কার্য্য করিয়া থাকেন । সম্মিলিত সমষ্টি হইতে অভীষ্ট ভাগের উদ্ধারকে হরণ কহে । মনে কর, দশ ( ১০ ) হইতে পাঁচ ( ৫ ) উদ্ধার করিতে হইলে দুইটি ( ২ ) পাঁচ প্রকাশ হইলে, পূর্ণ দশ ( ১০ ) সংখ্যার লয় হয় । সেই প্রকার সৎ ও চৈতন্য মিশ্রণ-বস্থাকে কাল, ঈশ্বরের বাসনাজাত উদ্দেশ্যরূপী জীব ও জগৎ প্রকাশ করিবার জন্য চৈতন্য ও সৎকে প্রয়োজন মতে অংশ করিয়া রূপান্তরিত করিতেছেন ।



শিষ্য । ঈশ্বরের এই ত্রিগুণ শক্তি, ঈশ্বরের বশীভূত হইয়াই কি কার্য্য করিয়া থাকেন ?

গুরু । তুমি লিখিতে জান, গান গাহিতে জান, শাস্ত্রপাঠ করিতে জান,—ঐ তিনটি তোমার গুণ বা শক্তি । উহারা কি তোমার বশীভূত থাকিয়া কার্য্য করে না ? কোষাধ্যক্ষ যেরূপ কোষের বশীভূত—তদ্রূপ ইহারা ঈশ্বরের বশীভূত । ঈশ্বরের সগুণ ভাব না পাইলে, কাহারও ক্ষমতা নাই যে, কার্য্যপর হয় ।

ঈশ্বরের উপাধি অমূর্ত মহামায়া ; সেই মহামায়া কেবল ত্রিগুণময়ী সূক্ষ্মাতিসূক্ষ্ম-শক্তি-পুঞ্জীকৃত। সেই আদ্যাশক্তিই সৃজন পালন ও লয় করিবার জন্ত ব্রহ্মা বিষ্ণু ও মহেশ্বরকে কিঞ্চিৎ স্থূল যে যে শক্তির প্রয়োজন, তাহাই দান করেন । তাহা লইয়াই ব্রহ্মা বিষ্ণু শিব স্ব স্ব কার্য্য করেন । ক্রম বিকাশেই শক্তির বিকাশ—বিবর্তবাদেই প্রকৃতির প্রকাশ । ধীরে ধীরে প্রকৃতির ক্রিয়া হয়,—ইহা তোমাদের জড় বিজ্ঞানেরও মত ।

শ্রীমদেবীভাগবতে এই গুণত্রয়ে শক্তিদান ও সূক্ষ্মতাত্ত্বিক আলোচনা সুন্দররূপে প্রকটিত হইয়াছে, তাহারই বঙ্গানুবাদ আমি তোমাকে শুনাইতেছি,—

“সেই আদ্যাশক্তি দেবী ভগবতীকে এইরূপ জিজ্ঞাসা করিলে, তিনি আমাকে ( ব্রহ্মাকে ) মধুর বাক্যে এইরূপ বলিলেন,—ব্রহ্ম! সেই পুরুষের এবং আমার সর্বদাই একত্বভাব, এবং আমাদের কোন ভেদ নাই । যে পুরুষ, সেই আমি ; এবং যে আমি, সেই পুরুষ । তবে যে শক্তি ও শক্তিমানে ভেদ-বুদ্ধি হয়, একমাত্র মতিবিভ্রমকেই তাহার কারণ বলিয়া জানিবে । যে সাধক, আমাদের উত্তরের ( পুরুষ ও প্রকৃতির )

ভেদ বিষয়ক সূক্ষ্মতত্ত্ব বুদ্ধিতে পারে, অর্থাৎ স্বরূপতঃ ভেদ না থাকিলেও কেবল কার্যতঃ ভেদ মাত্র, এইটি যাহার অনুভূত হয়, সেই তত্ত্বজ্ঞ পুরুষই সংসার-বন্ধন হইতে মুক্ত হয়, সন্দেহ নাই। এক অদ্বিতীয় ব্রহ্ম বস্তু আছেন, তিনি নিত্য সনাতন স্বরূপ হইলেও সৃষ্টিকাল উপস্থিত হইলে তিনি বৈধ ভাব প্রাপ্ত হইয়া থাকেন। একমাত্র দীপ উপাধি যোগে বৈধ ভাব প্রাপ্ত হইয়া থাকে। যেমন একমাত্র মুখ, দর্পণরূপ উপাধি যোগে প্রতিবিম্বিত হয়, যেমন একমাত্র পুরুষ ছায়ারূপ উপাধিযোগে দ্বিত্ব প্রাপ্ত হয়, সেইরূপ অন্তঃকরণোপাধিতে প্রতিবিম্বিত হইলেই আমাদের ভেদ প্রতীয়মান হয়। হে ব্রহ্মন্ ! অনাদি ও অনন্তরূপে প্রবহমান এই বিশ্বব্রহ্মাণ্ডের প্রাকৃতিক প্রলয়কালে জীবের অভুক্ত কৰ্ম সমুদয় জগতের বীজরূপে মায়ার সহিত অভিন্ন ভাবেই উহাতেই সংলীন হইয়া থাকে এবং মায়া সমস্ত প্রপঞ্চ বিশ্বব্রহ্মাণ্ড নিঃশেষে গ্রাস করিয়া পরব্রহ্মের সহিত অভেদে অবস্থান করে, তখন ব্রহ্মবস্তু নিস্তরঙ্গ সমুদ্রের স্থায় নিরীহভাবে অবস্থিতি করে। তদনন্তর জীবের সেই কৰ্ম কালযোগে পরিপক হইলে, ক্ষেত্রস্থিত বীজের স্থায় সেই নিরীহ ব্রহ্মবস্তু কাল ও কৰ্মবশে উচ্চুন হইয়া থাকে, সেই জন্ম মায়া সংকোভ প্রাপ্ত হয়। তদনন্তর কৰ্মবীজ যুক্ত সেই মায়া হইতেই বৃক্ষের অঙ্কুর-পত্র-পুষ্প-ফলাদির স্থায় এই বিশ্বপ্রপঞ্চের সৃষ্টি হইতে থাকে। ইহাতে মায়া ও মায়ার কার্যো পরব্রহ্ম অনুসৃত থাকেন; অতএব সৃষ্টির নিমিত্ত মায়ার ষত প্রকার ভেদ হয়, ব্রহ্মবস্তুরও তত প্রকার ভেদ হইয়া থাকে। যখন এইরূপে সৃষ্টি হয়, তখন উক্তরূপে বৈধভাব প্রাপ্ত হইলে দৃশ্য ও অদৃশ্যরূপে সর্বথা প্রভেদ প্রতীত হইয়া থাকে। পরাসন!

একমাত্র প্রলয়কালে আমি, স্ত্রী বা পুরুষ নহি, এবং ক্লীবও নহি, কেবল সৃষ্টি কালেই বুদ্ধি দ্বারা আমার ভেদ কল্পিত হইয়া থাকে । পদ্মজন্মন্ ! আমিই বুদ্ধি, আমিই স্ত্রী, এবং আমিই ধৃতি, কীৰ্ত্তি, মতি, স্মৃতি, শ্রদ্ধা, মেধা, দয়া, লজ্জা, ক্ষুধা, তৃষ্ণা, ক্রমা, ক্রান্তি, কান্তি, শান্তি এবং আমিই পিপাসা, নিদ্রা, তন্দ্রা, জরা ও অজরা ।

\* \* \* পরমেষ্ঠিন্ ! নিত্য স্থিতিশীল ও ক্ষণস্থায়ী অমূৰ্ত্ত প্রভৃতি নিত্যানিত্য পদার্থ সমুদয়ই সকৰ্ত্ত্ব কারণ জন্ম জানিবে ; কিন্তু অহঙ্কার, সেই সমস্ত পদার্থের মধ্যে অগ্রিম অর্থাৎ প্রথমে উৎপন্ন হয় । এইরূপে মহাদাদি সপ্ত পদার্থ প্রকৃতি বিকৃতির সৰ্ব্বপ্রকার ভেদ মাত্র ; তাহাতে বিশেষ এই যে, অগ্রে প্রকৃতি হইতে মহত্ত্ব, মহত্ত্ব হইতে অহঙ্কার, তদনন্তর অগ্ৰাণ্ড সমস্ত ভূতবর্গ,—এইরূপে তুমিও পূর্বের আয় যথাকালে এই ব্রহ্মাণ্ড রচনা করিতে থাক ।

ব্রহ্মন্ ! তুমি এই দিব্যরূপা, চারুহাসিনী, রজোগুণযুতা, খেতাস্বরধারিণী, দিব্যভূষণে ভূষিতা, খেতসরোজবাসিনী, সর-স্বতী নামী শক্তিকে ক্রিয়া-সহচারিণী করিবার নিমিত্ত গ্রহণ কর । এই অত্যাশ্রমা ললনা তোমার প্রিয় সহচরী হইবেন ; ইহাকে আমার বিভূতি জানিয়া সৰ্ব্বদাই পূজ্যতমা বিবেচনা করিবে, কদাচ অবমাননা করিবে না । তুমি ইহার সহিত সত্যলোক গমন কর এবং এক্ষণে তথায় থাকিয়া মহত্ত্ব-রূপ বীজ হইতে চতুর্বিধ জীবনিবহের সৃষ্টি কর । প্রলয়ে ভূত সকল জীব ও কৰ্ম্মসমূহের সহিত মিলিত হইয়া একত্র সংস্থিত রহিয়াছে, তুমি যথাকালে পূর্বের আয় তাহা-দিগকে পৃথক্ পৃথক্ করিও । কাল কৰ্ম্ম স্বতাব এই সকল

কারণে স্বভাবভূত স্বগুণসমূহ অর্থাৎ সঙ্গাদি ও শক্তিাদি গুণ সমস্ত দ্বারা এই অখিল জগৎকে পূর্বের আয় সংযুক্ত কর, অর্থাৎ যাহার যেরূপ গুণ, যাহার যেরূপ প্রারক কৰ্ম, যাহার যেরূপ ফলযোগের কাল, যাহার যেরূপ স্বভাবভূত গুণ, সেইরূপে তুমি তাহাদিগকে ফলপ্রদান করিও ।” \*

তদনন্তর, মহাদেবী বিষ্ণুকে সম্বোধন করিয়া বলিলেন ;—  
“বিষ্ণো ! এই মনোরমা লক্ষ্মীকে গ্রহণ কর, এই কল্যাণ-  
রূপিণী সততই তোমার বক্ষঃস্থলবাসিনী হইয়া থাকিবে, সন্দেহ  
নাই । তোমার বিহারের নিমিত্তই এই সর্বার্থপ্রদায়িনী লক্ষ্মীকে  
তোমাকে অর্পণ করিলাম ।” †

তৎপরে শিবকে সম্বোধন করিয়া মহামায়া বলিলেন ;—  
“হে হর ! এই মহাশ্যামরূপিণী মনোরমা কালীকে গ্রহণ কর,  
তুমি কৈলাসপুরী রচনা করিয়া, তাহাতে ইহার সহিত মহান্থখে  
বিহার কর ।”

“দেবতাদিগের জীবন ধারণের জন্য আমি যজ্ঞক্রিয়ার  
সৃষ্টি করিয়াছি ; পরন্তু, তোমরা তিনজনে সর্বদাই মিলিত  
থাকিয়া পরস্পর অবিরোধে কার্য সম্পাদন করিবে । ব্রহ্মা,  
বিষ্ণু, শিব তোমরা এই তিন জন আমার তিনটি গুণসম্ভূত  
দেবতা, অতএব তোমরা এই সংসারে মাননীয় ও পূজনীয়  
হইবে, সন্দেহ নাই । যে মূঢ়বুদ্ধি মানব, তোমাদের ভেদ করিয়া  
করিবে, তাহারা নিশ্চয়ই নিরয়গামী হইবে ; সন্দেহ নাই ।” ‡

\* শ্রীমদ্দেবী ভাগবত ; ৩ স্কঃ ৬ অঃ ।

† শ্রীমদ্দেবী ভাগবত ; ৩ স্কঃ ৬ অঃ ।

‡ শ্রীমদ্দেবী ভাগবত , ৩ স্কঃ ৬ অঃ ।

## অষ্টম পরিচ্ছেদ ।



### ব্রহ্মা ও সরস্বতী ।

শিষ্য । ব্রহ্মা, বিষ্ণু ও মহেশ্বর এই তিনটি অমूर्ত গুণ,—  
ইহাদিগের আবার বিহারার্থ একটি করিয়া স্ত্রী হইল কেন ?

গুরু । মুখ ! তাঁহারা কি স্ত্রী ?—শক্তি । ব্রহ্মা সৃষ্টি করি-  
বেন, সৃষ্টিকার্যের শক্তির নাম সরস্বতী । বিষ্ণু পালন করিবেন,  
সেই পালন শক্তির নাম লক্ষ্মী । শিব বা মহাকাল সংহার করি-  
বেন, মহাকালের সংহার-শক্তি কালী ।

শিষ্য । তবে তাহা মহামায়া প্রদান করিলেন কেন ?

গুরু । কে দিবে ?

শিষ্য । গুণের সহজাত শক্তি, সুতরাং গুণ হইলে তাহার  
শক্তি ত সঙ্গে সঙ্গেই জন্মে ।

গুরু । তাহা নহে ; বালক জন্মিয়াই বেদপাঠ করিতে  
পারে না, বা হাটিয়া যাইতে পারে না । গুণ অব্যক্ত বীজের স্থায়  
তাহাতে থাকে, কিন্তু ক্রমে শক্তির সাহায্যে তাহার স্ফূর্তি পায় ।  
আর যখনকার কথা হইতেছে, অর্থাৎ সৃষ্টি-প্রারম্ভের কালে কিছুই  
ছিল না ; গুণ ও শক্তির সেই নব বিকাশ । ঐ গুণত্রয় এবং  
শক্তিত্রয় লইয়াই সপ্তলোকের সৃজন, পালন ও লয় সংঘটিত  
হইতেছে । ঐ সূক্ষ্মাদপি সূক্ষ্ম গুণ ও শক্তিত্রয়-ক্রমে সুল হইতে  
আমাদের সুলতর জগৎ পর্যন্ত আসিয়া এই পরিদৃশ্যমান জগৎ  
শোভা পাইতেছে ।

পরমাণু, তন্মাত্রা এবং বিন্দু ইহা লইয়াই জগৎ । পরমাণুকেই

গুণ বলা যায়। আর অহঙ্কারতত্ত্বের আবির্ভাবে তন্মাত্র-সাকল্যে জগৎ সৃষ্ট হয়। বিন্দু, শব্দব্রহ্মের অব্যক্ত ত্রিগুণ এবং চিদংশবীজ। ফলে বিনাশই একার্থ বাচক, এবং বিনাশই নিত্য সূক্ষ্ম শক্তিব্যঞ্জক।

শিষ্য। আমার কথার উত্তর না করিয়া, কতকগুলি অতি-শয় দুর্কোধ্য কথা শুনাইয়া দিলেন।

গুরু। তোমার কথার উত্তর দিব বলিয়াই ঐ কথাগুলার অব-তারণা করিয়াছি। তুমি জিজ্ঞাসা করিয়াছিলে, ব্রহ্মা, বিষ্ণু ও মহেশ্বর প্রভৃতি অব্যক্ত গুণ—তাঁহারা আবার আমাদের মত এক একটি গৃহিণী কাড়িলেন কেন? উহারা স্ত্রী নহেন,—সূক্ষ্ম শক্তি। মহা-মায়া গুণগুলিকে শক্তি-সমন্বিত করিয়া একটু স্থূল করিলেন।

ব্রহ্মা সৃষ্টি করিবেন, তাঁহার সৃষ্টিশক্তি হইলেন, সরস্বতী। সরস্বতী নাদ-রূপিণী—শব্দ ব্রহ্ম; সরস্বতী সেই শব্দ-ব্রহ্মের চিদংশ বীজ।

পরম ব্যোমে (স্থিতা), একপদী বিপদী চতুস্পদী অষ্টাপদী নবপদী এবং সহস্রাক্ষরা হইতে প্রবৃত্তা সে গৌরীদেবতা সলিলসমূহ ভক্ষণ করতঃ (জগৎ) নির্মাণ করিতেছেন। ঋগ্বেদ ৪১ ঋক্।

সায়নাচার্যের অর্থ—

“পরব্রহ্মে প্রতিষ্ঠিতা গৌরবর্ণা বাগ্দেশী সৃষ্টির উপক্রমে সলিল সদৃশ বর্ণ, পদ ও বাক্যসমূহকে সৃজন করিতে করিতে বহু শব্দ প্রকাশ করিয়াছেন। কি প্রকারে? তাহাই বলি-তেছেন,—প্রথমে প্রণব রূপ একপদ ব্রহ্মের মুখ হইতে নির্গত হইয়াছিল, তৎপরে ব্যাহতি ও সাবিত্রীরূপ পাদদ্বয়, অনন্তর বেদচতুষ্টয়াস্বক পাদচতুষ্টয়, অনন্তর বেদাঙ্গ ষট্ ও পুরাণ



এবং ধর্মশাস্ত্র এই অষ্ট, তৎপরে মীমাংসা কৃষ্ণ সাঙ্খ্য যোগ পাঞ্চরাত্র পাণ্ডপত আয়ুর্বেদ ও গন্ধর্ববেদের সৃষ্টিতে নবপাদ বিশিষ্টা এইরূপে বিবিধবাক্যসমূহের সৃজনকারিণী হইয়া অনন্ত হইয়াছে ।

সাং—২য় [ অধিদৈবত পক্ষে ] শক-ব্রহ্মাঙ্গিকা গুরুবর্ণা সরস্বতী দেবী, স্বীয় শকসমূহের অভিধেয় সমস্ত জগৎ পরিচ্ছন্ন করিতেছেন । কি প্রকারে ? জলজন্তু সমস্ত এ জগৎকে স্ব-ব্যাপ্তির দ্বারা নানাবিধ করত [ এক এক বস্তুর বহুতর নাম আছে ; যথা—বৃক্ষ, মহীকুহ শাখী ইত্যাদি । যদিও বৃক্ষ ও মহীকুহের প্রকৃতি প্রত্যয়ানুগত অবয়বার্থ কিঞ্চিদ্বিভিন্ন কিন্তু দেশভেদে যে ভাষা-ভেদ শোনা যায়, তাহাতেও জানা যায় যে, এক এক পদার্থ বহুভাষায় বহুনামে ব্যবহৃত হইয়া থাকে । ] সেই সরস্বতী দেবী, অনন্তাকারা হইতে ইচ্ছা করিয়া ছন্দোভেদে একপদী প্রভৃতিরূপে বর্জনশীলা হওত জগৎ-কারণ পরব্রহ্মে আশ্রিতা রহিয়াছেন ।

সাং—৩য় [ অধিদৈবত পক্ষে ] পরম ব্যোমরূপ অন্তরীক্ষে সমাশ্রিতা গৌরী দেবতা ( বিদ্যুৎ সহচারিণী মেঘবাণী ), এক পা, দুই পা, চারি পা আট পা, নয় পা হইতে হইতে ক্রমে সহস্রপাদ-পরিমিত স্থানে সলিলসমূহ সম্যক্ সম্পাদন-পূর্বক উদক স্রবণের হেতু হওত স্তনিতরূপে প্রকাশ পাইয়া থাকেন ।

সাং ৪র্থ [ অধ্যাত্মপক্ষে ] পরম ব্যোমরূপ অঙ্গদাদির হৃদয়া-কাশে সমাশ্রিতা, ধ্বনি স্বরূপা গৌরীদেবতা, একপদী দ্বিপদী চতুষ্পদী অষ্টাপদী নবপদী হইয়া সহস্র সহস্র অক্ষর ব্যাপিয়া

ঘটাদিবাচক পদসমূহ সম্যক সম্পাদনপূর্বক শকাকারে প্রকাশ  
পাইয়া থাকেন ।

সায়নাচার্য্য আরও বলেন,—“একপদী—ধ্বনিমাত্র রূপে  
দ্বিপদী—স্বস্ত ও তিঙস্ত রূপ পাদদ্বয় বিশিষ্টা । চতুস্পদী—নাম,  
আধাত, উপসর্গ ও নিপাত-রূপ পাদচতুষ্টয়যুক্তা । অষ্টাপদী—  
সপ্ত বিভক্তি ও সম্বোধন-রূপ অষ্টপদান্বিতা । নবপদী—ঐ অষ্ট  
এবং অব্যয়রূপ নবপাদ সমন্বিতা ।”

এক্ষণে, তুমি বোধ হয় বুঝিয়াছ,—ব্রহ্মাদিকে প্রকৃতিদেবী  
যে শক্তি দান করিয়াছেন, সেইশক্তি তাঁহাদিগের স্ত্রী নহেন ।  
কার্য্য-করণাত্মিকা সূক্ষ্মতমা শক্তি । এই শক্তিদ্বারা তাঁহারা সৃজন  
পালন ও লয় করিতেছেন ।

শিষ্য । পুরাণে পাঠ করিয়াছি, ব্রহ্মা চতুস্মুখ । ব্রহ্মাকে  
চতুস্মুখ বলিবার তাৎপর্য্য কি ?

গুরু । পুরাণে রূপক । কিন্তু রূপকেরও একটা মূল-  
ভাব আছে । তোমাকে পূর্বেই বলিয়াছি, এই জগৎ ব্রহ্মারই  
চতুর্কিধ অবস্থা । প্রথম, বিগুহ তুরীয় ভাব সমন্বিত অবস্থা ;  
তৎপরে দ্বিতীয় ফলময় কারণ অবস্থা ; তৃতীয়, কারণময় সূক্ষ্ম  
অবস্থা ; চতুর্থ কার্য্যময় স্থূল অবস্থা । এই অবস্থাচতুষ্টয়ের  
কল্পনাতেই ব্রহ্মার চারি মুখের কল্পনা করা হইয়াছে । আরও  
ব্রহ্মার শক্তি সরস্বতী বাক্যের দেবতা,—বৈদিকমতে সেই বাক্য  
চারিভাগে বিভক্ত ; যথা,—

“বাক্য, চারিপাদ পরিমিত অর্থাৎ চতুর্কী বিভক্তীকৃত ।  
স্বাহারা মনীষী ব্রাহ্মণ, তাঁহারা তৎসমুদয়ই অবগত আছেন



বস্তুতঃ তাহার তিন গুহাতে নিহিত আছে, লুক্কিত হয় না । চতুর্থ মাত্র সাধারণ মনুষ্যে সকলেই বলে ।”—ঋগ্বেদ, ৪৫ শ ঋক্ । সমাধ্যায়ী-অনুবাদ ।

এই হেতুতেও ব্রহ্মার চারি মুখের কল্পনা হইয়া থাকিবে ।

### নবম অধ্যায় ।

কম্পন-বাদ ।

শিষ্য । আদি পুরুষ ব্রহ্মা নাদ-শক্তিদ্বারা কিরূপে স্থূলতা প্রাপ্ত হইলেন, অর্থাৎ সৃষ্টি আরম্ভ করিলেন, তাহা আমাকে বলুন ?

গুরু । বিষয় অত্যন্ত গুরুতর । খুব সাবধানে ইহার আলোচনা করিতে হইবে, এবং যতদূর সরলে ও সহজে বুঝিতে পারা যায়,—তাহা করিতে হইবে । শ্রুতি বলিয়াছেন,—

স তপোহপ্যত । স তপস্তপ্ত্বা শরীরমধুনত ।

তৈঃ আঃ ১।২৩।

“সৃষ্টি করিব মনে করিয়া, তিনি শরীর কম্পিত করিলেন ।”

কম্পনাং । বেদান্ত দর্শন, ১।৩।৩৯

বেদান্ত দর্শনেও বলিয়াছেন, কম্পন হইতেই জগৎ জাত ।

ছন্দাংসি বৈ বিশ্বরূপাণি । শতপথ ব্রাহ্মণ ।

ছন্দই বিশ্ব ।

মা চ্ছক্লঃ । প্রমা চ্ছন্দ । প্রতিমা চ্ছন্দঃ । যজুর্বেদ সংহিতা ।

মা চ্ছন্দ, প্রমা চ্ছন্দ এবং প্রতিমা চ্ছন্দ—ইহা লইয়া যথাক্রমে ভূর্লোক, অন্তরীক্ষলোক ও স্বর্লোক বা স্বর্গ ।

ছন্দের একটা গতি আছে । কিন্তু এই গতিরও একটা নির্দিষ্ট স্থিতি আছে—অর্থাৎ তাল আছে । সুর ও তালবিশিষ্ট বাক্য-সমূহকে ছন্দ বলে । এই ছন্দের অধিষ্ঠাত্রী দেবী সরস্বতী । কেন না, তিনিই বাগ্‌দেবী, অর্থাৎ বাক্য ও সুরের দেবতা ।

বৈদিকমতে \* বাক্য চারিপ্রকারে বিভক্ত । ঋষিগণ বলেন—  
ঔকার একটি, এবং তদ্বাদে মহাব্যাহতিত্রয়ে তিনটি, অর্থাৎ  
ভূঃ—পৃথিবীতে, ভুবঃ অন্তরীক্ষে, এবং স্বঃ—স্বর্গে ।

এখন কথা হইতেছে, এই স্থলে তোমাকে বুঝিয়া রাখিতে হইবে যে, নাদ ব্রহ্ম । এবং ছন্দে সপ্তলোকই অধ্যাসিত পরে একথা পুনরায় পাড়িতে হইবে ।

তোমার ইয়োরোপের বৈজ্ঞানিকগণও এই স্পন্দনবাদ লইয়া খুব আন্দোলন-আলোচনা করিতেছেন । হার্বাট স্পেন্সার রিচমণ্ড প্রভৃতি বৈজ্ঞানিক পণ্ডিতগণ স্পন্দনবাদ বা স্বর-কম্পন লইয়া বিশেষরূপে আলোচনা করিয়া—উহা যে জগতের অন্ততম সূক্ষ্মশক্তি তাহা স্বীকার করিতেছেন ।

এই স্বর-কম্পনই আমাদের মস্তবাদের মূলাত্মিকা শক্তি, তাহা সেই স্থলেই তোমাকে বুঝাইব ।

\* ঋগ্বেদ, ৪৫শ ঋক্ ।

## দশম পরিচ্ছেদ ।

বিষ্ণু ও লক্ষ্মী ।

গুরু । বিশ্বের পালনকর্তা বিষ্ণু বা সত্ত্ব গুণ, এবং সেই গুণ-শক্তি ত্রিভুবন পালনকর্ত্রী লক্ষ্মী । এই অনন্তসত্তা, পুরাণে সহস্রশীর্ষধারী নারায়ণ বলিয়া ব্যাখ্যাত হইয়াছেন । তাহার তাৎপৰ্য্য এই যে,—ব্রহ্মের তিন প্রধান সত্তা জগৎ-ক্রিয়ায় দেখিতে পাওয়া যায় । সং চিৎ ও আনন্দ । সং উপাদান কারণ, চিৎ নিমিত্ত কারণ এবং আনন্দ ভোগকর্তা । ভোগাবস্থায় স্বরূপানুভব অর্থাৎ সকল চেষ্টা, যাহা আনন্দ নামে কীর্তিত, তাহা চরিতার্থ করিতে নিমিত্তকারণের প্রয়োজন হয় ;—উপাদানকারণ, নিমিত্তকারণের সাহায্যে পরিণত হইয়া থাকে । যেমন অগ্নিতেজ, কাষ্ঠখণ্ডকে আশ্রয় করিয়া অগ্নি প্রস্তুতের নিমিত্তকারণ হয় । সেই প্রকার, এই বিশ্ব কার্যরূপী উপাদানসমূহে প্রকাশার্থ চেষ্টা ও নিমিত্তই একমাত্র কারণ-চৈতন্য-সত্তা । সেই চিৎসত্তাই অনন্তশিরোধারী শেষায়ী নারায়ণ বা বিষ্ণু । অনিশ্চিতগতি কাল-শক্তিকেই পুরাণে শেষ নাগ বলিয়া কল্পনা করা হইয়াছে । ধর্ম, অর্থ, কাম, ও মোক্ষ বিষ্ণুর এই চারি হাত । প্রবৃত্তি ও নিবৃত্তি, তাঁহার পদ । চতুর্দশ ভুবনাত্মক সর্কান্ন,—অনন্ত ব্রহ্মাণ্ডের অনন্ত জীবের আধার বলিয়া তাঁহার নাম অনন্তদেব, এবং তিনি অনন্তশীর্ষাপুরুষ । দেবদেহে অহংকারের অর্থাৎ জীবাত্মার আশ্রয়দাতা হইয়া পঞ্চপ্রাণরূপী সর্পের আশ্রয়ে বিষ্ণু সংকর্ষণমূর্ত্তি ধারণ করিয়া আছেন ।

সত্ত্ব গুণে ব্রহ্মাণ্ডের স্থিতি ।

আবির্ভাব-তিরোভাবান্তরালাবস্থা স্থিতিক্রম্যতে ।—কৈয়ট ।

আবির্ভাব ও তিরোভাবের অন্তরাল অবস্থাকে স্থিতি বলে ।  
ব্রহ্মার রজঃগুণ বা চৈতন্য-শক্তিতে বিশ্বের আবির্ভাব, এবং  
শিবের তমঃগুণ বা সংহরণ শক্তিতে বিশ্বের তিরোভাব, ইহার  
অন্তরালেই স্থিতি ।

লক্ষ্মী দেবী এই স্থিতি বা পালন কার্যের শক্তি । লক্ষ্মী  
দেবী মহামায়া বা আদ্যাশক্তির বিক্ষেপ শক্তি । মহামায়ার  
দ্বিবিধ শক্তি \* এক আবরণ শক্তি ; অপর বিক্ষেপ শক্তি ।  
যে শক্তিতে আত্মা কি, আমি কে, জানিতে দেয় না ; তাহাই  
আবরণ শক্তি, আর যে শক্তিতে সৃষ্টি-সামর্থ্য বিদ্যমান, তাহাই  
বিক্ষেপ শক্তি ।

অজ্ঞানবশতঃ রজুতে যেমন সর্পভ্রম হয়, সেই প্রকার আত্ম-  
বিষয়ক অজ্ঞান-আবৃত-আত্মাতে ভ্রময় আকাশাদির সৃষ্টি  
করিরাছে । অজ্ঞানের বে শক্তি দ্বারা সেই প্রকার সৃষ্টি হয়,  
তাহাকেই বিক্ষেপ শক্তি বলে । এই বিক্ষেপ শক্তিই নব্বয়  
ব্রহ্মাণ্ডের স্থিতি করিয়াছে । †

লক্ষ্মীই শ্রী ;—জগতে ভোগৈশ্বর্যের যে কিছু পদার্থ আছে,  
তাহাই লক্ষ্মী । সেই সৌন্দর্য্য-শোভাময় পদার্থ ইত আমাদিগকে  
মিথ্যাভাবে ভুলাইয়া রাখিয়াছে । ভগবান্ বিষ্ণুর সেই বিক্ষেপ

\* অস্যা জ্ঞানস্যাবরণবিক্ষেপনামকং শক্তিদ্বয়মস্তি । বেদান্তসার ।

† এবমজ্ঞানমপি আবৃতানি বশত্যা আকাশাদিপ্রপঞ্চবুদ্ধাবয়তি  
তাদৃশং সামর্থ্যম্ । তদুক্তং বিক্ষেপশক্তিলিঙ্গানি ব্রহ্মাণ্ডান্তং জগৎ সৃজে-  
দিত্তি । বেদান্তসার ।

শক্তিই ত স্থিতির হেতু । টাকা কড়ি বিষয় .বিভব বাড়ী ঘর ছয়ার—ঐ বিক্ষেপ শক্তির প্রভাবেই ত আমাদিগকে রজ্জুতে সর্প জ্ঞানের ন্যায়, মিথ্যা জ্ঞানে ভুলাইয়া রাখিয়াছে । তিনি স্থিতিকারিণী । লক্ষ্মীই ভগবান্ বিষ্ণুর সহিত বিহারে রত থাকিয়া আমাদিগকে ধনাদি দানে লৌহ-শৃঙ্খলে আবদ্ধ করিয়া রাখি-ছেন । তিনিই জগতে ঐশ্বর্য্য ঢালিয়া দিতেছেন । তাই, ভগবান্, লক্ষ্মীবস্তু । তাই, যাহার টাকা আছে, ধন আছে, বিষয় বিভব আছে—ফলকথা যাহার বিক্ষেপ শক্তির যত অধিক বাধন আছে, তাহাকেই লোকে লক্ষ্মীবস্তু বলিয়া থাকে ।

### একাদশ পরিচ্ছেদ ।

#### বিষ্ণুর পশুযোনি ।

শিষ্য । আপনি বলিতেছেন, ব্রহ্মা, বিষ্ণু, শিব সৃষ্টিবিজ্ঞানের ব্রহ্ম-গুণ এবং তাঁহাদিগের হইতেই প্রাথমিক সৃষ্ণ জগতের সৃষ্টি । ইহাত বিজ্ঞানেরই কথা । তবে পুরাণাদিতে, বিষ্ণুর পশুযোনিতে জন্মের কথা দেখিতে পাওয়া যায় কেন ?

গুরু । পশুযোনিতে জন্ম কি ? এমন কি কোনও পুরাণে পাঠ করিয়াছ যে, বিষ্ণু পশুযোনিতে জন্মগ্রহণ করিয়াছেন ? তুমি বোধ হয় বরাহ, কুর্ম, নৃসিংহ প্রভৃতি অবতারের কথা বলিতেছ ?

শিষ্য । হাঁ,—তাহাই বলিতেছি ।

গুরু । অবতার বুঝাইবার সময় এই বিষয় তোমাকে বিশদ

করিয়া বুঝাইতে চেষ্টা পাইব। তবে বিষ্ণুর ঐ বরাহাদি পশুমূর্তিরও রূপকভেদ আছে।

শিষ্য। সে কিপ্রকার, তাহা আমাকে বলুন।

গুরু। কেবল বরাহ কৃষ্ণ প্রভৃতি পাশব অবতারের কথা হয় ত তোমার জানা আছে, কিন্তু যদি শ্রীমদ্ভাগবতাদি পুরাণ মনঃসংযোগপূর্বক পাঠ করিয়া থাক, তবে হয়শীর্ষ (ঘোড়ার মত মাথা) প্রভৃতি আরও কতকগুলি অবতারের কথাও বোধ হয় অবগত থাকিতে পার।

শিষ্য। হাঁ,—তাহাও স্মরণ হইল! ভাল, আমি শ্রীমদ্ভাগবতের সেই অংশটুকুর অনুবাদও না হয় পাঠ করিতেছি,—

“হে নারদ! আমি (ব্রহ্মা) যখন যজ্ঞ করিয়াছিলাম, তখন সেই যজ্ঞে ভগবান্ বিষ্ণু হয়শীর্ষ নামে যজ্ঞপুরুষ রূপে আবির্ভূত হইয়াছিলেন। সেই ভগবানের বর্ণ সুবর্ণের স্থায় ছিল। তিনি শ্বাস-প্রশ্বাস-দ্বারা বেদচ্ছন্দ ও বেদোক্ত যজ্ঞক্রিয়ানমুহ একং বিশ্বের সকল দেবগণের আত্মময় বাক্যসকল প্রকাশ করিয়াছিলেন।”\*

গুরু। উহাতে কিছু বুঝিতে পার নাই?

শিষ্য। আজ্ঞা না।

গুরু। বুঝিবার চেষ্টা কর না, বলিয়াই বুঝিতে পার নাই। ব্রহ্মার যজ্ঞই সৃষ্টির প্রচার। যজ্ঞ সমাপ্ত হইলেই বা যজ্ঞের মন্ত্র কার্য ও উদ্দেশ্য সমাপ্ত হইলেই বিষ্ণু প্রকাশ হইলেন;—ব্রহ্মার সৃষ্টিক্রম যজ্ঞ সমাপ্ত হইবার উপযোগী হইলে, ভগবান্ হয়শীর্ষ

\* শ্রীমদ্ভাগবত ২য় স্ক ৭ম অঃ, ১১ শ্লোকের অনুবাদ।

রূপে তথায় আবির্ভূত হইয়া নিশ্বাস-প্রশ্বাসদ্বারা পূর্বোক্ত ভাব প্রকাশ করিয়াছিলেন ।

হয়শীর্ষ । হয় শব্দের অর্থ ইন্দ্রিয় । কঠোপনিষদে ইন্দ্রিয়-গণকে হয়, বা অশ্ব বলিয়া নির্দেশ করা হইয়াছে,—অশ্বত্রও আছে । পণ্ডিতগণ ইন্দ্রিয়গণকে অশ্বের সহিত তুলনা অনেক স্থলেই করিয়াছেন । তাহার কারণ, ইন্দ্রিয়শক্তির গতিও অশ্বের ন্যায় উদ্যম ও দ্রুত এবং বজ্রাদিদ্বারা বশে রাখিলে, তদ্বারা অনেক শুভকার্য সম্পাদিত হইতে পারে । শীর্ষ অর্থে অগ্রভাগ ।

এক্ষণে, প্রকৃত কথা এই যে,—ব্রহ্মার কারণ-সৃষ্টিই যজ্ঞের প্রথম অবস্থা, এবং কার্যসৃষ্টিই পরিণামাবস্থা । ঐ কার্যই জীব ও জগৎ । এই অবতারের অর্থ এই যে,—বিষ্ণু বা স্থিতির দেবতা, ছুতাদি লইয়া ইন্দ্রিয়ধারী হইয়া জীব হইলেন ।

শিষ্য । অতি সুন্দর কথা । সৃষ্টিতত্ত্বের এত বৈজ্ঞানিক ও সূক্ষ্মযুক্তি অশ্ব কোথাও নাই । ভাগবতের ঐ স্থলে ব্রহ্মা নারদকে আরও কতক গুলি অবতারের কথা বলিয়াছিলেন, আপনি সে গুলিরও অর্থ আমাকে বলুন ।

গুরু । তুমি ঐ সম্বন্ধে এক একটি শ্লোক বল,—আমি এক একটির ব্যাখ্যা করি ।

শিষ্য । “হে নারদ ! যুগান্ত-সময়ে জগতের সকল জীব-সংযুক্ত পৃথ্বীময় নৌকার সহিত মনুকে গ্রহণ করিয়া, ভগবান্ বিষ্ণু মৎস্যরূপে মদীরমুখনিঃসৃত বেদমার্গে গ্রহণপূর্বক সেই জীবময় নৌকায় প্রদান করিয়া প্রলয়-সলিলে বিহার করিয়াছিলেন ।” \*

\* শ্রীমদ্ভাগবত ; ২য় স্ক., ৭ম অঃ, ১২শ শ্লোকের অনুবাদ ।



গুরু । জীব অর্থে অদৃষ্ট বা কর্ষ; ইহারই বশে মনুষ্য, পশু, পক্ষী প্রভৃতির জন্ম । পৃথিবীর অর্থে এখানে সর্বভূত-কারণময় । সকল জীবের যে স্বাভাবিকী জ্ঞান—তাহাই বেদ, ( বিদ ধাতুর অর্থ জানা ) প্রলয় হইবার সময়, ভগবান্ আত্মদত্ত কাল কর্ষ স্বভাব ও মায়ী সমুদয় সংহরণপূর্বক আপনাতে সংরক্ষণ করিয়া থাকেন । জীবপ্রকাশক শক্তির নাম মনু । জীবাদি কর্ষ ও অদৃষ্ট, আর ভূতাদির সূক্ষ্ম কারণই মায়ী, বা কারণবারি ; ইহাতে প্রলয়কালের কথা বুঝা যাইতেছে, অর্থাৎ ভগবান্ প্রলয়কালের অস্ত্রে সেই কারণবারি হইতে মনুকে বা জীব প্রকাশিকা শক্তিকে ( অব্যক্ত অদৃষ্ট বীজ ) গ্রহণপূর্বক বেদ বা স্বাভাবিক জ্ঞান তাহাতে অর্পণপূর্বক সৃষ্টির বিকাশ করিয়াছিলেন । ভগবান্ তখন মৎস্য অবতার—কেননা, তিনি তখন মৎস্য অর্থাৎ সমভাবাপন্ন ।

শিষ্য । “হে নারদ ! যখন অমর ও দানবগণ অমৃত লালসায় ক্ষীরসমুদ্রকে মন্দর পর্বতদ্বারা মন্বন করেন; তখন আদিদেব ভগবান্ বিষ্ণু কূর্ষ মূর্তি ধরিয়া পৃষ্ঠোপরি পর্বতকে ধারণ করিয়াছিলেন । তাহাতে সেই পর্বত-ঘর্ষণ যেন তাঁহার পক্ষে নিদ্রাবস্থার গাত্রকণ্ঠন সদৃশ সুখময় হইয়াছিল ।” \*

গুরু । পূর্ব জীবের অব্যক্ত বীজভাবও জ্ঞানস্থিত হইয়া জড়ে অস্থিত হইল ; ইহাই বলা হইয়াছে । কিন্তু সে জীব কে ? জীবও ঈশ্বর । জড়ে অস্থিত বলিয়া জীবেশ্বর । এক্ষণে তাহার পরের অবস্থা, এই অবতारे বলা হইতেছে । কূর্ষ অর্থে স্বকীয় ইচ্ছার আত্মপ্রকাশ এবং স্বইচ্ছার তাহার লয় । ঈশ্বর সগুণ

\* শ্রীমদ্ভাগবত ; ২য় স্ক, ৭ম অঃ, ১৩শ শ্লোক ।



হইয়া আপনাতে লীন কারণসমূহ হইতে সৃষ্টি করিতে আপনিই নিরত হইলেন । দেব ও দানবগণ অমৃতামৃত তখন উন্মত্ত । তাহারা সৃষ্ট হইয়াছে—কিন্তু অমৃত বা প্রকৃতসুখ কি ? তত্ত্ব কি ? তাই ভগবানের কচ্ছপাকৃতি—সংহরণ ও বিকাশ দেখান, ইহাই সৃষ্টিও লয়ের কথা ।

শিষ্য । “হে নারদ ! দেবগণের ভয় নাশ করিবার জন্ত সেই ভগবান্ বিষ্ণু স্বয়ং নৃসিংহমূর্তি ধারণপূর্বক, ভীষণ ক্রকুটী সংযুক্ত করালবদন সমন্বিত দৈত্যেন্দ্রকে ত্বরায় গদাঘাতে ভূমিতে নিপাতিত করিয়া, তাহাকে আপন উরুদেশে ধারণ করতঃ নখদ্বারা বিদীর্ণ করিয়াছিলেন ।” \*

গুরু । ইহা কারণ জগতের বাহিরের কথা,—ইহা জৈবিক দেহতত্ত্ব । হিরণ্যাক্ষ ও হিরণ্যকশিপু ইহারা দুই ভাই । শাপে দৈত্যবংশে জন্মগ্রহণ করে, এবং ইহাদিগের স্বভাবই এই যে, ইহারা ভগবানের সহিত শত্রুতা করিবে,—সেইরূপ বন্দোবস্তই ছিল । ইহার প্রকৃত ভাব এই যে, অবিদ্যাগর্ভজাত যে রিপু, সে ভগবানের শত্রু ; কিন্তু ভগবানের শত্রু কেহ নহে, হিরণ্যাক্ষ ও হিরণ্যকশিপুও ভগবানের দ্বাররক্ষক দ্বারী ছিল,—ভগবান্কে লোকে সহজে না দেখিতে পার, এইজন্যই দ্বারী, কিন্তু ব্রাহ্মণের দর্শনে দ্বারী \* বিরোৎপাদন করিয়াছিল ; তাই ব্রাহ্মণে শাপ দিয়াছিলেন । সেই জন্যই দুই ভ্রাতার জন্ম । প্রবৃত্তি তমোগুণা হইলে অবিদ্যা নাম ধারণ করে ;—চৈতন্য যখন ঐ প্রবৃত্তি দ্বারা আরোপিত হয়, তখন তমোগুণী হইয়া থাকে । ✓

এখন, চৈতন্য তমোগুণে আকর্ষিত হইলে, একাংশে জগতের

লোপ হয়, অর্থাৎ প্রলয় প্রকাশ হয় । অপরাংশে জীবের নাশ হয় । হিরণ্যাক্ষ যে ভাগের সংজ্ঞা, সেই ভাগ প্রথম এবং তমো-  
গুণী, যে চৈতন্যাংশ অজ্ঞানরূপে জীবের লয় সাধন করে, তাহাই  
হিরণ্যকশিপু । আর সাধকের যে বিধাস, তাহাই প্রহ্লাদ নামে  
আখ্যাত । অজ্ঞান আত্মদর্শন করিতে বাধা জন্মায়, ইহাই হিরণ্য-  
কশিপুর দেব-পীড়ন । সাধক যখন উপাসনা অবলম্বন করেন, তখন  
পরম চৈতন্য তাঁহাদের সন্নিহিত-আত্মদর্শন প্রদান করেন, এবং  
অজ্ঞানকে নাশ করেন,—এই অজ্ঞান নাশই হিরণ্যকশিপুর  
নাশ বৃত্তিতে হইবে ।

শিষ্য । আর একটি বরাহরূপ আছে ।

গুরু । হাঁ,—তাহারও ঐরূপ নিগূঢ় অর্থ আছে । বরাহ  
অবতার হইয়া কি করিয়াছিলেন ? না,—কারণার্ণবনিমগ্না বসুন্ধ-  
রাকে দ্রুপ্তদ্বারা উদ্ধার করিয়াছিলেন । জীব, স্বীয় কৰ্মফলের  
বীজ লইয়া প্রলয়কালে কারণবারিতে নিমজ্জমান ছিল,—বরাহ  
হইয়া তাহা উদ্ধার করিয়াছিলেন । বরাহ এখানে কীর্ত্তমান কাল ।  
দিক্, কাল প্রভৃতি সমস্তই ঈশ্বর, তাহা পূর্বেই বলিয়াছি ।

### দ্বাদশ পরিচ্ছেদ ।

শিব ও কালী ।

শিষ্য । শিব তমোগুণময় ;—তমোগুণে জগতের সংহার  
কার্য্য হয়, তাহা বৃত্তিতেছি ; কিন্তু জিজ্ঞাসা করি, শিব অর্থে মঙ্গল,  
যিনি সংহার করিবার দেবতা, তিনি মঙ্গলময় হইবেন কেন ?

গুরু । তুমি কি বুঝিতেছ যে, শিব কেবল সংহারকার্য্য করিবার জন্তই তাঁহার সংহার-ত্রিশূল উত্তত করিয়া বসিয়া আছেন ? পুরাণে তাঁহাকে পরমযোগী বলিয়া উল্লেখ করিয়াছেন । রত্নাকর তাঁহার ভাগুরী, কৈলাসের ন্যায় মনোহর পুরী তাঁহার আবাসস্থলী, কিন্তু তিনি সে সকলের কিছুই চাহেন না । কিছুতেই দৃকপাত করেন না । তিনি শ্মশানবাসী—চিতাভস্ম গাত্রে লেপন করেন, নরকপালে পানাহার করেন, নরাস্থিমালা ভূষণ করেন, এবং ভাং ধুতুরা খাইয়া মত্ত থাকেন । কেন, যিনি ঈশ্বরের মহাগুণ—সংহরণ শক্তিতে যিনি শক্তিমান্—এক কথায় ঈশ্বরের অংশ বা মহান্ ঈশ্বর, তাঁহার এমন ভাব কল্পিত হইল কেন ?

তিনি সর্কসাক্ষী কাল । কাল দুই প্রকার,—অখণ্ড কাল, ও খণ্ড কাল । যাহা অখণ্ড কাল,—তাহাই মহাকাল,—মহাকালে অনন্ত ব্রহ্ম ব্যাপ্ত ; অনন্ত দেশ ব্যাপ্ত মহাকাশ,—তাহা নিগুণ । আর যাহা সগুণ, তাহাই খণ্ড কাল ;—তাহাই জ্ঞানাধিগম্য ; তাহাই জগতের কৰ্ম্মহেতু । মহাকাল হইতেই সৃষ্টি স্থিতি সংহার-রূপী কাল । এই কালই শিব । সত্ত্ব, রজঃ ও তমগুণ যখন নিগুণে মিলিত,—স্তুমিত, তখনই মহাকাল ; আর যখন গুণত্রয় পৃথক, তখনই খণ্ড কাল । এই কালই শিব ।

শিব সংহার করেন, তবে মঙ্গলময় শব্দ বাচক নাম হইল কেন, ইহাই প্রশ্ন করিয়াছিলে ?

শিষ্য । আজ্ঞা হাঁ ।

গুরু । তুমি প্রত্যহ একরাশ অন্ন সংহার করিয়া থাক, তুমি কি অমঙ্গলময় ?

শিষ্য । আমি যে অন্ন খাই, তাহার উদ্দেশ্য আছে ।

গুরু । উদ্দেশ্য কি ?

শিষ্য । অগ্নের সংহার করিয়া শরীরের পুষ্টি সাধন করি ।  
নতুবা আমি বাঁচিলাম না,—অগ্নের সংহারে আমার দেহের পুষ্টি,  
আমার পরমায়ুর রক্ষা এবং অগ্নের সহিত অধ্যাসিত অব্যক্ত বীজ  
গ্রহণ করিয়া, রমণী-গর্ভ-কটাছে প্রদান করিয়া জীবের জনন  
ক্রিয়া সম্পাদন করিতে পারি ।

গুরু । শিব যে সংহার করেন, তিনিও তাহাতে সৃষ্টি স্থিতি  
করিয়া থাকেন । ঐ দেখ; কুমুমটি ফুটিয়া রূপে রসে গন্ধে ফুলিয়া  
উঠিয়াছে, কালপূর্ণ হইলেই কাল উহাকে সংহার করিবেন, ফুল  
মরিয়া ফল হইবে,—ফলের বীজে বৃক্ষ হইয়া আবার সহস্র সহস্র  
ফুলের উৎপত্তি করিবে । এইরূপেই মঙ্গলময় শিব সংহরণ কার্যে  
ত্রিজগতের মঙ্গল সাধন করিতেছেন । জীবের দেহেও এইরূপ  
প্রতিনিয়ত সৃষ্টি স্থিতি ও সংহার কার্য হইতেছে । সেই  
গুণত্রয়—সেই ব্রহ্মা, বিষ্ণু, শিব প্রতিনিয়তই ভূভুবঃস্বঃ এই  
তিনলোকের মহাদাদি অণু পর্য্যন্ত সমস্ত পদার্থে সমস্ত জীবে  
এইরূপে প্রতিনিয়ত সৃষ্টি স্থিতি সংহারের কার্য করিতেছেন ।

শিবের এই সংহরণ শক্তির নাম কালী । সৃষ্টি স্থিতি সংহার  
কার্য তালে তালে সম্পাদিত হইয়া থাকে । জগতের কোন  
কার্যই বেতালে সম্পাদন হয় না । যুগ হইতে যুগান্তর  
তালে তালে আসিতেছে, ঘাইতেছে—আবার আসিতেছে ।  
বৎসরের পর বৎসর, মাসের পর মাস, দিনের পর দিন, প্রাতঃ-  
কালের পর সন্ধ্যা, আঁধারের পর জ্যোৎস্না সকলই তালে তালে  
আসে যায় । শৈশবের পর কৌমার, কৌমারের পর যৌবন,  
যৌবনের পর প্রৌঢ়, প্রৌঢ়ের পর বৃদ্ধ—তাও তালে

তালে—তাই কালশক্তি কালী, তালে তালে নৃত্য করিয়া থাকেন ।

তাই ভক্তগণ প্রাণ ভরিয়া ভক্তি-গদগদ কর্তে বলিয়া থাকেন—

“একবার নাচ দেখি মা ।”

তাই, প্রকৃতির সিদ্ধ-সাধক ভক্ত রামপ্রসাদ গাহিয়াছেন,—

“দোলে দোলে রে আনন্দময়ী করাল-বদনী শ্যামা” ।

পূর্বেই বলিয়াছি, বিশ্ব ছন্দময়; কাজেই সৃষ্টি-স্থিতি-বিধারিনী কালী নৃত্যময়ী । মূলা প্রকৃতি হইতে স্কুলা প্রকৃতির পার্থক্য এই যে, মূলা-প্রকৃতি ত্রিগুণ প্রসবিনী—আর স্কুলা-প্রকৃতি স্কুলজগতের প্রসবিনী—অর্থাৎ বিশ্বপ্রসবিনী আমাদের মা । মূলাপ্রকৃতি যখন ব্রহ্মে লিপ্তা, তখন তিনি সাম্যা ও নিষ্ক্রিয়া এবং গুণ বিরহিতা ; আর স্কুলা-প্রকৃতি যখন শিবে সংস্থিতা, তখনই গুণময়ী এবং বিশ্ব-প্রসবিনী । তিনি সেই কালের বক্ষে দাঁড়াইয়া তালে তালে নৃত্য করত ত্রিজগৎ স্পন্দিত করিয়া সংহারের পর সৃষ্টি করিতেছেন, ফুল মরিয়া ফলের সৃষ্টি করিয়া তদ্বীজে জগৎ পূর্ণ করিতেছেন ;—রক্তবীজ বধ করিয়া, রক্তভরা লহ-লহ জিহ্বায় সেই তাথেই তাথেই নৃত্য করিতেছেন ।

দেবীর রক্তবীজ বধোপাখ্যানেই আমার কথার প্রমাণ পাইবে । জগতে সকলেই রক্তবীজ,—তুমিও রক্তবীজ, আমিও রক্তবীজ ; আর ঐ প্রস্ফুটিত ফুলও রক্তবীজ । রক্ত অর্থে রাগ বা অনুরাগ । অনুরাগেতেই আমরা রক্তবীজ,—দেবী আমাদেরকে সংহার করিতেছেন, কিন্তু আমরা রক্তবীজ—একের বীজে সহস্র সহস্রের উদ্ভব হইতেছে । কেবল বিরাগীই ( যোগী ) রক্তবীজ নহেন । রক্তবীজের রক্ত যদি পৃথিবীতে না পড়ে, তবেই আর রক্তবীজের সৃষ্টি হয় না,—পৃথিবী অর্থে ক্ষেত্র । তাই দেবী

নিজ করাল বদন বিস্তার করিয়া লেলিহান জিহ্বার উপরে রক্ত-বীজ বধ করেন ।

দৈত্যকুল দেবদেবী হইলে, সৃষ্টির বৈষম্য সাধন করিলে, তিনি দৈত্য-শক্তিকে সংহার করেন,—সংহার করিয়া আবার গড়েন,—সংহারে একেবারে যায় না, মন্দকে ভাল করাই সংহারের উদ্দেশ্য । অসংকে সং করাই সংহারের লক্ষ্য—তাই ত্রিগুণ-ময়ী কালী আমাদের মঙ্গলময়ী ; তাই হিন্দু, সেই কাল-শক্তিকে কালের বক্ষে নৃত্য করিতে দেখিয়া, পূজা করিয়া গলদক্ষ লোচনে প্রণাম করেন,—

সর্বমঙ্গলমঙ্গল্যে শিবে সর্বার্থসাধিকে ।

শরণ্যে ত্র্যম্বকে গৌরি নারায়ণি নমোহস্ত তে ॥

ত্রয়োদশ পরিচ্ছেদ ।

কালীরূপ ও শিবলিঙ্গ ।

শিষ্য । আপনি বলিতেছেন, ব্রহ্মের প্রকৃতি সূক্ষ্মা,—আর শিবের প্রকৃতি স্থূলা,—সেই স্থূলা প্রকৃতিই কালী । অর্থাৎ সেই সূক্ষ্মা প্রকৃতিরই বিকাশ স্থূলা প্রকৃতি । তাহা হইলে কালী অর্থে, আমাদিগের এই পরিদৃশ্যমান জগতের অন্তঃপ্রকৃতিও বলা যাইতে পারে ?

গুরু । নিশ্চয়ই । শাস্ত্রে তাঁহাকে জগন্ময়ী বলিয়াই আখ্যাত করিয়াছেন । মহানির্বাণ তন্ত্রে কালীতন্ত্র নামকে এই প্রকার বর্ণিত হইয়াছে,—



উপাসকানাং কার্যায় পুরৈব কথিতং প্রিয়ে ।  
 গুণক্রিয়ানুসারেণ রূপং দেব্যাঃ প্রকল্পিতম্ ॥  
 শ্বেতপীতাদিকো বর্ণো যথা কৃষ্ণে বিলীয়তে ।  
 প্রবিশন্তি তথা কাল্যাং সৰ্বভূতানি শৈলজে ॥  
 অতন্তস্যাঃ কালশক্তেনিগুণায় নিরাকৃতেঃ ।  
 হিতায়াঃ প্রাপ্তযোগানাং বর্ণঃ কৃষ্ণে নিরূপিতঃ ॥  
 নিত্যায়াঃ কালরূপায়া অব্যয়ায়াঃ শিবাস্তনঃ ।  
 অমৃতদ্বারলাটেহস্যাঃ শশিচিহ্নং নিরূপিতম্ ॥  
 শশিসূর্য্যাগ্নিভিনির্ভৈতারখিলং কালিকং জগৎ ।  
 সম্পশ্যতি যতন্তস্মাৎ কল্পিতং নয়নত্রয়ম্ ॥  
 গ্রসনাং সৰ্বসম্বানাং কালদন্তেন চৰ্ব্বণাৎ ।  
 তদ্রক্তসজ্জো দেবেশ্যা বাসোক্রপেণ ভাবিতম্ ॥  
 সময়ে সময়ে জীব রক্ষণং বিপদঃ শিবে ।  
 প্রেরণং স্ব-স্ব-কার্যেবুবরশ্চাত্মসীরিতম্ ॥  
 রজোজ্জনিতবিধানি বিষ্টভ্য পরিভিষ্ঠতি ।  
 অতো হি কথিতং তদ্রে রক্তপদ্মাসনস্থিতা ॥  
 ক্রীড়ন্তং কালিকং কালং পীড়া মোহময়ীং সুরাম্ ।  
 পশ্যন্তী চিন্ময়ী দেবী সৰ্বাসাক্ষিধরূপিণী ॥  
 এবং গুণানুসারেণ রূপাণি বিবিধানি চ ।  
 কল্পিতানি হিতার্থায় ভক্তানাং মনোমেষসাম্ ॥

মহানির্বাণ তন্ত্র, ১৩ শ উদাস ।

“মহাদেব বলিলেন, প্রিয়ে ! আমি পূর্বেই বলিয়াছি যে, উপাসকদিগের কার্যের নিমিত্ত গুণ ও ক্রিয়ানুসারে দেবীর রূপ করনা হইয়া থাকে । হে শৈলজে ! শ্বেত পীত প্রভৃতি বর্ণ সকল যেরূপ একমাত্র কৃষ্ণবর্ণে বিলীন হয়, তাহার স্থায় সমুদয় পদার্থ কালীতে বিলীন হইয়া থাকে । এই অমৃত খাহারা যোগী,



তাঁহারা সেই নিগুণ, নিরাকার, বিশ্বহিতৈষী কালশক্তিকে কৃষ্ণবর্ণে কল্পিত করিয়াছেন । তিনি কালরূপিণী, নিত্য, অব্যয়া ও কল্যাণময়ী ।—অমৃতত্ব প্রযুক্ত ইহার ললাটে চন্দ্রকলা কল্পিত হইয়াছে । সতত চন্দ্র, সূর্য ও অগ্নি দ্বারা কাল-সম্পূত এই জগৎ দৃশ্যমান হইতেছে বলিয়া যোগিগণ তাঁহার ত্রিনয়ন কল্পনা করিয়াছেন । সর্বপ্রাণীকে গ্রাস ও কালদন্তে চৰ্চণ করেন বলিয়া, জীবের রুধিরসঞ্চিত, সেই মহাকালীর রক্তবস্ত্র রূপে কল্পিত হইয়াছে । হে শিবে ! তিনি বিপদ হইতে সময়ে সময়ে জীবগণকে রক্ষা ও স্ব স্ব কার্যে প্রেরণ করেন বলিয়া, তাঁহার হস্তে বর ও অভয় শোভা পাইতেছে । হে ভদ্রে ! তিনি রজো-গুণোজাত বিশ্বে অধিষ্ঠান করেন বলিয়া, তাঁহার রক্ত-পদ্মাসনে অধিষ্ঠান কথিত হইয়াছে । মোহময়ী সুরা পান করিয়া কালিক জগৎ ভক্ষণপূর্বক কাল ক্রীড়া করিতেছেন, চিন্ময়ী সর্বসাক্ষি-স্বরূপিণী দেবী ইহা দর্শন করিয়া থাকেন । সামান্য জ্ঞানসম্পন্ন ব্যক্তিদিগের হিতসাধনোদ্দেশে উক্ত গুণানুসারে সেই মহাকালীর রূপ কল্পনা করা হইয়াছে ।”

মহাকালী সহস্কে যাহা জানিবার প্রয়োজন, তাহা প্রায় সম-স্তই, উহাতে বর্ণিত হইয়াছে । সেই চিন্ময়ী অরূপা প্রকৃতির কেন রূপ কল্পনা করা হইয়াছে, তাহাও বুঝাইয়া দেওয়া হই-য়াছে । অতএব, তুমি যাহা জিজ্ঞাসা করিয়াছিলে, বোধ হয় তাহার উত্তর হইয়া গিয়াছে ।

শিষ্য । হাঁ, যাহা জিজ্ঞাসা করিয়াছিলাম, তাহা বুঝিতে পারিলাম । কিন্তু আপনার কথিত তত্ত্বে উক্ত হইয়াছে যে, অল্পমেধাবী ব্যক্তিগণের জন্য দেবীর নানাবিধা মূর্তি কল্পিত

হইয়াছে । কিন্তু জ্ঞানী জনগণ কি, সে রূপ বা মূর্তি মান্য করিবে না ?

গুরু । একথা তোমাকে আমি পরে বুঝাইব । কেন না, আগে সমস্ত দেবতত্ত্ব না বুঝিতে পারিলে, আরাধনাতত্ত্বও ভালরূপে বুঝিতে পারিবে না ।

শিষ্য । আপনি যাহা ভাল বুঝেন, তাহাই করুন । কিন্তু আর একটি কথা ।

গুরু । কি বল ?

শিষ্য । হিন্দু জাতির ব্রাহ্মণ হইতে ক্ষত্রিয়, বৈশ্য ও শূদ্রাদি স্ত্রী পুরুষ এবং সমস্ত বয়স ভেদেই শিব লিঙ্গ পূজনের ব্যবস্থা ও প্রচলন দেখা যায়,—শিবলিঙ্গ অর্থে কি ?

গুরু । তুমি বোধ হয় লিঙ্গ অর্থে নিকৃষ্টতম স্থূল ইন্দ্রিয়-বিশেষের কথা বুঝিতেছ ? তোমার মত অনেকেই বোধ হয়, তাহাই ভাবিয়াও থাকে । কিন্তু কি মহাতুল !

শিষ্য । তাহা ভাবিবার কারণও আছে ।

গুরু । কি ?

শিষ্য । যেরূপ ব্যাপারে ঐ লিঙ্গ গঠনাদির প্রমাণ আছে, তাহাতে ঐরূপ জ্ঞান করিবারই সম্ভাবনা ।

গুরু । সে ব্যাপার কি ?

শিষ্য । শিবলিঙ্গের গঠনপ্রণালীর নিয়মে আছে,—

লিঙ্গস্য যামৃগ্ বিস্তারঃ পরিণাহোহপি তাদৃশঃ ।

লিঙ্গস্য দ্বিগুণা বেদী যোনিস্তদর্কসম্মিতা ॥

সর্বতোহঙ্গুষ্ঠতোহঙ্গুং ন কদাচিদপি কচিৎ ।

রত্নাদিষু চ নির্মাণে মানমিচ্ছাবশাদ্ভবেৎ ॥ তন্ত্রম্ ।

“লিঙ্গের পরিমাণানুসারে তাহার বিস্তার করিবে । লিঙ্গ পরিমাণের দ্বিগুণ বেদীর পরিমাণ করিবে । যোনির উর্দ্ধ পরিমাণে যোনির পরিমাণ জানিবে । কোন পরিমাণ অক্ষুণ্ণ পরিমাণের কম করিবে না । রত্নাদি দ্বারা লিঙ্গ নির্মাণ স্থলে কোন পরিমাণের নিয়ম নাই, আপনার ইচ্ছানুসারে লিঙ্গের পরিমাণ স্থির করিবে ।”

পুরাণেও আছে,—

শিবলিঙ্গস্য যন্মানং তন্মানং দক্ষসব্যয়োঃ ।

যোশ্চগ্রমপি যন্মানং তদধোহপি তথা ভবেৎ ॥ লিঙ্গপুরাণ ।

“শিবলিঙ্গের যেরূপ পরিমাণ, তাহার বাম দক্ষিণেও সেইরূপ পরিমাণ, জানিবে । এবং যোনির যে প্রমাণ, তদধোভাগেরও সেই প্রমাণ জানিবে ।”

শিবলিঙ্গের নিম্নভাগে যে স্থলভাগ আবরণ থাকে, তাহাকেই বোধহয় যোনিপীঠ বলে । অনিয়াছি, ইহাকে গৌরীপীঠও বলে ।

গুরু । ইহাতেই বুদ্ধি ঐরূপ কদর্থের বিশেষ প্রমাণ পাইয়াছ ? শাস্ত্র-দর্শনের অভাবেই হিন্দু ইহায় ও হিন্দুর নিগূঢ় তত্ত্বজ্ঞানে বঞ্চিত আছ । শাস্ত্র বলেন—

তালয়ং লিঙ্গকিত্যাহ্ন লিঙ্গং লিঙ্গমুচ্যতে ।

যস্মিন্ সর্কানি ভূতানি লীয়ন্তে বুদ্ধ দা ইব ॥

“লিঙ্গ বা ইন্দ্রিয়বিশেষকে লিঙ্গ বলে না,—আলয়কে এ স্থলে লিঙ্গ বলিয়া জানিবে । আলয় অর্থাৎ সর্কভূত যাহাতে লয় প্রাপ্ত হয়,—সমুদ্রে যেমন সমুদ্রোখিত বুদ্ধ লয় প্রাপ্ত হয়, তদ্রূপ শিব ইহাতে উদ্ভূত বুদ্ধ স্বরূপ জীব সমুদয় যাহাতে লয় হয়, তাহাকে লিঙ্গ বলে ।”

অনুভব আছে,—

প্রত্যহং পরমেশানি যাবজ্জীবং ধরাতলে ।

পূজয়েৎ পরয়া ভক্ত্যাঃ লিঙ্গং ব্রহ্মময়ং শিবে ॥

“যাবৎ ধরাতলে জীবিত থাকা যায়, তাবৎ প্রত্যহ ব্রহ্মময় শিবলিঙ্গের পূজা করিবে ।”

ব্রহ্মময় শিবলিঙ্গ বলায়, ইহাই বুঝাইতেছে যে, উহা শিবের নিকৃষ্টতম অঙ্গবিশেষ নহে, উহা ব্রহ্মময় পদার্থ। শ্রুতিতেও বলা হইয়াছে,—

অঙ্গুষ্ঠমাত্র পুরুষঃ । কঠ শ্রুতি ।

পরম পুরুষ শিব সর্বময় হইলেও তিনি সাধকের হৃদয়-মধ্যে অঙ্গুষ্ঠ পরিমিত স্থানেই অবস্থিত,—কেননা, মহাকাশ তখন ঘটাকাশে পরিণত। সর্বব্যাপক ঈশ্বর, তখন জীবেশ্বর হইয়া জীবের হৃদয়দেশে অবস্থিত,—তাই তিনি লিঙ্গ। প্রমাণান্তর যথা,—

আকাশং লিঙ্গমিত্যাহঃ পৃথিবী তস্য পীঠিকা ।

প্রলয়ে সর্বদেবানাং লয়নাল্লিঙ্গমুচ্যতে ॥

“আকাশ লিঙ্গ এবং পৃথিবী তাঁহার আসন,—মহাপ্রলয়ের সময়ে দেবতাগণের নাশ হইয়া একমাত্র লিঙ্গরূপী মহাদেব বর্তমান ছিলেন,—অতএব লিঙ্গ বলিয়া অভিহিত হইয়াছেন ।”

আর গৌরীপীঠ বা যোনীপীঠ অর্থে নিকৃষ্টতম স্ত্রী-ইন্দ্রিয়-বিশেষ নহে। যাহা হইতে অনন্ত ব্রহ্মাণ্ড প্রসূত হইয়াছে, তাহাই যোনীপীঠ। স্মৃতসংহিতায় উক্ত হইয়াছে,—

সদাশিবত্বং যৎ প্রাপ্তঃ শিবঃ সাক্ষাৎপাধিনা ।

সা তস্যাপি ভবেচ্ছক্তিস্তয়া হীনো নিরর্থকম্ ॥

শিব নিগূর্ণ, কিন্তু মায়ার দ্বারা উপাধি বিশিষ্ট হইয়া সগুণ

হয়েন, অতএব শক্তিহীন শিব নিরর্থক—অর্থাৎ সান্ত জীবের পক্ষে সেই অনন্ত অবগুই নিরর্থক । ব্রহ্মের গুণই শিব, কিন্তু যদি শক্তি বা মায়া কর্তৃক উপাধিযুক্ত না হয়েন, তবে গুণের অবলম্বন কোথায় ? অবলম্বনহীনতায় কাজেই তিনি আবার নিগুণ । নিগুণ হইলেই কাজেই নিষ্ক্রিয়, তাহা হইলে শিবের শিবত্বই নাই । মহিমাষিত শঙ্করাচার্য্যও বলিয়াছেন,—

শিবঃ শক্ত্যা যুক্তো যদি ভবতি শক্তঃ প্রভবিতুম্ ।

শিব যদি শক্তিযুক্ত হয়েন, তবেই তাঁহার প্রভাব ; নতুবা তিনি শব্দ বা নিষ্ক্রিয় ।

শ্রুতিও বলিয়াছেন,—

যন্মসান মনুতে যেনাহম নোমতম্ ।

তদেব ব্রহ্ম তদ্বিদ্ধি নেদং যদিদমুপাসতে ॥

ব্রহ্ম নিগুণ,—নিগুণের উপাসনা সম্ভবেনা, অতএব শক্তি সহযোগে তাঁহার উপাসনা করিতে হয় । তাই লিঙ্গময় শিবের সহিত যোনীপীঠ বা শক্তিপীঠের সংস্থাপন ।

এক্ষণে বুঝিয়া দেখ, সান্ত জীব সেই অনন্ত ঈশ্বর এবং সূক্ষ্ম মূল-প্রকৃতিকে ধ্যান ধারণার বিষয়ীভূত করিতে পারে না, কাজেই এই গুণেশ্বর ও সূক্ষ্ম-প্রকৃতির আরাধনা করিয়া কৃতার্থ হইবে না কেন ? সেই জগুই অধিকারভেদবিরহিত এই লিঙ্গরূপী শিবের ও শিবশক্তি কালিকার আরাধনা করিবার বিধি-ব্যবস্থা প্রচলন আছে ।

ইতি প্রথম অধ্যায় ।



## দ্বিতীয় অধ্যায় ।

### প্রথম পরিচ্ছেদ ।

#### ব্রহ্মার সৃষ্টি ।

শিষ্য । এক্ষণে, আমাকে উপদেশ দিন, ব্রহ্মা কারণ শরীর গ্রহণ করিয়া, প্রথমে কি প্রকারে সৃষ্টি আরম্ভ করিলেন ?

গুরু । ঈশ্বরের নাভিপদ্ম হইতে ব্রহ্মার উৎপত্তি হয় । ঈশ্বর জগতের কারণ স্বরূপ,—তাই প্রলয়কালে তিনি কারণ বারিতে প্রসুপ্ত । সেই কারণের জগৎ তাঁহারই সৃষ্টি,— সেই কারণ জগৎ পদ্ম স্বরূপ । পদ্ম অর্থে ব্রহ্মাণ্ডের আভাস । ব্রহ্মা স্বয়ং সমস্ত কারণ ও শক্তিসমূহের দ্বারা সৃষ্টি-স্বভাব প্রাপ্ত হইয়া, আপনার অধিষ্ঠান রূপ জগতের সূক্ষ্ম আভাস পদ্ম লইয়া সৃষ্টি আরম্ভ করিয়াছিলেন । ঐ পদ্ম সূক্ষ্ম কারণ-সমূহের সহিত সৃষ্টির চতুঃসীমায় ব্যাপ্ত হইয়া রহিয়াছে । ঐ সমুদায়ের সাহায্যে পূর্বকালের লীন লোকসমূহ কল্পনা করিতে আরম্ভ করিলেন । অর্থাৎ ঈশ্বরের ইচ্ছা, ব্রহ্মারূপী আত্মা, শক্তি ও কারণাদির সংযোগে পদ্মের যে অবস্থা হইল, তাহাই প্রলয়ে

বৃত্ত জগৎরূপী বৃক্ষের বীজ স্বরূপ হইল। এই বীজ হইতে পরবর্তী জগৎ-বৃক্ষ প্রকাশ হইতে আরম্ভ হইল।

একটি অশ্বখ-বীজের উপমা লও,—যখন ফুল ছিল, বীজের সম্ভাবনা কোথায়? কয়েকটি শোভাময় দলমাত্র, ক্রমে তাহাতে ফল হইয়া বীজ হইল,—বীজের যাহা খোসা ভূষি তাহাতে এমন কি আছে, যাহাতে ঐ প্রকাণ্ড মহীরুহের সৃষ্টি হইয়াছে। এমন কিছু যদি রাসায়নিক বিশ্লেষণে বাহির করিতে না পার, তবে চারি পাঁচ দিন মাটির মধ্যে থাকিয়া এক দিনে অর্দ্ধহস্ত পরিমিত বৃক্ষাকুর কোথা হইতে বাহির হইল; এবং ক্রমে তাহা কোন অজানা শক্তির প্রভাবে গগন ছাইয়া উঠিয়া পড়িল। ঐ ক্ষুদ্র সর্বপ-পরিমিত বীজের মধ্যে বৃহৎ অশ্বখবৃক্ষ কারণ রূপে নিহিত ছিল। প্রকৃতির সহায়তায় সেই কারণ হইতে বৃক্ষের উৎপত্তি হইল।

ব্রহ্মা, সেই কারণ-বীজ, নিজ শক্তি বা প্রকৃতির সাহায্যে জগতের আত্মস্বরূপে বিরাজিত হইলেন। শ্রীমদ্ভাগবতে ব্রাহ্মী সৃষ্টি এইরূপে বর্ণিত হইয়াছে;—

“ব্রহ্মাও শ্রীনারায়ণে চিত্ত আবিষ্ট করিয়া, তাঁহারই আদেশানুসারে শত বৎসর দিব্য তপস্যা আচরণ করিলেন। সেই অহুষ্ঠিত তপস্যা এবং আত্মাশ্রয়িনী বিদ্যা-বলে তাঁহার বিজ্ঞানবল বৃদ্ধি পাইয়া উঠিল। তখন তিনি নিজের অধিষ্ঠানভূত পদ্ম ও সলিলকে, প্রলয়কাল-বলে হীতবীৰ্য্য বায়ুদ্বারা কম্পিত হইতে দেখিয়া সলিলের সহিত ঐ বায়ু আচমন করিলেন।

অনন্তর, স্বয়ং যে পদ্মে উপবেশন করিয়াছিলেন, সেই পদ্মকে



আকাশব্যাপী নিরীক্ষণ করিয়া চিন্তা করিলেন,—যে সকল লোক ইতিপূর্বে বিলীন হইয়াছে, আমি ইহা দ্বারাই ঐ সকলকে পুনর্বার সৃষ্টি করিব । \*

কর্তব্য বিষয়ে নারায়ণ স্বয়ং ব্রহ্মাকে নিযুক্ত করিয়াছিলেন । আর, তিনি যে পদে উপবেশন করিয়াছিলেন, তাহা দ্বারা চতুর্দশ এবং তদপেক্ষা অধিকতর লোকও সৃষ্টি হইতে পারিত । অতএব, পিতামহ ঐ পদের মধ্যে প্রবেশ করিয়া উহাকে লোকত্রয়ে বিভক্ত করিলেন । জীবগণের যে সকল ভোগ্যস্থান প্রত্যহ বিরচিত হইয়া থাকে, এই লোকত্রয় ঐ সকলের মধ্যেই এক রচনাবিশেষ । ব্রহ্মলোক নিকাম ধর্মের ফল স্বরূপ ।”†

বিজ্ঞানবিৎ পণ্ডিতেরা স্থির করিয়াছেন যে, প্রত্যেক বস্তুর নিয়ন্তা আত্মা এবং আত্মাও কোন নৈসর্গিক স্বভাব দ্বারা নিয়োজিত । সেই নিয়োগ-স্বভাবকে ঈশ্বর-স্বভাব বলে । সেই স্বভাব দ্বারা আত্মা বা আত্মারূপী ব্রহ্মা কাল ও বাসনা সহকারে জগৎ ও জীবরূপী হইয়া ঈশ্বরের লীলা সাধন করিয়া থাকেন । চতুর্দশ ভুবনের অধিক ভূবন বলিবার তাৎপর্য এই যে, জগতে চতুর্দশ ভূবন বিজ্ঞান কর্তৃক স্থিরীকৃত হইয়াছে ।

• কিন্তু ভাগবতকার পদের আভাস তদতিরিক্ত যদি থাকে, তাহা আজিও বিজ্ঞানের যুক্তিতে আইসে নাই—এমন যদি হয়, তাহাতেই উক্ত হইল, চতুর্দশ কি ততোধিক ।

ব্রহ্মা, তাহাকে অর্থাৎ সেই পদকে জগৎরূপে প্রকাশ করি-

\* পূর্বে যে কম্পনের কথা বলা হইয়াছে, এই সৃষ্টিবিজ্ঞানে তাহারই সমর্থন হইতেছে ।

† শ্রীমদ্ভাগবত ; ৩য় স্ক, ১০ অঃ ।

বার জন্ত তাহার মধ্যে চৈতন্য বা আত্মারূপে গমন করিয়া, প্রথমে তিন ভাগে বিভাজিত করিলেন, সেই তিন বিভাগে “ভূঃ ভুবঃ স্বঃ” হইল । ভূলোকে লীলা, ভুবলোকে কারণের অবস্থান এবং স্বর্লোকে চৈতন্যশক্তির অবস্থান । অর্থাৎ ভূমিতে জীবলীলা, ভুবতে জীবের কারণ এবং স্বর্গে স্ব শক্তিতে আত্মাবস্থান । এই তিনটি অবস্থা দ্বারা জীব ভোগ মাত্র করিতে পারিবে,— মুক্ত হইতে পারিবে না । আহার, নিদ্রা, ভয়, ক্রোধ ও মৈথুন এই পাঁচটি মায়াধর্মকে ভোগ বলে । জীবগণ ঐ ভোগদ্বারা জন্মমৃত্যুর অধীন হইয়া লয় ও সৃষ্টি হইয়া থাকে । এই ভোগবাসনা বিবর্জিত হইলে তবেই মোক্ষ হয় ।

ফলকথা, এই যে ব্রহ্মার সৃষ্টি ত্রিলোকের কথা বলা হইল,— এই ভূভুবঃ—ইহা কাম্য কর্মের ফল স্বরূপ । স্মৃতরাং প্রতি-কল্পেই ইহার উৎপত্তি ও ধ্বংস হইয়া থাকে । কিন্তু সত্যলোক ব্রহ্মলোক এবং মহর্লোক প্রভৃতি লোকসমূহ নিষ্কাম-ধর্মের ফল স্বরূপ ; স্মৃতরাং তাহারা নষ্ট নহে । সে সকল দ্বিপরাঙ্ক বৎসর স্থায়ী । তাহার পরে, তত্তৎস্থাননিবাসী ব্যক্তিদিগের প্রায়ই মুক্তি হইয়া থাকে ।

শিষ্য । আপনি এখন যে, কালের কথা বলিলেন,—সে কি সেই কাল বা শিব ।

গুরু । হাঁ ।

শিষ্য । কাল বা শিব সংহার করেন,—ইহাই জানি । তিনি সৃষ্টি কার্যও করেন ?

গুরু । আমি যাহা বলিয়াছি, তাহা বুঝিতে পার নাই, তাই পুনরায় ঐরূপ বলিতেছি । পূর্বে তোমাকে বলিয়াছি,

জগতের সৃষ্টি কারণকে মহত্ত্ব বলে । সেই মহত্ত্ব হইতে জগৎজাত ভূতসংমিশ্রণ পর্যন্ত যে পরিণাম কার্যদ্বারা জগৎ ও জীব প্রকাশ এবং সক্রিয় হইতেছে, সে সমস্ত অবস্থা যে পরম শক্তি দ্বারা পালিত হইতেছে, সেই ঐশীশক্তিকে কাল কহে ।

জীবন সংযুক্ত এই যে, কারণাদির সংযোগজাত বিখলীলা— এই কার্যটি ঈশ্বর সেই কালদ্বারা আত্মা ( ব্রহ্মাকে ) কর্তা করত অধিক করিয়া থাকেন । এই যে, গুণময় কর্মময় ও নিগুণ অবস্থাপন্ন ঐশী তেজ তাহাকেই কাল বলে,—ইহাই শিব বা সৃষ্টি-স্থিতি-লয়ের কর্তা ।

ব্রহ্মা, এইরূপে ভূভুবঃ স্বঃ এই ত্রিলোকের সৃষ্টি করিয়াছিলেন,—ইহাই ব্রহ্মার সৃষ্টি । ইহাতে এই ত্রিলোকের সৃষ্টি ভাগের সৃষ্টি হইয়াছিল । এই অদৃষ্ট সৃষ্টি শক্তিকেই দেবতা বলা যাইতে পারে ।

## দ্বিতীয় পরিচ্ছেদ ।

### দেবত্ব ।

শিষ্য । বড় কঠিন সমস্যা । যে বিষয় লইয়া আলোচনা করা যাইতেছে, তাহা বড়ই কঠিন ;—সুতরাং একই বিষয় পুনঃপুনঃ জিজ্ঞাসা করাতে আপনি বিরক্ত হইবেন না । ব্রহ্মা যে, ভূভুবঃ স্বঃ এই ত্রিলোকের সৃষ্টি ভাব সৃষ্টি করিলেন,—সেই অদৃষ্ট সৃষ্টি শক্তিই দেব-শক্তি বলিয়া আপনি ব্যাখ্যা করিলেন, কিন্তু সে সৃষ্টি শক্তি জিনিষটা কি, তাহাই আমি এখনও বুঝিতে পারি নাই ।

গুরু । তোমাকে আমি প্রথমেই বলিয়াছি, জগৎ ব্রহ্মেরই বিকাশ । তাঁহার সৃষ্টি করিবার বাসনা লইয়া তিনি স্বরূপ থাকিয়া সগুণ পুরুষ হইলেন । সেই প্রকৃতি ও পুরুষের সংযোগে গুণত্রয়ের সমুদ্ভব হইল । সেই তিনগুণের শক্তি-সংযোগে সূক্ষ্ম জগৎয়ের সৃষ্টি হইল । সেই সূক্ষ্ম জগৎ কি ? না, জগতের উপাদান—অর্থাৎ জগৎ যাহাতে অবস্থিত বা জগতের যাহা বীজ স্বরূপ । তাহা কি, সে কথাও তোমাকে পূর্বে বলিয়াছি,—সে পঞ্চ মহাভূত । সেই পঞ্চ মহাভূতের পক্ষী-করণে স্থূল জগতের প্রকাশ । পঞ্চ মহাভূতের যে সূক্ষ্মাংশ, তাহাই স্থূল জগতের সৃষ্টিকর্তা দেবতা ।

“( সকলে ) যাহাকে ইন্দ্র, মিত্র, বরুণ, অগ্নি বলে, তিনিই দিব্য গরুড়ান্ সুপর্ণ । এক ভাব বস্তুকেই বিপ্রগণ বহুপ্রকারে, বলেন,—অগ্নি বলেন, যম বলেন, মাতরিগাও বলেন ।”—ঋগ্বেদ ।  
৪৬ শ ঋক্ ।

এই মন্ত্রের সায়ন ভাষ্যের অনুবাদ এই,—

( ঐ আদিত্যকে ) ইন্দ্র ( ঐশ্বর্য্য বিশিষ্ট ) বলে এবং মিত্র ( মরণ হইতে ত্রাণকারী ; দিবাভিমানী এই নামের দেবতা ) বলে, বরুণ ( পাপের নিবারক, রাত্র্যভিমানী দেবতা ) বলে, অগ্নি ( অহ্ননাদি গুণ বিশিষ্ট দেবতা ) বলে, আর ইনিই “দিব্য” ছ্যালোকে ভব “সুপর্ণ” সুপতন “গরুড়ান্” গরণ বা পক্ষ বিশিষ্ট এবং এই এই নামে যে এক পক্ষী গরুড়, তাহাও ইনি । কি প্রকারে একের নানাঙ্ক ? তদন্তরার্থ বলা হইতেছে,—বহুতঃ ঐ এক আদিত্যকেই বিপ্রগণ অর্থাৎ মেধাবীরা—দেবতাতত্ত্ব-বেত্তারা বহুপ্রকারে বলিয়া থাকেন ।” একই মহান্ আত্ম-

দেবতা সূর্য্যনামে কথিত হইলেন ।” এইরূপে উক্তি থাকা হেতুক সেই সেই হেতুতেই ইন্দ্রাদি নামে অভিহিত হইয়া থাকেন ; এবং তাঁহাকে বৃষ্টিাদির কারণ বৈদ্যতাগ্নি নিয়ন্তা, যম, অন্তরীক্ষে শ্বসনকারী মাতরিষা বায়ু বলা যায় । সূর্য্য ও ব্রহ্মের অভিন্নভাব হেতুতেই এরূপ সৰ্ব স্বরূপতা উক্ত হইল । \*

এতাবতা স্থির হইল যে, জগৎয়ের সৃষ্টিকারণ স্বরূপ যে অদৃষ্ট সূক্ষ্ম শক্তি, তাহাই দেবতা । অর্থাৎ ক্ষিতি, অপ, তেজ, মরুৎ ও ব্যোম,—এই পঞ্চভূত ইহারা দেবতা । অবশ্য ইহাদিগের স্থূল ভাগ দেবতা নহে,—ইহাদিগের যে সূক্ষ্ম শক্তি, তাহাই দেবতা । পঞ্চীকরণ প্রস্তাবে তোমাকে বলিয়াছি, এই সকল দেবতার সূক্ষ্মাংশ মিশ্রণে স্থূলের উৎপত্তি,—সেই সূক্ষ্মের বিবর্তনই স্থূল জগৎ । আবার বিবর্তনে যে সকল সূক্ষ্ম ভূত, যে সকল অদৃষ্ট শক্তির উদ্ভব হইয়াছে, তাহারাও দেবতা । জগতে যত প্রকার স্থূল পদার্থ দৃষ্ট হইতেছে, সকলেরই অধিষ্ঠাতা দেবতা আছেন ।

শিষ্য । এই ভৌতিক স্থূল পদার্থের সৃষ্টিতত্ত্ব সম্বন্ধে পাশ্চাত্য বৈজ্ঞানিকগণ একমাত্র অণু বা পরমাণুর সংযোগ-বিয়োগ দ্বারাই সংঘটিত হয়, বলিয়া থাকেন । তাঁহাদিগের মতে জগৎ সৃষ্টি ও নির্মাণের মূল ভৌতিক পদার্থ ( Elements ) বিদ্যমান ।\* আপনি কি সেই ভৌতিক সূক্ষ্ম পদার্থকেই দেবতা বলিতেছেন ?

গুরু । Elements ও ত স্থূল পদার্থ । যাহার রূপ আছে, তাহাই স্থূল । কিন্তু তোমার জড় বিজ্ঞান এই Elements

\* ত্রয়ো ভাষা ; ৭৪---৭৫ পৃঃ ।

এর উপরে আর যাইতে সক্ষম নহেন। ইহাদের মতে চিহ্নিত রহিত অচেতন অন্ধ জড়শক্তি ;—কেবল জড় পদার্থের সংযোগে উহাদের ক্রিয়া জড়জগতে প্রকাশিত। মাধ্যাকর্ষণ, যোগাকর্ষণ, রাসায়নিক কর্ষণ, চুম্বকাকর্ষণ, উত্তাপ, আলোক, তড়িৎ প্রভৃতি যে সকল ভৌতিক শক্তির আবিষ্কার করিয়া জড়বিজ্ঞান সম্পন্ন করিয়া থাকেন, কিন্তু উহারা আসিল কোথা হইতে; উহাদিগের হ্রাস-বৃদ্ধি, সংযোগ-বিয়োগ কি প্রকারে ও কেন সম্পন্ন হয়, কি প্রকারে উহাদিগের বশীভূত করা যাইতে পারে, তাহা নিৰ্ণয় করিতে জড়বিজ্ঞান সম্পূর্ণরূপে অক্ষম এই জন্ত যে, যদিও ভৌতিক-শক্তিগুলি কেবলমাত্র জড়পদার্থ যোগে প্রকটিত, কিন্তু সূক্ষ্মাতিসূক্ষ্ম শক্তিতত্ত্ব, উহাতে নিহিত আছে,—সেই তত্ত্ব যে কি, তাহা জড় বৈজ্ঞানিক জানেন না। জড় জগতের ক্রিয়া দেখিয়া, ভৌতিক পদার্থ সকলের স্বরূপ নিৰ্ণয় করিতে যাওয়া বাতুলতা মাত্র। যে আকাশ বা ইথর দ্বারা উহারা এই স্কুলের জগতে ব্যাপ্ত,—তাহারই শেষ সীমা কোথায়, তাহারই স্বরূপ কি,—তাহারই তত্ত্ব কি—ইহা বুঝিবার ক্ষমতাই যখন আমাদের নাই, তখন আমরা কেমন করিয়া বুঝিতে পারিব যে, সেই আকাশ বা ইথরের অন্তর্জগতে আবার কি বস্তু আছে? কিন্তু বস্তু যে আছে, তাহা বুঝিতে পারা যায়; নতুবা তাহারা সক্রিয় হয় কেমন করিয়া?

যোগবলশালী আর্ধ্যঋষিগণের যোগতত্ত্ব দ্বারা সেই সূক্ষ্মতত্ত্ব আবিষ্কৃত হইয়াছিল ;—তাহারা যোগবলে সূক্ষ্মাস্তদৃষ্টি-শক্তিতে দেখিতে দেখিতে ও জানিতে পারিয়াছিলেন যে, উহারা প্রকৃত আধিদৈবিক; প্রত্যেক শক্তির মূলদেশে সূক্ষ্মজগতে



চিৎশক্তি বিশিষ্ট দেবগণ কর্তৃক অধিকৃত । তাঁহারা ই সূক্ষ্ম জগৎ হইতে স্থূল জগৎকে এমন সামঞ্জস্য ও সুশৃঙ্খলতার সহিত পরিচালন করেন । হয়ত আমাদের স্থূল জগতের অগিপ্র মিশ্র রূপে তেত্রিশ কোটি পদার্থ আছে, হয়ত তাহাদের প্রত্যেকের মূল সূক্ষ্মশক্তি দেবতাকেই তেত্রিশ কোটি দেবতা বলিয়া অভিহিত করা হইয়া থাকিবে ।

কিন্তু মনে রাখিও এ সমুদয়ই সেই একের সত্তা-সত্তাবিত ; সকলই ব্রহ্মের বিকাশ বা ঈশ্বরের বিরাট দেহ । শ্রুতি বলিতেছেন,—

স্বতাং পরং মণ্ডিবাতি সূক্ষ্মং  
জ্ঞাতা শিবং সৰ্বভূতেষু গূঢ়ম্ ।  
বিষম্যেকং পরিবেষ্টিতায়ং  
জ্ঞাত্বা দেবং মুচ্যতে সৰ্বপাশৈঃ ॥

“যেমন ঘূতের অন্তরেও তেজোবান্ মণ্ড বিস্তৃত ভাবে ও সূক্ষ্ম-রূপে থাকে, তদ্রূপ সৰ্বভূতের অন্তরে অতিসূক্ষ্ম ও গোপন ভাবে ঈশ্বর বর্তমান আছেন । তিনিই একমাত্র হইয়া এই অনন্ত ব্রহ্মাণ্ডকে আশ্রয়ে রাখিয়াছেন, তাঁহাকে মঙ্গলময় ও সৰ্বতোব্যাপী সাক্ষিস্বরূপে জানিলে, সংসারের সকল বন্ধন ছিন্ন হইয়া যায় ।”

এতএব, দেবতা বলিতে তাঁহারই সূক্ষ্ম অদৃষ্ট ক্রিয়া শক্তিকেই জানিবে ।

বেদে এই দেবতাকে দুই ভাগে বিভাগ করা হইয়াছে । এক কৰ্ম্মদেব, অপর আজানদেব । ঋাহারা স্বকীয় উৎকৃষ্ট কৃতকৰ্ম্মফলে দেবত্ব লাভ করিয়াছেন, তাহাদিগকে কৰ্ম্মদেব,



এবং ঐহারা সৃষ্টিকাল হইতে দেবতা, তাঁহারা আজান দেব ।  
কর্ষদেব যথা,—ঋতু ও সাধ্যগণ এবং আজান দেবতা যথা,—  
অগ্নি, ইন্দ্র, চন্দ্র, সূর্য্য প্রভৃতি ।

### তৃতীয় পরিচ্ছেদ ।

হিন্দু জড়োপাসক কি না ।

শিষ্য । চন্দ্র, সূর্য্য, বায়ু, বরুণ, অগ্নি প্রভৃতির আরাধনা  
করিলে, জড়ের উপাসনা করা হয় না কি ? ইহাদিগকেই ত  
দেবতা ধলিয়া অভিহিত করা হইয়া থাকে ।

গুরু । হিন্দু, সূর্য্য চন্দ্র বায়ু বরুণ অগ্নি প্রভৃতির আরাধনা  
করে,—কিন্তু উহার স্কুল বা জড়ভাগের আরাধনা করে না ।  
আর জড়ই বা কি ? সমুদয়ই ত ঈশ্বর । কিন্তু তথাপি যাহা জড়-  
ভাগ,—তাহার আরাধনা হিন্দু করে না । তুমি দেখিয়াছ, ব্রাহ্মণ-  
গণ পার্থিব অগ্নি প্রজ্জ্বলিত করিয়া তাহার পূজা করেন, তাহাতে  
হোম করেন, তাহার কাছে উন্নতির কামনা ও বর প্রার্থনা  
করিয়া থাকেন,—কিন্তু বস্তুতই কি তাঁহারা কেবল সেই জড়  
অগ্নির আরাধনা করেন ? তাহা নহে । আগুনের পার্থিব মূর্ত্তি যে  
জড়, তাহা দেখিবার ক্ষমতা অবশ্যই হিন্দুর ছিল বা আছে,—  
কিন্তু আগুন জালিয়াই হোতা অগ্নিদেবকে আবাহন করেন,—

ওঁ ইহৈবায়মিতরো জাতবেদা দেবেভ্যো হব্যং  
বহতু প্রজানন্ । ওঁ সর্ক্বতঃ পাণিপাদান্তঃ সর্ক্ব-  
তোহক্শিরোমুখঃ । বিশ্বরূপো মহানগ্নিঃ প্রণীতঃ  
সর্ক্বকর্ষস্তু ॥

তৎপরে অগ্নির ধ্যান করেন,—

ওঁ পিঙ্গ্বক্রশক্রকেশাক্ষঃ পীনাঙ্গজঠরোহরুণঃ । ছাগস্থঃ  
সাক্ষস্বত্রোহগ্নিঃ সপ্তার্চিঃ শক্তিধারকঃ ॥

পার্শ্বিক অগ্নির যে রূপ, যে আকৃতি, তাহার পূজা বা আরাধনা করা হইল কি? অগ্নি যে সত্তা লইয়া স্বীয়কার্য্য সংসাধন করিতেছেন,—অগ্নির যে অগ্নিত্ব, হিন্দু সেই সূক্ষ্ম চৈতন্য-তত্ত্ব বা সূক্ষ্মাতিসূক্ষ্ম অগ্নিতত্ত্বেরই পূজা বা আরাধনা করিয়া থাকেন । এইরূপ অগ্ন্যান্ত জড় সম্বন্ধেও জানিবে ।

শ্রীভগবানের যে সর্বব্যাপকতা, হিন্দুগণ তাহাকেই মহাব্যোম বা মহাকাশ শব্দে অভিহিত করিয়া থাকেন । আকাশ অর্থে শূন্য,—যাহা বুঝিতে পারি না, তাহাই শূন্য । ভগবানের গুণ বুঝিতে পারি না, তাই সেই ভগবানের সর্বব্যাপকতা গুণ আকাশ বা শূন্য । আকাশ বা আকাশ-তন্মাত্র পুরুষেরই রূপ ।

আকাশস্তলিঙ্গাৎ ।—বেদান্ত দর্শন, ১।১।২২

ব্রহ্মৈব স ন বিয়ৎ কুতস্তলিঙ্গাৎ সর্বভূতোৎপাদনত্বাদি-  
লক্ষণব্রহ্মলিঙ্গাদিত্যর্থঃ । এতদুক্তং ভবতি, সর্বাণীত্যসঙ্খ-  
চিতসর্বাশকাদ্বিয়ংসহিতসর্বভূতোৎপত্তিহেতুত্বমবগতম্ । ন চ  
তদ্বিয়ৎক্ষে সন্তবেৎ স্বশ্চ স্বহেতুত্বাভাবাৎ । আকাশা-  
দেবেত্যেককরণেণ হেতুস্তরঞ্চ নিরস্তম্ । এতদপি ন তৎপক্ষে ।  
মৃদাদেঘটাদিহেতোদৃষ্টত্বাৎ । ব্রহ্মপক্ষে তু সঙ্গতিমৎ তশ্চৈব  
সর্বশক্তিমতঃ সর্বরূপত্বাৎ । যদ্যপ্যাকাশশব্দস্তত্র রূঢ়স্তথাপি  
শ্রৌতরূঢ়িতো ব্রহ্মণি প্রযুজ্যতে বলিষ্ঠত্বাদিতি ॥ ২২ ।

আকাশ সেই ব্রহ্মেরই লিঙ্গ স্বরূপ,—কিন্তু উহা ভূতাকাশ নহে । কারণ, সর্বভূতের উৎপত্তি ব্রহ্ম ভিন্ন ভূতাকাশ হইতে

হয় না। ঋতিতে অসঙ্কচিত সর্বশব্দ দ্বারা আকাশ সহিত সর্বভূতের উৎপত্তির হেতু স্বরূপে আকাশকে নির্দেশ করিয়াছেন। সুতরাং আকাশপদে ভূতাকাশকে বুঝাইলে আকাশের কারণ আকাশ, এইরূপ অসঙ্গতি হয়। বিশেষতঃ, 'এব' শব্দ দ্বারাও হেতুস্তরের নিরাশ করিয়াছেন, উহাও উক্ত ভূতাকাশ সম্বন্ধে সঙ্গত হয় না। কারণ, মৃদাদির ও ঘটাদির কারণতা দৃষ্ট হয়; আকাশ পদে ব্রহ্ম বোধ করাইলে আর কোন অসঙ্গতি হয় না, শক্তিমদ্ ব্রহ্মই সর্বস্বরূপ। আকাশ শব্দ ভূতাকাশে রূঢ় হইলেও বলবতী শ্রোতি-প্রসিদ্ধ অনুসারে ব্রহ্মাকেই বোধ করিতেছে।"—অর্থাৎ আকাশেরও যে আকাশ,—তাহার যে প্রাণ বা চৈতন্য, তাহাই ব্রহ্ম। হিন্দু, সেই আকাশতত্ত্বকেই আরাধনা করিয়া থাকে,—জড় আকাশকে করে না। অগ্ন্যাগ্নি ধর্ম্মিগণ এই সূক্ষ্মতত্ত্ব আবিষ্কারে আজিও অক্ষম আছেন বলিয়া বলেন,—হিন্দুগণ জড়েরই উপাসনা করিয়া থাকেন। যে ফুলের গন্ধোপাদান বুঝে না, যে ফুলের সৌন্দর্য্য-শোভা দর্শনে অক্ষম, সে অবশ্যই বুদ্ধিতে পারে না, কেন মানুষ ঐ জড় পদার্থের অত যত্ন করে।

শিষ্য। বায়ু সম্বন্ধেও কি ঐরূপ যুক্তি আছে ?

গুরু। আছে বৈ কি। আকাশ হইতেই বায়ু।

আকাশাবায়ুঃ।—তৈত্তিরীয় ব্রহ্মানন্দবল্লরী।

আকাশ হইতে বায়ু; কিন্তু বায়ু যে, আকাশের সৃজিত তাহা নহে। বায়ুও সেই অব্যক্ত সত্তায় লীন ছিল, আকাশের সাত্তে মিশিয়া বাহিরে আসিয়া তাহা হইতে আবার ব্যক্ত হইয়াছে। লবণ যেমন পৃথিবীর পদার্থ,—কিন্তু জলের বা অন্য

কোন বস্তুর সহিত মিশিয়া বাহির হইয়া আসিয়া ব্যক্ত হয়, তদ্রূপ আকাশ হইতে বায়ুর ব্যক্তভাব। যে স্থলে কার্য আছে, সেই স্থলেই গতি ( motion ) আছে। কেননা কার্যের শব্দ হেতু কম্পন উত্থিত হইয়া থাকে, ইহা প্রত্যক্ষ দৃষ্ট। সেই কম্পনের প্রতিক্রমকেই গতি বলা হইয়া থাকে। গতির দ্বারাই স্পর্শ জ্ঞান হয়,—বায়ুতে শব্দ ও স্পর্শ দুইটি সত্তাই আছে। বায়ু জগত্ৰয়ের প্রাণ স্বরূপ।

বায়ুবে গৌতম সৃজেনায়ক লোকঃ পরশ্চ লোকঃ, সর্বাণি চ ভূতানি সম্বন্ধানি ভবন্তি। শ্রুতি।

“গৌতম! মণিগণ যেমন সূত্রে গাঁথা থাকে, ভূতসমুদয় সেইরূপ বায়ু-সূত্রে গাঁথা আছে।”

যদিদং কিঞ্চ জগৎ সর্বং প্রাণ এজতি নিঃসৃতম্ ।

মহত্তয়ং বজ্রমুদ্যতং য এতদ্বিহরমৃতান্তে ভবন্তি ॥

কঠশ্রুতি ।

“এই সমস্ত জগৎ, প্রাণ স্বরূপ ব্রহ্ম হইতে নিঃসৃত ও কম্পিত বা চেষ্টমান হইতেছে। সেই ব্রহ্ম উদ্যত বজ্রের ন্যায় ভয়ানক। সেইরূপে তাঁহাকে ষাঁহারা জানেন,—তাঁহারা “অমৃত হন।”

বায়ু কাঁপিয়া কাঁপিয়া জগতের আধার হইয়াছেন। কম্পনা-ত্মক ব্রহ্ম ভয়ানক। কম্পনের বেগাতিশয্যে সংহারও হইতে পারে। জগতের সকলই কম্পনে অবস্থিত। কম্পনের দ্বারাই আমাদের আবেদন-নিবেদন, আমাদের মনের ইচ্ছা-কামনা কাতর প্রার্থনা সর্বত্র চলিয়া যায় ;—জগৎ কম্পনেই অবস্থিত। কাজেই কম্পনের দেবতা বায়ু বিশ্বের প্রাণ। কিন্তু স্থূল বায়ু

নহে,—বায়ুর বায়ু তাহাই কম্পন,—সেই কম্পনই বিশ্ব  
প্রাণ। বেদান্ত বলিতেছেন,—

অতএব প্রাণঃ ।—বেদান্তদর্শন, ১।১।২৩

“প্রাণোহয়ং সর্বেশ্বর এব ন বায়ুবিকারঃ । কুতঃ, অতএব  
সর্বভূতোৎপত্তিপ্ৰলয়হেতুতয়া পাদ্বন্ধ লিঙ্গাদেব ॥” ২৩।

বায়ু দেবতা প্রাণ—কিন্তু সে বহির্কায় বা জড় বায়ু নহে।  
প্রাণ হইতেই সর্বভূতের উৎপত্তি ও প্রাণেতেই তাহাদের লয়।  
বেদান্ত বলিতেছেন,—“প্রাণ বহির্কায় নহে, সর্বেশ্বর। কারণ,  
সর্বভূতের উৎপত্তি ও প্রলয়ের কারণ একমাত্র সেই সর্বেশ্বর।”

বোধ হয়, তুমি এক্ষণে বুঝিয়াছ যে, জড় বায়ু, হিন্দুর  
উপাস্ত নহে। প্রভঞ্নেরও যে প্রাণ,—সেই বিশ্বপ্রাণই হিন্দুর  
আরাধ্য। তারপরে বোধ হয়, তেজ বা অগ্নির কথা তোমার  
জিজ্ঞাস্য হইবে ?

শিষ্য। আচ্ছা হাঁ। তেজ সম্বন্ধেও কিছু জানিতে বাসনা  
করি।

গুরু। বায়ু হইতে অগ্নির বিকাশ-বিসৃষ্টি। বায়ু হইতে  
যে অগ্নির উৎপত্তি, তাহা তোমাদের জড় বিজ্ঞানেরও মত।  
কিন্তু হিন্দুর মত একটু স্বতন্ত্র,—স্বতন্ত্র এই জন্ম যে, হিন্দু সৃষ্টি-  
সূত্র রাজ্যের সন্মানে কৃতকার্য। বায়ু হইতে অগ্নির উৎপত্তি  
বটে, কিন্তু বায়ুই অগ্নির জনক নহে—অগ্নি বায়ুর বিকাশ বা  
সৃষ্টি। অগ্নি যে ছিল না, তাহা নহে। অগ্নিতত্ত্ব ব্রহ্মেই  
অব্যক্ত ভাবে বিলীন ছিল,—বায়ুর স্বন্ধে চাপিয়া আবির্ভূত হই-  
য়াছে। সৃষ্টির এইরূপই ক্রমবিবর্তন। অগ্নি তেজ, এই  
তেজেই জগৎ রক্ষিত, পালিত ও সংহত। অগ্নিই সৃষ্টিব্যাপারের

অমৃতির মৃত্তিকারক । তেজোরূপী অগ্নিই ত্রিলোক ধারণ করিয়া আছেন । অগ্নিরই মৃত্তি আমাদের পৃথিবী—অগ্নিই তুলোকের দেবতা । অগ্নির দ্বারা ভূভুবঃ স্বঃ এই ত্রিলোক সৃষ্ণ পদার্থ গ্রহণ করিতে সক্ষম । জঠরাগ্নিতে আমরা ভুক্ত দ্রব্য হজম করি । তেজেই আশোষণ করি,—ভুবলোকবাসিগণও অগ্নির দ্বারা ভোজন করেন, স্বর্গলোকবাসিগণও তাহাই । অগ্নি ব্যতীত কাহারই বর্জন হইতে পারে না । সৃষ্টিকার্য্যেও তেজোরূপী অগ্নি—সংহার কার্য্যেও অগ্নি । কিন্তু সেই অগ্নি কি যাহা আমাদের সম্মুখে জলিয়া জলিয়া নির্বাণ পায়, তাহাই ? তাহা নহে । অগ্নির যে প্রাণতত্ত্ব, অগ্নির যে অগ্নিত্ব, তাহাই । বেদান্ত বলেন,—

জ্যোতিশ্চরণাভিধানাৎ । বেদান্তদর্শন, ১।১।২৪

“জ্যোতিরত্র ব্রহ্মৈব গ্রাহম্ । কুতঃ ? চরণেতি । তাবানস্ত মহিমা ততো জ্যায়শ্চ পুরুষঃ পাদোহস্ত্য সর্কভূতানি ত্রিপাদস্ত্যমৃতং দিবীতি পূর্বত্রহ্যসম্বন্ধিনঃ সর্কভূতপাদত্বোক্তেঃ । ইদমত্র তত্ত্বম্—পূর্বং হি পাদোহস্ত্যেতি চতুস্পাদু ক্ত প্রকৃতং তদেবেহ যদিতি যচ্ছবো-নানুবর্তিতমিত্যস্ত সন্নিধিত্বাহুভয়ত্র হ্যসম্বন্ধশ্রবণাবিশেষাচ্চ নিখিলতেজস্বী হরিরেব জ্যোতিন্ দ্বাদিত্যাদিরিতি ॥” ২৪ ।

ঐ জ্যোতিঃ শব্দে প্রাকৃত তেজঃ পদার্থ, কি ব্রহ্ম ? সূর্য্যের অন্তর্কর্তী তেজঃ অথবা অগ্নি ইহারাই কি জীবের ধ্যয় ? তাহা নহে । বেদান্ত বলিতেছেন,—“জ্যোতিঃ শব্দে ব্রহ্মই বোধ করাইতেছে । কারণ, সমস্ত জগৎ পুরুষের একটি অংশবিশেষ । স্বপ্রকাশ স্বরূপ ঐ পুরুষে ত্রিপাদ অনন্ত অমৃত । ক্রতিতে প্রাকৃতিক সমস্ত জ্যোতিঃ পদার্থই ব্রহ্মাংশভূত বলিয়া উক্ত হইয়াছে । পুরুষই নিখিল তেজের আধার স্বরূপ হইতেছেন ।”



অগ্নিতত্ত্ব ঈশ্বরের সত্ত্বা, অতএব অগ্নিপূজক হিন্দু, ব্রহ্মোপাসক, জড়োপাসক নহেন ।

শিষ্য । হিন্দু, জল এবং স্থূল পৃথিবীকেও পূজা করিয়া থাকে ।

গুরু । উহারাও মহাপঞ্চভূতের দুই মহাভূত । কিন্তু আকাশ, বায়ু ও অগ্নি সম্বন্ধে যেরূপ শুনিলে, অর্থাৎ উহাদিগের তত্ত্ব বা স্বরূপ যে ঐশ-পদার্থ তাহাই হিন্দু পূজা করিয়া থাকে । এই দুই মহাভূত সম্বন্ধেও তাহাই । অগ্নি হইতে জলের সৃষ্টি হয়, একথা সর্ববাদিসম্মত । কিন্তু ইহাতে জলের সৃষ্টি হয় না,—অগ্নিতে জল অধ্যাসিত ছিল,—অগ্নি তাহার অবজ্ঞানক মাত্র ।

অগ্নেরাপঃ । তৈত্তিরীয় ।

অগ্নি হইতে জল । হিন্দু স্থূল বা জলের আরাধনা করে না,—জলের যাহা সত্ত্বা, জলের যাহা প্রাণ, সেই রস-তত্ত্বই কারণ জল । কারণ জলই নারায়ণ । তাই হিন্দু জানে, “আপো নারায়ণ ।” জল-তত্ত্বে সৃষ্টির সত্ত্বা ; কেননা রস-তত্ত্বের উদয় নু হইলে সংযোগ সাধিত হয় না । অন্ধাদি আকর্ষণে পরমাণুপুঞ্জের সংযোগ সাধিত হয়, সেই সংযোগে এক মূর্তির সৃষ্টি হয় । রস-তত্ত্বই ভৌতিক স্থিতি,—রস-তত্ত্বই সংহার । কিন্তু পূর্বেই বলিয়াছি,—ইহা জলের জড় মূর্তি নহে ।

জল হইতে পৃথিবীর উৎপত্তি ।

অন্ত্যঃ পৃথিবী । তৈত্তিরীয় ।

জলের আণবিক আকৃষ্ণনে আত্যন্তরবিবর্তন ঘটিয়া পৃথিবীর উৎপত্তি হয় । এই বিবর্তনে বহুর সৃষ্টি হয় । ভগবানের “বহু হইব,” এই বাসনার শেষ উৎকর্ষ বা সীমা এই



পৃথিবী । কিন্তু পরিদৃশ্যমান এই পৃথিবীকেই হিন্দু, আরাধনা করেন না । পৃথ্বীতত্ত্ব,—যাহা লইয়া জগৎভাব, সেই ঐশ-সত্তাকেই হিন্দু আরাধনা করিয়া থাকেন । তাই হিন্দু, আধারহুলরূপী পৃথ্বীতত্ত্বময় বাস্তবদেবতাকে প্রণাম করেন,—

অরুণিতমণিবর্ণং কুণ্ডলশ্রেষ্ঠকর্ণং, সূসিতসুভগ-  
মাস্যং দণ্ডপাণিং সূবেশম্ । নিখিলজননিবাসং  
বিশ্ববীজস্বরূপং, নতজনভয়নাশং বাস্তবদেবং নমামি ॥

### চতুর্থ পরিচ্ছেদ ।

হিন্দু বহু উপাসক নহে ।

শিষ্য । তাহা হইলে হিন্দুগণ, জড়ের উপাসনা করেন না বটে,কিন্তু জড়ের যাহা প্রাণ বা সূক্ষ্ম-শক্তি-তত্ত্ব অথবা অব্যক্তবীজ, হিন্দুগণ তাহারই উপাসনা করিয়া থাকেন । কিন্তু আরাধনার জন্ত যে সকল ধ্যান যজ্ঞাদির ব্যবহার হইয়া থাকে, তাহাতেও তাহাদের রূপ আছে বলিয়াই জ্ঞান হয় । আর বহুজড়ে, বহু-দেবতার আরাধনা করিয়া থাকেন,—কিন্তু একটি প্রাণ, বহুজনের আরাধনা করিলে, আরাধনার পূর্ণতা হইতে পারে কিনা, এরূপ সন্দেহ অনেকে করেন ।

গুরু । এতক্ষণ বুঝাইলাম কি ? ভূমি, অপ, অনল, জল, বায়ু, আকাশ প্রভৃতি যাহা কিছু বল,—বা মিশ্রভূতোৎপন্ন অল্প শক্তিই বল,—কিন্তু, এই পরিদৃশ্যমান জগৎয়ে চেতন অচেতন প্রভৃতি যে সকল ভৌতিক পদার্থ আছে—সে সমুদয়ই ঈশ্বর । শাস্ত্রে আছে—

যদাদিত্যগতং তেজো জগন্তাসন্নতেহখিলম্ ।  
 বচস্রমসি যচ্চাশ্বৌ তত্তেজো বিদ্ধি যামকম্ ॥  
 গামাবিশ্ব চ ভূতানি ধারয়াম্যহমোজসা ।  
 পুষ্যামি চৌষধীঃ সর্বাঃ সোমো ভূত্বা রসাত্মকঃ ॥  
 অহং বৈশ্বানরো ভূত্বা প্রাণিনাং দেহমাত্মিতঃ ।  
 প্রাণাপানসমায়ুক্তঃ পচাম্যন্নং চতুর্বিধম্ ॥

সর্কশ্চ চাহং হৃদি সন্নিবিষ্টৌ যত্তঃ স্মৃতিজ্ঞানমপোহনং চ ।  
 বেদৈশ্চ সর্কৈরহমেব বেদ্যো বেদান্তকৃৎসেদবিদেবাচাহম্ ॥

দ্বাবিমৌ পুরুষৌ লোকে ক্ষরশ্চাক্ষর এব চ ।  
 ক্ষরঃ সর্বাণি ভূতানি কুটস্থোহক্ষর উচ্যতে ॥  
 উত্তমঃ পুরুষস্তন্যঃ পরমাত্মেত্যদাহুতঃ ।  
 যো লোকত্রয়মাবিশ্ব বিভর্ত্যাবার ঈশ্বরঃ ॥  
 যস্মাৎ ক্ষরমতীতোহহমক্ষরাদপি চোত্তমঃ ।  
 অতোহস্মি লোকে বেদে চ প্রথিতঃ পুরুষোত্তমঃ ।  
 যো মামেবমসংযুতো জ্ঞানাতি পুরুষোত্তমম্ ।  
 স সর্কবিভুক্ততি মাং সর্কভাবেন ভারত ॥

শ্রীমদ্ভগবদ্গীতা ; ১৫ শ অঃ ।

ভগবান্ বলিতেছেন,—

“চন্দ্র, অনল ও নিখিল ভুবনবিকাশী সূর্য্য আমারই তেজে,  
 তেজস্বী । আমি ওজঃপ্রভাবে পৃথিবীতে প্রবেশ করিয়া ভূত  
 সকলকে ধারণ এবং রসাত্মক চন্দ্র হইয়া ওষধিসমূহের পুষ্টিসাধন  
 করিতেছি । আমি জঠরাগ্নি হইয়া প্রাণ ও অপান বায়ু সমভি-  
 বাহারে দেহমধ্যে প্রবেশ করত চতুর্বিধ ভক্ষ্য পাক করিতেছি ।  
 আমি সকলের হৃদয়ে প্রবেশ করিয়া আছি, আমি হইতেই স্বতি,  
 জ্ঞান ও উভয়ের অভাব জন্মিয়া থাকে, আমি চারিবেদ দ্বারা  
 বিদিত হই, এবং আমি বেদান্তকর্তা ও বেদবেত্তা । ক্ষর ও অক্ষর

এই দুইটি পুরুষ, লোকে প্রসিদ্ধ আছে ; তন্মধ্যে সমুদয় ভূতই ঋর ও কুটস্থ পুরুষ অক্ষর । ইহা ভিন্ন অন্য একটি উত্তম পুরুষ আছেন, তাঁহার নাম পরমাত্মা,—সেই অব্যয় পরমাত্মা এই ত্রিলোকমধ্যে প্রবেশ করিয়া, সমস্ত প্রতিপালন করিতেছেন । আমি ঋর ও অক্ষর, এই দুই প্রকার পুরুষ অপেক্ষা উত্তম, এই নিমিত্ত বেদ ও লোকমধ্যে পুরুষোত্তম বলিয়া কীর্তিত হইয়া থাকি । হে ভারত ! যে ব্যক্তি মোহশূন্য হইয়া আমাকে পুরুষোত্তম বলিয়া বিদিত হয়, সেই সর্ববেত্তা সর্বপ্রকারে আমার আরাধনা করে ।”

শিষ্য । তবে, সর্বভূতের আশ্রয়, সর্বলোকের নিয়ন্তা, পাতা, সংহর্তা ভগবান্কে উপাসনা করিলেই হইতে পারে, তাঁহার বিক্ষিপ্তশক্তি-সমূহকে পৃথক্ পৃথক্ ভাবে আরাধনা করা কেন ?

গুরু । ভগবান্ অনন্ত—মাছুষ সান্ত । সান্ত হইয়া অনন্তের ধারণা করিবে কি প্রকারে ? বিশেষতঃ আমাদের চিত্তবৃত্তি সমুদয়ের উৎকর্ষ সাধিত না হইলে, সেই চরমোৎকর্ষ পুরুষের সত্তা বৃত্তিতে পারিব কেন ? মানবের বহির্জগতে ও অন্তর্জগতে যত প্রকার শক্তি ও ভাব আছে,—তাহা দেবতারই সূক্ষ্মশক্তি, এই দেবশক্তি সকলের, পূর্ণচৈতন্য সাধন করিতে না পারিলে, পূর্ণ-চৈতনের দিকে অগ্রসর হওয়া যায় না । দেবশক্তি জাগ্রত করণের যে সাধনা, তাহাই দেবতার আরাধনা । মনে কর, কর্ণ শব্দেজিয়,—শব্দ হয় ব্যোম হইতে, কিন্তু ব্যোমের যে প্রাণ বা সূক্ষ্মশক্তি বা ব্যোমতত্ত্ব,—সেই ব্যোমতত্ত্বের আরাধনা করিয়া ব্যোমতত্ত্বের উৎকর্ষ সাধন করিতে হয় । এইরূপ সমস্ত তত্ত্ব

সবক্কেই জানিবে। আরাধনাকে শক্তির উৎকর্ষ সাধন বলা যাইতে পারে।

ফলতঃ, হিন্দু জড়ের উপাসনা করে না। হিন্দু জানে, এই পরিদৃশ্যমান পদার্থ জড়, কিন্তু জড়েও চৈতন্যসত্তা বিদ্যমান। জড়ও ভগবানের বিস্তৃতি। ভগবানই সমুদয় জড়ের অস্তরে অবস্থিত আছেন। তবে একটা একটা করিয়া চৌষট্টিটা পয়সা একত্র করিয়া যেমন একটি টাকা বাঁধা যায়, তদ্রূপ সমস্ত শক্তি, সমস্ত গুণ এক এক করিয়া জানিয়া এবং তাহাদের উৎকর্ষ সাধন করিয়া, তবে পূর্ণতার দিকে যাইতে হয়। হিন্দু জানেন,—

ঈশ্বরঃ সর্বভূতানাং হৃদয়েহর্জুন তিষ্ঠতি।

ভ্রাময়ন্ সর্বভূতানি যজ্ঞাক্রান্তানি মায়ায়া।

শ্রীমদ্ভগবদ্গীতা, ১৮ শ অঃ।

“হে অর্জুন! যেমন সুত্রধর দারুয়ন্ত্রে আকৃত কৃত্রিম ভূত (পুতুল) সকলকে ভ্রমণ করাইয়া থাকে, তদ্রূপ ঈশ্বর ভূত সকলের হৃদয়ে অবস্থান করিয়া তাহাদিগকে ভ্রমণ করাইতেছেন।”

হিন্দু জড়োপাসনা করেন না,—জড়ের প্রাণাত্মক পরমচৈতন্যেরই উপাসনা করিয়া থাকেন। তবে যে যে জড়ে তাঁহার যে শক্তির আধিক্য,—হিন্দু তাহাতেই তাঁহাকে সেই শক্তিদ্বরূপে পূজা করিয়া থাকে।

ইহাতে হিন্দুকে বহু-উপাসকও বলিতে পার না, অথবা ষাঁহারা বলেন,—তাঁহারাও অজ্ঞান নহেন।

নবীনবারু ওকালতী করেন, মহাজনী করেন, এবং পাটের ব্যবসায় করিয়া থাকেন। একজন তাঁহার নিকটে আইন জানি-

বার জন্ত গমন করিতেছে, তাহাকে জিজ্ঞাসা করিলে, সে বলিবে, —“উকিলবাড়ী যাইতেছি ।” যে তাঁহার নিকটে টাকা ধার করিতে বা ধার শোধ করিতে যাইতেছে, সে বলিবে “মহাজনবাড়ী যাইতেছি ।” আর যে পাট খরিদ-বিক্রয়ার্থ যাইবে, তাহাকে জিজ্ঞাসা করিলে বলিবে,—“বাবসাদারের বাড়ী যাইতেছি ।” কিন্তু ফলে, তিন জনেই নবীনবাবুর বাড়ী যাইতেছে । বিভিন্ন গুণ বা কর্মজন্ত যেমন এক নবীনবাবু তিন প্রকার নামে আখ্যাত হইতেছেন, তেমনি ঈশ্বর গুণ বা কর্মভেদে জন্ত ক্ষুদ্র, বৃহৎ, অতি বৃহৎ প্রভৃতি বহুশক্তি সমন্বিত হইয়া বহুদেবতায় অবস্থিত রহিয়াছেন, প্রয়োজন বোধে তাঁহার সেই সকল অদৃষ্টশক্তির আরাধনা করিতে হয় ; কিন্তু আরাধনা তাঁহারই । ভগবান্ বলিয়াছেন,—

জ্ঞানযজ্ঞেন চাপান্যে যজন্তো মানুপাসতে ।

একত্বেন পৃথক্তে ন বহুধা বিশ্বতোমুখম্ ॥

অহং ক্রতুরহং বক্তঃ স্বধাহমহমৌষধম্ ।

মন্ত্রোহমহমেবাজ্যমহমগ্নিরহং হৃতম্ ॥

পিতাহমস্য জগতো মাতা ধাতা পিতামহঃ ।

বেদ্যং পবিত্রমোক্ষার ঋক্ সাম যজুরেব চ ॥

গতির্ভক্তা প্রভুঃ সাক্ষী নিধাসঃ শরণং সূহৃৎ ॥

প্রভবঃ প্রলয়ঃ স্থানং নিধানং জীবনব্যয়ম্ ॥

তপাম্যহমহং বর্ষং নিগৃহাম্যৎসৃজামি চ ।

ঐমৃতং চৈব মৃত্যুশ্চ সদসচ্চাহমর্জুন ॥

ত্রৈবিদ্যা মাং সোমপাঃ পুতপাপা, যজ্ঞৈরিষ্টা স্বর্গতিং প্রার্থয়ন্তে ।

তে পুণ্যমাসাদ্য সুরেন্দ্রলোক, -মগন্তি দিব্যান্ দিবি দেবভোগান্ ॥

তে তং ভুক্ত্বা স্বর্গলোকং বিশালং, কীণে পুণ্যে মর্ত্যালোকং বিশস্তি ।

এবং ত্রয়ীধর্মমুপ্রপন্না, গতাগতং কামকামা লভন্তে ॥

অনন্তাশ্চিন্তয়ন্তো মাং যে জনাঃ পশু্যপাসতে ।

তেবাং নিত্যাত্মযুক্তানাং যোগক্ষেমং বহাম্যহম্ ॥  
 যেহপ্যন্তদেবতাস্তস্তা যজন্তে ব্রহ্ময়াচিতাঃ ।  
 তেহপি মামেব কোন্তের যজন্ত্যবিধিপূৰ্ব্বকম্ ॥  
 অহং হি সৰ্ব্বযজ্ঞানাং ভোক্তা চ প্রভুরেব চ ।  
 ন তু মামভিজানন্তি তদ্বেনাতশ্চ্যবন্তি তে ।  
 যান্তি দেবততা দেবান্ পিতৃন্ব যান্তি পিতৃব্রতাঃ ।  
 ভূতানি যান্তি ভূতেজ্যা যান্তি মদ্যাজিনোহপি মাম্ ॥

শ্রীমদ্ভগবদ্গীতা, ৯ম অঃ ।

“কেহ তদ্বিজ্ঞানরূপ যজ্ঞ, কেহ অভেদ ভাবনা, কেহ পৃথক  
 ভাবনা দ্বারা, কেহ বা সৰ্ব্বাত্মক বলিয়া ব্রহ্মরূপাদিরূপে আমাকে  
 আরাধনা করিয়া থাকেন । আমি ক্রতু, যজ্ঞ, স্বধা, ঔষধ, মজ্জ,  
 আজ্য ( ঘৃত ), অগ্নি ও হোম । আমি এই জগতের পিতা,  
 পিতামহ, মাতা ও বিধাতা ; আমি জ্ঞেয় বস্তু, পবিত্র ঔকার,  
 ঋক্, সাম, যজুঃ । আমি কৰ্মফল, ভৰ্তা, প্রভু, সাক্ষী, নিবাস, শরণ,  
 সুরূপ, প্রভব ( উৎপাদক ), প্রলয় ( সংহারক ), আধার, লয়ের স্থান  
 ও অব্যয় বীজ । আমি উত্তাপপ্রদান, বারিবর্ষণ ও আকর্ষণ করি-  
 তেছি ; আমিই অমৃত, মৃত্যু, সং, অসং ; একারণ লোকে  
 আমাকে নানারূপে উপাসনা করিয়া থাকে । হে অর্জুন !  
 ত্রিবেদবিহিত কৰ্ম্মানুষ্ঠানপর, সোমপায়ী, বিগতপাপ মহাত্মা-  
 গণ, যজ্ঞদ্বারা আমার সৎকার করিয়া সুরলোক লাভের  
 অভিলাষ করেন ; পরিশেষে অতিপবিত্র সুরলোক প্রাপ্ত হইয়া  
 উৎকৃষ্ট দেবভোগ সকল উপভোগ করিয়া থাকেন । অনন্তর  
 পুণ্যক্ষয় হইলে, পুনরায় মর্ত্যালোকে প্রবেশ করেন, এইরূপে  
 তাঁহারা বেদত্রয়বিহিত কৰ্ম্মানুষ্ঠানপর ও ভোগাভিলাষী হইয়া  
 গমনাগমন করিয়া থাকেন । যাহারা অনন্তমানে আমাকে চিন্তা



ও আরাধনা করে, আমি সেই সকল মদেকনিষ্ঠ ব্যক্তিদিগকে যোগক্ষেম প্রদান করিয়া থাকি । হে কৌন্তেয় ! যাহারা শ্রদ্ধা ও ভক্তি সহকারে অশ্বদেবতার আরাধনা করে, তাহারা অবিধি-পূর্বক আমাকেই পূজা করিয়া থাকে । আমি সর্ব যজ্ঞের ভোক্তা ও প্রভু ; কিন্তু তাহারা আমাকে যথার্থতঃ বিদিত হইতে পারে না, এই নিমিত্ত স্বর্গভ্রষ্ট হইয়া থাকে । দেবব্রতপরা-য়ণ ব্যক্তির দেবগণ, পিতৃব্রতনিষ্ঠ ব্যক্তির পিতৃগণ ও ভূত-সেবকেরা ভূতসকলকে এবং আমার উপাসকেরা আমাকে প্রাপ্ত হয় ।”

গীতোক্ত বচনাবলীতে যাহা ব্যক্ত হইল, তাহার সারমর্ম, তুমি বোধহয় বুঝিতে পারিয়াছ,—ভগবান্ সর্বভূতপতি । সকল ভূতেই তাঁহার অধিষ্ঠান,—যে, যে প্রকারে যাহারই আরাধনা করুক, অবিধিপূর্বক তাহা তাঁহারই আরাধনা হয় । যাগ, যজ্ঞ, হোম, পূজা যাহা কিছু বল, সমস্তই তিনি । তবে কথা এই যে, যে যাহার আরাধনা করে,—সে তদ্ভাব-ভাবিত হয় । অতএব, হিন্দু বহু-উপাসক নহেন, অধিকারী ভেদে আরাধনার প্রকার ভেদ মাত্র ।

### পঞ্চম পরিচ্ছেদ ।

#### দেবতাপূজার প্রয়োজন ।

শিষ্য । যে, দেবগণের আরাধনা করে, সে দেবলোক প্রাপ্ত হয়, যে পিতৃগণের আরাধনা করে ( শ্রাদ্ধাদিদ্বারা ) সে পিতৃলোক



প্রাপ্ত হয়, ও ভূতোপাসকগণ ভূতলোক প্রাপ্ত হয় এবং ঈশ্বরো-  
পাসকগণ ঈশ্বর প্রাপ্ত হয়,—ইহাই বলিলেন । তবে দেবাদির  
আরাধনা করা ত কখনই কর্তব্য নহে । কারণ, স্বর্গাদিরও ভোগ-  
কালের ক্ষয় আছে এবং যাহা ভোগ, তাহাতেই সুখ ও দুঃখ  
আছে । স্বর্গেও ভোগ, ভোগের ক্ষয়েই দুঃখ । আর পুনঃপুনঃ  
জন্ম-জরারূপ দুঃখ ত আছেই । এবং মানুষের যদি ধর্ম করিতেই  
হয়, তবে ঐ সকল দেবতাদির আরাধনা পরিত্যাগপূর্বক এক-  
মাত্র পরমেশ্বরকে উপাসনা করাই কর্তব্য । খালে, জোলে, বিলে  
জলের জন্ত না দৌড়াইয়া, সাগর যখন নিকটে আছে, তখন  
সাগরে যাওয়াই ভাল । একজন পাশ্চাত্যদেশীয় পণ্ডিত বলিয়া-  
ছেন,—“অনন্তশক্তিমান্ ঈশ্বরের বিষয়ে জ্ঞানই বিশুদ্ধ ধর্মের  
বীজ ।”\*

গুরু । কথা সত্য, সন্দেহ নাই । কিন্তু পরমেশ্বর-সম্বন্ধে  
জ্ঞান কি ? “হে পরমেশ্বর ! তুমি দয়াময়,—তুমি আমাকে  
ত্রাণ কর, আমাকে উদ্ধার কর”—ইহাই পরমেশ্বর-সম্বন্ধীয় প্রকৃষ্ট  
জ্ঞান নহে । জ্ঞান অর্থে জানা । কালীপদ মাষ্টারকে তুমি জান  
কি ?

শিষ্য । ইহা জানি ।

গুরু । কি প্রকারে জান ?

শিষ্য । তিনি আমাদের মাষ্টার ছিলেন,—সাত আট বৎসর  
তাঁহার নিকটে অধ্যয়নাদি করিয়াছি ।

গুরু । তিনি কেমন পণ্ডিত জান ?

---

\* The first element of pure religion is the idea of the  
Almighty.—The mind of man, by a Smee. p. 137.

শিষ্য । জানি,—তিনি খুব পণ্ডিত ।

গুরু । তাঁহার বাড়ী কোথায় জান ?

শিষ্য । না, তাহা জানি না ।

গুরু । তাঁহার কয়টি সন্তান হইয়াছে জান ?

শিষ্য । একটি ছেলে কলেজে আসিত, তাহার নাম মহেন্দ্র ; তাহাকেই জানি ;—আর কয়টি আছে না আছে; তাহা জানি না ।

গুরু । তাঁহার আর্থিক অবস্থা কেমন ?

শিষ্য । তাহা ঠিক জানি না;—তবে খুব ভাল বলিয়া বোধ হয় না । কলেজে যাহা বেতন পান, তদ্বারাই যেন কোন প্রকারে সংসার-যাত্রা নির্বাহ করিয়া থাকেন ।

গুরু । তুমি মিথ্যা কথা বলিয়াছ ।

শিষ্য । আপনার সাক্ষাতে মিথ্যা কথা বলিয়াছি ? কি মিথ্যা বলিয়াছি, মহাশয় ?

গুরু । কালিপদবাবুকে তুমি জান না,—অথচ বলিলে জানি । তাঁহাকে জানিতে হইলে, তাঁহার সমস্ত দিক্ জানিতে হইবে । তাঁহার আচার, ব্যবহার, রীতি, নীতি, আর্থিক অবস্থা, বিদ্যাবত্তা, সংসারিক অবস্থা, দৈহিক সুস্থাস্থতা—এমন কি তাঁহার দৈহিক গঠন ও গঠনের উপদানাবলী পর্য্যন্ত জানিলে, তবে তাঁহাকে জানিয়াছ বলা যাইতে পারিবে । সেইরূপ, ঈশ্বর কোন্ পদার্থ জানিতে হইলে, ঈশ্বর-তত্ত্বসমূহের আলোচনা করা কর্তব্য । ঈশ্বর পদার্থ জানিবার চেষ্টা ও কার্য্যমাত্রেয় পরমকারণাত্মসন্ধান করা—ইহা একই কথা । বৈচিত্র্যময়ী বাহু-প্রকৃতির শোভা-সম্পন্ন ও স্বভাব দর্শন করিয়া কারণের অন্বেষণ

করা যাইতে পারে বটে, কিন্তু এ প্রকারের অসুস্থানে,—পূর্ণতম ঈশ্বরের বা কারণের স্বরূপ নির্ণয় হয় না। মনে কর, হাইড্রোজেন ও অক্সিজেন এই দুই পদার্থের একত্র মিশ্রণে জলের উৎপত্তি হয়,—তোমার এই জ্ঞান আছে। কিন্তু এই জ্ঞানই কি চরম জ্ঞান? তোমাদের পাশ্চাত্য পণ্ডিত টেট্‌ বলিয়াছেন, “প্রাকৃতিক পরিণাম সকলের কার্য-কারণসম্বন্ধ নির্ণয় এবং নির্ণীত কার্য-কারণ সম্বন্ধে গণিতিক প্রমাণে প্রমাণিত করা, অর্থাৎ কোন একটি কার্য কোন্ কোন্ উপাদান-কারণ-সমবায়ে সমুৎপন্ন হইয়াছে, তাহাদের মাত্রিক সম্বন্ধ কিরূপ তন্নির্ধারণ, প্রাকৃতিক বিজ্ঞানের কার্য।”\*

ঈশ্বরকে জানিতে হইলে, তাঁহার স্বরূপতত্ত্ব জানিতে হইবে। ঈশ্বরের স্বরূপতত্ত্বই জগতত্ত্ব। অতএব, ঈশ্বরকে জানিতে হইলে জগৎকে জানিতে হইবে। আত্মকৃত্ত্ব পর্য্যন্ত প্রকৃতির বাহির্, অস্তব্, বুদ্ধ ও অধ্যাত্ম সমস্ত স্থল তন্ন তন্ন করিয়া খুঁজিতে হইবে, সমস্ত পদার্থেরই সন্ধান করিতে হইবে। বিশ্বময় বিশ্বরূপ যে জগৎরূপ,—জগৎ না বুঝিলে, তাঁহাকে বুঝিবে কি প্রকারে? তাঁহাকে বুঝাই যদি ধর্ম বল,—তবে সেই-ই কথা। তাঁহাকে বুঝিবারই চেষ্টা কর। ত্রৈলোক্যের ধ্যান জান ?

শিষ্য। ধ্যান ও রূপ-বর্ণনা ?

\* That which is properly called physical science is the knowledge of relations between natural phenomena and their physical antecedents, as necessary sequences of cause and effect, these relations being investigated by the aid of Mathematics.—W Recent Advances in Physical Science. p. 848.

গুরু । স্কুলতঃ তাহাই । সূক্ষ্মভাব পরে বলিব ।

শিষ্য । না,—ব্রহ্মের ধ্যান জানি না ।

গুরু । ব্রহ্মের ধ্যান এই—

হৃদয়-কমল-মধ্যে নির্বিশেষং নিরীহং,  
হরি-হর-বিধিবেদ্যং যোগিভির্ধ্যান-গম্যম্ ।  
জনন-মরণ-ভীতিধ্বংসি সচ্চিৎস্বরূপং,  
সকলভুবন-বীজং ব্রহ্ম চৈতন্যমীড়ে ॥

ব্রহ্ম, পরতত্ত্ব স্বরূপ । তিনি সকল ভুবনের বীজ, সমস্ত ভুবনের হৃদয়-কমল-মধ্যে নিরীহ ও নির্বিশেষ অবস্থায় অবস্থিত । হরি-হর-বিধি তাঁহাকে জানেন, এবং যোগিগণ ধ্যানদ্বারা তাঁহাকে জানিতে পারেন । তিনি সৎ চিৎ এবং জনন-মরণ-ভীতি-বিধ্বংসি ।

সকল ভুবনের বীজ সৎ চিৎ আনন্দ স্বরূপ ব্রহ্মবস্তুর তত্ত্ব অবগত হইতে হইলে, তাঁহার সূক্ষ্ম অদৃষ্ট-শক্তি দেবতাগণকে জানিতে হইবে । দেবতাগণই স্কুল বিশ্বের মূল । কাজেই দেবতার আরাধনা ব্যতীত ঈশ্বরতত্ত্ব অবগত হইতে পারা যাইবে না ।

ষষ্ঠ পরিচ্ছেদ ।

আরাধনা ।

শিষ্য । সর্বভূতের পরমাত্মা পরব্রহ্ম,—তাঁহারই অদৃষ্ট-সূক্ষ্ম শক্তি ত্রিজগতের কার্য্য করিবার জন্য দেবতারূপে আবিষ্কৃত ; কিন্তু তাঁহাদিগের আরাধনা করিবার মাহুষের প্রয়োজন কি ?

গুরু । দুইটি প্রয়োজনে মানুষকে দেবতার আরাধনা করিতে হয় । কিন্তু আরাধনা কি তাহা জান ত ?

শিষ্য । বোধ হয়, আরাধ্য জনকে স্ববশে আনিয়া, আপন অভীষ্টকার্য সম্পাদনের নাম আরাধনা হইতে পারে ।

গুরু । হাঁ,—তাহাই । উপাসনা শব্দের অর্থ অবগত আছ ?

শিষ্য । উপাস্ত পদার্থে আপনাকে ভাসাইয়া দেওয়া, অর্থাৎ তাঁহাতে আত্মসমর্পণ করা বা করিবার চেষ্টাকে উপাসনা বলা হইয়া থাকে ।

গুরু । তাহাই । এক্ষণে দেবতার আরাধনা করিবার প্রয়োজন কি,—এই বিষয় আলোচনা করিবার আগে, প্রয়োজন শব্দটিরও অর্থ করিতে হইবে । কেন না,—

সৰ্বসৌব হি শাস্ত্রস্য কৰ্মণো বাপি কস্যচিৎ ।

বাবৎ প্রয়োজনং নোক্তং তাবত্তৎ কেন গৃহ্যত ॥

সিদ্ধার্থং সিদ্ধসম্বন্ধং শ্রোতুং শ্রোতা এবত্ততে ।

এছাদৌ তেন বক্তব্যঃ সম্বন্ধঃ সাভিধেয়কঃ ।

দুর্গাদাস-বিদ্যাবাগীশকৃত যুক্তিবোধ-টীকা ।

“সমস্ত শাস্ত্রে কৰ্ম প্রভৃতি যাহা কিছু হউক, যে পর্য্যন্ত তাহার প্রয়োজন বলা না হয়, সে পর্য্যন্ত কেহই উহা গ্রহণ করে না ; অর্থাৎ শাস্ত্রবিধিই হউক, বা কেন কৰ্মই হউক, তাহার প্রয়োজন বিদিত হইতে না পারিলে, কেহই তাহা গ্রহণ করে না ;—প্রয়োজন জানিতে পারিলে, তবেই লোকে উহাতে প্রবৃত্ত হয় । অতএব, প্রয়োজন-বোধই সমস্ত কার্যের প্রবর্তক কারণ । সিদ্ধার্থ ও সিদ্ধসম্বন্ধকে \* অবগত করিতেই শ্রোতার

\* যাহার প্রয়োজন জানা হইয়াছে, তাহাই সিদ্ধার্থ ।

প্রতিপাদিত হইয়াছে যাহার সম্বন্ধ, তাহাই সিদ্ধসম্বন্ধ ।

প্রবৃত্তি হইয়া থাকে। সেইজন্য, কোন গ্রন্থ প্রণয়ন করিতে হইলে, পূর্বকালে গ্রন্থের প্রারম্ভেই তাহার প্রয়োজন ও সাভিধের সম্বন্ধ নির্ণয় করিয়া দিতেন”।

যমর্থমধিকৃত্য প্রবর্ততে তৎ প্রয়োজনম্ ।

ন্যায়দর্শন ১/১/২৪

“যে পদার্থকে অভিলাষ করিয়া কৰ্মে প্রবৃত্তি জন্মে, তাহাই প্রয়োজন।”

পিঁপাসা নিবৃত্তি হইবে বলিয়া জীবে জলপান করে, অতএব জলসংগ্রহ করিয়া রাখা প্রয়োজন। ঝড়, বাতাস এবং উত্তাপ ও শীতলতা হইতে দেহ রক্ষা না করিলে, আমাদেরই দুঃখ উপস্থিত হয়, সেই দুঃখ নিবৃত্তির জন্য গৃহ বাঁধিবার প্রয়োজন, গৃহের জন্য আবার ইট, কাঠ, চূণ ও বালি সংগ্রহের প্রয়োজন।

যেন প্রযুক্তঃ প্রবর্ততে, তৎ প্রয়োজনম্ । তেনানেন সর্কে প্রাণিনঃ সর্ক্কাণি কর্ক্কাণি সর্ক্কাশ্চ বিদ্যা ব্যাপ্তাঃ ।

বাংসায়ন ভাষ্য ১/১/১

“যৎকর্তৃক প্রযুক্ত হইয়া কৰ্মে প্রবৃত্ত হওয়া যায়, তাহা প্রয়োজন। সমুদয় জীবই প্রয়োজনবিশিষ্ট। কৰ্মমাত্রই সপ্রয়োজন। সকল বিদ্যাই প্রয়োজনব্যাপ্ত। প্রয়োজন না থাকিলে, কেহ কৰ্মে প্রবৃত্ত হয় না। চেতন অচেতন সমস্ত পদার্থই কৰ্মশীল ;— জগতের কোন পদার্থই কৰ্মশূন্য নহে। অতএব, জগতের সমুদয় পদার্থই কৰ্মে ব্যাপ্ত।”

শিষ্য। যাহা কর্তৃক প্রযুক্ত হইয়া লোকে কৰ্মে প্রবৃত্ত হয়, তাহাই প্রয়োজন। কিন্তু কাহার কর্তৃক লোক প্রযুক্ত হইয়া কৰ্মে প্রবৃত্ত হয় ?



গুরু । বোধ হয় সুখ । সুখের আশাতেই লোকে কৰ্মে প্রবৃত্ত হয় ;—বোধ হয়, সুখই প্রয়োজন ।

শিষ্য । সুখের আশাতেই কি লোকে সমুদয় কৰ্ম করিয়া থাকে ?

গুরু । হাঁ । কেবল লোক কেন, চেতন অচেতন প্রভৃতি জগতীশ্ব সমস্ত পদার্থই সুখের জন্মই কৰ্মে প্রবৃত্ত হয় ।

শিষ্য । ঐ ক্ষুদ্র শিশু টীপি টীপি হাটিয়া যাইতে দশবার পড়িয়া যাইতেছে, হাটিয়া ও কি সুখ পাইতেছে,—বা কি সুখের জন্ম ও হাটিতে চেষ্টা করিতেছে—উহাতে উহার কি প্রয়োজন বা সুখের আশা আছে ?

গুরু । একস্থান হইতে অন্যস্থানে যাইতে পারিলে, নূতন নূতন পদার্থ দেখিতে পাইবে,—স্বাবলম্বনে ভ্রমণ করিতে পাইবে, এই আশাতেই তাহার হাটিবার প্রবৃত্তি । পূৰ্বজন্মের স্মৃতি তাহাকে ঐ সুখের আশায় আশাবিত্ত করাইয়া থাকে । ফলতঃ জগতের সমস্ত কার্যেই সুখের আশা করিয়া সমস্ত জীব কৰ্মে প্রবৃত্ত হইয়া থাকে । পণ্ডিতগণ এই প্রয়োজনকে দুই ভাগে বিভক্ত করিয়াছেন । এক মুখ্য প্রয়োজন, দ্বিতীয় গৌণ প্রয়োজন । সুখ এবং দুঃখের অভাব ইহাই মুখ্য প্রয়োজন ; এবং সুখের সাধন ও দুঃখের অভাব সাধন—ইহাই গৌণ প্রয়োজন ।

অথ নিরুপাধীচ্ছাবিসয়ত্বাৎ সুখদুঃখাভাবয়োৰ্ভ্যাং প্রয়োজনত্বং, তদুপায়স্ত তু তদিচ্ছাধীনেচ্ছাবিসয়ত্বাদ্ গৌণপ্রয়োজনত্বম্ ॥

ন্যায়-সূত্রবৃত্তি ১।১।২৪

গৃহ বাধিবার প্রয়োজন,—গৃহ বাধিবার ইচ্ছার বিষয় তাহাতে বাস করা,—বাস করিবার জন্ম ঐ কার্য অন্তর্গত হইয়া থাকে ।



গৃহে বাস করিবার প্রয়োজন, শীত আতপাদি হইতে দেহ রক্ষা—দুঃখের হাত হইতে দেহ রক্ষা করিয়া সুখপ্রাপ্তি। সুখ-বিশেষ প্রাপ্তির প্রয়োজনের অন্য প্রয়োজন নাই, ইহা অন্তঃস্বার্থ-বিশেষ নহে, ইহা নিরুপাধি ইচ্ছার বিষয়। দুঃখাভাবরূপ প্রয়োজনও এই প্রকার অন্তঃস্বার্থ ইচ্ছার অধীন বিষয় নহে, কাজেই ইহা নিরুপাধি ইচ্ছার বিষয়। যাহা অন্তঃস্বার্থ ইচ্ছার অধীন ইচ্ছার বিষয় নহে ( Not dependent on other motive or end ) তাহাকেই মুখ্য প্রয়োজন, আর যাহা অন্তঃস্বার্থ ইচ্ছার অধীনেচ্ছা-বিষয় ( D pendant on other motive or motives ), মুখ্য প্রয়োজন সিদ্ধির যাহা করণ অথবা সাধন তাহাকেই গৌণ প্রয়োজন বলা যায়।

শিষ্য। বুঝিতে পারিলাম যে, প্রয়োজন ( Motive ) ব্যতীত কোন কার্য হয় না, এবং যাহার উদ্দেশ্যে, বা যাহাকে ইচ্ছা করিয়া অথবা যাহা কর্তৃক প্রযুক্ত হইয়া কার্য করা যায়, তাহাই প্রয়োজন। আপনার প্রসাদে বুঝিতে পারিলাম, একমাত্র সুখই জগতের চেতনাচেতন সমস্ত পদার্থেরই অভিলষিত পদার্থ। সুখের কামনাতেই জগতের সকলের কার্য করা, সুখ দ্বারা প্রযুক্ত হইয়াই কার্য করা যায়,—অতএব সুখই প্রয়োজন। কিন্তু সুখ এমন কি পদার্থ;—যাহার জন্ম চেতনাচেতন জগতের সমস্ত পদার্থ আকাজিকত? সুখের স্বরূপ ব্যাখ্যাটি বলুন।

গুরু। অভিলষিত পদার্থ প্রাপ্তির জন্ম যে মনের বিকৃতি ভাব হয়, তাহাকেই সাধারণতঃ “সুখ” বলা যাইতে পারে। নিরুক্ত এবং নিরুক্তের টীকাতে সুখের এইরূপ অর্থ করা হইয়াছে,—

সুখং কস্মাৎ সুহিতং খেভ্যঃ । খং পুনঃ খনতেঃ ।

নিরুক্ত ৩৩১

অতিশয়েন হিতং পুরুষসা, খেভ্যঃ খহেতুকমিত্যর্থঃ । হিতং বা পুরুষে  
আত্মধর্মদ্বাং সুখাদীনাং ধর্মাধিকরণত্বাচ্চ ধর্মিণাম্ । \* \* "খ"পুনঃ খনতেঃ  
উৎপূর্বস্য উৎখনতি বিনাশয়তি, ---কিম্ ? পরব্রহ্মপ্রাপ্তি সুখম্ । কথম্ ? কার-  
সুখপ্রবৃত্তেরধীপমনাং ইতি সুখম্ ।

শ্রীদেবরাজযজ্ঞ কৃত নির্ঘণ্ট-টীকা ।

সুহিতং সৃষ্টু হিতম্বতেঃ পেভ্যঃ ইন্দ্রিয়েভ্যঃ । খং পুনঃ ইন্দ্রিয়ম্ খনতেঃ  
ধ্বংসভ্যঃ ।

দুর্গাচার্য্য কৃত টীকা ।

"খ" শব্দের অর্থ ইন্দ্রিয় । খ-হেতুক—ইন্দ্রিয়জন্য—বিষয়ে-  
ন্দ্রিয়-সম্বন্ধে জনিত মানস-বিকার বিশেষের নাম সুখ ;  
অথবা পুরুষ বা আত্মার যাহা ধর্ম, তাহা সুখ ; কিম্বা পর-  
ব্রহ্মপ্রাপ্তি সুখকে যাহা খনন করে—নাশ করে—পরিচ্ছিন্ন  
করে—আবৃত্ত করিয়া রাখে, তাহা সুখ ।" \*

শিষ্য । এই স্থলেই গোল বাধিল ।

গুরু । কোন্ স্থলে ?

শিষ্য । সুখের যে ব্যুৎপত্তিলভ্য অর্থ করিলেন,—তাহা পরম্পর  
পরম্পরার্থের বিরোধী হইয়া দাঁড়াইল ।

গুরু । কোন্ কোন্ স্থলে ?

শিষ্য । প্রথমে বলিলেন ত—ইন্দ্রিয়ের বিষয়গোচর জ্ঞান  
দ্বারা মনের যে ভাবান্তর উপস্থিত হয়, তাহাকে সুখ বলে ?

গুরু । হাঁ, সুলার্থ ঐরূপই ।

শিষ্য । আবার বলিলেন,—আত্মার যাহা ধর্ম, তাহাই সুখ ।

কিন্তু আত্মার ধর্ম কি?—বোধ হয়, মুক্তি হওয়া বা ঈশ্বর-সাজুয়া-লাভ করা ।

গুরু । ঠিক ঐরূপ নহে, তবে ভাবটা উহাই, বটে,—ভগবান্ পূর্ণ, পূর্ণতা লাভ করাই আত্মার ধর্ম ।

শিষ্য । তার পরে, আবার বলিলেন,—পরব্রহ্মপ্রাপ্তি সুখকে ঘাহা নষ্ট করে,—আবৃত করিয়া রাখে, তাহাই সুখ । পূর্বেকৃত অর্থের সহিত, এ কথাই কি অনৈক্য হয় নাই ?

গুরু । না ; ঘাহা আমাদের ইন্দ্রিয়-গ্রাহ্য বিষয়ে আনন্দ— তাহাতে আমাদের পূর্ণতার দিকে লইয়া যায়,—দেবতার সন্নিহিত করে, অথবা নরত্ব ঘুচাইয়া দেবত্বে পরিণত করত স্বর্গে লইয়া যায়,—কিন্তু তাহাই আমাদের ব্রহ্মানন্দ বিষয়ে আবৃত রাখে । কথাটা একটু পরে পরিস্ফুট করা যাইবে । তবে—

এবোহস্য পরম আনন্দ এতন্যেবানন্দস্যান্যানি ভূতানি মাত্রামুপজীবন্তি ।

বৃহদারণ্যক উপনিষৎ ।

“বিষয়েন্দ্রিয়ের সম্বন্ধ জনিত আনন্দের পরমাবস্থাই পরমানন্দ । বৈষয়িক আনন্দ \* বাস্তবিক পরমানন্দ ভিন্ন অন্য পদার্থ নহে । পরমানন্দের মাত্রা বা অংশই বিষয়ানন্দ । ভগবান্ আনন্দ স্বরূপ,—তিনিই পূর্ণানন্দ বা পরমানন্দ ; জীব সেই পরমানন্দেরই কণামাত্র বিষয়ে উপভোগ করে,—পরমানন্দের কণামাত্র আশ্রয় করিয়া অবস্থান করে ।”

\* বিষয় অর্থাৎ পদার্থ হইতে যে আনন্দ হয় । স্ত্রী-পুত্রাদির মিলনে যে আনন্দ, তাহাদিগকে সুখী দেখিলে যে আনন্দ, টাকা কড়ি বিষয়াদি পাইলে যে আনন্দ, যে কোন বস্তুর উপভোগে যে আনন্দ—হুলকথা, পার্শ্বিক পদার্থের যে কোন বিষয় হইতেই আনন্দ হয়, তাহাকেই বৈষয়িক আনন্দ বলে ।

তুমি বোধ হয়, বৃষ্টিতে পারিয়াছ যে, আমাদের যে আনন্দ, তাহা আনন্দের কণামাত্র—আর আনন্দের পূর্ণতা পরমানন্দ । যখন সুখই জগতের সমুদয় পদার্থের বাঞ্ছিত, তখন সেই পূর্ণানন্দ ভগবান্‌ই জগতের বস্তু যাত্রেরই লক্ষ্য ও প্রয়োজনীয় । সেই পূর্ণানন্দ—সেই অখণ্ড সুখ পাইবার জন্তই জগৎ নিয়ত কৰ্মশীল এবং সতত চঞ্চল ।

এক্ষণে কি উপায়ে সেই সুখ বা আনন্দ প্রাপ্ত হওয়া যায়, তাহাই জানিবার প্রয়োজন । সুখ পাইবার জন্ত—সুখী হইবার জন্ত সকলেই ব্যস্ত । সুখের আশাতেই জীব-জগৎ লালসিত । সুখ লাভ করিবার জন্তই দেবতা ও আরাধনার প্রয়োজন । দেবতার আরাধনা সেই সুখপ্রাপ্তির জন্তই হইয়া থাকে, অথবা দেবারাধনা সুখপ্রাপ্তির উপায় বলা যাইতে পারে ।

সূক্ষ্ম অদৃষ্ট-শক্তিকে আপন বশে আনিয়া তদ্বারা সুখলাভ করাই দেবতার আরাধনা ।

—

### সপ্তম পরিচ্ছেদ ।

সুখের স্বরূপ ।

শিষ্য । দেবতার আরাধনা করিলে সুখ লাভ হয় ?

গুরু । হাঁ ।

শিষ্য । কি প্রকারে ?

গুরু । বলিয়াছি ত, সূক্ষ্ম অদৃষ্ট-শক্তিকে স্ববশে আনিয়া তদ্বারা অতীষ্ট পূরণ করাই দেবতার আরাধনা ।

শিষ্য । কথাটি আমি আদৌ বুঝিতে পারি নাই । পূর্ণ-  
ব্রহ্ম অথও আনন্দময়—পরমানন্দ । তিনি ভিন্ন আর সকলই  
আনন্দের কলা বা কণা । পূর্ণতম সুখাধারই তিনি,—সুখ বা  
আনন্দ লাভ করিতে হইলে, তাঁহাকেই জানা বা তাঁহারই উপা-  
সনা করা কর্তব্য । দেবদেবীর আরাধনা করিলে কি হইবে ?

গুরু । সুখলাভ এবং দুঃখের নিবৃত্তি,—এই দুইটি জীব-  
মাত্রেই প্রয়োজন । কিন্তু জানিতে হইবে,—জীব যে সুখের  
আকাঙ্ক্ষা ও দুঃখ নিবৃত্তির কামনা করে,—সেই সুখ ও দুঃখ  
কি প্রকার ? সুখ কি,—তাহা পূর্বে বলিয়াছি, দুঃখ কি, তাহা  
বলিতেছি । আলোর অভাব যেমন ছায়া, সুখের অভাবই  
তদ্রূপ দুঃখ । এই দুঃখ ত্রিবিধ আখ্যায় আখ্যায়িত হইয়াছে ।  
আধ্যাত্মিক, আধিদৈবিক ও আধিভৌতিক । শরীর ও মনোমাত্র  
দুঃখকে আধ্যাত্মিক দুঃখ বলে । বাত, পিত্ত ও শ্লেষ্মা, এই দোষ-  
ত্রয়ের বৈষম্য জন্ম যে দুঃখ হয়, তাহাকে শরীর হইতে উৎপন্ন দুঃখ  
এবং কাম ক্রোধ লোভপ্রভৃতি মানস পদার্থ হইতে যে দুঃখ হয়,  
তাহাকে মানস দুঃখ বলে । এই উভয় প্রকারে সমুৎপন্ন  
দুঃখকেই আধ্যাত্মিক দুঃখ বলে ।

দেবতাগণ কর্তৃক যে দুঃখ হয়, তাহাকে আধিদৈবিক দুঃখ  
বলে । অর্থাৎ অগ্নি, বায়ু, ইন্দ্র, চন্দ্র, সূর্য্য, যম, বরুণ, নবগ্রহ  
প্রভৃতি দেবতা বা প্রাকৃতিক শক্তিসমূহদ্বারা যে সকল দুঃখ  
উপস্থিত হইয়া থাকে, তাহাই দৈব কর্তৃক দুঃখ, বা আধিদৈবিক  
দুঃখ । ভূত সকলের দ্বারা অর্থাৎ মনুষ্য, পশু, পক্ষী প্রভৃতি  
জীব ও স্থাবর পদার্থজাত হইতে যে দুঃখের উৎপত্তি হয়,  
তাহাই আধিভৌতিক দুঃখ ।

এখন, এই ত্রিবিধ দুঃখের আত্যস্তিকী নিবৃত্তিই সুখ।  
শিষ্য। কি উপায়ে এই ত্রিবিধ প্রকারের দুঃখ সম্পূর্ণ ভাবে  
নিবারিত হইতে পারে ?

গুরু। এক কথায় বলিতে হইলে, বলা যাইতে পারে—  
দেবতার আরাধনায়।

শিষ্য। দেবতার আরাধনা করিলে, এই ত্রিবিধ প্রকার দুঃখে-  
রই সম্পূর্ণ মূলোচ্ছেদ হইয়া থাকে ?

গুরু। হাঁ।

শিষ্য। দেবতাগণ কি আরাধনার তুষ্টি হইয়া বরদানপূর্বক  
এই সকল দুঃখের আত্যস্তিক নিবৃত্তি করিয়া থাকেন ?

গুরু। দেবতা আমাদের দেহেই আছেন,—আমাদের আশে-  
পাশেই আছেন। তাঁহারা বর দান করেন বৈ কি,—বর দানেই  
আমাদিগের দুঃখ নিবৃত্তি করিয়া থাকেন।

শিষ্য। কলিকালেও কি দেবতা প্রসন্ন হইয়া বর দান  
করিয়া থাকেন ?

গুরু। নিশ্চয়ই। তবে আমরা কলির জীব—আমরা কলি-  
কল্পযময় হইয়া পড়িয়াছি—দেবতার আরাধনা করিতে ভুলিয়া  
গিয়াছি, তাই দেবতাগণ আমাদেরকে বর দান করেন না।  
তুমি যদি আমার নিকটে এই সকল কথা শুনিতেন না আসিতে,  
শুনিবার জন্ত যদি তোমার আকুল-আকাঙ্ক্ষা না হইত, আমি কি  
তোমাকে শুনাইতাম ? তেমনি, দেবতাগণকে আমরা আরাধনা  
না করিলে,—আমাদের অভাব মোচনের জন্ত চেষ্টা না করিলে,  
তাঁহারা কি করিয়া আমাদের দুঃখের নিবৃত্তি করিবেন ?

শিষ্য। দেবতার আরাধনাতেই যদি রোগ-শোক-কাম-ক্রোধ-



লোভ-মোহাদির জ্বালা-যন্ত্রণা হইতে পরিত্রাণ পাওয়া যায়, দেবতার আরাধনাতেই যদি ঝড় জল অগ্নি ইত্যাদির হস্ত হইতে রক্ষা পাওয়া যায়,—দেবতার আরাধনাতেই যদি অন্নের অভাব ঘুচিয়া যায়, তবে মানুষের এত ছুটাছুটি কেন? মানুষের এত বিজ্ঞান-দর্শনের ঘাঁটাঘুঁটিই বা কেন?

গুরু। আমি যদি তোমাকে বলি, হিমশৈলের সৈকত-প্রস্রবণে স্বর্ণ বিন্দু পাওয়া যায়,—আর তুমি যদি আমার নিকটে দাঁড়াইয়াই বল যে, হাঁ মহাশয়! তাহা হইলে কি আর ভাবনা থাকিত—তাহা হইলে মানুষ কি আর এত হাড়ভাঙ্গা খাটুণী খাটিয়া দাসত্ব করিয়া কষ্টে-স্বষ্টে উদর পূরণ করিত? তাহা হইলে সকলে মিলিয়া হিমশৈলের সৈকত-স্রোতে গিয়া আঁচল পাতিয়া বসিয়া থাকিত, এবং স্বর্ণ কুড়াইয়া আনিয়া রাজত্ব করিত;—ইহা বলাও যেমন অসঙ্গত, আর তোমার প্রাণ্ডুক কথা বলাও তদ্রূপ অসঙ্গত। কারণ, আমার নিকটে কথাটি শুনিয়া, তোমার আগে বিশেষরূপে সন্ধান লওয়া কর্তব্য যে, হিমশৈলে সোণা পাওয়া যায় কি না,—সন্ধান লইয়া তোমার একবার সেখানে যাওয়া কর্তব্য,—স্বর্ণোদ্ধারের জন্তু চেষ্টা করা কর্তব্য। তখন যদি না পাও—তবে বলিতে পার, সোণা পাওয়ার অর্থন সুবিধা থাকিলে কি আর মানুষ চাকুরী করিয়া মরিত? দেবতা ও আরাধনা কি বুঝিয়া, কথিত নিয়মে তাঁহাদের আরাধনা কর,—অভীষ্ট ফললাভে বঞ্চিত হও, তখন বলিও দেবতার দ্বারা কার্য্যসিদ্ধি হইলে, লোকের আর ভাবনা কি ছিল?

শিষ্য। তাহা হইলে আপনি বলিতে চাহেন, কেবল



মাত্র দেবতার আরাধনা করিলেই আমাদের রোগ-শোক নিবৃত্তি হয়, আমাদের দুঃখ-দারিদ্র্য বিদূরিত হয়, আমাদের কাম-কামনাপূর্ণ হয়,—আমাদের রিপুগণ বশীভূত হয়, আমাদের অগ্নি জল ঝড় প্রভৃতির ভয় থাকে না,—এক কথায় আমরা সর্বস্বথে সুখী হই ?

গুরু । হাঁ ।

শিষ্য । ধরুন, আমার পুত্রটির বড় জ্বর হইয়াছে, আমি তখন দেবতা ও আরাধনা লইয়া বসিব, কি ডাক্তার ডাকিতে যাইব ?

গুরু । আমাদের প্রাচীন চিকিৎসা-শাস্ত্র আয়ুর্বেদও দৈবীচিকিৎসা । তাহাতেও সূক্ষ্ম অদৃষ্ট-শক্তির শক্তি-প্রাবল্য । তাহাতেও মন্ত্রাদির প্রয়োগ আছে । সে কথা যাঁউক—ফল কথা, চিকিৎসকে কি রোগ আরোগ্য করিতে পারে ? ঔষধ দিয়া প্রকৃতির সহায়তা করে মাত্র । যদি জড় পদার্থে রোগ আরোগ্যকারিণী শক্তি নিশ্চয় থাকিত, তবে যে ঔষধ খাইয়া রোগ ন্যাবারোগ হইতে মুক্ত হইল, তাহা খাইয়া শ্যামের কোন উপকার হইল না কেন ? যে ঔষধ খাইয়া গলাধর মৃত্যু-মুখ হইতে কিরিয়া আসিল, সে ঔষধ খাইয়া হলাধর শ্মশানে গেল কেন ? ফলতঃ কোন ঔষধেরই এমন ক্ষমতা নাই,—রোগ সারিবার পক্ষে যাহার নিশ্চয়াত্মিকতা আছে । ঔষধ, প্রকৃতির সহায়তা করে মাত্র । প্রকৃতি যাহাকে আরোগ্যের পথে লইয়া যান, ঔষধ তাহার সহায়তা করে,—আর প্রকৃতি যাহাকে ধ্বংস-পথে লইয়া যান, ঔষধের সাধ্য নাই যে, তাহাকে আরোগ্যের পথে লইয়া আইসে । ঔষধের

সে ক্ষমতা থাকিলে, ধনকুবেরগণের কেহ মরিত না—শ্রেষ্ঠ চিকিৎসকগণের কেহ মরিত না। তোমার বোধ হয়, স্মরণ আছে ;—সেবার কলিকাতায় কোন এক ধনিসস্তানের ব্যাধি হইলে, তাঁহার মাতা কলিকাতার বিখ্যাত বিখ্যাত ইংরাজ বাঙ্গালী এলোপ্যাথিক ও হোমিওপ্যাথিক ডাক্তার, বড় বড় কবিরাজ ও হাকিমগণকে একত্রে আহ্বান করিয়া বলিয়া-ছিলেন ;—“আমার পুত্রকে যিনি বাঁচাইতে পারিবেন, তাঁহাকে প্রত্যহ ভিজিট ও ঔষধের মূল্যত দিবই—তদ্বাদে পুত্র আরোগ্য হইলে, পুত্রের ওজনে স্বর্ণমুদ্রা দিব।” কিন্তু প্রকৃতি সংহারকত্রী—কাহার বা কোন্ ঔষধের সাধ্য আছে যে, তাহাকে রক্ষা করিতে পারে! আমার পরিচিত একটি ভদ্রলোক কার্যোপলক্ষে একটা স্থানে গমন করেন। যেখানে তিনি গমন করিয়াছিলেন ; সেখানে তখন সংক্রামকরূপে কলেরা রোগ হইতেছিল। দুর্ভাগ্যক্রমে তিনি ও তাঁহার সহিস উভয়েই ঐ রোগে আক্রান্ত হইয়া বাড়ী ফিরিয়া আসিলেন। দেখা গেল, তাঁহা হইতে তাঁহার সহিসের অবস্থা যেন আরও মন্দ। কিন্তু সহিসের দিকে কে তখন দৃষ্টি করে? সে আস্তাবলে পড়িয়া গড়াগড়ি দিতে লাগিল। আর ভদ্রলোকটির জন্ত তখনই বিশেষ বন্দোবস্ত হইল,—তখনই তিন চারি জন সুবিজ্ঞ চিকিৎসক আনান হইল, যথোচিত প্রকারে সেবা-শুশ্রূষা করা হইতে লাগিল এবং ঔষধাদি সেবন করান হইতে লাগিল। কিন্তু কিছুতেই কিছু হইল না,—তিন দিন পরে, ভদ্রলোকটি ইহলোক হইতে বিদায় লইলেন। আর সেই সহিসটি আস্তাবলের কায় জঞ্জালের রাজ্যে পড়িয়া গড়াইয়া গড়াইয়া

দুই তিনদিন পরে উত্তমরূপে আরোগ্য হইয়া উঠিয়াছিল । ঐ ভদ্রলোকটিকে যে সকল ডাক্তারগণ চিকিৎসা করিতে আসিয়া-  
ছিলেন, তাঁহাদেরই মধ্যর একজনের নিকট হইতে তাহার  
জন্ম কয়েক মাত্রা ঔষধ চাহিয়া লইয়া সেবন করান হইয়াছিল  
মাত্র । ইহাতে কি বুঝিবে যে, রোগ আরোগ্য করে চিকিৎসকে,  
না প্রকৃতিতে ? যখন কোন স্থলে মহামারী উপস্থিত হয়, তখন  
শত শত চিকিৎসকের বিজ্ঞাপন ও যুক্তিমতে সেই স্থানের  
বায়ুর বিশুদ্ধি করণ, জঞ্জাল-আপদ দূরীকরণ, ও কঠোর আইনের  
প্রচলন প্রভৃতি করিয়াও কি সেই মহামারীর নিবারণ করা  
ঘাইতে পারে ? পুনা-বোম্বের ব্যাপার বোধ হয়, তোমার  
উত্তমরূপই মনে আছে,—এত হাদ্জাম-হুজ্জত, এত কাটাকাটি  
মারামারি, এত মড়ার উপরে খাঁড়ার ঘা, কিন্তু মহামারীর  
কি কিছু হইয়াছিল ? কে কি করিবে ? প্রকৃতির সংহার-  
মুক্তিই মহামারী ;—তাহার বিরুদ্ধি করিবার ক্ষমতা কাহার  
আছে ? প্রকৃতিই জগৎ রক্ষা করিতেছেন, প্রকৃতিই জগৎ  
পালন করিতেছেন, এবং তিনিই মহামারীরূপে জগতের  
ধ্বংস করিয়া থাকেন । \* কাহার সাধ্য যে, তাঁহার কার্যের  
গতিরোধ করে ? তবে তিনিই তাঁহার লীলা সংহরণ করিতে  
পারেন । সর্বপ্রকারে তাঁহারই শরণাগত হইলে, তিনি সক-  
লই রক্ষা করিয়া বাঞ্ছিত ফলদানে সমর্থ । মানবের শক্তি  
প্রকৃতির বিরুদ্ধাচরণে সক্ষম নহে । দেবতার আরাধনায় মানু-  
ষের শক্তি দেবশক্তিতে পরিণত হয়,—দেবতার আরাধনায়

\* মহাকাল। মহাকালে মহামারীরূপে ।

মানুষ দৈব-নরহলাভ করিয়া থাকে,—তখন প্রকৃতি তাহার বশীভূতা। তিনি ইচ্ছা করিয়া দুঃখ বিনাশ করত পূর্ণসুখের দিকে অগ্রসর হইতে সক্ষম হইবেন।

ন দৃষ্টাৎ তৎ সিদ্ধিনিবৃত্তেহুপাধুপ্রতিদর্শনাৎ ।

সাংখ্য কর্ণন, ১/২

মানবীয় উপায় দ্বারা দুঃখের আতাত্তিকী নিবৃত্তির সম্ভাবনা নাই। অর্থাৎ ঔষাদির প্রয়োগে রোগাদির বিনাশ, ধনাদি লাভে চিন্তের শান্তি প্রভৃতি সম্পূর্ণভাবে হয় না। যেহেতু ঔষধদ্বারা রোগ আরোগ্য সকল স্থলে হয় না, হইলেও পুনরায় রোগ হইয়া থাকে। ধনাদিদ্বারা অভাবের যন্ত্রণা বিদূরিত হয় না, অথবা সময়ে অভাব বিদূরিত হইয়া পুনরায় সমধিক দুঃখও উপস্থিত হয়,—পুত্র না হইলে দুঃখ, হইলেও তাহার শরীর ভাল থাকা চাই, তাহার প্রার্থনার পূরণ করা চাই, তাহার স্বভাবচরিত্র ভাল থাকা চাই—এই সকলের অন্তরায় হইলেই দুঃখের উৎপত্তি হয়, এবং ইহা না হইলেও তাহার মরণ-ভীতি তাহার ভবিষ্যৎ বিপদা-শঙ্কা প্রভৃতি এই সকলের দ্বারা লৌকিক কোন উপায়েই দুঃখের নিবৃত্তি হয় না, এবং যে দুঃখ নিবৃত্ত হইল বলিয়া আমরা সময় সময় মনে করি, সেই নিবৃত্ত দুঃখেরও অন্তবৃত্তি হইয়া থাকে—অর্থাৎ লৌকিক উপায়ে কথঞ্চিৎ প্রকারে উপশমিত হইলেও সেই শান্ত দুঃখের পুনরাবির্ভাব হইয়া থাকে।

কিন্তু মানুষ চায় কি,—মানুষের কি দুঃখ আবার ফিরিয়া আসুক? তাহা নহে। মানুষের ইচ্ছা,—দুঃখের একেবারে তিরোভাব ও নিরবচ্ছিন্ন সুখের আবির্ভাব। তাহা হয় কে? হয় না, আমরা সুখের উপায় করিতে জানি না, বলিয়াই হয় না।

পরিণামতাপ-সংস্কারহঃঐখণ্ডবিবিকিৰোখাচ ছঃখমেব সৰ্বং বিবেকিনঃ ।

পাতঞ্জল ।

“বিষয়েন্দ্রিয় সংযোগজনিত এক প্রকার মনের বিকারই সুখ । কিন্তু সংসারের সকলই ক্ষণভঙ্গুর,—যে রাজ্যে নিবৃত্তিকে পশ্চাতে রাখিয়া উৎপত্তি দর্শন দেয়, যে দেশে মৃত্যুকে সঙ্গ করিয়া জন্ম আগমন করে, যে পরিবর্তনশীল জগতে মরিবার জন্মই জন্ম হইয়া থাকে, যে সংসারে বিয়োগ-যাতনা ভোগ করিবার জন্মই সংযোগ হইয়া থাকে, সে দেশের—সে সংসারের সুখও দুঃখের আকারে পরিণত হইবে, তাহাতে আর বিচিত্র কি ?

এ পরিবর্তনের জগতে দুঃখ নয় কিসে ? সে দিন যে ক্ষুদ্র-কুমুম-কান্তি শিশুকে কোলে লইয়া তাহার মুছ মধুর হাস্তা-ধর দর্শন করিয়া, শিশুর পিতাকে আনন্দে বিভোর হইতে দেখিয়া আসিয়াছিলাম,—সহসা এক দিন পথে যাইতে দেখি, সেই শিশুর মৃতদেহ বক্ষের উপর ফেলিয়া, জগৎ ঘোর দুঃখের আকর জ্ঞান করিয়া চক্ষুর জলে বক্ষ ভাসাইয়া সেই বালকের পিতা শ্মশানাভিমুখে চলিয়াছে,—সুখ কোথায় ? আজি যে বর সাজিয়া বিবাহের বাজনার মধ্যে জগৎ সুখময় দেখিয়া বিবাহ করিতে যাইতেছে,—তুই বৎসর পরে হয়ত, সেই যুবক, তাহার স্ত্রীকে অশ্রুাভিলাষিনী দেখিয়া সংসার হইতে বিদায় পাইবার জন্ত বিষ ভক্ষণ করিতেছে । আজি যে সুখের জন্ত অপরিমিত আহার করিতেছে, কালি সে অন্ন-জীর্ণে জীর্ণ হইয়া হতাশের দীর্ঘবাসে অন্নতপ্ত হইতেছে । তাই বলিতেছিলাম,—সুখ কোথায় ?

তোমাদের পাড়ার প্রভাত আগে চরিত্রবান্ যুগল ছিল,—  
মাঝে সে বড় খারাপ হইয়া যায়—তাহার পবিত্র চরিত্রে  
কলঙ্কের কালিমা আবৃত হয়, তুমি বোধ হয় তাহা জান।  
সে, বাজারের একটি বেণ্ডার কুহকে পতিত হয়। সে সুখের  
জন্যই। সে অবশ্যই সেই বেণ্ডার সন্দর্ভনে সুখলাভ করিত,—  
তাহার সহিত কথা কহিলে, তাহার কাছে বসিলে, তাহার সন্তোষ  
বিধান করিতে পারিলে,—প্রভাত তখন নিশ্চয়ই সুখী হইত,  
সন্দেহ নাই। যদি সে সুখী না হইবে, তবে তাহা করিত  
কেন? প্রভাতকে ঐ পাপকাণ্ড হইতে নিবৃত্ত করিবার জন্য  
প্রভাতের আশ্রয়-স্বজন বিধিমেতেই চেয়া পাইয়াছিলেন, কিন্তু  
তখন কিছুতেই কিছু করিয়া উঠিতে পারেন নাই। তার-  
পরে, পরিবর্তনের জগতে পরিবর্তন আপনিই হইয়া গেল,—  
প্রভাতের ঘোর কাটিল, সে দেখিল—যাহাকে সুখ বলিয়া  
সে আশ্রয়মর্পিত হইয়াছিল তাহা সুখ নহে, দুঃখ! এ সুখের  
পরিণতিই দুঃখ! দুঃখ জানিতে পারিয়া প্রভাত ফিরিয়া পড়িল।  
তার পরে, এখন সেই বেণ্ডার নাম করিতেও প্রভাত বৃণা বোধ  
করিয়া থাকে। কিন্তু যখন তাহার সুখের মোহ ছিল, তখন  
যেন তাহার মর্মপটে সেই বেণ্ডার নামটি খোদিত করিয়া লইতে  
পারিলে, তাহার আনন্দ হইত।

ফলকথা,—সাংসারিক-সুখ পরিণাম-দুঃখের প্রকৃতি; ইহাতে  
স্থায়ী সুখ হইতেই পারে না।

শিষ্য। এতক্ষণে আপনার কথার ভাব অনেকটা বুঝিতে  
পারিতেছি।

গুরু। কি বুঝিতেছ?



শিষ্য । আপনি বোধ হয় বলিবেন, ঈশ্বর-উপাসনাই সুখ,—  
দেবতাগণ তাহার সূক্ষ্মদৃষ্টশক্তি ; অতএব, তাঁহাদের পূজাদি  
লইয়া জীবনটা অতিবাহিত করিয়া দিলে, আর কোন ভাব-  
নাই নাই । সংসারের সুখ-দুঃখে লিপ্ত হইতে হইবে না ।

গুরু । তোমার মত পাগল কি সকলেই ?

শিষ্য । কেন, আমি পাগলের মত কি বলিলাম, ঠাকুর ?

গুরু । এমন একটি সোজা কথা বলিবার জন্ম কি, হিন্দুর  
অর্গাধ শাস্ত্র ? এমন একটি সোজা সূত্র লইয়া কি হিন্দুর পূজা ও  
আরাধনার এত বিপুল আয়োজন ? এমন একটি সহজ তত্ত্বের  
উপরে কি হিন্দুর তন্ত্র-মন্ত্র বেদ-বেদান্ত পুরাণাদি ? তাহা নহে ।  
তুমি যে কথাটা ধারণা করিয়াছ—উহা পাগলেরই ধারণা ।

শিষ্য । আপনি বলিলেন, এই পরিবর্তনের জগতে যে কিছু  
সুখ, তাহা সমুদয়ই পরিবর্তনশীল । এই দৃশ্যমান সংসারে যে কিছু  
সুখ, তাহা পরিণাম-দুঃখের প্রসূতি । আপনার কথা, এক  
কথায় বলিতে হইলে, বোধ হয় এইরূপ হয় যে, *Premature  
consolation is but remembrancer of sorrow.*

গুরু । হাঁ, কথাটা তাহাই বটে । কিন্তু কি প্রকারে সেই  
অস্থায়ী সুখকে স্থায়ী সুখে পরিণত করিতে হয়, কি প্রকারে  
জীবের সেই চির সহচর দুঃখকে একেবারে নশ করিতে  
হয়, তাহা তুমি যে প্রকার বলিলে, সে প্রকারে নহে ;—অধি-  
কন্তু ঐরূপ বলা পাগলেরই প্রণাম । অবশ্য হিন্দুধর্ম ভিন্ন  
অন্যান্য ধর্মে সুখের উপায় ঐ প্রকারে বর্ণনা করিয়াই নিশ্চিত  
হইয়াছেন, কিন্তু হিন্দুধর্ম বিজ্ঞানতত্ত্বের সূক্ষ্মাতিসূক্ষ্ম গঠনে  
গঠিত । ইহা—“ঈশ্বরকে ভজনা কর, তিনি পাণ হইতে তাপ



হইতে তোমাদিগকে ত্রাণ করিয়া স্বর্গে লইয়া যাইবেন।”—  
এমন অসার বাক্যময় ধর্ম নহে। ঈশ্বর পাপ তাপ হইতে  
মানুষকে মুক্ত করিয়া স্বর্গে লইয়া যাইবেন কেন, জিজ্ঞাসা  
করিলে তাঁহারা বলিবেন,—“কৃপা করিয়া ঈশ্বর তোমাদিগকে  
স্বর্গে লইয়া যাইবেন।” কেন কৃপা করেন? তাঁহাকে ছুটি  
মুখের কথায় স্তব বা খোসামোদ করিলেই তিনি কেন আমা-  
দিগকে দয়া করিবেন, তাহা জিজ্ঞাসা করিলেই তাঁহাদের  
চক্ষু স্থির হইয়া যায়। কিন্তু হিন্দুধর্ম বিজ্ঞানের ধর্ম—এমন  
বাজে কথায় মত বজায় রাখিতে চাহে না। ঈশ্বরোপাসনা  
করিলে সুখ হয়,—দেবতাগণ তাঁহারই বিভূতি; অতএব সংসার  
ছাড়িয়া, গৃহস্থালী ছাড়িয়া, কাজকর্ম ছাড়িয়া দেবতার পূজা  
আরাধনা কর—যাহা কিছু টাকা পয়সা আছে, গুরু পুরোহিত ও  
ব্রাহ্মণকে দান করিয়া তুমি গাছতলায় আশ্রয় লও—ইহাই কি  
হিন্দুধর্ম? তাহা যদি হইত, এত অত্যাচারেও হিন্দুধর্ম এখনও  
অক্ষয় থাকিত না। যাহা অসার, তাহার বিনাশ হইতে কয়  
দিন লাগিয়া থাকে?

হিন্দু ধর্মে চারিটি আশ্রম নির্দিষ্ট আছে। যে, যেমন  
গুণ লইয়া জন্ম গ্রহণ করিয়াছে, তাহাকে সেই আশ্রমে থাকিয়া  
আশ্রমোচিত ধর্ম প্রতিপালন করিতে হইবে। যাহারা কাম-  
কামনাদি জড়িত বদ্ধ-জীব, তাহারা সন্ন্যাস ধর্ম অবলম্বন করিয়া  
গাছতলায় যাইতে পারিবে কেন? তাহারা আশ্রমে থাকিয়া  
পুত্র-কলত্রাদি লইয়া, বিষয়-বিভব লইয়া বাস করিবে, এবং যাহাতে  
সুখী হইতে পারে, তাহাই করিবে।

## অষ্টম পরিচ্ছেদ ।

### সুখের সংস্কার ।

শিষ্য । সংসারের সুখ, সুখই নহে—সে সুখের পরিণতি দুঃখ, ইহা আপনিই বলিলেন । আবার বলিতেছেন,—সংসারে থাকিয়া যাহাতে সুখী হইতে পারে তাহার চেষ্টা করিবে । পুত্র কন্যাাদি অস্থায়ী, টাকাকড়ি অস্থায়ী, স্বাস্থ্য চঞ্চল,—তবে কি লইয়া সুখী হইব ? সংসারের আনন্দ বা সুখ সুখই নহে । তবে সংসারে থাকিয়া কি প্রকারে সুখী হইবে ?

গুরু । সাংসারিক সুখ স্থায়ী না হইলেও উহাতে যে সুখের অংশ বা কণা আছে, তাহা পূর্বে বলিয়াছি । আমি যাহা বলিয়াছি, তাহার সংক্ষিপ্ত ভাব বোধ হয় এইরূপ হইবে যে, আত্যন্তিক দুঃখ নিবৃত্তির নামই পূর্ণ সুখ । আর সম্পূর্ণরূপে দুঃখ নিবৃত্তি না করিয়া যে সুখ হয়, তাহা পূর্ণ সুখ নহে,—সুখের কণা মাত্র । যাহা পূর্ণ নহে, এবং যাহা অচিরে অন্তর্হিত হইয়া যায়, তাহা নিশ্চয়ই প্রার্থিত নহে । কিন্তু প্রার্থিত না হইলে ও জীব সেই একটুকুরই কাঙ্ক্ষাল । তবে, তৃপ্তি ভাঙ্গে না,—প্রাণভরা পিপাসায় একবিন্দু জলে কি হইতে পারে ? জীব কিন্তু সেই একটুকুর জন্ত দৌড়াদৌড়ি করিতেছে ।

সাংসারিক সুখেও একটু সুখ ভোগ হয়,—নতুবা জীব কিসের জন্ত এত লালসিত ? কিন্তু যেই সে সুখটুকু অক্ষত হয়, আর সেই মুহূর্তেই দুঃখ উপস্থিত হইয়া সুখটুকুকে চাকিয়া ফেলে । সাংসারিক দুঃখে এ অভিসম্পাত কেন ? এমন হয় কেন ?

তোমাদের সহিত যত্ন নামক যে যুবকটি কলেজে অধ্যয়ন করিত, তাহার কথা মনে আছে কি ?

শিষ্য । খুব আছে ।

গুরু । সে যখন কলেজ পরিত্যাগ করিয়া বাহির হয়, তখন তাহার সংসারের আর্থিক অবস্থা অতিশয় মন্দ ;—সে বলিত, মাসিক ত্রিশ টাকা আয় হইলে, আমি পরম সুখী হইতে পারি । ত্রিশটাকার স্থলে চল্লিশ টাকার চাকুরী হইল, একমাস পরেই তাহার নিকট শুনিলাম, আমার দিন চলেনা,—একশত টাকা না হইলে সংসার চালাইতে পারি না । এক শত টাকার চাকুরী হইল,—যত্ন হাসিমুখে বলিল, ইহা এখন একটু সুখী হইতে পারিব,—একমাস পরে আবার আমার সহিত সাক্ষাৎ হইয়াছিল, তখন বলিল “মহাশয় ! কতকগুলি টাকা কর্জ হইয়া পড়িয়াছে, কৈ একশত টাকাতেও ত চলে না । তার পরে, এখন যত্নাথের বেতন মাসিক তিনশত টাকা—কিন্তু সে তথাপিও সুখী নহে । আরও চাহে—টাকার পূর্ণতা কোথায় ? ষতদিন পূর্ণতার দিকে না যাইতে পারিতেছে, ততদিন তাহার অসুখ যাইবে না ।

একশ্রেণীর লোক আছেন, তাঁহারা প্রেমের কাঙ্গাল—রূপ দেখিলেই ভালবাসিতে ইচ্ছা করে, কিন্তু ভালবাসিতে পাইলেও অসুখী ; না বাসিতে পাইলেও অসুখী—তু দিন না হয়, বাহ্যিকের বাহুপাশে সুখলাভ করিল,—তারপরে ছাড়িয়া পলাইতে পারিলে সুখ । পলাইয়াও ভালবাসার প্রবৃত্তি যায় না,—আবার চাই ; যাহা খুঁজিয়াছিলাম তাহা কৈ ?

আমার পুত্রটির কখনগরের সরভাজার উপরে ভারি লোভ,

সে বড় আকার ধরিয়েছে—কৃষ্ণনগর হইতে সরভাজা আসিয়াছে বলিলেই চূপ করিয়া বাহিরে ছুটিয়া যায়। প্রায়ই তাহার জন্ত উহা আনিয়া গৃহে রাখা হইত, কিন্তু উদরের পীড়া হইবে বলিয়া সামান্য পরিমাণে মধ্যো মধ্যো দেওয়া হইত। আমার একটি বন্ধু, বাগকের ঐরূপ অত্যাশক্তি শুনিয়া এক দিন অনেকখানি সরভাজা আনিয়া একবারে তাহাকে খাইতে দিলেন,—সে ষতখানি খাইতে পারিয়াছিল, ততখানিই খাইতে দিলেন,—কিন্তু সেইদিন হইতেই সে আর সরভাজাতে তত তুর্ট ছিল না। সে বুঝি, সরভাজার শেষ পর্য্যন্ত দেখিয়া ভাবিল,— এই—ই !

কোন দ্রব্য অধিক ব্যবহার করিলে, তাহাতে যে অনাসক্তি জন্মে, তাহার কারণই জীব দেখিতে পায়—তাহার চরমেও কোন সুখ নাই—যে আশা করিয়াছিল, তাহা মিলিতেছে না। এমন হয় কেন, তাহা জান ?

শিষ্য। ঐরূপ হয়, তাহা জানি,—কিন্তু কেন হয়, তাহার কারণ জানি না, অনুগ্রহ করিয়া বুঝাইয়া দিন।

গুরু। যে কোন প্রকারের হউক, সাংসারিক সুখ ভোগ করিবার সময় তাহার একটা সংস্কার জীবের চিত্তে আবদ্ধ হইয়া যায়। সেই সংস্কার আমাদের পূর্বাভূত সুখের সমান সুখ-ভোগ করিবার নিমিত্ত নিয়ত উত্তেজিত ও চঞ্চলিত করিয়া থাকে। যতক্ষণ পূর্বাভূত সুখের সমান সুখ প্রাপ্ত হওয়া না যায়, ততক্ষণ বা ততকাল দুঃখই যায় না—কিছুতেই শান্তি আইসে না।

বালক, পশু প্রভৃতির স্বভাবের উপরে লক্ষ্য করিলে অনেক

স্বাভাবিক বিষয়ের মীমাংসা হইয়া থাকে। রামের শিশু পুত্রটী গত আশ্বিন মাসে তাহাদের পাড়ার রায়বাড়ী দশভুজা মূর্তি দেখিয়া আসিয়াছিল,—তারপরে মাঘমাসে ওপাড়ায় বারোয়ারি সরস্বতী পূজা হইতেছিল, সে গিয়া সেই প্রতিমা দর্শন করিল,—কিন্তু পূর্বে যে দশভুজা মূর্তি দেখিয়াছিল, সে সংস্কার তাহার চিত্তে ছিল,—সেই কোটাভরা মূর্তির কাছে এ মূর্তি ক্ষুদ্র, তাহার আশা মিটল না, মনে সুখও হইল না। যখন বাড়ী হইতে ঠাকুর দেখিতে বাহির হইয়াছিল—তখন বড় ঔৎসুক্যের সহিতই বাহির হইয়াছিল, কিন্তু দেখিয়া দেখার সাধ মিটল না,—পূর্বদর্শনের অনুভূতি যাহা সংস্কাররূপে তাহার চিত্তক্ষেত্রে মুদ্রিত ছিল, তেমনটিত দেখা হইল না। কাজেই সে বড় ক্ষুর মনে বাড়ী ফিরিয়া আসিয়া বলিল—“এ ঠাকুর ভাল না।”

কোন একটি বাঁধা গরুকে একদিন একমুঠা কোমল অথচ ষিট কাঁচা ঘাস দেওয়া হইয়াছিল, তৎপর দিবস সে শুষ্ক বিচালীর পরিবর্তে বোধ হইল, সেই ঘাস একমুঠার অন্তে আকুল হইয়াছে। তখন তাহাকে তাহার বন্ধন মোচন করিয়া ছাড়িয়া দেওয়া হইল। মনের ইচ্ছা,—বাড়ীর চারি দিকে কাঁচা ঘাস আছে, থাইয়া উহার লালসার পরিতৃপ্ত করিয়া আশুক। যখন তাহাকে ছাড়িয়া দেওয়া হয়, সে বোধ হয়, সম্মুখে কাঁচা ঘাস দেখিয়া বড় আনন্দে ছুটিয়া গিয়া তাহার উপরে পড়িল—কিন্তু সমস্ত স্থান শুঁকিয়া শুঁকিয়া ছুটিয়া বেড়াইতে লাগিল;—অবশেষে ঘুরিয়া ফিরিয়া আবার তাহার স্থানে আসিয়া দাঁড়াইয়া ছিল।

যে ঘাসগুলি দেখিয়া সে দৌড়িয়াছিল, সে গুলি পূর্বভুক্ত ঘাসের মত বোধ হয় গন্ধাশ্বাদ বিশিষ্ট নহে । তাই তাহার সংস্কার তাহাকে সেগুলি ভক্ষণে সুখ পাইতে দিল না, সে ফিরিয়া আসিয়াছিল ।

এইরূপ সর্বত্রই । জীবিতই পূর্বসংস্কার লইয়া সুখের অনুসন্ধানে ফিরিতেছে,—কিন্তু সংস্কার সুখ বা বিষয়ের অপ্রাপ্তিতে সুখের পরিবর্তে দুঃখই প্রাপ্ত হইতেছে ।

আমরা পূর্ণ পদার্থ—জীবের । আনন্দ যে কি, তাহা আমরা জানি । আমাদের পূর্বানুভূতিতে তাহা সংস্কাররূপে বিরাজিত আছে ;—আমরা সেই সুখের আশাতেই প্রধাবিত ও ছুটাছুটি করিয়া বেড়াইতেছি । বৈষয়িক আনন্দ পরমানন্দ হইতে বাস্তবিক স্বরূপতঃ বিশেষ বিভিন্ন পদার্থ নহে । পরমানন্দ পূর্ণ—আর বিষয়ানন্দ তাহার অংশ বা কণা । অল্পত্ব মহত্ত্ব ব্যতীত তাহার আর কোন প্রভেদ নাই । কিন্তু তুমি বোধ হয়, অবগত আছ—জীবও সেই পূর্ণানন্দ গুণের । পরমানন্দ যাহা, তাহা জীব জানে,—কাজেই তাহার কণা লইয়া সে মুগ্ধ হইবে কেন ? তাই এই সকল ক্ষুদ্র সুখ তাহার উপস্থিত হইলেই তাহারাও শেষ তাহার কাঙ্ক্ষিত হয় । আকাঙ্ক্ষা থাকিতে সুখ হয় না ।

মানুষের মধ্যে যাহার চিন্তাশক্তি হইয়াছে, যাহার ইচ্ছিয়গণের সম্যক স্ফুর্তি ও এই সামঞ্জস্য সাধিত হইয়াছে ; যিনি অবিকল সমগ্রাবরবসম্বন্ধ, উপভোগোপকরণবৃত্ত—মনুষ্যলোকে তিনিই সুখী ।

এইরূপ সুখে সুখী হইতে হইলে—এইরূপ সুখের জন্য



ইচ্ছা করিলে, ইহার সাধনা চাই,—ইহার সাধ্যের নাম দেবতা ও আরাধনা ইহার সাধনার নাম ।

### নবম পরিচ্ছেদ ।

দেবতার আরাধনায় সুখ লাভ ।

শিষ্য । যে রূপ সর্বগুণবিশিষ্ট লোক সুখী বলিয়া আপনি অভিহিত করিলেন, সে রূপ লোক কি সংসারে কেহ আছেন ?

গুরু । শত শত আছেন ।

শিষ্য । সে রূপ লোক দেখিতে পাই না ।

গুরু । লোকের আকৃতি প্রকৃতির সাদৃশ্য প্রায় এক-রূপই, কিন্তু অপরের মনের অবস্থা তুমি আমি বুঝিব কি প্রকারে ?

শিষ্য । বুঝিতে পারিলে, তাঁহাকে আদর্শ করিয়া অনেক জীবন গঠিত হইতে পারে ।

গুরু । মানুষের কার্য্য দেখিয়াই হৃদয়ের বিচার করিতে হয়, কিন্তু আমরা কয় জন মানবের কার্য্যের প্রকৃত তথ্য লইয়া থাকি ? আর কার্য্যের ভাব হৃদয়ঙ্গম করিবার শক্তিই বা আমাদের কোথায় ? কিন্তু আমাদের উপকারের জন্ত—মানুষের আদর্শের জন্ত এক আদর্শ পুরুষের অবতার হইয়াছিল,—পুরাণে তাঁহাকে শ্রীকৃষ্ণ বলিয়া অভিহিত করিয়াছে । সময়ে তোমাকে সে কথা আমি বলিব ।

শিষ্য । যখন যে কথা বলিলে, আমি ভালরূপে বুঝিতে পারিব,



আপনি আমার প্রতি কৃপা করিয়া তখনই তাহা বলিবেন । এক্ষণে একটি কথা জানিতে চাহি ।

গুরু । কি বল ?

শিষ্য । আপনি বলিলেন, দেবতার আরাধনা করিলে সুখ লাভ হয় । সুখ প্রাপ্তির প্রথম সোপান দেবতা ও আরাধনা । তাহা কি প্রকার,—আমাকে বুঝাইয়া বলুন ।

গুরু । দেবতা অর্থে যে সূক্ষ্ম অদৃশ্য-শক্তি তাহা তোমাকে বলিয়াছি ;—সেই শক্তি লইয়া ত্রিজগৎ গঠিত । জীবও জগৎ ছাড়া নহে,—সুতরাং জীবও দেবতার অধিষ্ঠান আছে । কেবল দেবতা নহে—ভূ ভুবঃ স্বঃ এই ত্রিলোকে যাহা কিছু পদার্থ বা বস্তু আছে, সে সমুদয়ই জীবদেহে আছে ।

ত্রৈলোক্যে যানি ভূতানি তানি সর্বাণি দেহতঃ ।

যেরুং সংবেষ্ট্য সর্বত্র ব্যবহারঃ প্রবর্ত্ততে ।

শিবসংহিতা ।

“ভূভুবঃ স্বঃ” এই তিনলোক মধ্যে যত প্রকার জীব আছে, তৎ সমস্তই দেহের মধ্যে অবস্থিতি করিতেছে । সেই সকল পদার্থ মেরুকে বেষ্টন করিয়া আপন আপন বিষয়ের সম্পাদন করিতেছে ।”

দেহেহ্মিন্ বর্ত্ততে যেরুং সপ্তদ্বীপসমবিতঃ ।

সবিতঃ সাগরাঃ শৈলাঃ ক্ষেত্রানি ক্ষেত্রপালকঃ ॥

ঋবরো মুনয়ঃ সর্কৈ নক্ষত্রানি গ্রহাস্তথা ।

পুণ্যতীর্থানি পীঠানি বর্ত্তন্তে পীঠদেবতাঃ ॥

সৃষ্টিসংহারকর্ত্তারৌ ভ্রমন্তৌ শশিভাঙ্করৌ ।

নভো বায়ুশ্চ বহিষ্চ জলং পৃথ্বী তথৈব চ ॥

শিবসংহিতা ।

“জীবদেহে সপ্তর্ষীপের সহিত সুর্যের পর্বত অবস্থিতি করে, এবং সমুদায় নদ, নদী, সমুদ্র, পর্বত, ক্ষেত্র ও ক্ষেত্র-পাল প্রভৃতিও অবস্থান করিয়া থাকে। মুনি-ঋষিসকল, গ্রহ-নক্ষত্র, পুণ্যতীর্থ, পুণ্যপীঠ ও পীঠদেবতাগণ এই দেহে নিত্য অবস্থান করিতেছেন। সৃষ্টি-সংহারক চন্দ্র-সূর্য এই দেহে নিরন্তর ভ্রমণ করিতেছেন। আর পৃথিবী, জল, অগ্নি, বায়ু ও আকাশ প্রভৃতি পঞ্চ মহাভূতও দেহে অধিষ্ঠিত হইয়া আছে।

শিষ্য। দেহের মধ্যে যে এই সমুদয় আছে,—কোন প্রকার তাহার প্রত্যক্ষ হয় না কেন? সেই জন্ত অনেকে একথা বিশ্বাস করেন না,—আর কথাটিও আরব্য উপন্যাসের গল্পের মত অসম্ভব বলিয়াই জ্ঞান হয়।

গুরু। অসম্ভব নহে। শাস্ত্রে বলিতেছেন,—

জানাতি যঃ সর্বমিদং স যোগী নাত্র সংশয়ঃ ।

শিবসংহিতা ।

“যে ব্যক্তি দেহের এই সমস্ত বৃত্তান্ত অবগত হইতে পারে, অর্থাৎ আপনার শরীরের কোথায় কি আছে, জানিতে পারে, সেই ব্যক্তিই যথার্থ যোগী।”

শাস্ত্রের এই বচনে জানা ঘাইতেছে, ব্রহ্মাণ্ডে যাহা কিছু আছে, তৎসমুদয়ই দেহের মধ্যে আছে, কিন্তু তাহা সাধারণের জ্ঞেয় বা দর্শনীয় নহে। ঐহারা যোগী, তাহারাই মাত্র উহা জ্ঞাত হইতে পারেন। যোগের চকু ব্যতীত সে শাস্ত্রের পরিদর্শন হয় না।

দেবতা, নাগ, নর, পাহাড়, পর্বত, পিতৃগণ, সিদ্ধগণ, অগ্নিরোগণ,

পদ্মার্শগণ, নল, নদী, বন, উপবন, পশু-পক্ষী, কীট-পতঙ্গাদি ত্রৈলোক্যে যাহা কিছু আছে, তৎ সমস্তই দেহে আছে । কিন্তু এতটুকু চৌদ্দপোয়া দেহে সমস্ত বিশ্বের পদার্থ থাকিল কি প্রকারে !— শাস্ত্রকারগণ অবশ্য দোক্তাহীন গল্পিকায় দম দিয়া ইহা লেখেন নাই । ঐ সকল পদার্থের যে সূক্ষ্মশক্তি—সেই সূক্ষ্ম-শক্তি আমাদের শরীরে আছে । যে সূক্ষ্ম শক্তিতে দেবতা, সে শক্তি আমাদের দেহে আছে,—যে সূক্ষ্মশক্তি-বলে বলীয়ান হইয়া ঐ প্রকাণ্ড ভূধর গগনশীর্ষ হইয়া উঠিয়াছে, তাহাও আমাদের দেহে আছে । যে সূক্ষ্মশক্তি হৃদয়ে ধরিয়া ভীম-ভৈরব কল্লোল তুলিয়া মহা সমুদ্র অনন্তের দিকে প্রধাবিত হইতেছে, তাহাও আমাদের শরীরে আছে । ফলকথা, বাহ্যদৃশ্য বা অন্তর্দৃশ্যে যাহা কিছু দেখিতে পাইতেছ, বা অনুভব করিতে পারিতেছ, সে সমুদয়ই বীজরূপে অব্যক্তভাবে আমাদের দেহে আছে । অগ্নিবীজে যেমন অগ্নি গাছ অব্যক্তভাবে অবস্থিতি করে, আমাদের দেহের মধ্যেও তদ্রূপ সমস্ত পদার্থ বীজভাবে অবস্থান করিতেছে । মনে কর, একমুষ্টি কপিরবীজ, এতটুকু কাগজে মোড়ক করিয়া রাখিয়াছ, কিন্তু উহা বপন করিলে, দুই বিঘা জমিতেও তাহাদের স্থান হয় না । দেহেও সেইরূপ বীজভাবে ব্রহ্মাণ্ডের সমস্ত পদার্থ নিহিত আছে,—তাহাদের স্মৃতি হইলে, সমস্ত বিশ্বেও স্থান সংকুলান হয় না ।

এখন যে যে কথা বলিতেছিলাম,—দেবতাগণ সূক্ষ্মাদৃষ্ট শক্তি । মনে কর, বরুণ-জলাধিপতি, জলাধিপতি—বলিতে কি বুঝায়, তাহা জান কি ?

শিষ্য । বোধহয়, জলের সূক্ষ্ম বীজ ।

গুরু । হাঁ । জগতে যেখানেই জল দেখিতে পাইবে, তাহারই বীজ বরুণদেবতা । আমাদের দেহ-মধ্যেও জলতত্ত্ব বা বরুণবীজ আছে ।

এখন ; তুমি দুইটি গোলাপগাছ রোপণ করিয়াছ, জলাভাবে চারা কয়টি মারা যাইতেছে,—তাহাতে তোমার মনে একটা দুঃখের উদয় হয় না কি ?—যদি তুমি ঐ বরুণবীজ বা জলতত্ত্বের বিকর্ষণে প্রকৃতির বরুণবীজকে আকর্ষণ করিতে পার, তবে বরুণবীজ ব্যক্তরূপে অর্থাৎ স্কুলাকারে পরিণত হইবে, এবং তখনই জল হইয়া তোমার গোলাপের চারার উপকার করত তোমার মনে আনন্দ প্রদান করিবে ।

এইরূপ সর্বত্র । তোমার মনে সুগন্ধ লাভের আকাঙ্ক্ষা হইয়াছে, গন্ধতত্ত্বের বিকর্ষণে জগতের সর্বগন্ধের সার গন্ধ আকর্ষিত হইয়া উপস্থিত হইবে । ধনৈশ্বৰ্য্যের প্রয়োজন, ঐশ্বৰ্য্যতত্ত্বের বিকর্ষণে ঐশ্বৰ্য্যতত্ত্ব আকর্ষিত হইয়া তোমার অভীষ্ট পূরণ করিবে ।

গোড়ায় তোমাকে বলিয়াছি, দেবতার আরাধনায় সুখলাভ হয় । সুখ কি, তাহাও বুঝাইয়াছি ।

ইন্দ্রিয়ের সামঞ্জস্য, পরিণতি ও তৃপ্তিই সুখ । কিন্তু সেই তৃপ্তির অভাব হইতেছে, অপূর্ণতার জন্ম । প্রত্যেক ইন্দ্রিয়েরই ইন্দ্রিয়াধিষ্ঠাতৃ দেবতা আছেন, অর্থাৎ বীজতত্ত্ব আছে,—সেই বীজতত্ত্বের আরাধনায় তাহার সম্পূর্ণতা হয় । সম্পূর্ণ হইলেই সুখী হওয়া যায় । মনে কর, দর্শনেন্দ্রিয়ের অধিষ্ঠাতৃ-দেবতা তেজ বা অগ্নি । অগ্নিতত্ত্বের সাধনা করিলে, তেজঃপদার্থের সীমা পর্য্যন্ত তোমার আয়ত্ত হইল । দর্শনেরও

শেষ পর্য্যন্ত তোমার অধীন হইল,—তখন তুমি মহাদাদি অণু পর্য্যন্ত সমস্তই দেখিতে পাইলে,—দেখিতে পাইলেই ত্রিলোকদর্শনে অধিকারী হইতে পারিবে, তখন দুঃখ দূর হইবে ।

ঐ যে যুবক, একখানি রমণী-মুখের দিকে চাহিয়া—চাহিয়া চাহিয়া কেবলই চাহিয়া জীবন কাটাইতেছে । কেন কাটাইতেছে, জান ? আর উহার অপ্রাপ্তিতে আজন্ম আকাঙ্ক্ষার আগুন বুকে লইয়া দগ্ধ হইতেছে । উহাকে পায় নাই, বলিয়া । কিন্তু যুবকের যদি দর্শনশক্তির ক্ষুধা, পরিণতি ও সামঞ্জস্য হইত, তবে যুবক দেখিতে পাইত, ঐ যুবতীর দেহ,—সে যাহা অপূর্ব ভাব-সমষ্টিতে গঠিত দেখিতেছে, তাহা বস্তুতঃ বিরাট চৈতন্যের বিকাশ । কাজেই সে বিকর্ষিত দর্শনেন্দ্রিয়কে আকর্ষিত করিয়া সুখী হইতে পারিত । সর্বসৌন্দর্যের আধার ভগবানে তখন তাহার চিত্ত সংসাধিত হইত ।

কল কথা, দেবতা-আরাধনায় দৈবশক্তি স্থলতা প্রাপ্ত হইয়া আমাদের অভীষ্ট পূরণ করিয়া থাকেন । মুখের পূর্ণতা দেখাইয়া দেয়,—কাজেই দেবতা-আরাধনায় আমরা সুখী হই ।

মনে কর, তোমার একটি পুত্র সন্তান হইল,—যেই হইল, সেই তুমি দৈবকার্য্য আরম্ভ করিলে । তাহাতে কি হইল ?—সেই বালকের সেই সকল দৈব-স্বল্পশক্তি বৃদ্ধি পাইয়া পুরুষ-কার্যের পথে তাহাকে সমুন্নত করিয়া দিল । ইঞ্জিয়ারদির ক্ষুধাইত সুখ,—গোড়া হইতে চেষ্টা করিলে, তোমার পুত্র অবশ্যই সুখী হইবে ।

ইতি দ্বিতীয় অধ্যায় ।



## তৃতীয় অধ্যায় ।

### প্রথম পরিচ্ছেদ ।

সংকল্প-তত্ত্ব ।

শিষ্য । একজনের দেহস্থ সূক্ষ্মশক্তির উন্নতি অন্যে কি করিয়া করিতে পারে ?

গুরু । আমাদের দেশে পূজা, আরাধনা, যাগ যজ্ঞ প্রভৃতি প্রায়ই পুরোহিতের দ্বারা করান হইয়া থাকে । পুরোহিত কার্য্য করিয়া যজমানের অভীষ্ট পূরণ করেন,—তাহা তুমি বোধ হয় জান ?

শিষ্য । আজ্ঞা হাঁ,—তাহা জানি । কিন্তু কোন্ শক্তির বলে একজনে কাজ করিলে, অন্যে তাহার ফলভাগী হয়, তাহা বুঝিতে পারি না ।

গুরু । প্রত্যেক কাজের আরম্ভ সময়ে সংকল্প করিতে হয়, সেই সংকল্পের দ্বারাই একের কাজে অন্যে ফললাভ করে ।

শিষ্য । সংকল্প কাহাকে বলে ?

গুরু । কার্য্যারম্ভের পূর্বে সেই কার্য্যের ফল কামনা করিয়া কতকগুলি বাক্য পাঠ করিতে হয় ।



শিষ্য । বাক্যগুলি কি প্রকার ?

গুরু । পৃথক্ কার্যের পৃথক্‌রূপ ফল,—সুতরাং তাহার বাক্যও পৃথক্ পৃথক্‌রূপ আছে । তবে অনেকটা একইরূপ । শাস্ত্রে আছে;—

সঙ্কল্পেন বিনা রাজন্ বৎ কিঞ্চিৎ কুরুতে নরঃ ।

কলঞ্চান্নাঙ্ককং তস্য ধর্মস্যার্কিকয়ো ভবেৎ ॥

“সংকল্প না করিয়া মানুষ যে কোন কার্য করে, তাহার পূর্ণ ফলভোগী হইতে পারে না ; এবং ধর্মের অর্কেক ক্ষয় হয় ।” সঙ্কল্পের দুইটি বাক্য শুন,—

বিষ্ণুরোম্ তৎসদদ্য অমুকে মাসি অমুকে  
পক্ষে অমুকতিথৌ অমুকগোত্রঃ শ্রীঅমুকদেবশর্মা ।  
( এই স্থানে পুরেহিতের নাম-গোত্র হইবে । )  
অমুকগোত্রস্য শ্রীঅমুক দেবশর্মাণঃ ( যজমানের  
গোত্র ও নাম হইবে ) গোচর-বিলগ্নাদি-যথাস্থানা-  
বস্থিত-রব্যাদিনব গ্রহ-সংসূচিত-সংসূচ্যমান-সংসূচয়িষ্য-  
মাণ-সর্বারিষ্টপ্রশমনপূর্বকং জীবদেতৎস্থূলশরীরা-  
বিরোধেনোৎপন্ন অমুকাদিরোগাণাং ( রোগের নাম  
করিতে হয় ) ঋটিতি প্রশমনকামঃ শ্রীকুম্ভ-দ্বৈপায়-  
নাভিধান-মহর্ষি-বেদব্যাস-প্রোক্ত-জয়াখ্য-মার্কণ্ডেয়-  
পুরাণান্তর্গত মার্কণ্ডেয় উবাচ । ॐ সাবার্ণঃ সূর্য্য-  
তনয়ো যো মনুঃ কথ্যতেহষ্টমঃ ইত্যাদি এবং দেব্যা  
বরং লক্ষ্মী সুরথঃ ক্ষত্রিয়বভঃ । সূর্য্যাজ্জন্ম সমাসাদ্য

সাবর্ণির্ভবিতা মনুরোম্ ইতি মার্কণ্ডেয় পুরাণে সাব-  
র্ণিকে মন্বন্তরে দেবীমাহাত্ম্যে দেবীমাহাত্ম্যং সমাপ্ত-  
মিত্যস্তম্ দেবীমাহাত্মস্য একাবৃতি-পাঠকর্মাং  
করিষ্যামি ।

অন্য প্রকারের আর একটি,—

বিষ্ণুরোম্ তৎসদদ্যাশ্বিনে মাসি শুক্রে পক্ষে  
পৌর্ণমাস্যাস্তিথৌ অমুকগোত্রঃ শ্রীঅমুকদেবশর্মা  
পরমবিভূতिलाভকামো গণপত্যাदिदेवता-पूजा-  
पूर्वक-लक्ष्मीमहं पूजयिष्ये ।

অন্তের ফলার্থে পূজাদি করিতে হইলে, তাহার নামাদি  
করিতে হয় এবং গোত্রঃ স্থলে গোত্রম্ বলিতে হয় । শর্মা স্থলে  
শর্মাণঃ বলিতে হয় ও পূজয়িষ্যে স্থলে পূজয়িষ্যামি বলিতে হয় ।  
সে সকল বিশেষরূপে বলা এ স্থলে নিম্প্রয়োজন । \*

শিষ্য । এই কথা কয়টিতে এমন কি শক্তির উদ্ভব হইল যে,  
যাহাতে একের কৃতকর্মের ফল, অপরে গিয়া সংক্রান্ত হইতে পারে ।

গুরু । সংকল্প দ্বারা সমস্ত কার্যই সম্পন্ন করা যাইতে পারে ?  
তোমাকে যে সংকল্পের বাক্যের কথা বলিলাম,—বাক্য ইচ্ছায়  
পরিণত হইলে উহার কার্য হইবে । কি প্রকারে হইবে, তাহা  
বলিতেছি,—শ্রবণ কর ।

সঙ্কল্পমূলঃ কামো বৈ যজ্ঞাঃ সঙ্কল্পসম্বাঃ ।

ব্রতনিয়মধর্মাশ্চ সর্বে সঙ্কল্পজাঃ স্মৃতাঃ ॥ মনুসংহিতা, ২৩৩

\* মৎপ্রণীত “পুরোহিতদর্পণ” নামক গ্রন্থে এই সমুদয় বিষয় অতি বিস্তৃত-  
ভাবে বর্ণিত হইয়াছে ।

“সকল—সর্ব ক্রিয়ার মূল । কাম সকল-মূল, যজ্ঞ সকল-সম্ভব,  
—ব্রত-নিয়মরূপ ধর্মসমূহ সংকলজ ।”

মনসা সাধু পশ্যতি মানসাঃ প্রজা অহংসত ।

তৈত্তিরীয় ।

“শুদ্ধচিত্ত—শিব-সকলযোগী চিত্তকে একাগ্র করিয়া অতীত  
অনাগত, ব্যবহিত, বিপ্রকৃষ্ট সর্বপ্রকার বস্তু সম্যগ্রূপে সাক্ষাৎ  
করেন ; অধিক কি বিশ্বামিত্রাদি ঋষি স্ব-সকল মাতে বহু প্রজা  
সৃষ্টি করিয়াছিলেন ।”

“সকল—মন প্রভৃতির আশ্রয় । জগত্বয়ের সৃষ্টি স্থিতি ও সংহার  
সকলের দ্বারাই হইয়া থাকে ? কারণ ঐ সকল কার্য সকলমূলক ।  
শৈত্য ও তেজের অথবা অগ্নি ও সোমের সকলে জল বাষ্পাকার  
ধারণপূর্বক উর্দ্ধে গমন এবং পুনর্বার পৃথিবীতে আগমন করে,  
যুষ্টির সংকলে অন্নের উৎপত্তি হয়, অন্নের সংকলে প্রাণের সংকল  
হয়, প্রাণের সংকলে মস্তকের সংকল হয়, মস্তকের সংকলে অগ্নি-  
হোত্রাদি কর্মেণ সংকল, অগ্নিহোত্রাদি কর্মেণ সংকলে লোকের  
সংকল এবং লোকের সংকলে জগতের সংকল হইয়া থাকে । এই  
সংকলতত্ত্ব অবগত হইতে পারিলে, কামচার হওয়া যায় । যে,  
সংকল-তত্ত্ব অবগত হইতে পারিয়াছে, তাহার কোন কামনা  
অকৃপ্ত থাকে না,—জগতে তাহার অনিষ্ট কিছুই নাই ।

শিষ্য । সেই সংকল বস্তু কি ? যে সংকলপ্রভাবে বিশ্বামিত্রাদি  
ঋষিগণ নূতন জগতের সৃষ্টি করিয়াছিলেন, যে সংকলপ্রভাবে সমস্ত  
কার্য সম্পন্ন করা যায়, যে সংকলপ্রভাবে একের কার্য অপরে  
সংক্রমণ হয়,—তাহা কি পদার্থ, আমাকে বুঝাইয়া বলুন ।

গুরু । পূর্বে সংকল্পসম্বন্ধে মনুসংহিতার যে বচনটি তোমাকে শুনাইয়াছি, তাহারই ভাষ্যে মেধাতিথি সংকল্পের অর্থ করিয়াছেন, তাহাই তোমাকে শুনাইতেছি ।

অথ কোহয়ং সঙ্কল্পো নাম যঃ সৰ্বক্রিয়ামূলম্ । উচ্যতে । বচ্চেতঃ সন্দর্শনং নাম যদনন্তরং প্রার্থনাধ্যবসায়ৌ ক্রমেণ ভবতঃ । এতে হি মানসা ব্যাপারাঃ সৰ্বক্রিয়াপ্রবৃত্তিৰু মূলতাং প্রতিপদ্যন্তে । নহি ভৌতিকব্যাপারানন্তরেণ সম্ভবন্তি ।

মেধ্যাতিথি-ভাষ্য ।

“যাহা সর্ব কর্মের মূল, সেই সঙ্কল্প কোন পদার্থ ? মেধাতিথি এতদ্ব্তরে বলিয়াছেন,—সন্দর্শন—পদার্থের স্বরূপ-নিরূপণ, প্রার্থনা ও অধ্যবসায় এই ত্রিবিধ মানস-ব্যাপার সর্বপ্রকার বাহ্যক্রিয়া-প্রবৃত্তির মূল বা আদ্যপর্ব—আদ্যাবস্থা । ভৌতিকক্রিয়াও সন্দর্শনাদি মানস-ব্যাপার ব্যতিরেকে নিষ্পন্ন হয় না, ভৌতিকক্রিয়ারও সন্দর্শনাদি মানস-ব্যাপার আদ্যাবস্থা । সন্দর্শন বা পদার্থ-স্বরূপ-নিরূপণ দ্বারা, এই পদার্থ অর্থ ক্রিয়া সাধন করিবে, ইহার একপ্রকার কার্য নিষ্পাদনের সামর্থ্য আছে, ইহা ঈদৃশ শক্তিসম্পন্ন, এইরূপ জ্ঞান হইয়া থাকে । সন্দর্শন দ্বারা এইরূপ জ্ঞান হইলে, তদনন্তর প্রার্থনা, তৎপরে অধ্যবসায় হয় । এই পদার্থ দ্বারা এইরূপ কার্য সিদ্ধি হইবে, এতাদৃশী ইচ্ছাকেই সঙ্কল্প বলে ।”

তবেই কথা হইল এই যে, প্রথমে পদার্থের স্বরূপ নির্ণয় অর্থাৎ এই পদার্থের এইরূপ শক্তি ও সামর্থ্য আছে,—এই কার্য সম্পন্ন করিবার ক্ষমতা এই পদার্থে আছে,—এইরূপ দেখাকে সন্দর্শন বলে । তৎপরে, প্রমাণ দ্বারা বুদ্ধির বিষয়ীভূত অর্থ, অর্থাৎ প্রার্থিত বস্তু কি তাহা স্থির করার নাম সংদৃষ্ট,—তদনন্তর,

প্রার্থিত বা ইচ্ছিত পদার্থ কোন্ উপায়ে সমাধিত হইবে, তাহা স্থির করা—তৎপরে কর্মের আরম্ভ হইয়া থাকে । ঐকান্তিকী বুদ্ধির সহিত, এইরূপ ঐকান্তিকী ইচ্ছাকে সফল বলা যাইতে পারে ।

মনে কর, তোমার এক বন্ধুর অর হইয়া কিছুতেই আরোগ্য হইতেছে না । তুমি তাঁহার রোগারোগ্যের জন্য দৈবকার্য্য করিবে । এস্থলে প্রথমে তোমাকে সন্দর্শন করিতে হইবে । দেখিতে হইবে কোন্ পদার্থের রোগ-আরোগ্যকারিণী শক্তি আছে,—এবং সেই পদার্থের অধিষ্ঠাতৃ দেবতা কে । তেজঃ পদার্থই স্বাস্থ্য—তেজোधिपति অগ্নি এবং সূর্য্য । অতএব, সূর্য্যারাধনার প্রয়োজন,—তবেই সূর্য্যতন্ত্র স্থির করিয়া লইয়া, এখন তোমার প্রার্থিত বিষয় অর্থাৎ তোমার বন্ধুর রোগ-আরোগ্য-বুদ্ধি-পূর্ব্বক নিশ্চয় করিয়া কার্য্যারম্ভ করিতে হয়,—ইহাই হইল, সেই কার্য্যের সফল ।

এইরূপ সফল করিয়া কার্য্যারম্ভ করিলে, একের কার্য্যফল অন্তে সংক্রামিত হয় । নিজের কার্য্যে হইলে নিজের কার্য্য-সিদ্ধ হয় । তাই হিন্দুর সমস্ত কার্য্যে সফল করিবার বিধি আছে । আজিও শত শত ব্যক্তি এই সফলের অমোঘবীৰ্য্যের কার্য্যে ফললাভ করিয়া কৃতকৃতার্থ হইতেছেন । কত শত চিকিৎসক-পরিত্যক্ত রোগী সফলের গুণে পুরোহিত কর্তৃক দৈবকার্য্যে রোগ-মুক্ত হইয়া নবীনশ্রীতে ভূষিত হইতেছেন । সফলের প্রভাবে যুৎ ব্যক্তি মহতে পরিণত হইতেছে ।

শিষ্য । আপনি বোধ হয়, নিশ্চয়াশ্রিত ইচ্ছাশক্তির কথা বলিতেছেন ।

গুরু । কেবল মাত্র ইচ্ছাশক্তি, সঙ্কল্প নহে । খুর্বে তোমাকে বলিয়াছি—সন্দর্শন, সংদৃষ্ট ও কার্যায়ত্তের ইচ্ছা এই তিনের সংমিশ্রণ-শক্তিকে সঙ্কল্প বলে । কেবল ইচ্ছাশক্তি সঙ্কল্প নহে ।

শিষ্য । আপনি সঙ্কল্পকে যে শক্তি বলিলেন, পাশ্চাত্য বৈজ্ঞানিকগণ তাহাকে খুব অধিক শক্তি বলেন না । আপনি সঙ্কল্পশক্তিকে মানব-হৃদয়ের অমৃত-জ্যোতিঃস্বরূপ বলিয়াই ব্যাখ্যা করিলেন, কিন্তু উহাকে মড্‌সিলি (Vaudsley) প্রভৃতি পণ্ডিতগণ মানবহৃদয়ের একটি ক্ষুদ্রশক্তি বলিয়াই বিবেচনা করেন ।

গুরু । পাশ্চাত্যবিজ্ঞান, জড়বিজ্ঞান,—উহা বাহিরের পদার্থ-তত্ত্ব নির্ণয়ে সমর্থ,—অন্তরুরাজ্যে প্রবেশের পথে জড়বিজ্ঞানজ্ঞ মড্‌সিলি প্রভৃতি বৈজ্ঞানিক পণ্ডিতগণ যে, এই শক্তির একটু স্বরূপ উপলব্ধি করিতে পারিয়াছেন, সেই বিস্তর । যোগী না হইলে, অন্তরুরাজ্যের সংবাদ অবগত হওয়া যায় না । পাশ্চাত্য-দেশে এক্ষণে হিন্দু যোগ-সাধনা-রহস্য প্রবেশ করিয়াছে ; বহুল ইংরেজ নর-নারী এই যোগধর্ম অবলম্বন করিয়া কৃতকৃতার্থ হইতেছেন, সেই যোগসম্প্রদায় থিয়োসফিষ্ট নামে খ্যাত । যোগশাস্ত্রের আন্বেষণ করিয়া যোগ বিষয়ে কিঞ্চিৎ জ্ঞানলাভ হইতেই একজন সুশিক্ষিত ইংরেজ এই সংকল্পের অমৃতজ্যোতিঃভাব, সঙ্কল্পের বিশ্বস্থিতি-স্থিতি-লয়ের ক্ষমতা, সঙ্কল্পের রোগ-আরোগ্যকারিণী-শক্তিতত্ত্ব, সঙ্কল্পের বাঞ্ছিত ফলদানে কল্পতরুর ন্যায় সামর্থ্য অবগত হইয়া মুক্তকণ্ঠে বলিয়াছেন—“বাহুজগতে বা মনুষ্য-দেহ-যন্ত্রে বুদ্ধি-পূর্বক বা অবুদ্ধিপূর্বক যে সকল ক্রিয়া সংঘটিত হয়, আমরা উপলব্ধি করিতে পারি আর না-ই পারি, তৎসমস্তই সঙ্কল্পমূলক । ভৌতিক জগতে ইচ্ছাশক্তি প্রকৃত প্রস্তাবে অবুদ্ধিপূর্বক ক্রিয়া



করিয়া থাকে, অক্লবৎ প্রকৃতির নিয়ম পালন করে, মানবীয় সঙ্কল্পের মুখাপেক্ষা না করিয়া এইসকল কর্মের প্রযুক্তি নিবৃত্তি বিধান করে । মানব স্বয়ং ইচ্ছাশক্তির প্রব্যক্ত অবস্থা (Manifestation of will), \*

তবেই দেখ, ষাঁহারা অন্তরাজ্যের দিকে একটু অগ্রসর হইয়াছেন, তাঁহারা এই সংকল্পশক্তির অনন্তবীর্ঘ্য, অসীম পরাক্রম অবগত হইতে পারিয়াছেন । এই সংকল্প-শক্তিতেই কর্ম কলবান্ হইয়া থাকে ।

প্রত্যেককে স্মরণ রাখিতে হইবে, কোন কার্যাদি করিতে হইলে সেই কার্যের জন্ত যে দেবতাকে আরাধনা করা হইতেছে, তাঁহার তত্ত্ব, যাহার জন্ত কার্য করা হইতেছে, তাহার কিসের জন্ত কর্ম করা হইতেছে, অর্থাৎ তাহার ঈঙ্গিত পদার্থ কি, আর নিজের বুদ্ধির সহিত ঐকান্তিক ইচ্ছাকে সংযোজনা করিয়া কার্যারম্ভ বা সঙ্কল্প করিতে হইবে । সঙ্কল্প করিবার সময় এই তিন বিষয় বুদ্ধির বিষয়ীভূত করিয়া ঐকান্তিকী ইচ্ছাশক্তির বিকাশ করিবে ।

\* All voluntary and involuntary actions in nature and in the organism of man originate in the action of will. whether or not we are conscious of it.

Upon the physical plane the will acts, so to say, unconsciously carrying out blindly the laws of nature, causing attractions, repulsions, guiding the mechanical, chemical, and physiological functions of the body, without man's intelligence taking any part of the process. Man is himself a manifestation of a will.—

Occult Science in Medicine—by F. Harman, M. D.  
P. 66—67

কোন কার্যে কোন তত্ত্বের আরাধনা করিতে হইবে, তাহা নির্বাচন করা একটু কঠিন, সময়ে তোমাকে তাহা বলিয়া দিব, কিন্তু হিন্দুগণের তাহা জানিবার জন্য বিশেষ প্রয়াস পাইতে হয় না। যে কার্যের জন্য যে দেবতার আরাধনা করিতে হইবে, তাহা পদ্ধতি-গ্রন্থাদিতে স্থির করাই আছে। সেই সকল গ্রন্থ দেখিয়া কার্য করিলেই চলিবে।

### দ্বিতীয় পরিচ্ছেদ ।

#### ইচ্ছাশক্তি ।

শিষ্য । আপনি বলিলেন, ইচ্ছাশক্তির দ্বারা মস্তকের প্রভাব প্রভাবিত হইয়া থাকে। সেই ইচ্ছাশক্তি কি পদার্থ, তাহার স্বরূপ কি,—আমি শুনিতে চাই।

গুরু । ইচ্ছা মানবাত্মার গূঢ়তমা ও প্রবলা শক্তি। মানুষ এই ইচ্ছাশক্তির বলে, সমস্ত অসাধ্য সুসাধ্য করিতে পারে। মানুষ ইচ্ছা করিলে, নরদেহে দেবত্বলাভ করিতে পারে, আবার পশুত্বও প্রাপ্ত হইতে পারে। ইচ্ছাশক্তির প্রভাবে মানুষ শিলাকে সোণা করিতে পারে, এবং সোণাকে রাং করিয়া দিতে পারে। ইচ্ছাশক্তির প্রভাবে পুরুষ স্ত্রীজাতি হইতে পারে, স্ত্রীজাতি পুরুষ হইতে পারে। প্রবল ইচ্ছাশক্তির বলে জ্যেষ্ঠের দাবদগ্ধ আকাশে নবীন মেঘের সৃষ্টি করিতে পারে,—আল্লার বর্ষার জলদ্রব্যাগ কাটাইয়া সুখতপনের আবির্ভাব করাইতে পারে। ইচ্ছাশক্তির বলে কলিকাতায় বসিয়া ঢাকার কাজ

করা যাইতে পারে। ইচ্ছাশক্তির বলে অকালে অপ্রাপ্ত ফলের সৃষ্টি হইয়া থাকে।

থিয়োসফিষ্ট সম্প্রদায়ের প্রবর্তয়িকা ম্যাডাম্ ব্লাভ্যাটস্কি (Madam Blavatsky) ইচ্ছাশক্তির সাধন করিয়াছিলেন। ইচ্ছাশক্তির বলে তিনি অতিশয় অদ্ভুত ও অলৌকিক কাণ্ড সকল সম্পাদন করত মরজগতের মানবগণকে মুগ্ধ করিয়াছিলেন। তাঁহার ইচ্ছাশক্তির অনেক অদ্ভুত অদ্ভুত কাণ্ড অনেক পুস্তকে লিখিত হইয়াছে। অনেকে তাঁহার অলৌকিক কার্য প্রত্যক্ষ দর্শন করিয়া চমৎকৃত হইয়া গিয়াছেন। সেনেটসাহেবকে তুমি জান কি ?

শিষ্য। কোন্ সেনেটসাহেবের কথা আপনি বলিতেছেন ?  
যিনি পায়োনিয়ারের সম্পাদক ছিলেন।

গুরু। হাঁ।

শিষ্য। তাঁহাকে অনেকেই জানে,—আমি নাম শুনিয়াছি, তিনি মহাপণ্ডিত ব্যক্তি।

গুরু। সেনেটসাহেব লিখিয়াছেন,—“আমি যখন সিমলায় ছিলাম, সেই সময় ম্যাডামও সিমলায় ছিলেন, তাঁহার অদ্ভুত শক্তিবত্তার অনেক প্রমাণ দেখিয়া মুগ্ধ হইতাম। এক দিন এক বনভোজ (Pic-nic) হয়; তাহাতে ম্যাডাম, আমি ও আরও চারিজন যাইবার প্রস্তাব হইল, এবং ছয়জনের উপযোগী খাদ্য-দ্রব্য ও ছয়প্রস্থ কাচের বাসনাদি লইয়া আমরা যাত্রা করিলাম। পথে যাইতে একটি বিশিষ্ট বন্ধুর সহিত সাক্ষাৎ হইল; আমাদের বনভোজে যাইতে দেখিয়া স্বইচ্ছায় তিনিও যাইতে স্বীকৃত হইলেন। তিনি যেরূপ লোক, তাহাতে তাঁহাকে

সঙ্গী করিতে সকলেই ইচ্ছুক। তিনি যখন স্বেচ্ছা-  
প্রণোদিত হইয়া যাইতে চাহিলেন, তখন তাঁহাকে বাধা দিবার  
অভিপ্রায় কাহারই হইল না ; সমাদরের সহিতই তাঁহাকে সঙ্গে  
লওয়া হইল।

আমরা যেখানে গেলাম, সে পর্বতের এক নিভৃত ও সৌন্দর্য-  
ময় প্রদেশ। সেখানে জন-মানবের প্রসঙ্গও নাই। কেবল  
পাহাড়ের গায়ে ঝরণা,—ঝরণার কোলে নীলিম বনভূমি,—  
বনভূমির কোলে শ্বেত পীত লোহিত কুমুমগুচ্ছ,—কুমুমের  
কোলে কেবল সুগন্ধ আর শোভা।

অনেকক্ষণ ভ্রমণাদি করিয়া আহারের উদ্যোগ করিবার ইচ্ছা  
হইল, কিন্তু এইবারই মহা গোলযোগ। আহারীয় যাহা আছে,  
তাঁহাতেই ছয়জনের স্থলে সাতজনের চলিতে পারিবে, কিন্তু  
আর একপ্রস্থ বাসন পাওয়া যায় কোথায়? বাসা হইতে ছয়জন  
বাহির হওয়া গিয়াছে, ছয়জনের উপযুক্ত বাসনই আনা হইয়া-  
ছিল। কিন্তু পথে আসিয়া সাতজন হওয়া গিয়াছে। এক্ষণে  
উপায়। একজনকে রাখিয়া কিছু অপর ছয়জনে আহার করা  
যায় না। কেহই কাহাকে রাখিয়া আহার করিবে না,—তাঁহা  
করাও ভদ্রতাবিরুদ্ধ।

তখন সকলেই চিন্তিত হইলাম। একজন ম্যাডামকে  
জিজ্ঞাসা করিল,—“ইহার কোন উপায় আছে?” ম্যাডাম  
বলিলেন “উপায় থাকিলেও তাহা অতিশয় কঠিন ব্যাপার।”

সকলের কোঁড়ুল আরও বর্দ্ধিত হইল। তাঁহাকে পীড়া-  
পীড়ি করিয়া ধরিলে, তিনি কিয়ৎক্ষণ তুষণীস্তাব অবলম্বন করিয়া  
থাকিয়া বলিলেন,—“এই স্থানটা ধোঁড়।”

আমাদের সঙ্গে অবশ্য খননোপযোগী কোন অস্ত্রাদি ছিল না, কেবল ছুরি ছিল ;—সেই ছুরি দিয়াই দুই জনে খুঁড়িতে আরম্ভ করিল। কিন্তু সেখানে ঘাসের শিকড় আর পাহাড়ের জমাট ; ছুরি কি তাহার মধ্যে চলে ! অনেক কষ্টে অনেকক্ষণের পরিশ্রমে খোঁড়া হইলে, দেখা গেল, তাহার মধ্যে একজনের আহারের প্রয়োজনমত সমস্ত বাসনই আছে। আরও আশ্চর্যের বিষয় এই যে, যে ফ্যাসানের এবং যে মেকারের সেই সকল বাসনাদি ছিল, ঠিক সেই মেকারের সেই ফ্যাসানেরই এ বাসনগুলি ! আরও আশ্চর্য্য এই যে, ঐ ছয়প্রস্থ বাসনের প্রতি প্রস্থে গ্যাস ডিস্ প্রভৃতি যে কয়খানি করিয়া ছিল, ইহাতেও তাহাই আছে ! যে জমি খুঁড়িয়া এই বাসন-প্রস্থ উখিত হইল, তাহা যে কত কাল অখনিত অবস্থায় আছে, অথবা সেই স্থানের জন্ম হইয়া পর্য্যন্ত কখনও খনিত হয় নাই, তাহা কেহ বলিতে পারে না। ফল কথা, বহু কাল যে সে স্থান খনিত হয় নাই, তাহা নিশ্চয়ই বলা যাইতে পারে। কেন না, সেই মাটির উপরে তৃণগুল্ম জন্মিয়াছিল, এবং তাহাদের শিকড়ে সেখানকার মাটি এমনভাবে সমাচ্ছন্ন ছিল যে, ঐহারা সে মাটি খুঁড়িয়াছিলেন, তাহারাই তাহার কঠোরতা বুঝিয়াছিলেন।

ইহা কিরূপে সম্ভব হইল, সকলই স্তম্ভিত ও আশ্চর্য্যান্বিত হৃদয়ে ম্যাডামকে জিজ্ঞাসা করিলেন। ম্যাডাম বলিলেন “ইচ্ছা-শক্তির বলে হইয়াছে।” ইচ্ছাশক্তির সাধনবলে জগতে সমস্তই সম্পন্ন হইয়া থাকে। এই সাধনায় যে সিদ্ধিলাভ করিয়াছে, জগতে তাহার অপ্রাপ্ত ও দুষ্ক্রিয় কিছুই নাই। ইচ্ছাশক্তির প্রভাবে

মুহূর্ত্ত মধ্যে রোগীর রোগ আরোগ্য করা যাইতে পারে । ইচ্ছাশক্তির বলে, মানুষকে বশীভূত করা যাইতে পারে । ইচ্ছাশক্তির বলে জড়কে চেতন ও চেতনকে জড় করা যাইতে পারে । ইচ্ছাশক্তির বলে, আকাশের গ্রহ-নক্ষত্রকে ভূতলে আনয়ন যাইতে পারে । ভারতবর্ষের পুরাতন ঋষিরা যে মানবীকে পাষাণীতে পরিণত করিতেন, এবং কাঠের নৌকা সোণার নৌকায় পরিবর্তন করিতেন, মৃষিককে ব্যাঘ্রে পরিণত এবং বাঘকে পুনরায় মৃষিক করিতেন, তাহা এই ইচ্ছাশক্তিরই সাধনাবলে । ইচ্ছাশক্তির সাধন-সিদ্ধি লাভ করিতে পারিলে এমন হয় ।

সেনেটসাহেব ম্যাডামের ঐ আশ্চর্য্য ক্রিয়ার অদ্ভুত কাহিনী লিপিবদ্ধ করিয়া জনসমাজে প্রচারিত করিয়াছিলেন । যে পুস্তকে তিনি ঐ ঘটনা লিখিয়াছেন, সেই পুস্তক ইয়ো-রোপে বিশেষ প্রতিপত্তি লাভ করিয়াছে ।” \*

শিষ্য । সেই ইচ্ছাশক্তি কি পদার্থ, তাহা জানিতে চাহি ।

গুরু । ত্রায়শাস্ত্র বলিয়াছেন,—

ইচ্ছাষেষপ্রযত্নসুখদুঃখজ্ঞানাস্ত্রায়মো লিঙ্গমিতি ।

ত্রায়দর্শন ১।১।১০

ত্রায়দর্শনের মতে ইচ্ছা আত্মার গুণ । ইচ্ছা, ষেষ, প্রযত্ন, সুখ, দুঃখ ও জ্ঞান এই সকল আত্মাধর্ম, আত্মগুণ বা আত্মার লিঙ্গ । অর্থাৎ যাহা ইচ্ছা, ষেষ, প্রযত্ন, সুখ, দুঃখ ও জ্ঞানবিশিষ্ট তাহাই জীবাত্মা ।

স। চাক্ষমনসোঃ সংযোগাৎ স্বধাদ্যপেক্ষাৎ স্মৃত্যপেক্ষাষোৎপদ্যতে, প্রযত্ন-স্মৃতি-ধর্ম্মাধর্ম্মহেতুঃ ।

পদার্থ ধর্ম্মসংগ্রহ ।



“আত্মা এবং মনের সংযোগ হইতে প্রযত্ন \* স্বতি ও ধর্মার্থ হেতু সুখাদি বা স্বতির অপেক্ষা বশতঃ ইচ্ছা উৎপন্ন হইয়া থাকে ।”

আত্মজ্ঞতা ভবেদিচ্ছা ইচ্ছাজন্যা ভবেৎ কৃতিঃ ।

কৃতিজন্যা ভবেচ্ছেষ্টা চেষ্টাজন্যা ভবেৎ ক্রিয়া ॥

“আত্মা হইতে ইচ্ছার জন্ম । ইচ্ছা হইতে কৃতি ( প্রযত্ন ) ও কৃতি হইতে চেষ্টা এবং চেষ্টা হইতে কর্মের উৎপত্তি হইয়া থাকে ।”

অতএব, ইচ্ছাই কর্মের জননী । এই ইচ্ছার একাগ্রতা হইতেই কর্মের উদ্ভব হয় । কর্ম কি না, যাহা করা হয় । রোগ-আরোগ্য কর্ম, ধনোপার্জন কর্ম, স্বাস্থ্যলাভ কর্ম, দেবতা-সাক্ষাৎ কর্ম;—সকলই কর্ম । ইচ্ছাশক্তির বলে কর্ম সাধন যে হইয়া থাকে, তাহা বোধ হয় বুঝিয়াছ ।

শিষ্য । এখনও একটু গোল আছে ।

গুরু । সে গোল কি ?

শিষ্য । ইচ্ছাশক্তিতে না হয় কর্ম সম্পন্ন হয়; কিন্তু বিনা কারণে কার্যোৎপত্তি হয় না, কার্য মাত্রেরই কারণ থাকে । ইচ্ছাশক্তির বলে যে কার্য সম্পন্ন হয়, তাহার কারণ কি ?

গুরু । কারণ শব্দের অর্থ এইরূপ—

কারণং হি তদ্বত্তি, যস্মিন্ সতি সত্ত্বতি, যস্মিন্ অসতি যন্ন ত্বতি ।

নান্ন বর্তিকা ।

“যাহা থাকিলে যাহা হয়, যাহা না থাকিলে যাহা হয় না, যাহা যাহার নিয়ত পূর্ববর্তী,—তাহা তাহার কারণ ।”

\* প্রযত্ন সং আরভ, উৎসাহ, (Effort, Attempt)

শিষ্য । তাহা হইলে ইচ্ছাশক্তিই কি দেবশক্তি আকর্ষণের কারণ ?

গুরু । ইচ্ছাশক্তি নিমিত্ত কারণ,—এবং দেবশক্তি উপাদান কারণ । মনে কর, স্বর্ণকার তোমার হাতের ঐ আংটিটি গড়াইয়া দিয়াছে । সে হাতুড়ী আকাই প্রভৃতি যন্ত্র লইয়া উহা গড়াইয়াছে, অতএব ঐ গঠনকার্যের নিমিত্তকারণ স্বর্ণকার ও আকাই হাতুড়ী প্রভৃতি যন্ত্র ; উহার উপাদান কারণ স্বর্ণ । এস্থলেও ইচ্ছাশক্তি পূর্ব কথিত কয়েকটি বিষয় লইয়া নিমিত্ত কারণ হইয়া উপাদান কারণকে লইয়া কার্য সম্পাদন করিয়াছে । পাশ্চাত্য পণ্ডিত জেবন্সও বলিয়াছেন,—“পূর্ববর্তী ভাব বা ভাবসমূহ হইতে যে কার্য উৎপন্ন হয়, যাহার বা যাহাদের নিয়ত পূর্ববর্তিতা ব্যতিরেকে যে কার্য সংঘটিত হয় না, তৎকার্যের তাহা বা তাহারা কারণ” । \*

শিষ্য । বোধ হয়, হিন্দু পুরোহিত মাত্রেই এই ইচ্ছাশক্তি পরিচালনা করিবার ক্ষমতা বিদ্যমান আছে ?

গুরু । থাকা একান্তই প্রয়োজন । না থাকিলে যজমানের কার্য করিয়া কোন ফলই প্রদান করা যায় না । আমাদের দেশের যাজকগণ, তান্ত্রিকগণ ও কন্নিগণের এই শক্তি বিশেষরূপেই ছিল । পুরোহিতগণেরও ছিল,—এখনও যে কাহারও নাই, এমত নহে ; তবে অধিকাংশ পুরোহিত, পুরোহিতপদবাচ্যই নহে,— তাহারা প্রতারণা করিয়া যজমানের অর্থ উদরসাৎ করে, এইমাত্র ।

\* The cause of an event is that antecedents or set of antecedents from which the event always follows.—  
Logic, P. 298.

শিষ্য । কি করিয়া ইচ্ছাশক্তি নিজ আয়ত্তীভূত করিতে পারা যায়, তাহা আমাকে বলুন ।

গুরু । পূর্বেই তোমাকে বলিয়াছি, দেবশক্তি-দ্বারা কৰ্ম করিতে ইচ্ছাশক্তি নিমিত্ত কারণ, এবং সেই দেবশক্তি উপাদান কারণ । দেবশক্তিকে লইয়া ইচ্ছাশক্তি ( আর তাহার সঙ্গে যে যে শক্তির প্রয়োজন—সঙ্কল্পতত্ত্বে বর্ণিত ) পরিচালনা করিতে হইবে । ব্যাপারটি আরও একটু প্রাঞ্জল করিয়া বলা যাউক । মনে কর, তুমি একটি স্থীলোককে দেখিতে ইচ্ছা করিতেছ—এখানে, সেই স্থীলোকটির সত্তা অর্থাৎ রূপ গুণ ও হাবভাব এবং কি প্রয়োজনে তাহাকে দেখার আবশ্যক সেই সূক্ষ্মভাব গুলিকে উপাদান কারণস্বরূপে হৃদয়ে বদ্ধমূল করিয়া, তাহার সহিত তোমার দেখিবার যে ইচ্ছা, সেই ইচ্ছাকে ঐকান্তিকী ও একমুখী করিয়া অন্যান্য চিন্তাদি বিরহিত হইয়া, তাহার নিকটে পাঠাও অর্থাৎ ইচ্ছাকর,—দেখিবে নিশ্চয়ই সে আসিয়া হাজির হইবে । শাস্ত্র বলেন,—

নিমিত্তমপ্রয়োজকং প্রকৃতীনাং বরণভেদস্ত ততঃ ক্ষেত্রিকবৎ ।

পাতঞ্জলদর্শন, কৈ, পা, ৩ ।

কৃষকেরা যখন এক জমি হইতে অন্য জমিতে জল দিতে বা জলে প্লাবিত করিতে ইচ্ছা করে, তখন তাহারা উপযুক্ত যন্ত্রাদি দ্বারা স্বভাবতঃ নিম্নদেশ প্রবাহি জলের ভূমির যে অঁইল বা ক্ষুদ্র বাঁধ থাকে, তাহাই ভেদ করিয়া দেয়, এতদ্ব্যতীত কৃষককে অন্য কিছুই করিতে হয় না । স্বভাবতঃ নিম্নদেশগামী জল আবরণ ভেদ পাইলে আপনিই চলিয়া যায় । মানুষের হৃদয়ে যে ইচ্ছাশক্তি সূক্ষ্মভাবে বিদ্যমান আছে, তাহাকে নিমিত্ত কারণের সহিত

সংযুক্ত করিলে, ঐ নিমিত্ত কারণই তাহার গমন বিষয়ক প্রতি-  
বন্ধকতা বা আইল কাটিয়া দেয়, তখন স্বাভাবিক কৰ্ম করণেই ক  
ইচ্ছাশক্তি কৰ্মনিষ্পাদনে সমর্থ হয়, অন্য কোন ব্যাপারেরই  
প্রয়োজন হয় না ।

উপাদান কারণটির ধ্যান বা অভিনিবেশ সহকারে চিন্তা করি-  
লেই ইচ্ছাশক্তি আপনিই তাহার দিকে প্রধাবিত হইবে ।

যাঁহারা এই সকল কার্য করিবেন, তাঁহাদিগকে কাজেই চিত্ত-  
জয়ী হইতে হয় । আহারে বিহারে ভোজনে গমনে কোনপ্রকারেই  
চিত্তের বিমলিনতা থাকিলে চলিবে না । কারণ মনের গতি চতু-  
র্দিকে ভ্রাম্যমাণ থাকিলে, ইচ্ছাশক্তি চালনা হয় না । তাই হিন্দুর  
পুরোহিত হওয়া বড়ই কঠিন । তাই হিন্দুর পুরোহিতের আহারে,  
বিহারে, গমনে ভোজনে সর্বত্রই সংযমতা । এই ধর্ম-ভূমি-  
হিন্দু পুরোহিতের বেশভূষা সেই প্রকারেই আছে বটে, কিন্তু  
মনের পরিবর্তন ঘটয়া গিয়াছে । বিষয়াসক্ত হইয়া পুরোহিতগণ  
স্ব স্ব মানসিক গতি চঞ্চল ও বিক্ষিপ্ত করিয়া ফেলিয়াছেন ।  
কাজেই তাঁহাদিগের দ্বারা দৈবকর্ম্যে ফল পাওয়া কঠিন হইয়া  
দাঁড়াইয়াছে ।

### তৃতীয় পরিচ্ছেদ ।

শব্দ-শক্তি ।

শিষ্য । তাহা হইলে, মন্ত্রাদি যাহা কিছু বলুন,—সে সকল  
মিথ্যা ; ইচ্ছাশক্তি চালনাধারাই সমস্তকার্য সুসিদ্ধ হইয়া থাকে ?

গুরু । মন্ত্র মিথ্যা ? এ উপদেশ তুমি কোথায় পাইলে ?

শিষ্য । আপনারই কাছে ।

গুরু । আমি কি তোমায় বলিয়াছি যে, মন্ত্র মিথ্যা ?

শিষ্য । স্পষ্ট করিয়া তাহা বলেন নাই বটে,—কিন্তু ইচ্ছা-শক্তির দ্বারা যে, সমস্ত কার্য হয়, তাহা বলিয়াছেন । তবেই মন্ত্রগুলি স্মারক শব্দ মাত্র ।

গুরু । মন্ত্রগুলি যদি স্মারক শব্দও হয়, তাহা হইলেও তাহা নিরর্থক কেন হইবে ? কিন্তু মন্ত্রগুলি কেবল শব্দসমষ্টি হইলেও উহার বীৰ্য্য প্রবল । কেন না; শব্দ ব্রহ্ম,—তাহা তোমাকে পূর্বেই বলিয়াছি ।

অথৈদমাস্তুরং জ্ঞানং সূক্ষ্মং বাগাত্মনা স্থিতম্ ।

ব্যক্তয়ে স্বন্য রূপন্য শব্দত্বেন নিবর্ততে ॥

বাক্যপদীয় ।

“সূক্ষ্মবাগাত্মাতে অবস্থিত আস্তুর জ্ঞান, স্বীয়রূপের অভিব্যক্ত্যর্থ শব্দরূপে—বৈখরী অবস্থায় নিবর্তিত হইয়া থাকে ।”

শব্দের অর্থ এই যে, আমাদের সূক্ষ্ম বাগাত্মাতে যে আস্তুর জ্ঞান অব্যক্ত অবস্থায় থাকে, মনের মধ্যে কোন ভাবের উদয় হইলে, সেই ব্যক্ত আস্তুর জ্ঞান প্রব্যক্ত হইয়া বৈখরী অবস্থায় প্রকাশ হয় ।

“অব্যক্তভাব ব্যক্ত হইলেই তাহার বিকার হইল ; এই ভাব-বিকার দ্রব্যত্বে পরিণত হয়—কারণ-ভাববিকার বা কার্যাত্ম-ভাবই দ্রব্য (Substance), গুণ (Attributes) ও কৰ্ম (Action) ভাবে অবস্থান করে ;—দ্রব্য, গুণ ও কৰ্ম ইহারা ভাব-বিকার বা কার্যাত্মভাবেরই ভিন্ন ভিন্ন অবস্থা ।”

তবেই দেখ, শব্দ কি প্রকার ক্ষমতাশালী । যে কাব্যের জন্ত যে সকল একত্রে গ্রথিত হইয়া যোগবলশালী ঋষিদিগের হৃদয় হইতে উথিত হইয়া পদার্থসংগ্রহে শক্তিমান হইয়াছিল, তাহাই মস্তুরূপে গ্রথিত হইয়া রহিয়াছে ; অতএব মস্তুরূপে যে, এক অলৌকিক শক্তি ও বীর্যশালী তাহাতে সন্দেহ কি ?

শব্দ দ্বারা না হয় কি ? তুমি বসিয়া আমার সহিত কথা কহিতেছ,—এখনই যদি দূরে করুণ ক্রন্দন-ধ্বনি হয়, তুমি কখনই স্থির চিন্তে আমার সহিত কথা কহিতে সক্ষম হইবে না । একজনকে তুমি ভাল বাসনা,—সে যদি কাতরে যথাযথ শব্দ প্রয়োগে তোমার স্তব করিতে পারে, নিশ্চয়ই তুমি তাহার বশীভূত হইবে । শব্দেই পরম্পর আবদ্ধ । কোকিলের কুহু শব্দ শুনিলে, ভ্রমরের গুণ গুণ শব্দ শুনিলে মনে কোন্ অজানা আকাজক্ষা জাগিয়া উঠে, কোন্ জন্ম-জন্মান্তরের পুরাণ কাহিনী মনে আইসে । আবার মেঘের গুরু গুরু গর্জন, ময়ূরের কেকারব—ইহা শ্রবণে অন্য প্রকার ভাবের আবির্ভাব হয় । মনে কোন্ অমূর্ত্ত প্রতিমার মূর্ত্তি স্থাপন করিয়া ফেলে । শব্দে জীব মোহিত হয়,—শব্দে বিশ্ব ব্রহ্মাণ্ড সংগঠিত ।

ঐ যে কবি, কয়েকটি শব্দচিত্র আঁকিয়া পুত্রহারা জননীর চোখের জল টানিয়া আনিতেন, উহার কি শক্তি নাই ? ছবিও শব্দশক্তি,—ছবি দেখিলে প্রাণের মধ্যে শব্দের অমূর্ত্তভাব মূর্ত্তিমান হয় ।

নমো দেবৈব্য মহাদেবৈব্য শিবায়ৈ সততং নমঃ ।

নমঃ প্রকৃতেভ্য ভদ্রায়ৈ নিয়তাঃ প্রণতাঃ স্ম তাম্ ॥



রৌদ্রায়ৈ নমো নিত্যায়ৈ গৌর্যৈ ধাত্র্যৈ নমো নমঃ ।  
 জ্যৈষ্ঠায়ৈ চেন্দুরূপিণ্যৈ স্বধায়ৈ সততং নমঃ ॥  
 কল্যাণ্যৈ প্রণতা বৃদ্ধ্যৈ সিদ্ধ্যৈ কুর্শ্যো নমো নমঃ ।  
 নৈঋতৈ ভূভুত্যাং লক্ষ্ম্যৈ শর্ক্বাণ্যৈ তে নমো নমঃ ॥  
 দুর্গায়ৈ দুর্গপারায়ৈ সারায়ৈ সর্ষকারিণ্যৈ ।  
 খ্যাতৈ তথৈব কৃষ্ণায়ৈ ধূম্রায়ৈ সততং নমঃ ॥  
 অতিসৌম্যাতিরৌদ্রায়ৈ নতাস্তস্যৈ নমো নমঃ ।  
 নমো জগৎপ্রতিষ্ঠায়ৈ দেবৈ কৃত্যৈ নমো নমঃ ॥

এইটুকু পাঠ করিলে, তোমার মনে কি হয় ?

শিষ্য । পরমাবিদ্যা দশভুজার মূর্ত্তি হৃদয়ে উদ্ভিত হয়, আর মনে একটি অলৌকিক শক্তিভাবের উদয় হয় ।

গুরু । আর যদি পাঠ করা যায়,—

বাণেশ্বরায় নরকার্ণবতারণায়,  
 জ্ঞানপ্রদায় করুণাময়-সাগরায় ।  
 কপূর-কুন্দ-ধবলেন্দু-জটাধরায়,  
 দারিদ্রহুঃখ-দহনায় নমঃ শিবায় ॥

ইহাতে তোমার মনে কি ভাবের উদয় হয় ?

শিষ্য । নরক হইতে জাগকারী—জ্ঞানদায়ী করুণাকারী, দারিদ্রহুঃখহারী, কপূর ও কুন্দ কুমুম নিভ শ্বেত ইন্দু জটাধারী এক মূর্ত্তি মনে আইসে । মনে আইসে, তিনি শিব,—তিনি আমাদের একান্ত মঙ্গলকারী, এবং বরপ্রদান করেন । ইহাতে এই ভাবেরই উদয় হয় ।

গুরু । নিম্নলিখিত কথাগুলি যদি পাঠ করা যায়, তবে তোমার মনে কি ভাবের উদয় ? যথা,—

বিষ্ণুরূপ সমুদ্ভূত মহাশন হতাশন ।  
 মেঘমন্দিরদাহেহত্র সমুদ্ভূতশিখো ভব ॥  
 প্রদক্ষিণেন ধাবন্তং কোতুকাৎ সহ বিষ্ণুনা ।  
 প্রদক্ষিণং দক্ষিণাথে কুরু কৃসৎ বিশেষতঃ ॥

শিষ্য । একটি মেঘমন্দির দহন করিবার জন্ত একটা মহতী শিখা সম্পন্ন অগ্নিকে মনে আইসে । আর মনে আইসে, কে সেই অগ্নিকে লইয়া একটা মন্দিরের চতুর্দিকে ঘুরিয়া বেড়াইতেছে ।

গুরু । কেন, তিনটাই ত ছন্দোবদ্ধময় কবিতা ;—কতকগুলি সীমাবিশিষ্ট শব্দ । তিনই এক,—তবে তোমার মনে পৃথক্ পৃথক্ ভাবের উদয় হয় কেন,—বলিতে পার ? উহাই শব্দ-শক্তি । শব্দ ভাবময়,—বাগাঅস্থিত অব্যক্তশব্দ ব্যক্ত হইয়া কতকগুলি আক্ষরিক মাত্রায় গ্রথিত হইলে একটি ভাবের ছবি চিত্রমুকুরে প্রতিবিম্বিত করে ।

যোগবলশালী ত্রিলোকদর্শী ঋষিগণ বেরূপ আক্ষরিক শব্দ-মাত্রায় যে শক্তি ও যে ভাবের আকর্ষণ-বিকর্ষণ হয়, তাহা স্থির করিয়া মস্তকের সৃষ্টি করিয়াছেন । ইচ্ছাশক্তির বলে এবং স্বর-কম্পনের সাহায্যে ঐ শব্দ যথাস্থানে প্রেরিত হইয়া মানবের কার্যসিদ্ধি করিয়া থাকে ।

## চতুর্থ পরিচ্ছেদ ।

### মস্তকের গতি ।

শিষ্য । আপনি বলিলেন, ইচ্ছাশক্তির বলে স্বর-কম্পনের সাহায্যে মস্তক অভিলষিত স্থানে গমন করিয়া সাধকের অভীষ্ট পূর্ণ করে। কিন্তু কোন্ শক্তির বলে, মস্তক অভিলষিত স্থানে গমন করিয়া থাকে ?

গুরু । তুমিইত বলিলে স্বর-কম্পনের সাহায্যে ।

শিষ্য । স্বর-কম্পনের সাহায্যে কেমন করিয়া যার ?

গুরু । আমরা যাহাকে ব্যোম বলি, ইংরেজেরা তাহাকে বোধ হয়, ইথার (Ether) বলেন, তাহা তোমাকে বলাই বাহুল্য । এই ব্যোম সমস্ত জগৎ, সমস্ত অণু-পরমাণু, সমস্ত স্থান ব্যাপিয়া আছে । ঐ যে টেবিলখানা পড়িয়া আছে, উহাও ব্যোমে পরিপূর্ণ । জুইটি অণু খুব সংশ্লিষ্ট ভাবে পাশাপাশি বসাইয়া দিলেও, তাহার মাঝখানে একটু ব্যোম অবস্থিতি থাকে,—একমুষ্টি ধূলিকণা সংশ্লিষ্টভাবে চাপিয়া ধরিলেও সেই ধূলিকণাসমূহের মধ্যে ব্যোম থাকে ;—আবার প্রত্যেক ধূলিকণার মধ্যেও ব্যোম আছে । ব্যোম সর্বত্রই,—মহাদাদি অণু পর্য্যন্ত সর্বত্রই ব্যোমের অবস্থান । ব্যোমই সর্বত্র । ব্যোমই সকলের জনক ।

শব্দ, আলোক, তাপ, তাড়িত প্রভৃতি পদার্থসমূহও ঐ ব্যোম, বা ইথারের কম্পনবিশেষ হইতে উদ্ভূত হইয়া থাকে, আবার এই ব্যোমের কম্পন দ্বারাই উহাদের আন্দো-

লিত গতি প্রাপ্ত হইয়া থাকে। বিরুদ্ধ শক্তিদ্বারা বাধা প্রাপ্ত না হইলে ঐ আন্দোলিত-গতিশব্দ সরল রেখায় প্রবাহিত হইয়া যথাস্থানে আসিয়া পঁহুছে। মনে কর, আমি আমার শয়নগৃহ চিন্তা করিলাম,—আমার চিত্ত হইতে আর আমার শয়ন-গৃহ পর্য্যন্ত চিন্তার একটি সরল-রেখা পড়িয়া গেল, যদি অন্য শক্তি দ্বারা বাধা প্রাপ্ত না হয়, অর্থাৎ এই চিন্তার মধ্যে আর কোন চিন্তার উদয় না হয়, তবে আমি এই স্থানে বসিয়া কথা कहিলে, সে কথা আমার শয়ন গৃহের আমার অভিলষিত লোকে শুনিতে পাইবে। কিন্তু যেই আর কোন চিন্তা উদ্ভিত হইবে, অমনি ঐ ব্যোম-কম্প-নের স্বরতরঙ্গটি স্থগিতগতি প্রাপ্ত হইবে। মন্ত্র সকলও ঐরূপ গাঢ় ইচ্ছা ও চিন্তাশক্তি দ্বারা ব্যোম-কম্পনের সঙ্গে মিলিত হইয়া আন্দোলিতগতি প্রাপ্ত হইয়া আমার অভিলষিত দেবতার নিকট গিয়া পঁহুছে,—ইহার মধ্যে আর কোন স্থলেই সে দাঁড়ায় না।

শিষ্য। ব্যোম বা ইথারের কম্পনে শব্দের আন্দোলিত গতি, কোন্ বিজ্ঞানের উপর দাঁড় করান যাইতে পারে ?

গুরু। কার্য্য মাত্রেরই প্রতিকার্য্য আছে, ইহা অবশ্যই তুমি স্বীকার করিবে ?

শিষ্য। নিশ্চয়ই।

গুরু। প্রত্যেক কার্য্যই আপন আপন প্রতিকার্য্যের সমান ও প্রতিমুখে কার্য্যকারিণী,—এ কথাও বোধ হয়, অস্বীকার করিতে পারিবে না ?

শিষ্য। আজ্ঞা না,—উহা বিজ্ঞান-সম্মত, এবং প্রত্যক্ষ দৃষ্ট।

গুরু । এখন মনে কর,—“সমকোণী ত্রিভুজের সমকোণের সম্মুখীন বাহুর উপরে অঙ্কিত সমচতুর্ভুজ যে অপর বাহুদ্বয়ের উপরে অঙ্কিত সমচতুর্ভুজের সমান ; সমকোণী ত্রিভুজের ভূজ, কোটি, কর্ণ, এই তিনের মধ্যে দুইটির পরিমাণ অবগত হইলে, আমরা যে অজ্ঞাত তৃতীয় ভুজের পরিমাণ নির্ণয় করিতে সমর্থ হই, একটু নিবিষ্ট চিন্তে চিন্তা করিলে বুঝিতে পারা যায়, তাহাই নিউটনের গতি স্বাক্ষরী তৃতীয় নিয়মটির ব্যাখ্যান্তর ।” \* অবশ্যই তুমি জড়বিজ্ঞান অধ্যয়ন করিয়া, তাহাতে জ্ঞান লাভ করিয়াছ, তোমাকে আলোক, তাপ, শব্দ ইত্যাদির আন্দোলিত গতি ( Wave-Motion ) সম্বন্ধে অধিক বুঝাইবার প্রয়োজন নাই,—ইহাদের বক্র সরল প্রভৃতি সর্বপ্রকার গতির কথাই তুমি অবগত আছ, এক্ষণে তুমি জানিও শব্দাখ্য আন্দোলান্বিত গতি, আলোকাখ্য আন্দোলান্বিত গতি, তাপাখ্য আন্দোলান্বিত গতি, এবং তাড়িৎ প্রবাহ প্রভৃতির যে প্রকার গতি—চিত্ত-প্রবাহ বা মানস-গতি ( Waves of thought ) ঠিক সেই নিয়মেরই অধীন । শব্দ, তাপ, আলোক প্রভৃতি যেমন ভাবে, যে প্রকারে উৎপন্ন, প্রবাহিত, প্রতিফলিত ও বক্রীভূত হয়, চিত্ত-প্রবাহ বা মানস-গতিও সেইরূপ নিয়মে উৎপন্ন, প্রবাহিত, প্রতিফলিত ও বক্রীভূত হইয়া থাকে ।

এক্ষণে, আমাদের চিত্ত-প্রবাহ বা মানস-গতি যন্ত্রর শব্দ-শক্তি ব্যোমের পথে অভিলষিত দেবতার নিকটে যে লইয়া যাব, তাহা বোধ হয়, তুমি বুঝিয়াছ ?

\* “As part of the interpretation of Newton's third law of Motion.”—

শিষ্য । হাঁ, তাহা বুঝিয়াছি । কিন্তু দেবতার নিকটে গিয়া সেই শক্তি কি প্রকারে কাষ্যোৎপাদন করিতে পারে ?

গুরু । তুমি নিদ্রিত আছ, কিন্তু তোমার অভাবে একটা কাজ বন্ধ হইয়া যাইতেছে । তোমার বাড়ীর কেহই তোমাকে জাগাইতে সাহসী হইতেছেন না,—কাজটিও চাই । এতদ-বস্থায় তোমার ব্রাহ্মণী তোমার মেয়েটিকে পাঠাইয়া দিলেন । বলিয়া দিলেন,—“তোমার বাপের পায়ের তলায় স্নুড়স্নুড়ি দিগে,— তা হ'লে ঘুম ভাঙ্গিবে ।”

তোমার কণ্ঠা আসিয়া, তোমার পায়ের কাছে বসিয়া, পায়ের তলায় ধীরে ধীরে স্নুড়স্নুড়ি দিতে আরম্ভ করিলে, তোমার নিদ্রা ভঙ্গ হইয়া গেল,—চাহিয়া দেখিলে, স্নেহের কণ্ঠা পায়ের স্নুড়স্নুড়ি দিতেছে,—সমস্ত প্রাণখানা ভরিয়া স্নেহ-করণার উদয় হইল, পার্শ্বে চাহিয়া দেখিলে, তোমার গৃহিণী দাঁড়াইয়া, মৃদু মৃদু হাসিতেছেন । বুঝিলে, গৃহিণীর কি কার্য্য সাধনার্থ কণ্ঠা এই স্নুড়স্নুড়ি দিতে নিযুক্ত হইয়াছে,—তখনই জিজ্ঞাসা করিলে, “কি কার্য্য বল ?”

এই জিজ্ঞাসায় তোমার কয়টি ভাবের উদয় হইল ?

শিষ্য । প্রথমেই স্নেহ-করণা ও ষাৎসল্য । তারপর সখ্যতা, অবশেষে কার্য্য্যঅভাব ।

গুরু । এ স্থলে আরও কিছু বুঝিবার আছে । যে কার্য্যের জন্ম তোমার ব্রাহ্মণী তোমার ঘুম ভঙ্গাইলেন, সে কার্য্যশক্তি তোমাতে ছিল, কিন্তু তুমি নিদ্রিত ছিলে বলিয়া, তোমার কার্য্য-শক্তিও তোমাতে সূপ্ত ছিল । তুমি নিদ্রিত ছিলে বলিয়া সে কার্য্যের খবর তুমি লইতে পার নাই । কার্য্যটি বস্তুতঃ



তোমারই—কিন্তু সেই কার্যটি করিলে তোমার ব্রাহ্মণীও সেই কার্যের ফলভাগিনী হইবেন, না করিলে অভাব বোধ করিবেন; তাই তোমাকে জাগাইয়া লইলেন। তদ্রূপ দেবশক্তির কার্যই আমাদিগকে সুখে রাখা। কিন্তু তাঁহারা জানিতে পারেন না, আমাদিগের কিসের অভাব, তাই আমরা কৰ্ম্মাঙ্ক-মন্ত্রদ্বারা তাঁহাদিগকে জানাইয়া দেই—আমাদিগের ইহার অভাব। তোমার ব্রাহ্মণী যেমন কণ্ঠা দ্বারা তোমার পায়ে স্ফুড়স্ফুড়ি প্রদান করিয়া, তোমার নিদ্রাভঙ্গ করাইলেন, আমরাও তদ্রূপ মন্ত্রশক্তির পরিচালনা দ্বারা অভিলষিত দেবতার অঙ্গে স্ফুড়স্ফুড়ি প্রদান করিয়া থাকি,—তখন তিনি জাগিয়া দেখেন, পার্শ্বে শব্দ-শক্তি দাঁড়াইয়া। স্বর-ঝঙ্কার শব্দ-শক্তিকে সেখানে দাঁড় করাইয়া রাখে, তাহার নিকটে কার্যের অভাব শুনিতে চাহিয়া অভিলষিত বরদানে বা ক্রিয়া সাধনে আমাদিগের অভিলাষ পূর্ণ করিয়া থাকেন।

কাজেই ইচ্ছাশক্তি, ঐকান্তিকী বুদ্ধি, ভাব, শব্দ, স্বর-কম্পন প্রভৃতি দেবতা ও আরাধনায় প্রয়োজন হয়। কাজেই মন্ত্রের আক্ষরিক শব্দগুলি মিথ্যা নহে। ঐ শব্দগুলি পরিত্যাগ করিয়া কেবল ইচ্ছাশক্তির পরিচালনে কার্য সম্পন্ন হয় না।

### পঞ্চম পরিচ্ছেদ।

মন্ত্র-তত্ত্ব।

শিষ্য। আমি আপনার নিকটে আর একদিন শ্রুত হইয়াছি, বীজ মন্ত্র সমুদয় শক্তির ব্যক্ত সূক্ষ্মবীজ। যেমন “ক্লীং” কৃষ্ণের সূক্ষ্ম

ব্যক্তবীজ,—ঐ সকল বীজমন্ত্রের ব্যাখ্যাও শ্রুত হইয়াছি, \* এক্ষণে যে সকল ছন্দোবদ্ধ মন্ত্রাদি আছে, তদ্বিষয়ে কিছু গুনিতে ইচ্ছা করি ।

গুরু । যাহা গুনিবার ইচ্ছা, তাহা বল ।

শিষ্য । যে সকল ছন্দোবদ্ধ মন্ত্র আছে, তাহা দেবতা বিশেষের ধ্যান, স্তব, কবচ প্রভৃতি । আপনি বলিয়াছেন, দেবতাগণ সূক্ষ্ম অদৃষ্টশক্তি । যাহারা সূক্ষ্ম অদৃষ্ট শক্তি, তাঁহাদের আবার স্তব কবচ ধ্যান ধারণা কি ? অরূপের রূপ কেন ? অরূপের স্তব কেন,—তোষামোদ কেন ? একরূপ করিলে কোন ফল লাভ হইতে পারে কি ?

গুরু । তোমার হৃদয়ে যে দয়া আছে, সে দয়াটি কি পদার্থ ?

শিষ্য । দয়া চিন্তেরই একটি বৃত্তি ।

গুরু । উহার কি রূপ আছে ?

শিষ্য । না ।

গুরু । তোমার দুরোজায় আসিয়া ঐ অন্ধ ভিখারী বলিতেছে,—ওগো বাড়ীওয়ালো ; আমি চারি দণ্ড আসিয়া দাঁড়াইয়া আছি, তোমরা কি নবাব গাঁজা খাঁ,—ছুটি ভিক্ষা দিতে পার না ? অন্ধ ভিখারীর একথায় তাহার উপরে তোমার দয়া হয় কি ?

শিষ্য । না ।

গুরু । কি হয় ?

\* মৎপ্রণীত “জ্ঞানাস্তর-রহস্য নামক গ্রন্থে “মন্ত্রচৈতন্য” শীর্ষক প্রবন্ধে এ সম্বন্ধে অনেক কথা বলা হইয়াছে । তাহাতে যাহা বলা হইয়াছে, এ স্থলে তাহার পুনরুল্লেখ নিশ্চয়মোক্ষন বোধ করা পেল ।

শিষ্য । রাগ হয় ।

গুরু । না হয়, তুমি যদি বড় ভাল লোক হও, রাগ না করিয়া এক মুষ্টি চাউল তাহার ঝুলিতে দিয়া বিদায় করিয়া দাও । কিন্তু তাহার উপরে তোমার দয়ার উদয় হয় না, ইহা নিশ্চয় । কিন্তু আর একজন ভিখারী আসিয়া যদি বলে,—“বাবু গো, আমি দুই দিন খেতে পাই নি ; তোমরা বড়লোক, তোমরা না খেতে দিলে আমায় কে খেতে দিবে ? কতলোক তোমাদের দুয়ারে খেয়ে জীবন ধারণ ক’চ্ছে,—আর আমিই কি না খেয়ে মারা যাব ?”—এব্যক্তির উপরে তোমার দয়াবৃত্তি অবশ্যই ক্ষুরিত হইবে । ইহাকে নিশ্চয়ই এক মুঠা চাউলের স্থলে দুই মুঠা দিবে । কিন্তু জিজ্ঞাসা করি, দয়ার ত রূপ নাই, তবে তোষামোদে দয়ার উদ্রেক হয় কেন ?

শিষ্য । আমার বোধ হয়, আমি আকার বিশিষ্ট—ঐ কথাগুলি আমার ইন্দ্রিয়-গ্রাহ হইয়া, আমার দয়াবৃত্তির উদ্রেক করিতে পারিয়াছে ।

গুরু । হাঁ, তাহাই । দেবতাও ত ঈশ্বরের শক্তি । আমাদের স্তব স্তুতি সেই বিরাট চৈতন্যে অবভাসিত হইয়া, তাঁহারই অরূপ বা স্বরূপ দেবশক্তির উদ্রেক করিয়া থাকে । ইহাতে আপত্তি কেন ?

শিষ্য । বুঝিলাম । আরও কথা আছে ।

গুরু । বল ।

শিষ্য । বৈদিকযন্ত্র সকলে এমন অনেক কথা আছে, যাহা দেবতার বা ঈশ্বরের স্তব নহে,—সে কেবল কতকগুলি অর্থাৎ বোধক কথা । আরাধনা পূজা বা যজ্ঞাদি করিবার সময়

সে সকলের নামোল্লেখ বা পাঠ করিবার প্রয়োজন কি ? সেরূপ একটি মন্ত্র এই,—

প্রজাপতিঋষিরতিজগতীহ্রন্দোহগ্নিদেবতা আজ্য  
হোমে বিনিয়োগঃ । ॐ অগ্নিরৈতু প্রথমো দেবতাভ্যঃ  
মোহৈস্যেপ্রজাং মুঞ্চতু মৃত্যুপাশাতদয়ং রাজা বরুণো-  
হনুমন্ততাং যথেষং স্ত্রী পৌত্রমঘং ন রোদাং স্বাহা ।

গুরু । মন্ত্রটি সামবেদীয়—পানিগ্রহণ ( কুশণ্ডিকা ) বা উত্তর  
বিবাহের । ইহার কোন্ স্থল তোমার জিজ্ঞাস্য ? “ ॐ অগ্নি ”  
হইতে আরম্ভ করিয়া “ স্বাহা ” পর্য্যন্ত মন্ত্র । আর পূর্ব ভাগ অর্থাৎ  
“ প্রজাপতি ” হইতে বিনিয়োগঃ পর্য্যন্ত ঐ মন্ত্রের যে ঋষি, যে হ্রন্দ,  
যে দেবতা ও যে কার্যে উহা প্রয়োগ করিতে হয়, তাহারই স্মারক  
বিষয় । অর্থাৎ যে মন্ত্রটি তুমি বলিলে, উহার ঋষি প্রজাপতি,  
হ্রন্দ অতি-জগতী, দেবতা অগ্নি, আজ্যহোমে উহা নিয়োগ করিতে  
হয় । তৎপরে মন্ত্রের অর্থ এই—

“ দেবপ্রধান অগ্নি, ইন্দ্রাদি দেবগণের নিকট হইতে আগমন  
করুন ; তিনি এই কন্যার ভবিষ্যৎ সম্ভান-সম্ভতিকে মৃত্যু-পাশ  
হইতে মোচন করুন ? বরুণরাজ ইহার অহুমোদন করুন এবং  
এই স্ত্রী যাহাতে পুত্র সম্বন্ধীয় শোক প্রাপ্ত হইয়া রোদন না করে,  
তাহা করুন । ”

তোমার কি জিজ্ঞাস্ত আছে ?

শিষ্য । মন্ত্রের প্রথমে যে ঋষি, হ্রন্দ, দেবতা প্রভৃতির কথা  
উল্লেখ করা হইয়াছে, তাহার কারণ কি ?

গুরু । জয়দেবের কোমলকান্ত পদাবলী পাঠ করিয়াছ ?

শিষ্য । হাঁ, করিয়াছি ।

গুরু । পদাবলীর উপরে লেখা আছে,—বসন্তরাগেণ যতি-  
তালেন গীয়তে । দেশ-গুর্জররাগেণ রুদ্রতালেন গীয়তে । তাহার  
অর্থ কি জান ?

শিষ্য । তাহা আবার জানি না ?

গুরু । কি জান ?

শিষ্য । ঐ পদাবলী যে সুরে ও যে তালে গাহিতে হইবে,  
তাহাই লেখা আছে ।

গুরু । মন্ত্রের পূর্বেও ঐ মন্ত্রের যে ঋষি, যে ছন্দ, যে দেবতা  
ও যে কার্যে ঐ মন্ত্র প্রয়োগ করিতে হইবে, তাহাই লেখা আছে ।  
জানিতে না পারিলে, তুমি কার্য করিবে কিপ্রকারে ? যে ভাবে  
ঐ মন্ত্র উচ্চারণ করিতে হইবে, যে ছন্দে উহা সুর করিতে হইবে,  
যে রূপ ভাবে ঐ মন্ত্রের গতি হইবে, কোন্ দেবতার উদ্দেশ্যে চিন্তা  
ও ইচ্ছাশক্তির পরিচালন করিতে হইবে, তাহা জানিতে না  
পারিলে, কেমন করিয়া কার্য ও সিদ্ধি লাভ করিবে ?

শিষ্য । ঋষি অর্থে কি ? অনেকে বলেন, মন্ত্রের রচয়িতাই  
ঋষি ।

গুরু । ঋষি বৈদিক শব্দ,—অতএব ঋষি কি জানিতে হইলে  
বেদ ইহার কিরূপ অর্থ করেন, তাহাই জানা প্রয়োজন । ঋষিরা  
বলেন, মন্ত্রের প্রণেতা ঋষি, তাঁহারা যে বিষম ভ্রান্ত, তাহা বলাই  
বাহ্য্য । কেননা, মন্ত্রের কেহই প্রণেতা নাই । মন্ত্র স্বয়ং  
প্রকাশিত । যোগযুক্ত হৃদয়ের অত্যধিক ক্ষুরণে মন্ত্রের প্রভাব  
প্রতিষ্ঠিত ও বিকিরণ হয় । বৈদিক মন্ত্রেরই ঋষি আছে । বেদ,  
এই ঋষি শব্দ কি কিরূপ অর্থে ব্যবহার করেন, শোন,—

“সহজাত ছয় ঋষির সম্বন্ধে যে সপ্তম, প্রাচীনগণ তাহাকে ‘একজ’ এবং ঐ সমকালোৎপন্ন ছয় ঋষিই ‘দেবজ’ বলিয়া নির্দিষ্ট করিয়াছিলেন । তাহাদের ইষ্টসমূহ ধামাত্মসারে বিহিত হইয়াছে । তাহারা নানাবিধ আকারে বিকৃত হওত এক স্থাতার জন্ত দীপ্তি পাইতেছে ।”

ঋক্বেদ ১৫ ঋক্

নিরুক্ত নামেই প্রসিদ্ধ নিরুক্ত-পরিশিষ্টে ( ১, ২, ১৯, ) এই মন্ত্রের ব্যাখ্যা অবিকল এইরূপ আছে ।—

“সহজাত ছয় ঋষির সম্বন্ধে আদিত্য সপ্তম । তাহাদের ( এই সাতের ) ইষ্টসমূহ অর্থাৎ কাহ্নসমূহ বা ক্রাস্তসমূহ বা. গতসমূহ, মতসমূহ বা নতসমূহ জলের সহিত সম্মোদিত হইয়া থাকে । যেখানে এই সপ্তঋষিগণ সপ্ত জ্যোতি ; তাহাদের মধ্যে আদিত্যই শ্রেষ্ঠ । তাহারা ( সেই ছয় ) ইহাতে ( আদিত্যে ) একীভূত হইয়া থাকে ।” \* \* \*

মূলের পদগুলি ও নিরুক্তের ব্যাখ্যা, এতদুভয় একত্র সমালোচিত হইলে, এইরূপ অর্থ অবগত হওয়া যায়—

সহজাত—এক সময়ে উৎপন্ন অর্থাৎ আদিত্য সৃষ্টির পরে জন্তদের আশ্রয়-সৃষ্টির সময় । \* \* \*

ছয়—পৃথিবী, মঙ্গল, বুধ, বৃহস্পতি, শুক্র ও শনি । এ স্থানে পৃথিব্যাদির চক্রগুলি পৃথিব্যাদের গ্রহণেই গৃহীত বুঝিয়া লইতে হইবে । \* \* \*

ঋষি—নিরুক্তে প্রকাশিত ব্যাখ্যায় এস্থলে ঋষি শব্দে জ্যোতিষ্মান্ পদার্থ । এবং ঋষ ধাতুর অর্থ গতি ; তদনুসারে গতিমান্ অর্থও হইতে পারে ।” \*

\* বেনাচাৰ্য্য ত্ৰীযুক্ত সত্যব্রত সামশ্ৰমী কৃত “অষ্টোত্তাৰ্য্য” ৩৩—৩৯ পৃষ্ঠা ।



বেদের যাহা অর্থ, বেদে যাহাকে ঋষি বলে, তাহা বুঝিয়াছি,—  
অর্থাৎ যাহা জ্যোতিষান্ গতি তাহাই ঋষি । এই ঋষিই তোমাদের  
পাশ্চাত্য বৈজ্ঞানিকগণের ইথারীয় সিদ্ধান্ত ( *Etherecal  
Hypothesis* )

মন্ত্র প্রথম পাঠ করিবার সময় জানিতে হইবে যে, এই মন্ত্রের  
ঋষি কে, অর্থাৎ ইহার ব্যৌমিক গতি কি প্রকার । এক এক  
ঋষিতে এক এক প্রকার গতি স্থির করা আছে । সে গতি তাল  
মাত্র । যেমন ঋপদ বলিলে, এক প্রকার তাল বুঝিতে পার,  
ঠুংরী বলিলে আর এক প্রকার বুঝিতে পার, এবং কাওয়ালি  
বলিলে আর এক প্রকার বুঝিতে পার, মন্ত্রাদিতেও তেমনি ঐ  
গতির তাল বুঝিবার জন্য প্রজ্ঞাপতি ঋষি, প্রক্ষর ঋষি প্রভৃতি ঋষি  
নাম দেওয়া হইয়াছে ।

শিষ্য । বুঝিলাম । অতিজগতীচ্ছন্দটা কি ?

গুরু । ছন্দ, সুর । যেমন তোটক ছন্দ পাঠ করিতে হইলে,  
একরূপ সুরে পড়িতে হয়, পরার ছন্দ আর প্রকার সুরে এবং  
ত্রিপদী বিভিন্ন প্রকার সুরে পাঠ করিতে হয় ;—তদ্রূপ ঐ ছন্দের  
নাম হইলেই বুঝিতে পারা যায়, এইরূপ সুরে মন্ত্রটি পাঠ  
করিতে হইবে । এই সুর-কম্পনই ঋষির স্বক্কে চাপিয়া বা গতিবান্  
হইয়া অর্থাৎ বক্র, সরল ঋজুভাবে যেক্রমে যাইতে হইবে,  
সেইরূপে অভিলষিত স্থানে ঐ শব্দতন্ত্র গুলি গিয়া উপস্থিত  
হয় ।

শিষ্য । যেমন টোড়ি, সোহিনী, বাহার, বেহাগ, মালকোষ  
প্রভৃতি বলিলেই তাহাদের সুরগুলি মনে আইসে, ঐ ছন্দগুলির  
স্বক্কেও কি তাহাই হয় ?

গুরু । যাহারা গানের রাগিনী গুলির সহিত সম্পূর্ণ অপরি-  
চিত তাহারা ঐ নামগুলি করিলে কখনই সে সুর মনে আনিতে  
পারে না, গাহিতে পারে না, তদ্রূপ ঐ ছন্দগুলির সুর যাহারা  
জানে না, তাহারা কখনই ছন্দের নাম গুনিয়াই মন্ত্রের সুর করিতে  
পারে না । কিন্তু সুর ও গতির তাল ঠিক করিতে না পারিলে  
কখনই মন্ত্রের ফল হয় না । আমি তোমাকে আগে বুঝাইরাছি,—  
এজগৎ শব্দ মাত্র—স্বর-কম্পনে স্থিতি ; সেই কম্পনও তালে  
তালে,—তাই জগতের সকলই তালে তালে । সূক্ষ্মতত্ত্বের সহিত  
মন্ত্রতত্ত্ব মিশিতে না পারিলে ফল প্রদান করিবে কেমন করিয়া ?

শিষ্য । মন্ত্রবিশেষের জন্ত সুরবিশেষ নির্দিষ্ট না থাকিলে  
কি কোন ক্ষতি হয় ? মোটের উপরে যে কোন একরূপ সুর  
করিয়া মন্ত্র পাঠ করিলে কি চলিতে পারে না ?

গুরু । যুদ্ধের সময় কামদ রাগিনীতে খেমটা তালে গান  
গাহিলে, বিবাহ-বাসরে মেঘমল্লারে ঋপদ তালে গান গাহিলে  
কেমন লাগে ?

শিষ্য । ছি ! তাও কি হয় ?

গুরু । মন্ত্রেও সেইরূপ হয় না ;—স্বর-কম্পনে ভাব সৃষ্টি  
হইয়া থাকে ।

শিষ্য । যেমন কোন্ সময়ে কোন্ রাগিনী ও কোন্ তালে  
গান গাওয়া যায়, নির্দিষ্ট আছে, মন্ত্রের ছন্দাদিরও কি সেরূপ  
কোন বাধাবাধি নিয়ম আছে ?

গুরু । সেরূপ নাই, তবে কি একসুরে মন্ত্র উচ্চারণ করিলেই  
হইল ? যদি তাহাই হইবে, তবে পৃথক্ পৃথক্ ঋষি, পৃথক্ পৃথক্  
ছন্দ, পৃথক্ পৃথক্ দেবতা ও পৃথক্ পৃথক্ কার্যের উল্লেখ থাকিবে

কেন ? কোন্ কামনায় কোন্ ছন্দের ব্যবহার করিতে হয়, তাহা ঋগ্বেদে উল্লিখিত হইয়াছে, যথা—

“যে, তেজ ( শরীরকাস্তি ) ও ব্রহ্মবর্চস ( শ্রুতাদ্যয়নসম্পত্তি ) কামনা করিবে, সে গায়ত্রীছন্দের ঋগ্‌দ্বয় স্বিষ্টিকৃদ্যাগের সংযাজ্য-রূপে পাঠ করিবে । গায়ত্রীছন্দ তেজঃস্বরূপ ও ব্রহ্মবর্চসস্বরূপ, যে এইরূপ জানিয়া গায়ত্রীছন্দের ঋগ্‌দ্বয় (স্বিষ্টিকৃদ্যাগের সংযাজ্য-রূপে ) পাঠ করে, সে তেজস্বী ও ব্রহ্মবর্চস্বী হয় ।

যে আয়ুঃ কামনা করিবে, সে উষিক্‌ছন্দের ঋগ্‌দ্বয় স্বিষ্টিকৃদ্যাগের সংযাজ্যরূপে পাঠ করিবে । উষিক্‌ছন্দ আয়ুঃস্বরূপ । যে এইরূপ জানিয়া উষিক্‌ছন্দের ঋগ্‌দ্বয় ( স্বিষ্টিকৃদ্যাগের সংযাজ্যরূপে ) পাঠ করে, সে সম্পূর্ণ আয়ুঃ প্রাপ্ত হয় ।

যে স্বর্গ কামনা করিবে, সে অনুষ্টুপ্‌ছন্দের মঙ্গদ্বয় স্বিষ্টিকৃদ্যাগের সংযাজ্যরূপে পাঠ করিবে । অনুষ্টুপ্‌ছন্দের দুই ঋকে ৬৪ অক্ষর আছে ; যজমান এক এক অক্ষরের পাঠকালে এক এক অংশ উর্দ্ধে আরোহণ করিয়া, চতুঃষষ্ঠিতম অক্ষরের পাঠ ফলে [ ত্রিলোকের শেষাংশে ( সর্কোপরি ) স্থিত ] স্বর্গলোকে প্রতিষ্ঠিত হয় । যে এইরূপ জানিয়া অনুষ্টুপ্‌ছন্দের ঋগ্‌দ্বয় (স্বিষ্টিকৃদ্যাগের সংযাজ্যরূপে) পাঠ করে, সে স্বর্গে প্রতিষ্ঠিত হয় ।

যে স্ত্রী ও যশ কামনা করিবে, সে বৃহতীছন্দের ঋগ্‌দ্বয় স্বিষ্টিকৃদ্যাগের সংযাজ্যরূপে পাঠ করিবে । বৃহতীছন্দ, ছন্দঃসমূহের স্ত্রী ও যশ, যে এইরূপ জানিয়া বৃহতীছন্দের ঋগ্‌দ্বয় ( স্বিষ্টিকৃদ্যাগের সংযাজ্যরূপে ) পাঠ করে, সে আপনাতে স্ত্রী ও যশই ধারণ করে ।

যে, যজ্ঞসিদ্ধি কামনা করিবে, সে পঙক্তিছন্দের ঋগ্‌দ্বয়

স্বিষ্টকৃদ্যাগের সংযাজ্যরূপে পাঠ করিবে। যজ্ঞের একটি নাম 'পাণ্ডুক'। যে, এইরূপ জানিয়া পণ্ডুক্তিহৃন্দের ঋগ্‌দ্বয় (স্বিষ্টকৃদ্যাগের সাংযাজ্যরূপে) পাঠ করে, যজ্ঞ ইহার নিকটে নত হয়।

যে, বীৰ্য্য কামনা করিবে, সে ত্রিষ্টুপ্‌হৃন্দের ঋগ্‌দ্বয় স্বিষ্টকৃদ্যাগের সংযাজ্যরূপে পাঠ করিবে। ত্রিষ্টুপ্‌হৃন্দ ওজঃস্বরূপ-ইন্দ্রিয়শক্তিস্বরূপ ও বীৰ্য্যের বৃদ্ধিকারী। যে এইরূপ জানিয়া ত্রিষ্টুপ্‌হৃন্দের ঋগ্‌দ্বয় (স্বিষ্টকৃদ্যাগের সংযাজ্যরূপে) পাঠ করে, সে ওজস্বী, ইন্দ্রিয়শক্তিমান্ ও বীৰ্য্যবান্ হয়।

যে, পশু কামনা করিবে, সে জগতীহৃন্দের ঋগ্‌দ্বয় স্বিষ্টকৃদ্যাগের সাংযাজ্যরূপে পাঠ করিবে। পশু সমস্তই জগতীতে উৎপন্ন। যে এইরূপ জানিয়া জগতীহৃন্দের ঋগ্‌দ্বয় (স্বিষ্টকৃদ্যাগের সংযাজ্যরূপে) পাঠ করে, সে পশুমান্ হয়।

যে অন্নাদি কামনা করিবে, সে বিরাট্‌হৃন্দের ঋগ্‌দ্বয় স্বিষ্টকৃদ্যাগের সংযাজ্যরূপে পাঠ করিবে। অন্নই বিরাট্ (হইবার হেতু)। এ জগতে যাহার যথেষ্ট অন্ন হয়, সেই ব্যক্তি সমাজে যথেষ্ট বিরাজ করে; তাহাই এস্থলে বিরাট্ শব্দের তাৎপর্য্য। যে এইরূপ জানে, সে আত্মীয়গণের মধ্যে শ্রেষ্ঠ হয়, আত্মীয়গণের মধ্যে বিরাজ করে।" \*

শিষ্য। মন্ত্রের দেবতা অর্থে, সেই মন্ত্র যে দেবতার নিকটে ফল লাভ করিবে, তিনিই কি? এখানে যেমন অগ্নি দেবতা। অতএব ইচ্ছাশক্তিকে অগ্নিতত্ত্বে লইতে হইবে?

গুরু। হাঁ।

\* জয়ীভাষা; ১০০-১০২ পৃঃ।

শিষ্য । আর বিনিয়োগ অর্থে যে কার্যে ঐ মন্ত্র নিয়োগ করিতে হইবে, এখানে যেমন ‘আজ্যহোমে বিনিয়োগঃ’ অর্থাৎ আজ্যহোম করিবার সময় নিয়োগ করিবে ?

গুরু । হাঁ,—তাহাই ।

### পঞ্চম পরিচ্ছেদ ।

#### মন্ত্রসিদ্ধি ।

শিষ্য । তাহা হইলে, মন্ত্রের দ্বারা কাজ করিতে হইলে, মন্ত্রের গতি ( Motion ) মন্ত্রের স্বর, মন্ত্রের দেবতাতত্ত্ব প্রভৃতি উত্তমরূপে অভ্যাস না করিতে পারিলে, উহা দ্বারা কোন ফল লাভের সম্ভাবনা নাই ?

গুরু । বিশেষতঃ বৈদিক মন্ত্রের ঐ সকল উত্তমরূপে না জানিলে, কোন ফল হইবারই সম্ভাবনা নাই । আবার স্বর কম্পনের বৈফল্যে কর্মের ফলও বিপরীত হইয়া থাকে ।

এক ঋষির পুত্রকে ইন্দ্র, হত্যা করেন ; তাহাতে ঐ ঋষি অত্যন্ত মনস্তাপ প্রাপ্ত হইলেন এবং পুত্রশোকে নিতান্ত ক্ষুব্ধ ও শোকাতুর হইয়া পড়েন ।

ইন্দ্রের এই ব্যবহারে অত্যন্ত অসন্তুষ্ট হইয়া, ইন্দ্রের অনিষ্ট করিবার জন্য ঐ ঋষি এক মন্ত্রের অনুষ্ঠান করেন, এবং তাহাতে “ইন্দ্র-শত্রো ভব” এই বলিয়া হোম করেন । “ইন্দ্র-শত্রু হউক”

অর্থাৎ ইন্দ্রের শক্র হউক, এইরূপ বধীতংপুরুষ সমাসের স্বর-কম্পন বাহির না হইয়া অনবধানতা প্রযুক্ত “ইন্দ্র-শক্র হউক” অর্থাৎ ইন্দ্র শক্র যাহার সে হইক. এইরূপ বহুব্রীহী সমাসের স্বর-কম্পন বাহির হইয়াছিল। তাহাতেই বৃত্রাসুরের জন্ম হয় ; কিন্তু সেই বৃত্রাসুর ইন্দ্রের হস্তা না হইয়া, ইন্দ্রই তাহার হস্তা হইয়াছিলেন।

শিষ্য। আপনি বলিবেন, বিশেষতঃ বৈদিক মন্ত্রের,—তাহা হইলে, অণ্ডাণ্ড মন্ত্র—যথা পৌরাণিক, তান্ত্রিক মন্ত্রাদি কি স্বর-কম্পনাদি না হইলেও ফলপ্রদ হয় ?

গুরু। আমি সে ভাবে বলি নাই,—বৈদিক মন্ত্রাদির ঐ সকল অত্যন্ত কঠিন। কিন্তু পৌরাণিক বা তন্ত্রাদির স্বর-কম্পনাদি উহার মত অত কঠিন নহে। উহা সহজেই অভ্যাস করা যাইতে পারে।

শিষ্য। কেমন করিয়া অভ্যাস করা যাইতে পারে, তাহা আমাকে বলুন।

গুরু। ইহা গুরুর নিকটে মুখোমুখী শিখিতে হয়। গানের রাগিণী, আর গানের তাল বলিয়া দিলেই কিছু সকলে গান গাহিতে পারে না। তবে যাহারা খাম্বাজ রাগিণীর একতাল তালের গান জাহ্নন, তাহাদিগের নিকটে খাম্বাজ রাগিণীর ও এক তাল তালের নাম করিয়া গানের কথাগুলি বলিলে, তাহারা গাহিতে পারে।

শিষ্য। ভাল, সংস্কৃতভাষায় যে মন্ত্রাদি আছে, উহা কি বাঙ্গালায় অনুবাদ করিয়া এবং ছন্দোবদ্ধ করিয়া লইয়া পাঠ করিলে ভাল হয় না ?



গুরু । কেন, সংস্কৃত তোমার নিকটে কি অপরাধ করিয়াছে ?

শিষ্য । এখন সংস্কৃত ভাষার চর্চা কমিয়া গিয়াছে, নাই বলিলেও হয় । এতদবস্থায় মন্ত্রগুলি বাঙ্গলায় করিলে, সকলেই বুঝিতে পারে ।

গুরু । মন্ত্র বুঝা উদ্দেশ্য, না কর্ম্মীর কর্ম্মের ফললাভ উদ্দেশ্য ?

শিষ্য । ফললাভ করাই উদ্দেশ্য ।

গুরু । তাহা হইলে সংস্কৃতেই রাখিতে হইবে ।

শিষ্য । কেন, সংস্কৃত ভাষায় কোন দৈবশক্তি আছে নাকি ?

গুরু । দৈবশক্তি সকল ভাষায়ই আছে । কেবল সংস্কৃত নহে, যে ভাষায় যে মন্ত্র আছে, সেই ভাষায় সেই মন্ত্র পাঠ করিলে তবে ফল হইয়া থাকে,—নতুবা হয় না ।

শিষ্য । তাহার কারণ কি ?

গুরু । কারণ তোমাকে পূর্বেই বলিয়াছি । মন্ত্র সকল সাধকের ধ্যান-ধারণায় তাঁহাদের হৃদয়ে স্বতঃ প্রকাশিত পদার্থ । সেই ক্রিয়া সম্পাদন করিতে যেখানে যে গতি, যেখানে যে স্বর-কম্পন, যেখানে যে তন্ময়ের আবশ্যক, ঐ মন্ত্রের ছন্দোবন্ধে তাহা আছে । ভাষার অর্থে কিছুই নাই,—ভাবে আছে । আক্ষরিক ভাবে শক্তি গ্রথিত থাকে । উহাকে ভাষান্তরিত করিলে, কখনই ফল হইবে না । সংস্কৃত হউক, ইংরাজী হউক, বাঙ্গালা হউক, অপভাষা হউক, আরবী, পার্সী, যাহাই হউক, যে ভাষায় যে ভাবে যেরূপ ছন্দে মন্ত্র আছে,—তাহাকে কোন প্রকার রূপান্তরিত বা ভাষান্তরিত করিলে, তাহার ফল হয় না ।

সাত বৎসর আগের কথা বলিতেছি,—আমাদের গ্রামের একটি স্ত্রীলোককে সাপে কামড়ায় ।

আমাদের বাড়ীতে একটি চাকর আছে, সে সাপের মন্ত্র, সাপের ঔষধ খুব ভাল জানে,—এককথায় সে সাপের ওঝা বলিয়া বিখ্যাত । ঐ স্ত্রীলোকটিকে শেষরাত্রে সাপে কামড়ায়,—প্রত্যুষে একজন লোক আমাদের চাকর রামাকে ডাকিতে আইসে । আমিও সংবাদ পাইয়া রামার সঙ্গে ঐ রোগীর বাড়ী গিয়া উপস্থিত হইলাম ।

সেখানে গিয়া দেখি, অনেক লোক জুটিয়া পড়িয়াছে । ওঝাও দুই চারিজন আসিয়াছে,—তাহারা “ঝাড়ান কাড়ান” করিতেছে, কিন্তু ফলে কিছুই হয় নাই । রোগীর অবস্থা দেখিলাম অতিশয় মন্দ । সে নিতান্ত দুর্বল হইয়া পড়িয়াছে—দক্ষিণ পায়ের মধ্যমাঙ্গুলীতে কামড়াইয়াছিল, কিন্তু তখন তাহার হাঁটুর উপর পর্য্যন্ত বিষ উঠিয়াছিল,—রোগীকে জিজ্ঞাসা করায়, সে বলিল, ঐ পর্য্যন্ত এমন ভাবে জলিয়া যাইতেছে যে,—উহার জ্বালায় আমি আর স্থির থাকিতে পারিতেছি না, আমার সর্কান্ন অবসন্ন হইয়া আসিতেছে ; থাকিতে পারিতেছি না, আমার বসিয়া থাকিতে বড় কষ্ট হইতেছে । জিজ্ঞাসায় আরও জানিলাম, বিষ ক্রমেই উর্দ্ধদিকে উঠিতেছে,—জ্বালাও ক্রমে উর্দ্ধদিকে

রামা রোগীর কাছে বসিয়া, তাহার ক্ষতস্থান লক্ষ্য করিয়া দেখিয়া, যে ওঝায় ঝাড়িতেছিল, তাহাকে বলিল,—“তোরা কেবল নামে ওঝা, কাজে যম । হাঁ রে, এ যে কানী-কাটা” এ বিষ নামাতে তোদের এত দেরি ?”

পরে জিজ্ঞাসায় জানিয়াছিলাম, ওঝাদের চলতি কথায় উবো, কানী ও সাট এই তিন প্রকার দংশন বলে। সাপ যদি মুখ সরল করিয়া দংশন করে, তবে সেই দংশনকে “উবো” বলে, যদি দক্ষিণ পার্শ্বে একটু বক্র হইয়া দংশন করিয়া থাকে, তবে তাহাকে “কানী” বলে, এবং যদি দংশন করিয়া পরে একপার্শ্বে বক্র হইয়া মুখ তুলিয়া লয়, তবে তাহাকে “সাট” বলে। “উবো” এবং “কানী” এই দুই প্রকারের যে কোন প্রকারে দংশন করিলে, বিষ দূর করা সহজ এবং “সাট” ভাবে দংশন করিলে, তাহা গুরুতর, অধিকাংশ স্থলে প্রাণনাশক।

যাহা হউক, রামার ঐ প্রকার অবজ্ঞাসূচক কথা রোগী এবং রোগীর আত্মীয়-স্বজনের আশাপ্রদ ও উৎসাহপ্রদ হইলেও আমি রোগীর অবস্থা দেখিয়া চিন্তিত হইয়াছিলাম। যদি রোগীকে বাঁচাইবার কোন উপায় থাকে,—রামাকে সত্বরতার সহিত তাহা করিতে অনুরোধ করিলাম।

রামা মূঢ় হানিয়া বলিল,—“কোন ভয় নাই। রোগী কখনই মারা যাইবে না।”

সে একটু ধূলা কুড়াইয়া লইয়া যে পর্য্যন্ত বিষ উঠিয়াছে, সেই স্থানে একটা ঘুরাইয়া দাগ দিয়া মন্ত্র পাঠ করিল। তৎপরে বলিল,—“আমি একটু ঘুরিয়া আসি।”

তখন প্রভাতের রোজ গাছের ডালে, গৃহের ছাতে উঠিয়া পড়িয়াছে।

আমি বিস্মিত হইয়া বলিলাম, তুই কোথায় যাবি রামা ?”

রামা বলিল—“গরু কটা দুয়ে দিবে আসি। গোকাবাবু দুধ খাবে ; রাখালে গরু মাঠে নিরে যাবে।”

আমি অধিকতর বিস্মিত হইয়া বলিলাম,—“গরুদোয়া একটু পরে হইবে এখন । একটা মানুষ মরে । যদি কিছু জানিস্ বাপু—লোকটা যাতে বাঁচে, তা কর ! তুই ঘুরিয়া আসিতে আসিতে ততক্ষণ বিষ উহার সর্বাঙ্গ ছাইয়া ফেলিবে—হয় ত ততক্ষণ মারা যাইবে ।”

রামা বলিল,—“না, না, বিষ আর উঠিতে পারিবে না । আমি ঐ ধূলা পড়িয়া তাগা বাঁধিয়া দিলাম । এখন দশদিন থাকিলেও বিষ আর উঠিতে পারে না ।”

আমার কিন্তু তাহা বিশ্বাস হইল না । তখন মন্ত্রের উপরেই তেমন বিশ্বাস ছিল না । বলিলাম,—“সে কথায় আমার বিশ্বাস হয় না । একটি মানুষের জীবন লইয়া ওরূপ অবহেলা করা কর্তব্য নহে, যদি পারিস্,—যাতে শীঘ্র সারে, তাহা কর ।”

রামা জানিত,—আমি তাহার মন্ত্রের উপর একেবারেই আস্থা-বান্ বা বিশ্বাসী নহি । সে বলিল,—“ভালই হইল । আ'জ আপ-নাকে মন্ত্রের শক্তি দেখাইতে সুযোগ পাইয়াছি । এই রোগীকে কোন ঔষধ খাওয়াইব না,—আমি উহার গাত্রও স্পর্শ করিব না । দূরে বসিয়া, কেবল মন্ত্র পড়িয়াই বিষ নামাইয়া দিব । আপনি মন্ত্র বিশ্বাস করেন না,—কিন্তু এমন হইলে ত বিশ্বাস করিবেন ?”

আমি বলিলাম,—“বিশ্বাস নিশ্চয়ই করিব, কিন্তু ঔষধ সেবন করাইলে যদি রোগী শীঘ্র এবং নিশ্চয় আরাম হয়, তবে তাহাই কর, কারণ আমার কৌতূহল নিবারণ করিতে যেন একটা মানুষের জীবন নষ্ট করিস্ না ।”

রামা হাসিয়া বলিল,—“ঔষধের চেয়ে মন্ত্রে আরও শীঘ্র বিষ নামিয়া যাইবে ।”

তখন রামা, একটা মানকচুর পাতা কাটাইয়া আনাইয়া তাহার উপরে রোগীকে উপবেশন করাইয়া, সুর করিয়া মন্ত্রপাঠ করিতে লাগিল । মন্ত্রের সুর এমন ভাবে উচ্চারিত হইতে লাগিল যে, তাহা শুনিলে প্রাণের মধ্যে কেমন একটা গভীর ভাবের আবির্ভাব হইতে লাগিল,—আর যেন মনে হইতে লাগিল,—  
 ব্যোম-পথ কাঁপিয়া কাঁপিয়া কোন্ অদৃষ্ট অজানা শক্তিকে আহ্বান করিয়া আনিতেছে । সে মন্ত্রটি আমি মনঃসংযোগের সহিত শুনিয়া মুখস্থ করিয়াছিলাম,—মন্ত্রটি বহুবার আবৃত্তি করিয়াছিল, ‘সুতরাং মুখস্থ করিতে কোন অসুবিধা বা ভ্রম হয় নাই । মন্ত্রটি শুনিলে, তুমি হাস্যসংবরণ করিতে পারিবে না । কিন্তু আশ্চর্যের বিষয়, সেই মন্ত্রের প্রভাবেই রোগীর সমস্ত জ্বালা-যন্ত্রণা বিদূরিত হইয়া গেল,—  
 রোগী চলিয়া পড়িতেছিল,—উঠিয়া ঘরে গেল । মন্ত্রটি এই—

“হাড়ে মাংসে রজ বিধ হাড়ে কর বাসা ।

খেদাড়িয়া দেহ বিধ বলেন মনসা ।

বিষের বিষম ডাক দিল নর্ত্ত শিখী ।

ময়ূর স্মরণে বিধ নাবে ধিকি ধিকি ॥

নেই বিধ বিষহরির আঃজ্ঞ ।”

অর্দ্ধঘণ্টার মধ্যেই রোগীর বিষের জ্বালা বিদূরিত হইল,—  
 মুত্থা-যন্ত্রণা-ক্লিষ্ট মুখে আশ্বাসের ক্ষীণ হাসি দেখা দিল । সে,  
 মুস্থ হইয়াছে বলিয়া গৃহে চলিয়া গেল । আমি একেবারে  
 আশ্চর্য হইয়া গেলাম । জড়বিজ্ঞানের কোন সূত্রই ইহার  
 উপরে খাটাইতে পারিলাম না । বাড়ী গিয়া রামাকে জিজ্ঞাসা  
 করিলাম, “রামা ! এই মন্ত্রের মধ্যে কি শক্তি নিহিত আছে  
 যে, তদ্বারা এই অদ্ভুত কার্য সম্পন্ন হইল ?”

রামা আমার কথার প্রকৃত অর্থ বুঝিতে পারিল না। সে আমাকে তাহার নিকট মন্ত্রটির আদ্যোপান্ত আবৃত্তি করিতে শুনিয়া বলিল,—“আপনি ও মন্ত্রটি শিখিয়া ফেলিয়াছেন, দেখিতেছি। কিন্তু ঐ মন্ত্রদ্বারা কোথাও যেন রোগী আরাম করিতে যাইবেন না।”

আমি। কেন?

রামা। মন্ত্র সুর করিয়া পড়িতে হয়। সুর করিয়া না পড়িলে,—মন্ত্রে কাজ হয় না। যেরূপ সুর করিয়া পড়িতে হয়, তাহা আপনি রোগী ঝাড়িবার সময় শুনিয়াছেন। কিন্তু একবার শুনিয়া সুর শিখা যায় না,—এক একটি মন্ত্রের সুর শিখিতে দুই মাস কাটিয়া যাইতে পারে। যদি মন্ত্রশিক্ষার প্রয়োজন হয়, আমার কাছে সুর শিখিয়া লইবেন।

রামার কথা শুনিয়া আমি ভাবিলাম,—কি আশ্চর্য্য! একটু গলার সুর, আর ঐ অস্বাভাবিক বিকৃত কতকগুলি শব্দে কি করিয়া সাপের বিষ বিদূরিত হইল! শরীরস্থ সর্প-বিষ মন্ত্র-বলে উপিয়া গেল! ভাবিয়া কিছুই স্থির করিতে পারিলাম না।

আরও আশ্চর্য্যের কথা শোন,—সন্ধ্যার ঠিক পরেই বাহাকে সাপে কামড়াইয়াছিল,—তাহার ভ্রাতা ছুটিয়া আমাদের বাড়ী আসিয়া উপস্থিত হইল, এবং হাঁপাইতে হাঁপাইতে রামার অস্থ-সন্ধান করিতে লাগিল।

রামা বাড়ীতেই ছিল,—তাহার সহিত সন্ধ্যা হইল। সে, রামাকে বলিল,—“আমার ভগিনী হঠাৎ জ্বলে গেলাম, ম’রে গেলাম বলিয়া চীৎকার করে উঠিয়া, অজ্ঞান হইয়া পড়িয়াছে,—তাহার মৃত্যু দিয়া কেনা উঠিতেছে; চক্ষুর পাতা স্থির হইয়া আসিয়াছে।”



সংবাদ শুনিয়া আমি বুলিলাম,—“তাইত ! মস্তের বলে নাকি আবার বিষ উপিয়া যায় ! তখন বিজ্ঞানের মীমাংসায় স্থির করিলাম, রামার অজ্ঞাতসারে অভ্যস্ত ইচ্ছাশক্তির ( will force ) বলে, বিষটা স্তম্ভিত হইয়াছিল,—সময়ে তাহার সর্কশরীরে বিক্ষিপ্ত হইয়া পড়িয়া রোগীর জীবন নষ্ট করিতে বসিয়াছে ।

রামা কিন্তু সে সংবাদে অবিচলিতই থাকিল । সে মৃদু হাসিয়া বলিল,—“শালা, আমার সঙ্গে বুজরুকি ক’রেছে । আমি তখন গরু ছুইবার বেলা হয়ে গিয়াছে দেখে, ব্যস্ত হইয়া পড়িলাম,—নতুবা কি আর আমার সঙ্গে চালাকি ।”

“রামা, কি হ’য়েছে ? তোর রোগী যে গেল ।”—রামার মুখের দিকে চাহিয়া আমি এই কথা বলিলে, রামা বলিল,—“রোগী মারা যাবে না বাবু,—ও রোগী কি আর মারা যায় ? যে শালা আগে ঝাড়ু ছিলো, তারই এ কাজ !”

আমি । সে কি করিয়াছে ?

রামা । সেই একটুখানি বিষ কোথায় পেঁটেলী ক’রে রেখেছিল । এখন ধাওয়া দিয়াছে ।

ধাওয়ার অর্থ তাহাকে জিজ্ঞাসা করায়, সে বলিয়াছিল,—মস্তের দ্বারায় সেই একটুখানি বিষ সর্ব্বান্তে চালনা করিয়াছে । একে কেউটে সাপের বিষ,—তাতে মস্তের জোর, কাজেই রোগীকে অত কাতর কোরেছে । আমি জিজ্ঞাসা করিলাম,—“সে এমন করিল কেন ?”

রামা । আমার উপরে বাদ সাধিয়া । সে রোগী সারিতে পারে নাই,—আমি সারিয়া নাম লইব, তারই জন্তে ।

আমি । এখন তবে উপায় ?

রামা । আমি গিয়েই আরাম করুবো ।

আমি । তবে এখনি চল ।

তখনই রামাকে সঙ্গে লইয়া রোগীর বাড়ী গিয়া উপস্থিত হইলাম,—রামা এক কলসী জল আনাইয়া, সেই প্রকারের অন্ত আর একটি মন্ত্র পাঠ করিয়া, সেই জল দিয়া রোগীকে স্নান করাইয়া দিয়া,—তারপরেও কয়েকটি মন্ত্র পাঠ করিয়া রোগীকে আরোগ্য করিল ।

আমি দেখিয়া, মন্ত্রের অলৌকিক ক্ষমতার বিষয় চিন্তা করিতে লাগিলাম । সেই অবধিই আমি মন্ত্রের শক্তি লইয়া আলোচনা ও পরীক্ষা করিয়া আসিতেছি ।

তোমার বোধ হয় স্মরণ আছে,—অল্পদিন হইল, ইংরেজী বাঙ্গালা প্রায় সকল সংবাদপত্রেই একটি সর্পদষ্ট ব্যক্তির আরোগ্যের কথা প্রকাশ হইয়াছিল । সে ঘটনাটা এই,—

“পশ্চিম-রেল-লাইনের একটি কুলিকে লাইনে কাজ করিবার সময় গোখুরা সাপে কামড়ায় । সেখানে একজন ইংরেজ সিভিলসার্জেন ডাক্তার উপস্থিত ছিলেন,—তিনি সংবাদ পাইবামাত্রই রোগীর নিকটস্থ হইয়া ক্ষতস্থান কাটিয়া দিলেন এবং তাঁহাদের চিকিৎসাশাস্ত্রে সাপে কামড়ান্নর যত প্রকার ঔষধ ও প্রক্রিয়া আছে, তাহা করিতে কোন প্রকার ক্রটি করিলেন না,—কিন্তু রোগী বাচিল না, অল্পকণের মধ্যেই সে মৃত্যুর কোলে চলিয়া পড়িল । তখন ডাক্তারসাহেব পরীক্ষা করিয়া দেখিলেন,—তাহার মৃত্যু হইয়াছে ।

একজন নিম্নশ্রেণীর লোক বলিল,—“এখনও যদি পঞ্চু কামারকে ডাকা হয়, সে বাঁচাইয়া দিতে পারে।”

তচ্ছবণে ডাক্তারসাহেব চট্টয়া উঠিলেন,—মরামানুষ কেহ নাকি বাঁচাইতে পারে! ভারত কুসংস্কারের জন্মভূমি! মস্ত্রে নাকি বিষ যায়!

যে কথা বলিয়াছিল, অগ্গাশু দুই একজন দর্শক তাহার পক্ষ সমর্থন করিল। তখন যে মরিয়াছে, তাহার আত্মীয় ডাক্তার সাহেবের অনুমতি চাহিল,—এবং পঞ্চুকে ডাকানর জন্য জিদ করিল। ডাক্তারসাহেব অনুমতি দিলেন,—কিন্তু লোকগুলার কুসংস্কার দেখিয়া নিতান্ত দুঃখিত হইলেন,—এবং স্পষ্টরূপে বলিলেন যে, “তোমরা নিতান্ত কুসংস্কারের দাস,—তাই মস্ত্রের দ্বারা মরামানুষ বাঁচাইতে চাও।”

যে কথা বলিয়াছিল, সে বলিল,—“মহাশয়! রোগে যে ব্যক্তি মরে, তাহাকে কেহ বাঁচাইতে পারে না। কিন্তু সাপের বিষে মানুষ মরিয়াও মরে না,—তাহাকে বিষে কেবল আচ্ছন্ন করিয়া রাখে। বিষ দূর করিতে পারিলে, এখনও বাঁচিবে। পঞ্চু কামার এ বিষয়ে ওস্তাদ।”

এদিকে যে পঞ্চুকে ডাকিতে গিয়াছিল, সে পঞ্চুকে লইয়া আসিয়া উপস্থিত হইল।

পঞ্চু সতর আঠার বৎসরের বালক। ডাক্তারসাহেব তাহার মুখের দিকে চাহিয়া মূহু হাসিয়া বলিলেন,—“বোগীকে বাঁচাইতে পারিবে?”

পঞ্চু বলিল,—“তা পারি, কিন্তু বড়ই পরিশ্রম করিতে হইবে।”

সাহেব ব্যঙ্গস্বরে বলিলেন,—“যদি একটা মানুষ বাঁচে, তোমার একটু পরিশ্রমে আর কি হইবে?”

পঞ্চু তখন রোগী বাঁচাইবার চেষ্টায় প্রবৃত্ত হইল। সে রোগীর শিরদেশে দাঁড়াইয়া অনেকক্ষণ মন্ত্র আবৃত্তি করিতে লাগিল। অবশেষে বলিল,—“তোমরা রোগীর প্রতি দৃষ্টি রাখিও,—আমি নদীতে নামিব; রোগী যেন উঠিয়া না পালায়।”

সাহেব হাসিয়া আকুল। অন্যান্য লোক,—যাহারা পঞ্চুর মন্ত্রে বিশ্বাস করিত, তাহারা বলিল,—“হাঁ, আমরা সে বিষয়ে বিশেষ সাবধান থাকিব।”

পঞ্চু মন্ত্র পড়িতে পড়িতে গিয়া জলে নামিল। সে মন্ত্র পড়ে, আর জলে ডুব দেয়। এইরূপ প্রকারে প্রায় তিন ঘণ্টা অতিবাহিত করিয়া পঞ্চু ভিজা কাপড়ে চোখ, মুখ ও সর্বাঙ্গ আচ্ছাদন করিয়া, রোগীর নিকটে উঠিয়া আসিল। রোগীও নিদ্রোখিতের স্থায় উঠিয়া বসিল। স্বাভাবিক অবস্থায় মানুষের স্থায় সকলের সহিত কথোপকথন করিতে লাগিল।

সাহেব দেখিয়া বিস্ময়ে অভিভূত হইলেন, এবং কোন শক্তিতে মরামানুষ বাঁচিয়া উঠিল, জানিবার জন্ম—মীমাংসা-জন্ম পশ্চিমের দুইখানি ইংরেজী সংবাদপত্রে প্রাপ্তকৃত ঘটনার আয়ুল লিখিয়া পাঠাইলেন। তারপর ঘটনাটি দেশীয়, ইংরাজী, বাঙ্গালা সকল সংবাদপত্রেই প্রকাশিত হইয়াছিল,—তাহা বোধ হয়, তোমার শ্রবণ আছে?

শিষ্য। হাঁ, তাহা শ্রবণ আছে। কিন্তু কোন শক্তির বলে সর্পদে মৃত ব্যক্তি জীবন প্রাপ্ত হইল, সাহেবের ঐ ঘটনা

পাঠ করিয়া তাহার উত্তর কেহ কি দিতে পারিয়াছিলেন ?

গুরু । কে দিবে ? তাহার জড় বিজ্ঞানবাদী, তাহার মন্ত্র-শক্তির মহত্ব বুঝিতে অক্ষম,—তাঁহার ইহার কি উত্তর দিবে ? আর অধ্যাত্মবিজ্ঞানবাদীরা যাহা বলিলেন, তাহা তোমাকে অগ্রে বলিয়াছি, অতএব—নূতন উত্তর আর ইহার কি আছে ? সাহেব বোধ হয়, এরূপ উত্তরে সন্তুষ্ট নাও হইতে পারিতেন ।

কল কথা, মন্ত্র-সিদ্ধি লাভ করিতে হইলে, মন্ত্র যে অক্ষরে যে ভাবে, যে ছন্দোবন্ধে গ্রথিত আছে, তাহা সেইরূপেই উচ্চারণ করিতে হইবে । আর তাহার সুর, শিক্কা করিয়া লইতে হইবে, তাহা হইলে মন্ত্রে সিদ্ধিলাভ করা ঘাইতে পারিবে ।

## ষষ্ঠ পরিচ্ছেদ ।

\*\*\*

### প্রার্থনার উত্তর ।

শিষ্য । দেবতার নিকটে কোন বিষয়ে প্রার্থনা করিলে, তাহার উত্তর পাওরা যায়,—একথা কতদূর সত্য ?

গুরু । ইহা নিশ্চয় সত্য,—ইহাকে দৈববাণী বলা হইয়া থাকে ।

শিষ্য । আপনি বলিলেন, দেবতা অস্বাভাবিক শক্তি,—তবে তাঁহার কি প্রকার আমাদের সহিত কথোপকথন করিতে পারেন ?

গুরু । তাঁহাদের যে ভাব আমরা জানিতে পারি, তাহাই আমাদের প্রার্থনার উত্তর ।

শিষ্য । কথাটা আমি বুঝিতে পারিলাম না ।

গুরু । আমাদের চিন্তা হইতে দেবতার কথা আমরা বুঝিতে সক্ষম হইয়া থাকি । তাঁহারা আমাদের প্রার্থনার উত্তর দিয়া থাকেন । কথা কহিবার শক্তি সকলেরই আছে,—নাদময় জগৎ, তবে সকলের কথা বুঝা যায় না, এই যা গোলযোগ । দেবতারা কি করিয়া কথা কহেন, কি করিয়া আমাদের প্রার্থনার উত্তর প্রদান করিয়া থাকেন, তাহা বুঝাইবার পক্ষে বড় বিশেষ সুবিধা নাই । তবে একেবারেই যে নাই, তাহাও নহে ।

শিষ্য । আমাকে বলিতে আজ্ঞা হউক ।

গুরু । যখনই আমরা কোন বিষয় চিন্তা করি, তখনই আমাদের মস্তিষ্ককোটে কিঞ্চিৎ রাসায়নিক পরিবর্তন ঘটে ; এবং সম্ভবতঃ সেই পরিবর্তন বশতঃ ঈশ্বর-তরঙ্গ উৎপন্ন হইয়া চতুর্দিকে প্রসারিত হইয়া থাকে । কিন্তু আমাদের ঐ চিন্তা যদি সম্পূর্ণভাবে একমুখী হয়, তবে ঐ ঈশ্বর-তরঙ্গ চারিদিকে প্রসারিত না হইয়া একদিকেই ধাবিত হয়,—এবং তাহা হইলে সেই চিন্তা অপরের চিন্তা-শক্তিকে আকর্ষণ করিয়া আনিতে পারে ।

ঈশ্বর-তরঙ্গ সকলের মস্তিষ্কেই অল্পাধিক পরিমাণে আঘাত করে বটে, কিন্তু সকলে তাহার সম্যক্ অহুভব করিতে পারে না । একজন চিন্তাগ্রাহী chantreadr অন্যরাসে তাহা অহুভব করিতে পারে ; অর্থাৎ চিন্তাকে যে ব্যক্তি একমুখী করিতে পারিয়াছে, এইরূপ শিক্ত ও অভ্যস্ত মস্তিষ্কে কেবল তাহা গ্রহণ



করিতে সমর্থ। আরও স্পষ্ট করিয়া বলিলে, এই দাঁড়ায় যে, কেবল শিক্ষিত মস্তিষ্কের অধিকারীই চিন্তাকারীর মনের ভার জানিতে পারে, এবং আবশ্যক হইলে তাহাকে সম্পূর্ণরূপে আকর্ষণ করিতে পারে।

সময়ে সময়ে অশিক্ষিত মস্তিষ্কও এই ভার ধরিতে পারে, যেমন বিদেশগত আত্মীয়ের বিপদবার্তা অনেক সময়ে তদাত্মীয়গণ গৃহে থাকিয়া জানিতে পারেন।

আমার পাঠ্যাবস্থার একটি ঘটনা তোমাকে এস্থলে বলিব। আমরা কলিকাতায় একটি মেসে একত্রে অনেকগুলি ছাত্র থাকিতাম। সেবার কলিকাতায় বসন্তরোগের বড়ই প্রাদুর্ভাব। ঝাউগাছি নিবাসী অমুকুল বাবু নামক একটি ছাত্রও আমাদের মেসে থাকিতেন,—হঠাৎ তিনি বসন্তে আক্রান্ত হইয়া পড়িলেন। ভারি জ্বর—একদিনকার জ্বরেই অজ্ঞান হইয়া পড়িয়াছিলেন। অবস্থা দেখিয়া আমরা সেইদিন রাত্রেই একজন স্মৃচিকিৎসক আনয়ন করি,—এবং যথোপযুক্তভাবে তাঁহার শুক্রবার বন্দোবস্ত করি। দুর্ভাগ্যক্রমে তাঁহার পিতা বা আত্মীয়-স্বজনের নাম আমরা কেহই জানিতাম না। একেত মেসের হিসাবে সেটা জানা অসম্ভব—তাহার উপরে, তিনি কয়েকদিন মাত্র আমাদের মেসে আসিয়া প্রবেশ করিয়াছেন। আমরা অভ্যস্ত গোলযোগের মধ্যে পড়িয়া গিয়াছিলাম,—কারণ ডাক্তারবাবু বলিয়া গেলেন, জ্বর যে রূপ তীব্র—তাহাতে বসন্ত হইবে বলিয়াই বোধ হইতেছে; কিন্তু এত জ্বরের পরে যে বসন্ত হইবে, তাহা খুব প্রবলভাবেই আক্রমণ করিবে, সন্দেহ নাই।

বাস্যন্তর সকলেই ভাবিয়া আকুল হইলাম,—অমুকুল বাবু

অজ্ঞান ; কি প্রকারে তাঁহার আত্মীয়-স্বজনের নাম অবগত হইতে পারি ;—কি প্রকারে তাঁহাদিগকে এই বিপদের কথা জানাইতে পারি !

কিন্তু চিন্তাই সার হইল, উপায় কিছুই করা গেল না । তৎপর দিবসও অল্পকূল অজ্ঞান,—জ্বরও খুব তীব্র ।

আমাদের সকলেরই বিদ্যালয়ে যাওয়া বন্ধ হইল । অল্পকূল বাবুকে লইয়াই থাকিলাম । সকলেরই চিন্তা, কি প্রকারে অল্পকূলবাবুর পিতা বা আত্মীয়-স্বজনের সন্ধান হইতে পারে, কি প্রকারে তাঁহাদের নিকটে এই বিপদের বার্তা পঁহুছাইয়া দেওয়া যাইতে পারে ।

সেদিন ঐ প্রকারেই কাটিয়া গেল । তৎপরদিবস অল্পকূলের সর্বাঙ্গে বসন্ত বাহির হইয়া পড়িল,—তিল রাখিবার যায়গা নাই—সর্বাঙ্গে, নাকে চোখে মুখে বসন্ত বাহির হইয়া পড়িল । ডাক্তার আমাদিগকে রোগীর নিকটে যাইতে বিশেষ করিয়া নিবেদন করিয়া দিলেন,—এবং একজন স্ত্রীলোককে উহার সেবার জন্ত নিযুক্ত করা হইল ।

বৈকালের যৌদ্ধ পড়িয়া আসিয়াছে, আমরা ছাদের উপরে দ্বিতীয় পাল্লার মেণ্টের অধিবেশন করিয়া, এই বিষয়ের কি কর্তব্য-কর্তব্য তাহারই পরামর্শ করিতে বসিয়া গিয়াছিলাম,—কেবল হরিপদ নামক একটি ছাত্র, দ্বিতলে ছিলেন, তাঁহাকে ডাকার তিনি একটু বিলম্বে আসিবেন, বলিয়া অভিযত জানান ।

আমরা সকলেই চিন্তাক্রিষ্ট চিন্তে মীমাংসাসূত্র প্রথের পর প্রথের অবতারণা ও শূন্যে বিলীন করিয়া দিয়া ভাবিতেছি,—এমন সময় হরিপদ হাসিতে হাসিতে উপরে আগমন করিলেন ।

হরিবাবুর হাসি সাধা-হাসি,—সুখে ছুখে, ভয়ে ক্রোধে মানে অপমানে হাসি তাঁহাকে কোন প্রকারেই পরিত্যাগ করে না ।

অশ্রান্ত ছাত্রাপেক্ষা হরিবাবুর আরও একটু প্রভেদ এই যে, তিনি ছাই ভস্ম খুঁটি নাটি ঘাহাই পুস্তকে বিজ্ঞান সম্বন্ধীয় একটু তথ্য প্রাপ্ত হইতেন, তাহাই খাটাইতে বসিতেন । এই সময় “মানসিক বার্তা বিজ্ঞান” লইয়া একটা হলুদুল পড়িয়া গিয়াছিল, কর্ণেল আলকট্ তখন কলিকাতায় ভারি পসার করিয়া গিয়াছেন;—হরিবাবু সে তত্ত্বেরও আলোচনা ও সাধনার সমধিক পরিশ্রম করিতেছিলেন,—তাঁহার হাসি দেখিয়াই আমরা বুকিলাম, তাঁহার নবালোচিত বিজ্ঞানের একটা কি বিদ্যা আহির করিবেন, সন্দেহ নাই ।

জিজ্ঞাসা করিলাম, “হাসি কেন ? কোন সুসমাচার আছে না কি ?”

হরিবাবু হাসিতে হাসিতে বলিলেন,—“যথি লিখিত সুসমাচার নহে । আমার নবালোচিত বিজ্ঞান-বিস্তার একটা সুসমাচার ।”

আমি । সেটা কি ?

হরিবাবু । অল্পকুল বাবুর পিতা, মাতা ও একজন ভ্রাতা আসিতেছেন ।

সকলেই অকূলে কুল প্রাপ্তির উত্তেজনায় উৎকণ্ঠিত হয়ে বলিলাম,—“কে বলিল হরিবাবু ? এ সংবাদ কে দিলে হরিবাবু ?”

“না, না,—কেহ এ সংবাদ দেয় নাই । কেই বা দিবে ? আমরা অল্পকুল বাবুর আশীষ বলিয়া কাহাকেই বা চিনি ?”

আমি বৃষ্ণিলায়, তাহার অস্থিত তন্তুর একটা খাটান বুজ-  
ক্কী—বা বাতিকের কথা লইয়া আসিয়াছেন। প্রিজ্ঞাসা করি-  
লাম, “তোমার মানসিক বার্তাবহ বিজ্ঞান-বিদ্যায় হইা জানিতে  
পারিয়াছ না কি?”

হরি। হাঁ, তাহাই।

আমাদের মধ্য হইতে শ্রামাচরণ বলিল,—“মানসিক বার্তা-  
বহের প্রভাবে গৃহিণীর খবর জানিয়া মনে মনে আনন্দিত থাকিয়া  
বিদেশে দিন কাটান ভাল, কিন্তু এ বিপদ কাটান তাহার কর্ম  
নহে।”

হরি। না হে,—আমার কথা তোমরা বিশ্বাস কর।

আমি। কি বিশ্বাস করিব?

হরি। অমুকুলবাবুর পিতা, মাতা ও বাড়ীর একটি ভৃত্য  
আসিতেছে।

আমি। কখন আসিবে?

হরি। সন্ধ্যার মধ্যে।

আমি। বোধ হয় ছটার বে ট্রেন শেরালদহে আইসে,—সেই  
ট্রেনে?

হরি। তা হইতে পারে।

আমি। তোমার ও বাতিক-সংবাদে নিশ্চিত হওয়া দায়।  
আমরা ভাবিতেছি, সন্ধ্যা সাড়েসাতটার গাড়ীতে একজন  
ঝাউগাছি যাই,—গ্রামে গেলে অবশ্যই অমুকুল বাবুর বাড়ীর  
তথা আত্মীয়-বন্ধনের সন্ধান হইতে পারিবে।

হরি। আর যাইতে হইবে না,—তার আগেই তাহার  
আসিয়া পাহঁছিবেন।

আমাদের বন্দোবস্তের কোন ক্ষতিবৃদ্ধির সম্ভাবনা নাই জানিয়া, আমরা শুধন বিবরাস্তরে গল্পে মনঃসংযোগ করিলাম । একটু পরেই বি তাড়াতাড়ি উপরে আসিয়া বলিল,—“একখানা গাড়ী এনে দরজায় দাঁড়িয়েছে । অমুকুলবাবু এই বাসায় থাকেন কি না জিজ্ঞাসা করছেন, তার মধ্যে একজন মেয়েমানুষও আছে ।”

হরিবাবু লাফাইয়া উঠিলেন, বলিলেন,—ঐ—ঐ তাঁরা এসেছেন ।”

আমরা সকলেই নামিয়া গেলাম । দরোজায় গিয়া জানিলাম, যথার্থই অমুকুলবাবুর পিতা ও মাতা আসিয়াছেন, সঙ্গে একটি ভৃত্যও আছে ।

আমাদিগকে দেখিয়াই অমুকুলের পিতা জিজ্ঞাসা করিলেন,—“এই বাড়ীতে অমুকুল মুখ্যে থাকে ?”

হরিবাবুই উৎসাহী । হরিবাবু বলিলেন,—“আজ্ঞে থাকে ।”

তিনি বলিলেন,—“সে কেমন আছে ?”

হরি । ভাল নহে, তাঁহার বসন্ত হইয়াছে । তবে ডাক্তার বলিয়াছেন, কোন ভয় নাই ।

অমুকুলবাবুর পিতা বলিলেন,—“আমার স্ত্রী সঙ্গে আছেন, থাকিবার উপায় কি ?”

আমরা বলিলাম, “বাড়ীর মধ্যে আশুন, আমরা একটা ঘর আপনাদিগের জন্ত বন্দোবস্ত করিয়া দিব ।

তাঁহারা ভিতরে আসিলেন । সন্ধ্যার পরে, হরিবাবুর মানসিক বার্তাবহ-বিশ্বাস পরীক্ষা করিবার জন্ত অমুকুলবাবুর পিতাকে জিজ্ঞাসা করিলাম, “আপনি কি অমুকুলবাবুর সঙ্গে কোনপ্রকার সংবাদ গ্রাপ্ত হইয়াছিলেন ?”

তিনি বলিলেন,—“না, কোন সংবাদই পাই নাই। তবে গত কল্যা আমি এবং অনুকূলের মাতাঠাকুরাণী যেন মধ্যে মধ্যে শুনিতে পাইতে লাগিলাম, কে করুণ-কণ্ঠে যেন বলিতেছে, “তোমাদের অনুকূলের বড় ব্যারাম। তার বসন্ত হইয়াছে, তোমরা এস।”

অনুকূলের মাতাও আমাকে এ কথা বলিলেন, আমিও তাঁহাকে বলিলাম,—তখন মন বড় খারাপ হইল। তাই চলিয়া আসিয়াছি।”

হরিবাবু নিকটে ছিলেন, তিনি হাসিয়া বলিলেন,—“আমিই আপনাদিগকে সে সংবাদ দিতেছিলাম।”

আমরা সকলেই হরিবাবুর কথায় আশ্চর্য্যান্বিত হইয়া গিয়াছিলাম। সেই দিন হইতে আমাদের বাসান্দ্র সকলেই সেই মানসিক বার্তাবহ-বিজ্ঞানের আলোচনা ও সাধনায় মনঃ-সংযোগ করিয়াছিলেন, হরিবাবুই সকলের শিক্ষকতার ভার গ্রহণ করিয়াছিলেন।

অনুকূলবাবুর পিতা মাতা যে সহজেই সংবাদ অবগত হইতে পারিয়াছিলেন, তাহার কারণ সম্বন্ধে এইরূপ বৃত্তিতে পারা যায় যে, সন্তানের মঙ্গল-কামনায় পিতামাতার চিন্তা-তরঙ্গ সদাই ঈঙ্গিত থাকে, অর্থাৎ সন্তানের বিপদাশঙ্কার জনক-জননীর মস্তিষ্ক নিরতিশয় অনুভব-প্রথর (Sensitive) হইয়া তরঙ্গাভিঘাত গ্রহণের পক্ষে অসাধারণরূপে অনুকূল অবস্থাপন্ন থাকে।

ফলতঃ হরিবাবুর কথা সত্য, তাহাতে সন্দেহ নাই। এরূপ সর্বদাই ঘটতে পারে, বা ঘটতেছে।



যেমন আলোর ঈথর-তরঙ্গ সাক্ষাৎ সম্বন্ধে চক্ষুদ্বারা গ্রহণ করিতে হয়, উত্তাপের ঈথর-তরঙ্গ যেমন স্বক বা তাপমান যন্ত্রের দ্বারা অনুভব করিতে হয়, সেইরূপ এই চিন্তার তরঙ্গ উপযুক্ত শিক্ষিত মস্তিষ্কদ্বারা গ্রহণ করিতে হয় ।

আমরা সর্বদাই কোন না কোন বিষয় চিন্তা করিয়া থাকি । সেই জন্ত এই চিন্তা ইতস্ততঃ বিক্ষিপ্ত, প্রসারিত ও প্রতিহত হইতেছে । কিন্তু এ পর্য্যন্ত কোন জড়-বিজ্ঞান-সম্মত উপায়ে এই তরঙ্গের অস্তিত্ব সপ্রমাণ করিবার সুযোগ হয় নাই । ফটোগ্রাফের প্লেটে ইহার দাগ পড়ে না ; আলো, উত্তাপ, চুম্বক ও বিদ্যুতের উৎপত্তি ইহা হইতে হইয়াছে, এ পর্য্যন্ত তাহা জানা যায় নাই । কিন্তু একজনের মস্তিষ্ক-সজ্জাত এই তরঙ্গ অপরের মস্তিষ্কে নিপতিত হইলে এবং সেই সময়ে শেবোক্তের মস্তিষ্ক অমুকুল-অবস্থাপন্ন (যেমন hypnotiad) থাকিলে প্রথমেই চিন্তা দ্বারা দ্বিতীয় ব্যক্তি যে কলের পুতুলের স্থায় অবলীলাক্রমে পরিচালিত হইতে পারে, তাহা ক্রান্তের মত সভ্য দেশের ধর্মান্বিতিকরণেও প্রমাণিত হইয়া গিয়াছে । এই চিন্তা-তরঙ্গের আর একটি ফল এই যে, আমাদের সহচর বহুগণ সচিন্তা করিলে, আমরাও অস্বাভাবিক পরিমাণে সেই চিন্তাদ্বারা অনুপ্রাণিত হইয়া থাকি । সেই জন্তই সংসঙ্গে থাকিলে, সং ও অসংসঙ্গে থাকিলে অসং হওয়ার কথাটা নিতান্ত উপবচন নহে ।

এখন বুঝিতে হইবে যে, যখন চিন্তাদ্বারা মস্তিষ্কের পদার্থের মধ্যে রাসায়নিক পরিবর্তন সন্ঘটিত হয়, তখন মস্তিষ্কের বাহিরে অনন্তকোটি পদার্থের মধ্যে কোন একটি পদার্থের উপর

— এই পদার্থ পরিবর্তন যে হয় না, একথা কখনই বলা যাইতে

পারে না, তাহাতে অবিশ্বাস করিবারও কোনও কারণ দেখা যায়না। মেরুজ্যোতি (Aurora borealis) বিকাশ পাইলে হ্রস্ব মাইল দূরস্থিত দিগ্‌দর্শন যন্ত্রের শলাকা বিচলিত হয়, এবং কাটাযোজন দূরস্থিত সূর্য্যমণ্ডলে কলঙ্ক সংখ্যাবৃদ্ধি পায়,— ইহাত পরীক্ষিত সত্য। যদি ইহা সত্য হয়, তবে আমাদের চিন্তা-তরঙ্গইবা আমাদের অভীক্ষিত দেবতার সমীপে লইয়া গিয়া প্রার্থনার উত্তর আনয়ন না করিতে পারিবে কেন ?

আমি তোমাকে যে হিপনটিস্‌তত্ত্ব শিক্ষা দিয়াছিলাম \* তাহার পরীক্ষায় তুমি বোধ হয়, অবগত হইতে পারিয়াছ যে, একজনের চিন্তাশক্তিতে অভিভূত হইয়া অল্পে তাহার প্রার্থনার উত্তর দিয়া থাকে। তোমাদের জড় বিজ্ঞানেও ইহার প্রমাণ আছে,— একখণ্ড লৌহকে তামার তারের মধ্যে রাখিয়া সেই তারের দুই মুখ একটি বৈদ্যুতিক ব্যাটারির সহিত সংযুক্ত করিয়া দিলে, লৌহ-খণ্ডটির মধ্যে এক নূতনশক্তি সঞ্চারিত হইয়া, উহাকে চুম্বক-লৌহে পরিণত করে। গৃহের মধ্যে কোথায় একটি ব্যাটারি চালানো দিলে, সেই গৃহস্থিত যাবতীয় চুম্বক-শলাকা তাহা দ্বারা অল্পাধিক পরিমাণে অভিভূত হইয়া থাকে। সেইরূপ হইতে পারে এইজন্য যে, আমাদের মস্তিষ্কে কোন একটি অজ্ঞাতপদার্থের অস্তিত্ব বশতঃ সেই চিন্তা অপরের মস্তিষ্কেও উদ্ভিক্ত হইয়া থাকে, সেই পদার্থ মহাব্যোম বা তোমাদের পাশ্চাত্যবিজ্ঞানের ঈথার বা অক্স নামধের কিছু হইতে পারে। ফলতঃ নামে কিছুই আসিয়া যায়না,—আসল একটা এমন পদার্থ আছে যে, তাহাতে আর

\* সংপ্রদীত "লক্ষ্যান্তর-রহস্য" দেখ।

সন্দেহ নাই। প্রার্থনার উত্তর পাওয়া এই চিন্তা-প্রক্রয়ারই কার্য।

শিষ্য। চিন্তা করিলে, সূকলেই দেবতার নিকট হইতে প্রার্থনার উত্তর পাইতে পারে ?

গুরু। নিশ্চয় পারে।

শিষ্য। তবে আমরা পাইনা কেন ?

গুরু। আমরা চিন্তা করিতে জানিনা বলিয়া সর্বদা প্রার্থনার উত্তর পাইনা।

শিষ্য। চিন্তার আবার কোনপ্রকার প্রণালী আছে নাকি ?

গুরু। যাহাকে তীব্র বা গাঢ় চিন্তা বলে,—চিন্তের তন্ময়ত্ব ভাব বা অবিচ্ছিন্ন একমুখী চিন্তা করিতে শিক্ষা করিলে, দেবতার নিকট হইতে প্রার্থনার উত্তর প্রাপ্ত হওয়া যায়। হিপনটিস্ করিতে হইলেও এই একাগ্রতার প্রয়োজন।

শিষ্য। উহা কি প্রকারে অভ্যাস করিতে হয় ?

গুরু। আমাদের প্রচলিত পূজা আরাধনা ও সন্ধ্যা গায়ত্রী প্রভৃতিতে।

শিষ্য। আমার তাহা শিক্ষা দেন।

গুরু। আরও একটু অপেক্ষা কর। এখনও তোমার পূর্বকার প্রশ্নগুলির উত্তর দেওয়া হয় নাই। তুমি দেবতাগণের পরিচ্ছন্ন বা আধ্যাতিক-তত্ত্ব সম্বন্ধে যাহা জিজ্ঞাসা করিয়াছিলে, এখনও তাহা বলা হয় নাই,—আগে তাহা বলিয়া, পশ্চাৎ আরাধনার কথা বলিব।

## চতুর্থ অধ্যায় ।

### প্রথম পরিচ্ছেদ ।

#### ইন্দ্র ও অহল্যাহরণ ।

শিষ্য । অনুগ্রহ করিয়া তবে আগে দেবতা-তত্ত্বই বুঝাইয়া দিউন ।

গুরু । এক একটি করিয়া দেবতার পরিচয় লইয়া আমরা আলোচনা করিব,—অবশ্য একেবারে এক সঙ্গে সকল দেবতার আলোচনা করা অসম্ভব ও অসাধ্য । দেবতা কোন্ পদার্থ, কি শক্তি, কি তত্ত্ব, তাহা তোমাকে পূর্বেই বলিয়াছি ; বর্তমানে তাঁহাদিগের তত্ত্ব জানাই আমাদের মূখ্য উদ্দেশ্য । তুমি একটি দেবতার নাম কর ।

শিষ্য । সর্বাগ্রে স্বর্গাধিপতি দেবরাজ ইন্দ্রের নামই মনে আইসে । কারণ, তিনি দেবতাদিগের রাজা,—আবার তাঁহার জীবন মানুষদিগেরও অননুকরণীয় রহন্তে পূর্ণ ; তাঁহারই কথা সর্বাগ্রে শুনিতে ইচ্ছা করি ।

গুরু । তাঁহার জীবনী এমন কি ঘণ্য রহন্তে পূর্ণ যে, তাহা মানুষদিগেরও অননুকরণীয় ?

শিষ্য । সে কথা আপনার নিকটে পুনরুল্লেখ করাই ধূইতা । ইন্দ্রে এমন দোষ নাই, যাহার অতীত আর কিছু খুঁজিয়া পাওয়া যায় । প্রথমে, ইন্দ্র অধ্যয়ন করিতে গিয়া গুরুপত্নী অহল্যাকে

হরণ করেন । দ্বিতীয় জ্ঞান-গুরু বৃহস্পতির সহিত বিবাদে প্রবৃত্ত  
হয়েন । তারপর উপদেষ্টা হিতকারী ব্রাহ্মণ বিশ্বরূপকে বধ  
করেন,—তদনন্তর নিজ রাজ্য পুনঃপ্রাপ্তির জন্তু—নিজ স্বার্থ  
সাধনের জন্তু দধীচিমুনির জীবননাশক হয়েন । আর আমাদেরই  
দেশের নিতান্তবিলাসী রাজগণের মত বেষ্ঠার নাচ, ফুলের মধু,  
মলয়ের বাতাস, সোমরস পান ইহাই তাঁহার নিত্যক্রিয়া ছিল ।  
এই সকল পাঠ করিয়াই বিধর্মীগণ আমাদের দেবতাগণ সম্বন্ধে  
শ্লেষাদি করিয়া থাকেন ।

গুরু । বিদেহীয়গণ, তথা বিদেহীয় বিদ্যায় ব্যুৎপন্ন  
তোমরা কখনও শাস্ত্রের আলোচনা কর না, শাস্ত্রের মর্ম অবগত  
হইতে পারনা,—কাজেই দেবতার ঐরূপ দূষণীয় ভাবই দেখিয়া  
থাক ।

বিশ্ব ব্রহ্মাণ্ডের সর্বত্রই তিনটি অবস্থা আছে । স্থল, সূক্ষ্ম,  
কারণ । কারণ রাজ্যের ইন্দ্র,—স্থলরাজ্যে আসিয়া কিঞ্চিৎ ভাবা-  
স্তরিত,—তাই তিনি রাজা । ঋতিতে, ইন্দ্রদেব ইন্দ্রিয়শক্তি-  
সমূহের ভোগকর্তা জীবাশ্বা বলিয়া নির্দেশিত হইয়াছেন । দেহরূপ  
স্বর্গরাজ্যের রাজা জীবাশ্বা বা ইন্দ্র ; আর, সংসারের অজ্ঞান ও  
আসক্তি প্রভৃতি বৃত্তিসমূহকে দৈত্য বলিয়া নির্দেশ করা হইয়াছে ।  
ইন্দ্রের অর্থাৎ জীবাশ্বার প্রথম দৃষ্টি পড়িল, কামিনী-যৌবন-  
সৌন্দর্যের উপর । জ্ঞানাদি বিদূষিত হইল,—গুরুপত্নী বলিয়াও  
ভয় হইল না । সৌন্দর্যের মোহে, কামিনী-কাম-ঘোরে জীবের  
তাহা থাকেনা—তারপরে জীবাশ্বার সর্বত্র চিহ্ন বিশেষে  
ঘিরিয়া গেল,—ভাবার্থ এই যে, তখন সর্বত্র সেই ভোগের  
অনুভব,—অহল্যা পাষাণী হইল । কামিনীর কামদেহের

পরিবর্তন এমনি করিয়াই ঘটয়া থাকে । তখন জীবাণু বৃদ্ধিতে পারিল, কি কুকার্য করিয়াছি । অহুতাপে আত্মাশোচনায় কদৰ্য্যচিহ্ন চক্ষুতে পরিণত হইল,—যেমন সর্কাদে জালা জলিয়াছিল, জালাগুলা সব চক্ষুরূপে পরিণত হইল—সে কাজে যে কত অনিষ্ট, প্রতিঅঙ্গে তাহা দেখিবার ক্ষমতা থাকিল ।

তারপরে, ইন্দ্র অর্থাৎ জীবাণু ভোগে উন্নত হইয়া বৃহস্পতির ন্যায় জ্ঞান-গুরু প্রভৃতিতে অবহেলা করিয়া অহঙ্কারে মত্ত হইয়া উঠিলেন,—অহঙ্কারের প্রভাবই এইরূপ । জ্ঞানমার্গকে অহঙ্কারে জীবাণু দূরে সরাইয়া ক্রিয়া-ভোগে মজিয়া পড়ে, ইহা সর্বত্র । যখনই অহঙ্কারে মত্ত হইলেন, অমনি অসুররূপী আসক্তি-বৃত্তি-সমূহর আত্মাকে (ইন্দ্রকে) অধীন করিয়া তাহার স্বাধীন স্বর্গের শ্রী হরণ করিয়া বসিল ।

জীবাণু নিরুপায় । অহঙ্কারে উন্নত হওয়ার বৃহস্পতিরূপী বিজ্ঞানশক্তি তাঁহাকে পরিত্যাগ করিয়া গেলেন,—কৃত্র নামক মহাসুর তাঁহাকে স্বর্গ হইতে বিতাড়িত করিল । স্বর্গ অর্থে আনন্দ । তখন ইন্দ্র, কিসে আপন অধিকার লাভ করিতে পারেন, তজ্জন্য ব্যাকুল হইয়া পড়িলেন,—বিবেকে তাঁহার মর্ষদংশন করিতে লাগিল, এই বিবেকই পুরাণের বিশ্বরূপ ।

ইন্দ্র নিরুপায় হইয়া বিশ্বরূপের শরণাগত হইলে, বিশ্বরূপ নারায়ণ-বর্ষ নামক কবচ প্রদান করত ইন্দ্র বা জীবাণুকে মায়া হইতে বিনুক্ত রাখিতে উপায় স্থির করিলেন । প্রকৃত যুদ্ধে যেমন অস্ত্র কবচের দ্বারা বা লৌহবর্ষের দ্বারা তীক্ষ্ণশরাদির আঘাত হইতে অঙ্গকে রক্ষা করা যায়, তেমনি নারায়ণ-কবচ দ্বারা আত্মা অধর্মের বা আসক্তির আক্রমণ হইতে রক্ষা পাইতে পারেন ।



শিষ্য । সেই নারায়ণ-বর্ষ কি প্রকার,—তাহার উল্লেখ শাস্ত্রে আছে কি ?

গুরু । হ্যাঁ, আছে ।

শিষ্য । কোন্ গ্রন্থে আছে ?

গুরু । শ্রীমদ্ভাগবতে ।

শিষ্য । অনুগ্রহ করিয়া সেই স্থানটি আমাকে শুনাইয়া দিন ।

গুরু । শ্রীমদ্ভাগবতের ষষ্ঠস্কন্ধের সপ্তম হইতে অষ্টম অধ্যায়ে এই বিষয়টির বর্ণনা আছে । আমি তোমাকে তাহা শ্রবণ করাইতেছি,—

“দুর্দাস্ত অসুরগণ দেবরাজের এই অনুস্বাবস্থা শ্রবণ করিবা-  
নাত্রই শুক্রের আদেশ ক্রমে অস্ত শস্ত উত্তোলনপূর্বক দেবতা-  
দিগকে আক্রমণ করিল । তাহাদিগের তীক্ষ্ণবাণ প্রহারে সর্বাঙ্গ  
ক্ষত বিক্ষত হওয়াতে দীর্ঘবাহু ইন্দ্রপ্রভৃতি দেবগণ ব্রহ্মার নিকট  
উপস্থিত হইয়া অবনত মুখে তাঁহার শরণ লইলেন । রাজন্ ! জন্ম-  
রহিত ভগবান্ আশ্রয়ানি তাঁহাদিগের এইরূপ পীড়িতাবস্থা  
দর্শন করত দয়া করিয়া তাঁহাদিগকে সাহায্য করিলেন, এবং  
কহিলেন,—হে সুরশ্রেষ্ঠগণ ! তোমরা সাতিশয় মন্দ কৰ্ম করি-  
য়াছ । আহা ! ঐশ্বর্যমদে মত্ত হইয়া সংযতেন্দ্রিয় ব্রহ্মনিষ্ঠ  
ব্রাহ্মণকে সংবর্ধনা কর নাই ! অসুরেরা পরস্পর পরস্পরের শত্রু  
হইয়া আপনা আপনিই নষ্ট হইতেছিল, সুতরাং তাহারা তোমা-  
দিগের অপেক্ষা দুর্বল ছিল, তোমরা তাহাদিগের অপেক্ষা সমৃদ্ধি-  
শালী হইয়াও যে একগুণে তাহাদিগের নিকট পরাভব প্রাপ্ত  
হইলে, নিশ্চয় জানিবে, তাহা এই অজ্ঞায় কৰ্মের ফল । ইন্দ্র !  
বিবেচনা করিয়া দেখ, গুরু শুক্রাচার্যের অবমাননা করিয়া

দেবশক্র অশুরগণের বল ক্ষয় হইয়াছিল, কিন্তু এক্ষণে সেই গুরুকে পূজা করিয়া আবার সেই বল বৃদ্ধি পাইয়া উঠিল। শুক্রাচার্য্যকে গুরু পাইয়া তাহারা আমার আশ্রয় পর্য্যন্ত অধিকার করিল। শুক্রের শিষ্য হইয়া তাহারা যে মন্ত্র লাভ করিয়াছে, তাহা কুত্রাপিই প্রতিহত হইবার নহে। অতএব, তাহারা কি ত্রিলোককেও গ্রাহ্য করে? গো, ব্রাহ্মণ এবং গোবিন্দ যে নরেশ্বরদিগকে অশুরগ্রহ করেন, তাঁহাদিগের কোথায়ও অমঙ্গল হয় না। অতএব, তোমরা শীঘ্র গিয়া শুক্রের পুত্র আশ্রিতভবেত্তা, তপস্বী, ব্রাহ্মণ বিশ্বরূপকে ভজনা কর। অশুরগণের প্রতি তাঁহার পক্ষপাত আছে; যদি তাহাতে তাঁহার প্রতি বিরক্ত না হইয়া তোমরা তাঁহার পূজা কর, তাহা হইলে তিনি তোমাদিগের কার্য্য সাধন করিবেন।

\* \* ব্রহ্মার এই বাক্য শ্রবণ করিয়া, দেবতাদিগের মনোব্যথা দূর হইল। তাঁহারা শুষ্ক-তনয় বিশ্বরূপের নিকট গমন করত তাঁহাকে আলিঙ্গন করিয়া কহিলেন,—আমরা তোমার আশ্রমে অতিথি আসিলাম। তোমার মঙ্গল হউক। বৎস! তোমার পিতৃগণের এক্ষণে যে বাঞ্ছা হইয়াছে, তাহা সিদ্ধ না হইলে নয়। অতএব, তুমি তাহা সম্পাদন কর। ব্রহ্মন্! যে সকল সচ্চরিত্র পুত্রের নিজের পুত্র হইয়াছে, পিতৃ-শুক্রবা করা তাঁহাদিগেরও পরম ধর্ম্ম; সে সকল পুত্র ব্রহ্মচর্য্য অবলম্বন করিয়াছেন, (সুতরাং যাহাদিগের পুত্র হয় নাই) তাঁহারা যে পিতার সেবা করিবেন, তাহা আর বলিতে হয় না। আচার্য্য \* ব্রহ্মার; পিতা প্রজাপতির; ভ্রাতা মরুৎপতির; মাতা সাক্ষাৎ

\* যিনি উপনয়ন দিয়া গায়ত্রী দান করেন।

পৃথিবীর, ভগিনী দয়ার; অতিথি স্বয়ং ধর্মের; অভ্যাগত ব্যক্তি অন্নির; এবং সর্বপ্রাণী নিজের যুষ্টি। অতএব, বৎস! তোমার পিতৃগণ শত্রু হইতে পরাভব-প্রাপ্তি রূপ যে মনোব্যথা প্রাপ্ত হইরাছেন, তুমি ভগিনী দয়ার তাহা দূর করিয়া, তাঁহাদিগের আত্মা প্রতিপালন কর। তুমি ব্রহ্মনিষ্ঠ, ব্রাহ্মণ ও গুরু; আমরা তোমাকে উপদ্যায় স্বরূপে বরণ করিলাম। আমাদিগের অভিপ্রায় এই যে, তোমার তেজোদ্বারা সহসা শত্রুজয় করিতে পারিব। প্রয়োজন হইলে, কনিষ্ঠের পাদবন্দন করিতে নিন্দা নাই। কেবল বয়ঃক্রমই জ্যেষ্ঠতার কারণ নহে; বেদ-জ্ঞানও তাহার একটি কারণ।

দেবগণ পুরোহিত হইবার নিমিত্ত প্রার্থনা করিলে পর, মহাতপা বিশ্বরূপ প্রসন্ন হইয়া ত্রিষ্টবাক্যে তাঁহাদিগের প্রস্তাবে স্বীকৃত হইলেন, এবং সাতিশর উৎসাহ-সহকারে তাঁহাদিগের পুরোহিত্য করিতে লাগিলেন। দৈত্যগণের যে লক্ষী গুক্রের বিস্তারিত রক্ষিত হইরাছিলেন, কমতালী স্বইন্দ্রনন্দন বৈষ্ণব-বিষ্ণাধারা তাঁহাকেও হরণ করিয়া ইন্দ্রকে অর্পণ করিলেন। যে বিষ্ণাধারা রক্ষিত হইয়া ইন্দ্র অসুর সেনা জয় করিয়াছিলেন, উদার বুদ্ধি বিশ্বরূপ তাঁহাকে সেই বিষ্ণার উপদেশ প্রদান করিলেন।

অবিষ্ণাবুধিরূপী অসুরগণের আসক্তি ও, যোহাদি তীক্ষ্ণ অস্ত্রাঘাত হইতে সূক্ষ্মদেহকে রক্ষা করিবার জন্ত ইন্দ্ররূপী জীবায়া ভগবৎপরায়ণতারূপী বিবেকের নিকট উচ্ছোধিত হইয়া কর্ষ্মণর বিশ্বরূপের নিকট যজ্ঞবিদ্যা শিক্ষা করিলেন।

## দ্বিতীয় পরিচ্ছেদ ।

### ইন্দ্রের নারায়ণ-কবচ ।

শিষ্য । ইন্দ্র যে নারায়ণকবচের দ্বারা দেহরক্ষা করিয়া অবিচ্যাবৃত্তি বিনাশ করিতে পারিয়াছিলেন, তাহা বলুন ।

গুরু । ইন্দ্রের প্রার্থনায় বিশ্বরূপ পৌরোহিত্য স্বীকার করিয়া ইন্দ্রের জিজ্ঞাসাক্রমে যে ভাবে নারায়ণ নামক বর্ষের কথা বলিয়াছিলেন, তাহা শ্রীমদ্ভাগবতের অষ্টম অধ্যায় হইতে বলিতেছি শ্রবণ কর ।

ইন্দ্রের জিজ্ঞাসামতে বিশ্বরূপ বলিলেন,—

“যে ব্যক্তি নারায়ণ-কবচ ধারণ করিবেন, তাঁহাকে প্রাতে উখান করিয়া স্নানাদি দ্বারা বিশুদ্ধ হইতে হইবে । পরে মন্ত্র গ্রহণের পূর্বে কর-চরণ প্রক্ষালন করত উত্তরমুখী হইয়া আচমন করিতে হইবে । তৎপরে, অপর কথোপকথনাদি হইতে সাবধান হইয়া অতি পবিত্রভাবে সে আপনার দ্বাদশাকরী বিষ্ণুমন্ত্রের দ্বারা অঙ্গন্যাস ও করন্যাস করিবে ।

হে ইন্দ্র ! এই নিয়মে নারায়ণ-কবচ ধারণ করিলে, উপস্থিত যত কিছু ভয় থাকে, সেই সকল হইতে জীব মুক্ত হইয়া থাকে ।

প্রথমে যুগল পদ, পরে ক্রমে ক্রমে যুগল জাম্বু, যুগল উরু, উদর, হৃদয়, বক্ষস্থল, মুখমণ্ডল, শিরোদেশ—এই অষ্টাঙ্গে একবার শির হইতে ক্রমে পদতল পর্য্যন্ত ঙ্কার জ্ঞাস করিবে, পুনরায় পদতল হইতে শিরোদেশ পর্য্যন্ত অষ্টাঙ্গে ঐ ঙ্কার ন্যাস করিবে ।

অনন্তর ঐ অষ্টাঙ্গে “ও নমো নারায়ণায়” এই মন্ত্র দ্বারা

একবার সংহার ন্যাস ও একবার উৎপত্তি জ্ঞাস করিবে । তৎপরে, করজ্ঞাস আবশ্যিক । ষানশাকরী মন্ত্রের দ্বারা প্রণব হইতে স-কার পর্য্যন্ত সমস্ত অক্ষরকে প্রণব-পুটত করিয়া দক্ষিণ করেণ তর্জনী হইতে বাম করেণ অন্ত্র পর্য্যন্ত জ্ঞাস করিবে । তাহাতে শেষ যে চারিটি অক্ষর থাকিবে, তাহাদের উভয় হস্তের উভয় অন্ত্র আদি ও অন্ত্র পর্বে জ্ঞাস করিবে ।

তদনন্তর মর্মান্থানসমূহে জ্ঞাস করিবে । যথা,—

“ওঁ বিষ্ণবে নমঃ” এই মন্ত্র দ্বারা প্রতি মর্মান্থানে জ্ঞাস করিবে । হৃদয়ে ওঁকার জ্ঞাস করিবে । জ্র যুগলে ষ কার, এবং ণ কারকে শিখান্থলে জ্ঞাস করিবে । উভয় নেত্রযুগলে বে কার জ্ঞাস করিবে । ন কারকে অঙ্গের সকল সন্ধিস্থলে জ্ঞাস করিবে । পরে মন্ত্রের যে উচ্চারণ হইবে, তাহা চতুর্দিকে উচ্চারণ করিবে । পরে মকার উচ্চারণ করিতে করিতে আপনাকে যেন সেই বিষ্ণু-মন্ত্র-মূর্ত্তিময় দেখিবে ।

মন্ত্র মূর্ত্তিময় হইয়া আপনাকে বিষ্ণুময় ভাবনা করিবে । সেই ভাবনাতে ধ্যেয় বস্তু যে ভগবান্,—ঐহাকে জ্ঞান, বল, বীৰ্য্য, ঐশ্বর্য্যাদি ছয় শক্তিমান্, এবং বিজ্ঞা, তেজ ও তপশ্চাদি মূর্ত্তিতে মূর্ত্তিমান্ বলিয়া স্থির করিয়া এই বক্ষ্যমান্ মন্ত্র প্রয়োগ করিবে ।

পূর্ব্বোক্ত ধ্যেয় ভগবানের ধ্যানাত্মক যে, নারায়ণের কবচ তাহা এই,—

ওঁ হরিবিদধ্যাম্মম সর্ব্বরক্ষাং

শ্রাস্তাজ্জি পদ্মঃ পতগেহপৃষ্ঠে ।

দরারি-চর্ম্মাসি-গদেবু-চাপ-

পাশান্ দধানোহৃষ্টগুণোহৃষ্টবাহুঃ ॥

ইহার অর্থ এই,—হরি পতগেন্দ্র গরুড়ের স্বক্ৰদেশে পাদপদ্ম  
ধাপন করিয়া আছেন ; ষাঁহার অষ্টবাহু ; যিনি সেই অষ্ট বাহুতে  
শঙ্খ, চক্র, চর্ম্ম, অসি, গদা, ধনুঃ, বাণ ও পাশ ধারণ করিতেছেন,  
এবং যিনি অগ্নিমাদি অষ্ট ঐশর্য্য সম্পন্ন ; সেই হরি আমাকে রক্ষা  
করুন ।\*

অনন্তর প্রার্থনা করিবে,—

হে ঈশ্বর ! জলে বরুণদেবের পাশভয় আছে, এবং ভীষণ  
ঘাদোগণ আছে, তাহাদের হইতে আপনি মৎস্ত মূর্ত্তি ধারণ  
করিয়া আমাকে রক্ষা করুন । স্থলে বহু বিঘ্ন আছে, অতএব  
মারাশ্রমে আপনি যে বামন নামে ব্রাহ্মণকুমার হইয়াছিলেন,  
সেই রূপ দ্বারা তথায় আমাকে রক্ষা করুন । হে শিবরূপ !  
আপনি যে ত্রিবিক্রম মূর্ত্তিতে ত্রিলোক অধিকার করিয়া আছেন,  
তদ্বারা আকাশস্থ দৈব বিপদ হইতে আমাকে রক্ষা করুন ।

যে প্রভু নৃসিংহরূপে অসুরপতিগণের মহাশত্রু হইয়াছেন,  
ষাঁহার ঘোর অটুহাসে দশদিক্ প্রতিধ্বনিত ও কম্পিত হইলে  
ভয়ে অসুরনারীগুণের গর্ভপাত হইয়াছিল,—সেই প্রভু আমাকে  
যেন দুর্গমধ্যে ও রণাঙ্গনে ও বনান্ধনে রক্ষা করেন ।

যে প্রভু যজ্ঞময়ী মূর্ত্তিতে বরাহরূপ ধারণ করিয়া এই ধরাকে  
নিজ দংষ্ট্রায় ধারণপূর্ব্বক রসাতল হইতে উদ্ধার করিয়াছিলেন,  
তিনি যেন আমাকে গমনকালে পথস্থ বিপদ হইতে রক্ষা  
করেন ।



যিনি ভরতাগ্রজরূপে লক্ষণ সহোদরের সহিত অরণ্যে অরণ্যে বিহার করিয়াছিলেন ; সেই রামচন্দ্র নামধারী ভগবান্ বিষ্ণু আমাকে প্রবাস হইতে রক্ষা করুন । যিনি জমদগ্নিনন্দন মহাবীৰ্য্যবান্ পরশুরামমূর্ত্তি ধারণ করিয়া ক্ষিত্তিতে মহাবীৰ্য্য প্রকাশ করেন, সেই ভগবান্ আমাকে গিরিভূধর হইতে রক্ষা করুন ।

যিনি নারায়ণ মূর্ত্তিতে জগতে অবতীর্ণ হইয়া ধর্ম্মের উদ্ধার করিয়াছিলেন, তিনি যেন আমাকে কৃভিচারী ধর্ম্মপথ হইতে ও ভ্রম হইতে রক্ষা করেন । যিনি নর-রূপে অবতীর্ণ হইয়া মায়াকর্ষ নাশ করিয়াছিলেন, তিনি যেন সংসার-গর্ষ হইতে আমাদের রক্ষা করেন । যিনি দত্তাত্রেয় মূর্ত্তিতে যোগপথের সংস্কার করিয়াছিলেন, তিনি যেন আমাদের যোগসাধনের সকল দোষ হইতে রক্ষা করেন । যিনি কপিল মূর্ত্তিতে অবতীর্ণ হইয়া মুক্তিলাভ শিক্ষা দিয়াছিলেন, সেই ভগবান্ আমাকে কর্ম্ম-বন্ধন হইতে উদ্ধার করুন ।

যিনি সনৎসনাতনরূপে অসঙ্গ ভাবের শিক্ষা দিয়াছিলেন, তিনি আমাকে সকল কামনা যইতে রক্ষা করুন । যিনি হরশীর্ষ-রূপে ভক্তিপথ বিস্তার করিয়াছেন, আমি যদি প্ৰথমাঙ্কে ভ্রমবশে কখনও কোন দেবমূর্ত্তিকে অবহেলন জন্ম অপরাধী হইয়া থাকি, সেই ভগবান্ যেন আমার এই অপরাধ ক্ষমা করেন । যদি আমি বিষ্ণুপূজা করিতে কোন প্রকার অঙ্গ হীন করিয়া শাস্ত্রোক্ত বাবিশং-শক্তি অপরাধের মধ্যে কোন প্রকার অপরাধী হইয়া থাকি, তাহা হইলে সাধু মূর্ত্তিমান নারদরূপী ভগবান্ যেন আমার সেই সকল

অপরাধ মার্জনা করেন। আমি সংসারে আসিয়া পাপকর্ম করিয়া যত প্রকার নরকের অধিকারী হইয়াছি, ভগবান কূর্মরূপী হরি যেন আমাকে সেই অশেষ নরক হইতে উদ্ধার করেন।

আমি যদি কখনও অখাণ্ড আহারে পীড়িত হইয়া থাকি, তাহা হইলে ধনুস্তরিরূপী ভগবান আমাকে রক্ষা করেন। সুখ, দুঃখ এবং ভয় হইতে নির্জিতাত্মা ভগবান ঋষভদেব যেন আমাকে রক্ষা করেন। লোকাপবাদ হইতে যজ্ঞপুরুষ হরি আমাকে রক্ষা করুন। মৃত্যু হইতে ভগবান বলদেব আমাকে ত্রাণ করুন। মহা হিংস্র সর্পভর হইতে ভগবান অনন্তদেব আমাকে ত্রাণ করুন।

ভগবান ষ্ঠৈপায়ন, আমাকে ভক্তির বিরোধী বিজ্ঞানযুক্তি হইতে রক্ষা করুন। পাষাণগণ প্রবর্তিত আশ্রমুন্ধকর অধর্ম পথ হইতে বুদ্ধরূপী ভগবান আমাকে উদ্ধার করুন। যিনি ধর্ম রক্ষার্থে এবং সংসারের শাস্তি স্থাপনার্থে কালে কালে নানা অবতার ভাব ধারণ করেন, তিনি যেন কঙ্কিরূপে আমাকে কলিকালের অজ্ঞান-মলিনাভা হইতে রক্ষা করেন।

ভগবান কেশব ভাবে গদা হস্তে আমাকে যেন উষাকালে রক্ষা করেন। ভগবান গোবিন্দ প্রাতঃকালে বা প্রাতঃ সন্ধ্যাকালে বেণুহস্তে আমাকে ত্রাণ করেন। ভগবান নারায়ণ রূপে বজ্রহস্তে আমাকে পূর্বাহ্নে রক্ষা করেন। শঙ্খকর ভগবান বিষ্ণুরূপী হরি আমাকে মধ্যাহ্নে রক্ষা করেন।

উগ্রধন্বা মধুসূদন আমাকে অপরাহ্নে রক্ষা করুন। যিনি ব্রহ্মাদি মূর্ত্তির ধারণ করেন, তিনি আমাকে সায়াংকালে রক্ষা করুন। মাধবরূপী হরি আমাকে প্রদোষ সময়ে রক্ষা করুন।

অর্করাত্রি সময়ে ছবীকেশ আমাকে রক্ষা করুন । একমাত্র পদ্ম-  
নাভ আমাকে নিশীথ সময়ে জ্ঞান করুন ।

যে ঈশ্বরের বক্ষে শ্রীধংস-চিহ্ন বর্তমান আছে, সেই ভগবান্-  
মূর্তি আমাকে শেষরাত্রে রক্ষা করুন ; যে ভগবান্মূর্তি জনাৰ্দ্দিন  
ভাবে বিরাজমান, তিনি যেন আমাকে অতি প্রত্যাশে রক্ষা করেন ।  
দামোদররূপী ভগবান আমাকে প্রভাত-নিশীথে রক্ষা করুন ।  
ভগবান বিশেষর যিনি কালমূর্তি ধারণ করিয়া বিরাজ করিতে-  
ছেন, তিনি আমাকে নিশাভাগের প্রতি সন্ধ্যা কালে রক্ষা করেন ।

করাচে যে ভগবান্মূর্তির কথা বলা হইয়াছে ; পূর্বোক্ত প্রকারে  
সাধক আপনার সর্বদা সর্ব সময়ে রক্ষা বিধান করিয়া শেষে  
সেই মূর্তির অষ্টকরস্থিত অস্ত্রাদির ধ্যান এইরূপে করিবে,—

হে চক্র ! তোমার নেমি যুগান্ত-প্রলয়-কালীন অতি তেজস্বী  
ও তীক্ষ্ণ হইতেছে, তুমি ভগবানের শক্তিতে প্রযুক্ত হইয়া বিশ্বের  
সর্বত্র ভ্রমণ করিয়া থাক । আমি তোমার শরণাপন্ন হইলাম ।  
আমার শত্রু-সেনাসমূহের বল, যেমন বায়ু সথা অগ্নি তুণ সমূহকে  
সহজে দগ্ধ করে, তদ্রূপ তুমি ক্ষয় কর, এবং দগ্ধ কর ।

হে গদা ! তুমি অদ্বিত পুরুষ ভগবানের অতি প্রিয়বস্তু  
হইতেছ, তুমি বজ্রের দ্বারা অতি তেজোবান্ হইয়া বীৰ্য্যশূন্য  
প্রকাশ কর । আমি তোমার শরণ গ্রহণ করিলাম । দৈত্য  
সাহায্যকারী কুমাণ্ড, বৈকায়ক, যক্ষ, রক্ষ, ভূত ও ভূষ্ট গ্রহগণকে  
নিজ বলে আমাকে রক্ষার্থে প্রেরণ কর, এবং আমার শত্রুকে  
বিচূর্ণিত কর ।

হে পাকজল শব্দ ! তুমি ভগবান কৃষ্ণের হস্তে ধৃত ও তাহার  
মুখ-স্বায়ুতে পূর্ণ হইয়া জীবন করে জিহ্ববনের পাপকর কাম্পিত

করিয়া থাক, এক্ষণে আমি তোমার শরণ গ্রহণ করিলাম, তুমি জাতুধান, প্রমথ, প্রেত, মাতৃ, পিশাচ, এবং ব্রহ্মরাক্ষস প্রভৃতি ঘোর অশুভ দৃষ্টি বিধাতাগণকে বিদ্রাবিত করিয়া ফেল ।

হে অসিবর ! তুমি ভগবান হরির হস্তে ধৃত হইয়া আছ । তোমার ধার অতি তীক্ষ্ণ হইতেছে । আমি তোমার শরণ গ্রহণ করিতেছি, সমস্ত অরি সৈন্যকে ছেদন কর, ছেদন কর । হে চর্ম্ম ! পাপীগণের দৃষ্টিকে নিজের শতচন্দ্রসম জ্যোতির দ্বারা আবরণ করাই তোমার বিধি হইতেছে । এক্ষণে আমি তোমার শরণ লইলাম, আমার শক্রগণের পাপ-দৃষ্টি অক্ষু গ্রহ করিয়া হরণ কর ।

ইহ সংসারে গ্রহসমূহ হইতে, কেতুসমূহ হইতে, দুঃস্থ মানব হইতে, সরীসৃপ হইতে, দংশী হইতে এবং কোনপ্রকার ভৌতিক উপায় হইতে আমার পক্ষে যে সকল অনিষ্ট ঘটনা ঘটতে পারে, সে সমস্ত যেন ভগবানের নামানুকীৰ্ত্তন এবং রূপানুচিন্তন-বলে সন্তঃ ক্ষয় হইয়া যায় । \* \* \*

ইন্দ্র যে নারায়ণ কবচ প্রাপ্ত হইয়াছিলেন, এবং যাহার উল্লেখ শ্রীমদ্ভাগবতে আছে, তাহার অনুবাদটুকু তোমাকে শুনাইলাম ।

শিষ্য । আমি ভাবিয়াছিলাম, কবচ বা বর্ম্ম বুঝি কি প্রকার একটি পদার্থ হইবে ।

গুরু । পদার্থ দ্বারা জীবাত্মার রক্ষা হয়,—এতকাল পরে বুঝি এই বুদ্ধি যোগাইল ? পদার্থ হইতে বিচ্যুত ভাবই জীবাত্মার মুক্তি বা রক্ষা,—আর পদার্থে জড়িত হওয়াই জীবাত্মার বন্ধন বা অধোগতি ।

শিষ্য । আমাকে এই কথাটির ব্যাখ্যা বুঝাইয়া দিউন ।

গুরু । পূর্বেই তোমাকে বলিয়াছি,—অবিচা-বুদ্ধিরূপী

অসুরগণের আসক্তি ও মোহাদিরূপ তীক্ষ্ণ অস্বাঘাত হইতে সূক্ষ্মদেহ রক্ষা করিবার জন্ত ইন্দ্ররূপী জীবাত্মা ভগবৎ পরায়ণতা বিবেক-মন্ত্রাদির অমুষ্ঠান-সাধক বিশ্বরূপের নিকটে শিক্ষা করিলেন,—ইহার তাৎপর্য এই যে,—সূক্ষ্মদেহে কতকগুলি কার্য করিলে, মনের দ্বারা কতকগুলি সাংস্কৃতিক চিন্তা করিলে, সূক্ষ্ম শরীরের বিশুদ্ধি ঘটয়া থাকে। যেমন সুগন্ধ আত্মাণে, সৌন্দর্য্য সন্দর্শনে, সুস্বর শ্রবণে মন আনন্দিত হয়; এবং তাহাতে সূক্ষ্ম দেহেরও কিঞ্চিৎ স্মৃতি থাকে; যোগিগণ বলেন, তদ্রূপ শরীরের মধ্যে আটটি প্রধান সূক্ষ্ম ক্রিয়ার স্থান আছে। সেইস্থান সমূহকে ক্ষয় করাইয়া মনের দ্বারা সাংস্কৃতিক চিন্তা করিলে বাহ্যেঞ্জিয়ের ক্রমে নিবৃত্তি ঘটয়া থাকে। সেই নিবৃত্তি নিবন্ধন সূক্ষ্ম শরীরের মোহ-সংস্কার নাশ হইলে যে জ্ঞান-চেষ্টা করা যায়, মনোবুদ্ধ্যাদি তত্ত্বাবাপন্ন হইয়া থাকে। এই বিজ্ঞান-নিয়ম-মতে মন্ত্রাদি দ্বারা সাংস্কৃতিক ভাবাপন্ন হইবার জন্তই এই অঙ্গষ্ঠাস ও করষ্ঠাসাদিরূপী বিবিধ নৈমিত্তিক অমুষ্ঠানের বিধি শাস্ত্রে দেখা যায়। সূক্ষ্ম শরীরকে পবিত্র করিতে স্নান, অভ্যঙ্গ, উপযুক্ত স্থানে ও উপযুক্তভাবে উপবেশন, বিবিধ শাস্ত্রে বর্ণিত হইয়াছে। পরে মন্ত্রের দ্বারা প্রথমে অঙ্গষ্ঠাস, পরে করষ্ঠাসাদির বিধিও আছে। এই নারায়ণ-কবচের জন্ত ষাদশাকরী মন্ত্র দ্বারা প্রথমে অঙ্গষ্ঠাস ও করষ্ঠাস বিধি; তৎপরে “ওঁ নমো নারায়ণায়” মন্ত্রের দ্বারা কেবল অঙ্গ-ষ্ঠাস ও করষ্ঠাসাদির বিধি শাস্ত্রে আছে। “ওঁ নমো ভগবতে বাসুদেবায়” ইহাকেই বৈষ্ণব শাস্ত্রে ষাদশাকরী মন্ত্র বলিয়া নির্দেশ করিয়াছে। তন্ত্রাদি শাস্ত্রে অঙ্গষ্ঠাসাদির বিশেষ আলোচনা সর্বপ্রকার নিয়মাদি লিখিত হইয়াছে। ফল কথা



সর্বত্রই অঙ্কনাসাদি এইরূপ জীবাশ্মার উন্নতি সাধক জানিবে ।

শিষ্য । অঙ্কনাসাদি দ্বারা জীবাশ্মার উন্নতি হয়, বুদ্ধিতে পারিলাম,—কিন্তু কবচের মধ্যে ভগবানের অবতার প্রভৃতির কথা যাহা কথিত হইয়াছে, তাহার উদ্দেশ্য কি ?

গুরু । ভগবানের অবতার সমূহের দ্বারা জীবনের সকল বিপদের রক্ষা বিধান হইয়া থাকে ; কেন না, ইহাতে জীবের ঈশ্বর-পরায়ণতা ব্যতীত আর অপর শিক্ষা কিছুই নাই । পূর্বেই বলিয়াছি যে, জীবের মূল শরীরকে অজ্ঞান সংস্কার ও রিপু প্রাবল্য হইতে রক্ষা করিবার জন্তই শাস্ত্রে মন্ত্র-কবচাদির সৃষ্টি হইয়াছে । অঙ্কনাসে বাহ্যক্রিয়া দ্বারা চিত্ত শৈথিল্যের উপায়, পরে করনাসে ইন্দ্রিয় শৈথিল্যের উপায় দেখাইয়া, ভগবানের অবতার ও তল্লীলা এবং বীর্ধ্যস্মরণে জীবের মনোবৃত্তির অজ্ঞান-সংস্কার দূরীভূত করণোপায় স্থির করা হইল, বুদ্ধিতে হইবে । এই সকল ঈশ্বর ভাবে, আপনাদের সমস্ত বিপদ, অহঙ্কার এবং পাপ হইতে ঈশ্বরের সমীপে প্রতিশ্রুত হইয়া পরিতাপ সহযোগে যাহাতে উদ্ধার হওয়া যায়, সেই বিধি প্রকাশ পাইল । এই নিয়মে জীব যেন ঈশ্বর পরতা শিক্ষা প্রাপ্ত হইল ।

শিষ্য । তৎপরে উক্ত কবচে সর্বদা বা দিবানিশির প্রহরে প্রহরে সন্ধিক্ষণে সন্ধিক্ষণে যে রক্ষার প্রার্থনা করা হইল,— তাহার কোনও তাৎপর্যার্থ আছে না কি ?

গুরু । নিরর্থক কিছুই শাস্ত্রে উক্ত হয় নাই । প্রহরে প্রহরে মনোবৃত্তির কিঞ্চিৎ পরিবর্তন হইয়া থাকে ;—তাহাতে যদি বিকৃত্তির কোনও প্রকার মানি উপস্থিত হইয়া ভক্তিসাধনে বিরোধ



সংঘটন হয়, তজ্জন্তু দিবানিশি যে ভাবে বিকু স্মরণ করা যায়, সেই উপায়ই উহাতে কথিত হইয়াছে ।

ফলতঃ নারায়ণ-কবচের কথায় বলা হইল,—অসুরগণকে পরাজয় করিতে অস্ত্র সস্ত্রাদির প্রয়োজন হয় না । হৃদয়কে বিকুম্ভয় করিতে পারিলেই মনের ব্রিণু ও আসক্তি নামক প্রবৃত্তিবাচক অসুরেরা আপনিই ধ্বংস হইয়া থাকে ।

যে কোন দেবদেবীর স্তব কবচাদি আছে, তাহারই তাৎপর্যার্থ এইরূপ জানিবে ।

### তৃতীয় পরিচ্ছেদ ।

#### ইন্দ্রের ব্রহ্মহত্যা ।

শিষ্য । সুরপতি ইন্দ্র ব্রহ্মহত্যা করিয়াছিলেন, এই পর্য্যস্ত শুনিয়াছি, কিন্তু কোন্ ব্রাহ্মণকে যে হত্যা করিয়াছিলেন,— তাহা জানি না ।

গুরু । যে ব্রাহ্মণ তাঁহাকে নারায়ণ-কবচ প্রদান করিয়া ছিলেন, সেই বিষ্ণুরূপকে হত্যা করেন ।

শিষ্য । ইহাও বোধ হয় পুরাণের রূপক ?

গুরু । হাঁ ।

শিষ্য । গল্পটা আমি শুনিতে চাহি ।

গুরু । বিষ্ণুরূপ অসুরবংশীয়া কমিনীর গর্ভে ও দেবতার ঔরসে জন্মগ্রহণ করেন । সেই কৈতন্যাত্ম মহাত্মা বিষ্ণুরূপের

তিনটি মস্তক ছিল। এক মস্তকস্থমুখে তিনি সোম পান করিতেন, দ্বিতীয় শিরস্থ মুখে সুরাপান ও তৃতীয় মস্তকস্থ মুখে অন্ন ভক্ষণ করিতেন।

বিশ্বরূপ সাধু হইলেও অন্তরের কপটতা নাশ করিতে পারেন নাই। তিনি যখন যজ্ঞস্থলে ইন্দ্রের মঙ্গলহেতু দেবগণের উদ্দেশে হবিঃপ্রদান করিতেন, তখন তাঁহাদের নিজ পিতৃবংশীয় বলিয়া সবিনয়ে উচ্চমন্ত্রে আহ্বান করিতেন। কিন্তু গোপনে গোপনে আপনার মাতৃস্নেহ পরবশ হইয়া মাতৃবংশীয় অসুরগণকে যজ্ঞভাগ প্রদান করিতেন। পুরোহিতের এইরূপ কপটাচরণ দেখিয়া দেবপতি ইন্দ্র তাঁহাকে কপট ও অধাৰ্মিক বলিয়া বৃষ্টিতে পারিলেন। ব্রহ্মবধভয়ে এবং দৈত্যসম্মান হেতু ক্রোধে তিনি অস্থির হইয়া শেষে রোষবশে স্বয়ং বিশ্বরূপের মস্তকত্রয় ছেদন করিয়া ফেলিলেন। তন্মধ্যে তাঁহার যে মস্তক সোমপান করিত, তাহা পাবকপক্ষী, এবং সুরাপায়ী মস্তক চটক ও অন্নভোজী মস্তক তিত্তিরী পক্ষী হইল। \*

শিষ্য। ইহার তাৎপর্য্যার্থ কি, তাহা আমাকে বলুন।

গুরু। ইন্দ্রের এই ব্রহ্মহত্যা ব্যাপারে দুইটি তাৎপর্য্যার্থ মনে আইসে। প্রথমে যে যতই পণ্ডিত হউক, যতই সাধুভাব শিক্ষা করুক,—সময়ক্রমে তাহার স্বকীয় ভাব প্রকাশ পাইয়া পড়ে। বিশ্বরূপের স্তায় সাধু সজ্জনকেও যখন ইন্দ্রের স্তায় বুদ্ধিমান লোকে বিশ্বাস করিয়া উপকারলাভ করিতে পারেন নাই, তখন সংসারে সামান্ত মানবের কথা কি হইতে পারে।

ইহা লৌকিকভাব ; কিন্তু ইহার প্রকৃতভাব এই যে,—ইন্দ্রিয়-গণের অধিপতি জীবাত্মা, অহঙ্কারে মলিন হইয়া বৃহস্পতির স্মার বিজ্ঞানের আশ্রয় পরিত্যাগ পূর্বক কেবল কৰ্ম-বিবেকের আশ্রয়ে আত্মবিশুদ্ধি রক্ষা করিতে পারেন না। কারণ প্রলোভনে—আর মাতৃ-শক্তি বা সৃষ্কারে বিবেকও বিচলিত হয়। বিবেক কাহার না আছে? বন্ধুর মৃত্যুতে বিবেকের উদয় হয়, কিন্তু গৃহে গিয়া গৃহিণীর মুখ দেখিলেই বুক ভরিয়া মোহের উদয় হয়। যতই সাবধান হওয়া যাউক না কেন, জীবাত্মা কৰ্মসহযোগে ব্রহ্মজ্ঞান আহরণ করিতে চেষ্টা করিলে, শুদ্ধ জ্ঞানোদয় হওয়া দূরে থাকুক, অজ্ঞান মলিনতাই আসিয়া উপস্থিত হয়। তাহারই দৃষ্টান্তস্বরূপ ইঞ্জের এই ব্রহ্মহত্যা।

বিশ্বরূপের মস্তকজয় বলিতে ত্রিবিধ কৰ্মশক্তি। কৰ্মশক্তি হইতে তিনটি বৃত্তির উদ্ভব হয়,—তাহাদিগের নাম মোহ, ভ্রম ও ভোগ। সোমপানে মোহ উপস্থিত হয়, সুরাপানে ভ্রম উদ্ভব হয় ও অন্নাদি ভক্ষণে ভোগ আসিয়া জুটে। এই তিনবৃত্তি হইতে যজ্ঞমান কৰ্মজ্ঞান হইতে আসক্তিপর হইয়া থাকে। তিন বৃত্তিই বিশ্বরূপে শিরাত্মর। কৰ্ম-বিবেকের মলিনতা উহাই। বিবেক আইসে,—কিন্তু কৰ্ম মলিনতা হইয়া অবশেষে মজিয়া পড়িয়া মরিয়া যায়। জীবাত্মা যখন তাহাকে রিপুপর বলিয়া বুঝিলেন, তখন তাহাকে ছেদন বা নিজ অন্তর হইতে বিষয় জ্ঞান নাশ করিলেন। সেই বিষয়-জ্ঞান সংসারে ত্রিবিধভাবে বিভক্ত। মোহ চাতক, ভ্রম চটক এবং ভোগ তিত্তিরী পক্ষী-রূপে কথিত হইল।

এ তিনপ্রকার পক্ষীর তিনপ্রকার স্বভাব দেখিতে পাওয়া

যায় । তৃষ্ণায় প্রাণ ফাটিয়া যায়, তথাপি চাতক মেঘের জল ভিন্ন অন্য জল পান করে না,—কাজেই সে মেঘের মোহে ভুলিয়া আছে । চটক ক্ষুধায় কাতর হইয়া বালুকাভক্ষণ করিয়াও প্রিয়-সঙ্গমে ব্রাস্ত থাকে । তিত্তিরী নিত্য নিত্য নূতন নূতন আহারের জন্ত অল্পরত থাকে ;—সে যেন আহারের জন্তই জন্মিয়াছে, তাহার আর কোন কার্যই নাই, অনুক্ষণ আহার করাই তাহার জীবনের কার্য । ভাব বুঝাইবার জন্ত পক্ষীর কল্লনা,—কিন্তু প্রকৃত কথা, কৰ্ম্মজ্ঞানের ঐ তিন বৃত্তি বিশুদ্ধ অন্তঃকরণের দ্বারা যখন পরিব্যক্ত বা বিচ্ছিন্ন হয়, তখন উহা ঐ পক্ষীত্রয়ের স্বভাবের ন্যায় ঘৃণিত বলিয়া বোধ হয় মাত্র । ব্রহ্মবিৎ দুর্জ্ঞান হইলেও ব্রাহ্মণ সম্মানের কিছু অংশী হইতে পারে । ইহা বুঝাইবার নিমিত্তই ইন্দ্রকর্ভুক বিশ্বরূপ বধ জন্ত ইন্দ্রকে ব্রহ্ম হত্যা পাপগ্রহণ করিতে হইয়াছিল ।

শিষ্য । ইন্দ্রের সেই ব্রহ্মহত্যা পাতক কিসে অপণোদিত হইয়াছিল ? যদিও উহা রূপক, তথাপি আমাদের পক্ষে তাহা জ্ঞাতব্য । আমার বিশ্বাস, হিন্দুশাস্ত্রে যে রূপক উপাখ্যানের সৃষ্টি হইয়াছে, আমাদিগের মত অজ্ঞানী জনগণকে সাংসারিক কার্যে সাবধান করিয়া মোক্ষপথের পথিক করাই তাহার উদ্দেশ্য । গল্পটা বলুন ।

গুরু । পুরন্দর ব্রহ্মহত্যাজনিত পাতক নিবারণ করিতে পারিতেন ; তথাপি অজ্ঞানি পাতিয়া তাহা গ্রহণ করিলেন । সংবৎসর ভোগ করিয়া অবশেষে ভূতগণের শুদ্ধির নিমিত্ত ঐ পাতককে চারিভাগে বিভক্ত করতঃ পৃথিবী, জল, বৃক্ষ ও স্বীজাতিতে নিক্ষেপ করিলেন । বিবর সকল আপনা আপনিই

পরিপূর্ণ হইবে ; এই বর লইয়া পৃথিবী ঐ পাপের এক চতুর্থাংশ গ্রহণ করিলেন । পৃথিবীতে যে মরুভূমি দেখিতে পাও, তাহাই ঐ পাতকের স্বরূপ । ছেদন করিলে পুনর্বার প্ররোহ জন্মিবে ; এই বর পাইয়া বৃক্ষগণ আর এক চতুর্থাংশ গ্রহণ করিল । তাহা-  
দিগের যে নির্ধাস দেখা যায় ; তাহাই ঐ পাতক । সর্ব নময়েই সম্ভোগ করিতে সমর্থ হইবে ; এই বর লাভ করিয়া নারী এক চতুর্থাংশ গ্রহণ করিল । ঐ পাপ রজোরূপে মাসে মাসে দৃষ্ট হয় । ক্ষীরাদি অপর দ্রব্যের সহিত মিলিত হইতে পারিব ; এই বর পাইয়া জল অবশিষ্ট চতুর্থাংশ গ্রহণ করিল । জলে যে ফেন ও ব্দব্দ দেখিতে পাও, তাহাই ঐ পাপের চিহ্ন । যে পুরুষ জল হইতে ফেনাদি অন্ত্র নিষ্ক্ষেপ করেন, তিনি জলের ঐ পাতক নাশ করেন । \*

শিষ্য । এ কথাগুলির তাৎপৰ্য্য কি ?

গুরু । ব্রহ্মজ্ঞ ব্যক্তি যাজেই অবধ্য,—আর ক্রোধের ফল সকলকেই লইতে হয় । জীবাশ্মা নারায়ণ-কবচে আবৃত ক্রোধের বশীভূত হইয়াছেন,—নারায়ণ-কবচের বলে সহজেই পাতক-রাশিকে অর্থাৎ ক্রোধকে পরিত্যাগ করিতে বা মন হইতে তাহার সংস্কারকে বিদূরিত করিতে সক্ষম হইলেন । অস্ত্রে হইলে কখনই তাহা পারিত না । ভূমি বৃক্ষ, জল ও রমণী ইহারাই আসক্তির আধার । পূর্বোক্ত কথায় তাহা বলা হইল ।

## চতুর্থ পরিচ্ছেদ ।

বৃত্রাসুরের জন্ম ।

শিষ্য । ইন্দ্র কর্তৃক বৃত্রাসুর বধোপাখ্যান ও তাহার তাৎ-  
পর্যটি শুনিত্তে বাসনা করি ।

গুরু । মহাত্মা অষ্টা প্রজাপতি যখন শুনিলেন যে, তাঁহার  
প্রিয়পুত্র অন্তায়রূপে ইন্দ্র কর্তৃক নিহত হইয়াছেন, তখন তিনি  
অত্যন্ত দুঃখিত হইয়া ইন্দ্রকে শাসন করিবার জন্ত আপনার  
ব্রহ্মযজ্ঞ-কুণ্ডে আহুতি দিয়া কহিলেন, “হে ইন্দ্র শত্রো ! বিবর্তিত  
হও । আমার এই আহুতিতে উত্থান করিয়া অনতিবিলম্বে  
শত্রুকে বিনাশ কর ।”

“হে ইন্দ্র-শত্রো !” এই সংহোধন পদটি বৈদিকস্বরে উচ্চারণ  
হওয়ার কালে পূর্ব পদটি উদাত্ত স্বরে উচ্চারিত হইলে, উহা  
বহুব্রীহি সমাস হইয়া পড়ে, তাহাতে ইন্দ্র হইয়াছে শত্রু য়ার,—  
এমন লোকের উৎপত্তি বুঝায় । মহাত্মা অষ্টা ক্রমক্রমে সেইরূপ  
স্বর উচ্চারণ করিয়াছিলেন বলিয়া, বৃত্র ইন্দ্রের শত্রু না হইয়া  
ইন্দ্রই বৃত্রের শত্রু অর্থাৎ সংহারক হইয়াছিলেন ।\*

প্রজাপতি অষ্টা যে দণ্ডে দক্ষিণায়িত্তে আহুতি প্রদান করি-

---

\* ইন্দ্রশত্রো ! অর্থাৎ “হে ইন্দ্রের শত্রো !” বলিয়া হোম করা হইল ;  
তথাপি যে দানব উৎপন্ন হইল, সে ইন্দ্রের শত্রু অর্থাৎ হস্তা না হইয়া ইন্দ্রই  
তাহার হস্তা হইলেন, অতএব মন্ত্রের বিকলতা ঘটিল, এস্থলে এরূপ সন্দেহ  
হইতে পারে, কিন্তু বাস্তবিক জাহা নহে । উচ্চারণের অরুচিতে উচ্চারণ  
করাতে “ইন্দ্রশত্রো” শব্দে “ইন্দ্রের শত্রু” না বুঝাইয়া “ইন্দ্র যাহার শত্রু”  
এইরূপ অর্থ বুঝাইল । সুতরাং ইন্দ্রই তাহাকে বধ করিলেন ।



লেন, সেই দণ্ডেই তথা হইতে এক ঘোর দর্শন এবং যুগান্ত-কালীন কৃতান্তের জায় জীবগণের পক্ষে অতীব ভয় দর্শন এক অসুর উত্থান করিল ।

সেই অসুর দিনে দিনে বিক্ষিপ্ত শর-গতির জায় বৃদ্ধি পাইতে লাগিল । সন্ধ্যাকালীন গগনের ঘনচ্ছটার জায় তাহার অঙ্গের ভীম ভাব দৃশ্য শৈলতুল্য অতি দীর্ঘ হইয়া উঠিল ।

তাহার কেশ ও শর তপ্ত তাব্রের জায় কপিল বর্ণের ছিল । তাহার যুগল লোচন যেন মধ্যাহ্ন সূর্যের জায় অত্যন্ত প্রচণ্ড তেজোময় হইয়া ছিল । তাহার হস্তধৃত ভীষণ ত্রিশূল যেন স্বর্গ ও মর্ত্যভূমিতে বিভাগ করিয়া মধ্যস্থলে বিরাজিত ছিল ।

যখন সেই মহাসুর নৃত্য ও উল্লঙ্ঘন করিত, তখন তাহার পদভরে পৃথিবী কম্পিতা হইত । যখন সে গিরি-গহ্বর তুল্য গম্ভীর মুখ ব্যাদান করিত, তখন যেন আকাশকে গ্রাস করিতেছে, বোধ হইত, এবং জিহ্বা দ্বারা যেন নক্ষত্র সমূহকে লেহন করিতেছে, এইরূপ জ্ঞান হইত । উভয় দস্তুর নিষ্পেষণে পৃথিবীকে চর্ষণ করিবার ভয় উপস্থিত হইত । তাহার ভয়ে পৃথিবীস্থ জীবগণ ভ্রাস-কম্পিত কলেবরে দিনাতিবাহিত করিত ।

মহাত্মা স্বষ্টা প্রজাপতি, আপনার তপোময়ী মূর্তি হইতে ব্রহ্মাণ্ড ব্যাপী এই অসুর মূর্তির সৃষ্টি করিলেন : স্বষ্টা নন্দন হইয়া অতি দারুণ পাপ-স্বরূপে তপস্যায় ত্রিভুবন আবৃত করিল বলিয়া সাধুগণ উহাকে বৃদ্ধ নামে অভিহিত করিলেন ।

শিষ্য । ইহারও বোধ করি তাৎপর্যার্থ আছে ? কারণ, ইহা যখন রূপক । তাহার ব্রহ্মহতা যখন রূপক,—তখন বৃদ্ধাসুরের উদ্ভবও বোধ হয় রূপক হইবে ?

গুরু । ইহা, তাহা আছে বৈকি । জীবাআরুপী ইন্দ্রে কৰ্ম-জ্ঞান সম্ভারুপী স্বপ্তার মোহিনী স্বরূপ কৰ্ম-বিবেক বিশ্বরূপকে নিষ্কামভাবে বিরোধী দেখিয়া, তাঁহাকে পরিত্যাগ করাতে ইন্দ্রের কিঞ্চিৎ অহংকার আসিয়া উপস্থিত হইল । তদুপস্থিতির অন্তে ঘোর অজ্ঞান-বৃত্তাসুর কৰ্ম-জ্ঞান হইতে প্রকাশ পাইয়া জীবাআকে অভিভূত করিতে চেষ্টা করিল । কিন্তু ইন্দ্র বিষ্ণু-পরায়ন থাকাতে তাঁহাকে কোন ক্রমে কেহ বিপন্ন করিতে পারে নাই, বা পারে না । ইহাই স্বপ্তার মন্ত্রচ্যুতির কথা । কিন্তু তথাপি কৰ্মরূপী শক্রর চক্র-জাল অত্যন্ত দুৰ্ভেদ্য,—তাহা হইতে নিষ্কৃতি পাওয়া সহজ নহে । স্বপ্তার আন্তরিক চেষ্টায় বৃদ্ধের উদ্ভব,—বৃদ্ধ বা অজ্ঞান-শক্তিই বিশ্বাবরণকারী ;—অজ্ঞান হইতে ইহাই উদ্ভূত হইয়া জীবাআকে জড়াইয়া ধরিতে গেল, এবং তাঁহাকে স্বৰ্গ বা আনন্দ-শ্রী হইতে বিচ্যুত করিল । শাস্ত্রে গল্পটা এইরূপ ভাবে আছে,—

দেবতাগণ, বৃত্তাসুরের দ্বারা ত্রিভুবনে ভীষণ উৎপাত হইতেছে দেখিয়া, স্বরায় নানাবিধ অস্ত্র-শস্ত্রে সজ্জিত হইয়া সর্বমুখে তাহাকে নাশ করিতে আগমন করতঃ যতই তীব্র তীব্র স্বর্গীয় অস্ত্র ফেপন করিতে লাগিলেন, ততই সেই অসুর অনায়াসে গ্রাস করিয়া ফেলিতে লাগিল । কিছুতেই কাতর হইল না ।

অস্ত্রাদি বিফল হইল দেখিয়া, দেবগণ একেবারে বিস্মিত ও ক্রুদ্ধ হইয়া উঠিলেন ; অসুরের তেজে যেন তাঁহাদের তেজ অন্তর্গত হইয়া আসিল । তখন তাঁহারা অত্যন্ত বিপন্ন হইয়া সেই অনন্যগতি ভগবান হরিকে সমাহিত হইয়া স্মরণ করিতে লাগিলেন ।

দেবতাগণ কর্তৃক ভগবানের স্তব এখানে তোমাকে একটু শ্রবণ করাইতেছি, তাহা হইলে আমি দেবতাসম্বন্ধে পূর্বে যে কথা বলিয়াছি,—তাহা তোমার আরও দৃঢ়প্রত্যয় হইতে পারিবে। দেবতাগণ ধ্যানযোগে ভগবান্কে এইরূপে স্তব করিতে লাগিলেন, “এই বায়ু, অগ্নি, আকাশ জল, ক্ষিত্তি সংযোগ এই ত্রিভুবন এবং ব্রহ্মাদি হইতে আমাদের ঋণ অভাজন দেবতাগণও ষাঁহার আঞ্জা পালন করিয়া থাকে; যিনি সকলের অন্তক স্বরূপ হইতেছেন, সর্বপূজ্য মহাকাল ষাঁহার আশ্রয়ে সুরক্ষিত আছেন, সেই রক্ষা কর্তা হরির শরণ আমরা গ্রহণ করিলাম,—তাহাতে অবশ্যই আমাদের ছরিত ক্ষয় হইবে।

ষাঁহার মায়তে বিশ্ব বিস্তৃত, কিন্তু যিনি তাহাতে অভিমানী নহেন; ষাঁহার লাভ ক্ষয় জ্ঞান নাই, যিনি চিরদিন পরিপূর্ণকাম হইয়া বিরাজ করিতেছেন; যিনি চির প্রশান্ত হইয়াছেন;—যে ব্যক্তি সেই সর্বাশ্রয়কে ত্যাগ করিয়া বিপদ হইতে উদ্ধার পাইতে অপর দেবতার আশ্রয়গ্রহণ করে, কুকুর যেমন স্বলাঙ্গুলে সমুদ্র পার হইতে ইচ্ছা করিয়া জলমগ্ন হয়, তদ্রূপ সে ব্যক্তি মূর্খতা দোষে বিপদ-সাগরে চিরনিমগ্ন থাকে; কখনই উদ্ধার প্রাপ্ত হয় না; অতএব আমরা এমন ভজনীর আশ্রয় লইলাম, তিনিই আমাদের সকল বিপদ বিনাশ করিবেন।

ষাঁহার মৎস্য-মূর্তির শূন্যে প্রলয়-বিপদে বিপন্ন ভগবান্ মনু, জগৎস্বরূপ বিষ্ণু মোকাকে আবদ্ধ করিয়া উদ্ধার পাইয়াছিলেন। আমরা স্বপ্নানন্দন হইতে ভয়প্রাপ্ত হইয়া সেই মৎস্য মূর্তিমান্ ভগবানের আশ্রয় গ্রহণ করিতেছি, তিনি যেন কৃপা করিয়া আমাদের উপস্থিত বিপদ হইতে উদ্ধার করেন।

পুরাকালে ভগবান্ স্বভূও ষাঁহার নাভি-কমলে প্রকাশ পান, সেই ভীম উর্ষি ও বায়ুবেগ-কম্পিত প্রলয়-সাগরের মধ্যস্থিত কমল মাঝে থাকিয়া প্রলয়কালীন বিপদ হইতে ষাঁহার ধ্যানে উদ্ধার পাইয়াছিলেন, আমরা সেই ভগবানের শরণ লইলাম, তিনি যেন উদ্ধার করেন ।

যিনি একমাত্র সৃষ্টির ঈশ্বর হইয়া আপনার মায়ায় প্রথমে আনাদিগকে সৃজন করিয়াছেন ; আমরা সৃষ্টি হইয়া এই চরাচরকে পরে সৃজন করিতেছি ; এবং আমরা ষাঁহার সমীপবর্তী থাকিয়া, তাঁহারই শক্তিতে সৃষ্টি কার্য করিতে করিতে এমত অভিমানী হইয়াছি যে, আমরাই কর্তা, এই ভাব ধারণ করিয়াছি, এই হেতু ষাঁহাকে দেখিতে পাইতেছি না ; সেই ঈশ্বর আমাদের আশ্রয় হউন, এবং উপস্থিত বিপদ হইতে রক্ষা করুন ।

যুগে যুগে যখনই আমাদের শত্রুগণ বদ্ধিত হইয়া আমাদের মহা পীড়া প্রদান করে, তখনই সেই যুগে যুগে যিনি আমাদের রক্ষা করিবার জন্ত দেবধি তিৰ্য্যক্ ও মানব আকার আশ্রয় করিয়া, আত্মমায়া সহযোগে নানাভাবে অবতীর্ণ হইয়া, আমাদের রক্ষা ও দুৰ্জনেকে দমন করেন ;—উপস্থিত বিপদ হইতে তিনি আনাদিগকে রক্ষা করুন ।

যিনি বিশ্বে আত্মরূপে পরম দেবতা, যিনি বিশ্বের প্রধান কারণ, যিনি ইহার কাণ্ড-সজ্জা পুরুষ, এবং যিনি স্বয়ংই একরূপে জগৎ হইতেছেন । যিনি ভক্তজনের উদ্ধারকারী হইতেছেন, সেই মঙ্গলদাতার আশ্রয় গ্রহণ করিলাম ;—সেই মহাত্মা আমাদের মঙ্গল বিধান করুন ।”\*

\* শ্রীমদ্ভাগবত ;—ষষ্ঠ স্কন্ধ, ৯ম অঃ ।

ইন্দ্র ধ্যানযোগে স্তব করিতে করিতে তাঁহাদের হৃদয়ে ভগবান্ শঙ্খচক্র গদাপদধারী হইয়া আবির্ভূত হইলেন ।

হৃদয়ে অনুভব করিতে করিতে দেবতারা তাঁহাকে সম্মুখে দর্শন করিলেন । দেবতাগণ ভগবদ্রূপ সাক্ষাৎ দর্শন করিয়া একেবারে আক্লাদে উন্মত্তবৎ হইয়া দণ্ডবতে ভূমে পতিত হইলেন, এবং তৎক্রমাৎ প্রেমাকুলচিত্তে ভূমি হইতে উত্থিত হইয়া তাঁহাকে বিবিধ প্রকারে স্তব ককিতে লগিলেন । ভগবান্ স্তবে তুষ্ট হইয়া বলিলেন ;—

“দেবতাগণ ! আমি তোমাদিগের অতিশয় বিজ্ঞানযুক্ত স্তব শ্রবণ পূর্বক পরম প্রীতিলভ করিয়াছি । কারণ, এই স্তব যাহারা পাঠ করিবেন বা ভাবনা করিবেন, সেই সকল সংসারীবৃন্দের অন্তরের আত্মজ্ঞান উপস্থিত হইবে । সেই আত্মা বিষয়ক স্মৃতি-নিবন্ধন তাহাদিগের আমাতে অচলা ভক্তি জন্মিবে ।

হে দেবতাগণ ! বাহাদিগের নিকটে আমি প্রীতি প্রাপ্ত হই ; ইহ সংসারে তাহাদের আর অলভ্য কি থাকে ? যাহারা আমার তত্ত্ব বিশেষ অবগত আছেন, তাহারা আমাতে একান্ত মতি সংস্থাপন ও মৎপ্রীতি উৎপাদন ভিন্ন আর কিছুই আমার নিকটে ভিক্ষা করেন না ।

যে ব্যক্তি গুণময় বিষয়েরই তত্ত্বালোচনা করে, সেই ব্যক্তি আপনার পরম মঙ্গলের বিষয় কিছুই জ্ঞাত নহে । সেই অজ্ঞ ব্যক্তি যাহা কামনা করে, দাতা তদনুরূপ অজ্ঞ না হইলে, কেমন করিয়া সেই মূর্খকে তাহার অসৎ কামনা পূর্ণ করিতে দিবে ? \*

শিষ্য । দেবতাগণের ভগবানের স্তব, ভগবানের আবির্ভাব ও ভগবানের আত্ম-সুখ্যাতি শ্রবণে আনন্দ প্রকাশ, অবশ্য ইহার তাৎপর্য আছে ?

গুরু । আছে বৈ কি ।

শিষ্য । তাহা আমাকে বলুন ।

গুরু । জ্ঞানেন্দ্রিয় সঙ্কারূপী দেবতাগণের সহযোগে জীবাত্মা-রূপী ইন্দ্র, বৃত্তরূপী প্রথর অজ্ঞানকে জয় করিতে না পারিয়া আত্মজ্ঞানবলে সেই ঘোর অজ্ঞানকে নাশ করিবেন । আত্মজ্ঞান স্বকীয় পুরুষকারের সাহায্যে লাভ হয় বটে, কিন্তু ভগবানের রূপা লাভ না হইলে, তাহা প্রকৃত ভাবে স্থায়ী হয় না । তাহাতেই ভগবানের ধ্যান ও স্তবের আবশ্যিকতা দেখান হইয়াছে ।

শিষ্য । সাধুগণের স্তবে ঈশ্বরের প্রীতি-আকর্ষণ যদি সার্থক হয়, তাহা হইলে ঈশ্বর স্তবের বশীভূত,—এ কথা স্বীকার করিতে হয় ? কিন্তু তাহা হইলে, সেই নির্বিকার নিরহঙ্কার ভগবানকে নিজ কীৰ্ত্তি-গাথা শ্রবণাকাজ্জী, আরও সোজা কথায় তোষামোদ-প্রিয় বলা যাইতে পারে ।

গুরু । ভুল বুঝিতেছ । স্তবের অর্থ তাহা নহে । দেবগণের দ্বারা বিশ্বের হিত-চেষ্টায় অর্থাৎ স্বার্থ শূন্য হইয়া যাহারা ঈশ্বর-পরায়ণ হইবার জন্ত, তাহার লীলা ও গুণানুবাদ করেন, তাহাতে তাহাদেরই হিত হইয়া থাকে,—ঈশ্বরের কিছুই নহে । বর্ণমালা পাঠ ও অভ্যাস করিলে যেমন বর্ণমালার কোনই লাভ নাই,—যে পাঠ ও অভ্যাস করে, ভবিষ্যতে তাহারই গ্রন্থাদি পাঠের সুবিধা হয় । সাধন চেষ্টায় এবং স্তবে যে ভাব প্রকাশ হয়,



তাহাতে ঈশ্বরের শ্রীতি অকর্ষণ হয় ; অর্থাৎ ঈশ্বরের শ্রীতি সর্বদা বর্তমান আছে, স্তবাদিতে তত্ত্বজ্ঞানের উদয় করে মাত্র । জীবের অজ্ঞান দূর হইলে, ভগবৎ-শ্রীতিরূপী বিজ্ঞানভাব তাহারা প্রাপ্ত হয় । ইহাতে বলা হইল যে, জীবে আত্মোন্নতি সাধনই করে, ভগবানের কোন উপকার করে না । স্তবাদিতে কেবল স্তাবকেরই যে উপকার হয়, তাহা নহে,—উহা যাহারা পাঠ বা শ্রবণ করে, তাহারাও আপনাপন অজ্ঞান জয় করিতে সমর্থ হয় ।

স্তবের যাহাঙ্গ্য ও উপকারীতা প্রদর্শন করিয়া কৌশলে ভক্তের সম্মান দেখাইবার জন্য ভগবানের শ্রীমুখ দ্বারা বলা হইল যে, “আমার শ্রীতিমাত্র যাহারা প্রাপ্ত হয়, তাহাদের আর কোন কামনাই থাকে না । তাহারা জগতের শাসন হইতে উপরত হইয়া চিরমুক্তি লাভ করিয়া থাকে । ভগবান্ মুক্তিদাতা—বাধিবার ইচ্ছা তাঁহার নাই । কিন্তু জীবাঙ্গার এখন যে অবস্থা, তাহাতে মুক্তি সুদূরপর্যন্ত । কেন না, তাঁহার হৃদয়ে তখন জীবাঙ্গসাবৃত্তি প্রবলা । পর-আপন জ্ঞান আছে,—স্বার্থ ধ্বংস জ্ঞানের উদয় হয় নাই । তাই ভগবান্ নিঃস্বার্থ প্রেমরূপী মহাশি দধীচির সন্নিধানে প্রেরণ করিলেন । সকলেরই শিক্ষার আব-  
শ্যক,—আদর্শ না পাইলে সেই শিক্ষা লাভ হয় না । নিঃস্বার্থের আদর্শ দেখাইবার জন্য দধীচি নামক মূনির সন্নিধানে ইচ্ছের গমন-  
পরামর্শ । দধীচি অর্থ নিঃস্বার্থের পরম দেবতা ।

## পঞ্চম পরিচ্ছেদ ।



### দধীচির অস্থি ও বৃদ্ধবধ ।

শিষ্য । ভগবান্ হরি নিজে সৰ্বগুণাধার,—নিজেই নিঃস্বার্থ-  
তার জ্ঞান জীবাআরুপী ইন্দ্রকে প্রদান করিলেই ত পারিতেন ?  
গুরু । তাঁহার নিজ ও পর কিছুই নাই, সকলই তিনি ।  
যেখানে যে গুণের প্রাধান্য হইয়াছে, সেই স্থানেই তাহা শিক্ষা  
করা ভাল,—তিনি সমুদ্র, জীব গোম্পদ । সমুদ্রের তুলনায়  
গোম্পদকে উন্নত করা যাইতে পারে না, তাই পুকুরের আদর্শ  
লওয়াই ব্যবস্থা । তাই ভগবান্, জীবাআকে জ্ঞানরুপী নিকামী  
দধীচির নিকটে প্রেরণ করিলেন,—ইহাই বলা হইল । তাই  
ভগবান্ জীবাআকে স্পষ্ট করিয়া বলিয়া দিলেন,—যেমন উপযুক্ত  
চিকিৎসক কখনই রোগীকে তাহার বাহা অনুসারে কুপথ্য  
ভোজনে অনুমতি দেন না, তদ্রূপ যে ব্যক্তি আপনার মলিন  
স্বরূপ আত্মজ্ঞান বুঝিয়াছেন, তিনি কখনই অজ্ঞ সংসারী ব্যক্তিকে  
কর্মের অনুগত শিক্ষা দান করেন না ।

হে ইন্দ্র ! তুমি যে কামনা করিতেছ, তাহা আমার নিকটে  
পূর্ণ হইবে না । দধীচি নামে এক ঋষিসন্তম আছেন, তাঁহার  
দেহ, বিদ্যা, তপস্যা ও ব্রত নিয়মাদিতে অত্যন্ত পবিত্র হইয়া  
আছে ; তুমি ঋষির পবিত্র অস্থি অতি স্নেহেয় ভিক্ষা করিয়া  
লও ।

সেই ঋষির ক্রমতার কথা অধিক কি বলিব ; তিনি ব্রহ্ম-

বিদ্যায় এতদূর পরদর্শী যে অশ্বশির লাভ করিয়াও অশ্বিনীকুমার-গণকে ব্রহ্মবিদ্যা শিক্ষা দিয়াছিলেন,—অত্যাপি তাঁহার কীর্তি-স্বরূপ সেই বিদ্যা অশ্বশিরঃশক্তি নামে বিখ্যাত হইয়া আছে। অশ্বিনীকুমারগণ তাঁহার নিকটে উক্ত বিদ্যা শিক্ষা করিয়া অমরত্ব প্রাপ্ত হইয়াছিলেন।

সেই ধর্মজ্ঞ ঋষি পরম দয়ালু,—আপনারা তাঁহার দেহ ভিক্ষা করিলেই তিনি তাহা দান করিবেন। তাঁহার অস্থি হইতে বিশ্ব-কর্মা যে বজ্র নির্মাণ করিবেন, সেই বজ্রে বৃত্রাসুর নিধন হইবে।

সম্পূর্ণরূপে আমিত্ব বিসর্জনেই ধর্মের পূর্ণাঙ্গ। জীবাত্মার এই শিক্ষা না হইলে, পরমোন্নতির সম্ভাবনা নাই। দধীচি আপন দেহ পরিত্যাগ করতঃ পরের উপকার করিয়াছিলেন,—ইহা যখন দেখিতে পাওয়া যাইবে, তখন আর কি জন্ত আমিত্বের ক্ষুদ্রতা থাকিবে? সেই জ্ঞানের উদয়ে ইন্দ্রিয়ারদির অধিষ্ঠাতা দেবগণ ও তদধিপতি অস্তঃকরণ বা জীবাত্মারূপী ইন্দ্র বুদ্ধি নামক বিশ্বকর্মার সাহায্যে অস্ত্র পাইবেন, তাহা একটি পরম বিজ্ঞান,—কজেই সেই বিজ্ঞান-বজ্রে তমোরূপী দৈত্য নিধন হইয়া যাইবে।

শিষ্য। দধীচির অস্থি বেরূপে সংগ্রহ হইল,, তাহা অন্বেষণ করিয়া বলুন।

গুরু। ভগবানের ইচ্ছিতাদেশ প্রাপ্ত হইয়া দেবতাগণ অধর্কনন্দন দধীচির নিকটে গিয়া উপস্থিত হইলেন, এবং সবিনয়ে তাঁহার দেহ ভিক্ষা করিলেন। অর্থাৎ বলিলেন,—আপনাকে মরিতে হইবে, আপনার দেহের অস্থি সমূহ লইয়া আমরা বজ্র নির্মাণ করতঃ আমাদের শত্রু বৃত্রাসুরকে সংহার করিব।

দধীচি কোপ প্রকাশপূর্বক বলিলেন,—“তোমারা না দেবতা !

তোমাদের মত স্বার্থপর জীব জগতে আর আছে বলিয়া অনুমান করা যাইতে পারে না । আমার দেহটি পরিত্যাগ করিয়া আমি চিরদিনের মত এই সুজলা সুফলা শশুশ্যামলা পৃথিবী পরিত্যাগ করিয়া মৃত্যু-পথের পথিক হইব, আর তোমারা আমার অস্থি লইয়া তোমাদের শত্রু সংহার করিয়া সুখভোগ করিবে । কি আশ্চর্য্য ! এমন কথা মুখে অনিতেও তোমাদের মনে বিবেকের বিন্দুমাত্র ভাবও উদয় হয় নাই ? দেখ, মরিতে কে চাহে । বাঁচিবার কামনা সকলেই করিয়া থাকে ।”

ইন্দ্র করযোড় করিয়া বলিলেন,—“মহর্ষে ! আপনার সদৃশ মহান পুরুষেরা ভূতগণের প্রতি দয়া করিয়া থাকেন । যাহাদিগের যশঃ পবিত্র, তাহারা আপনাদিগের কর্ণের প্রশংসা করেন । অতএব আপনারা কি না দান করিতে পারেন ? লোক স্বার্থপর, ইহা সত্য কথা ; তাহারা পরের বিপদ বুঝিতে পারে না ; যদি পারিত, তাহা হইলে কেহ যাচঞা করিত না ; আর ক্ষমতা থাকিতেও দাতা ‘না’ ‘না’ বলিত না ।

সহাস্র মুখে ঋষি কহিলেন, আপনাদিগের নিকটে ধর্ম্ম শ্রবণ করিতে আমার ইচ্ছা ছিল, এই কারণে আমিই রূপ প্রত্যাঙ্কি করিয়াছি,—এই দেহ নিশ্চই প্রিয় বটে, কিন্তু আজি হউক, কালি হউক, আর দশবৎসর পরেই হউক,—এই দেহ আমাকে অবশুই ত্যাগ করিবে । অতএব ইহা আমি আপনাদিগকে এখনই দান করিব । হে দেবগণ ! যে ব্যক্তি প্রাণীর প্রতি দয়াবশতঃ অস্থির দেহ দান করতঃ ধর্ম্ম ও যশ উপার্জন করিতে চেষ্টা না করে, স্বাবরেরাও তাহার নিমিত্ত দুঃখিত হয় । যিনি প্রাণীর শোকে ও হর্ষে আপনি শোকাশ্রিত ও আনন্দিত হন, পুণ্যশ্লোক

ব্যক্তিগণ তাঁহার ধর্মকেই অব্যয় বলিয়া আদর করিয়া থাকেন । ধন, স্ত্রী, পুত্র, বন্ধু, বান্ধব প্রভৃতি অত্মীয়জন এবং দেহ, সকলই ক্ষণভঙ্গুর ;—শৃগালাদির ভক্ষ্য । এ সকলের দ্বারা পুরুষের অভীষ্ট-কার্য সিদ্ধি হয় না । কিন্তু তথাপি মানুষ এতদ্বারা পরের উপকার করিতে চাহে না, ইহা বিষম দুঃখ ও কষ্টের কথা ।

মহাত্মা দধীচি মুনি এইরূপ বলিয়া ভগবান্ পরমাত্মার সহিত জীবাত্মাকে এক করিয়া দেহ ত্যাগ করিলেন । ঋষি, ইন্দ্রিয়, প্রাণ, মন ও বুদ্ধি সংযত করিয়া তত্ত্বদর্শী হইয়াছিলেন, এবং তাঁহার সমুদয় বন্ধন বিশ্লিষ্ট হইয়াছিল । অতএব এক্ষণে যে দেহ নষ্ট হইতেছে,—তিনি পরমযোগে অভিনিবিষ্ট হইয়া তাহা জানিতে পারিলেন না ।

অনন্তর বিশ্বকর্মা সেই মূনির অস্থি লইয়া বজ্র নির্মাণ করিলেন । পুরন্দর ভগবানের তেজঃ সহযোগে গর্ভিত হইয়া সেই অস্ত্র দ্বারা বৃত্রাসুরকে নিহত করিয়াছিলেন ।

এই বৃত্রাসুর বধোপাখ্যানের জীবাত্মার উন্নতি ও পরমাত্মা সাক্ষাৎকারের সুন্দর যোগের কথা বলা হইয়াছে । সামবেদের ছন্দাচ্চিকাংশেও এই বৃত্রাখ্যান বিষয়ক মন্ত্র বিশেষরূপে বিবৃত হইয়াছে । তাহাতে স্পষ্টতই বলা হইয়াছে যে, দেবতাগণ মন্ত্র-শক্তিরূপ হইতেছেন,—সাধকের বিশুদ্ধ অস্থঃকরণরূপ ইন্দ্র, বিজ্ঞান অস্ত্রে দধীচির দেহ বা অধ্যাত্ম উপায় স্বরূপ, অথবা স্বার্থ-ত্যাগের পরমাদর্শ লাভ করতঃ তদভ্যাসে নিষ্কাম ভাবে কর্ম ও জ্ঞানেন্দ্রিয়াধিষ্ঠাত্রী দেবতাগণে সাদ্বিকীভাব আনয়ন পূর্বক তাহদিগের সহযোগিতায় আপনার কর্মজনিত বৃত্রনামক অজ্ঞান নাশ করিয়াছিলেন ।

ইন্দ্র ও তাঁহার কার্যকলাপের তাৎপর্য্যভাব তোমার নিকটে বর্ণনা করা গেল ।

প্রসঙ্গক্রমে অঙ্গন্যাস, করন্যাস, স্তব ও কবচের কথাও ইহাতে বলা হইয়াছে,—তুমি এগুলি সৰ্ব্বত্র সমান অর্থেই ভাবিও । তবে দেবতা বিশেষের স্তব-কবচের অর্থ বিভিন্ন থাকিতে পারে,—যে দেবতার যে শক্তি, তাঁহার নিকটে তাহাই প্রার্থনা আছে । কিন্তু মূল ভাবার্থ ঐ প্রকার,—সে অর্থগুলিও তাহার তাৎপর্য্যার্থে তুমি করিয়া লইতে পারিবে, বলিয়া বিশ্বাস করি । সমস্ত দেবতার স্তব-কবচাদি পৃথক্ পৃথক্ বলিতে হইলে, শ্রোতা ও বক্তার মার্কণ্ডেয়ের পরমাধুর প্রয়োজন ।

### ষষ্ঠ পরিচ্ছেদ ।

#### সূর্য্য ও চন্দ্র ।

শিষ্য । সূর্য্য, চন্দ্র, গ্রহ, তারকা ও অষ্টবসু প্রভৃতিকে মান-বের ভাগ্য-বিধাতা বলা যাইতে পারে । ইঁহারা কোন্ পদার্থ ? পাশ্চাত্য-বিজ্ঞান-মুতে চন্দ্র সূর্য্য প্রভৃতি জড় পদার্থ ভিন্ন আর কিছুই নহে ।

গুরু । নাম, রূপ প্রভৃতি ঘুচাইয়া এই অনন্ত বৈচিত্র্যময়ী প্রকৃতির বিষয় ভাবিতে গেলে, দিশেহারা হইয়া পড়িতে হয় । পাশ্চাত্য দার্শনিকগণ কেবল জড়ের আলোচনাতে নিরত আছেন, তাঁহারা জড়েরই পরিচয় অবগত হইতে পারেন । কিন্তু এখনও



বহিঃপ্রকৃতির তত্ত্ব নিরাকরণেও তাঁহারা সম্পূর্ণ অনভিজ্ঞ রহিয়াছেন, সন্দেহ নাই। এইত তোমার পাশ্চাত্য দার্শনিকগণের এত যত্নাদির পরীক্ষা, এত সাধের গৌরবাত্মক সাহকার লাফালাফি,—এই ৫৬ টি মূল ভূতের অমুসন্ধান,—যাহা তোমরা পাঠ করিয়া বলিতে, হিন্দু ঋষিগণ সেকালে—সকল ভূতের অবিকারে সক্ষম হয় নই—হিন্দু ঋষিরা বলিয়া গিয়াছেন, এক অপরা শক্তি হইতে পঞ্চ মহাভূতের উৎপত্তি হইয়াছে,—সেই পঞ্চভূতের হাতেই বিশ্ব-ব্রহ্মাণ্ড গঠিত। কিন্তু এতদিন পাশ্চাত্য বৈজ্ঞানিকগণ লক্ষ্য রাখিয়া বলিয়াছিলেন,—ভুল ভুল হিন্দুদের মহাভুল, মূলভূত পাঁচটি নহে, ছাশ্চাত্তি। অমনি আমাদের পাশ্চাত্য-শিক্ষাদৃষ্ট বাবুগণ বলিলেন,—কি লজ্জা, কি পরিতাপের বিষয়। আমরা এমন ভুলের বংশেই জন্মগ্রহণ করিয়াছি—ছাশ্চাত্তি ভূতের স্থলে পাঁচটি ভূত! ইহারাই আমাদের জ্ঞানী পূর্ব পুরুষ!

কিন্তু পাশ্চাত্য দার্শনিকগণের ভুল ভাঙ্গিল,—অসত্য বাহির হইয়া পড়িল। একজন পাশ্চাত্য পণ্ডিত বলিয়া দিলেন,—না, না, হিন্দু মতই সর্বত্র সমীচীন,—রসায়নোক্ত মূল ভূত সকল যে এক অদ্বিতীয় ভূতের পরিণাম মাত্র, বিজ্ঞানের এই কল্পনা একদিন সত্যে পরিণত হইবে। \* বিজ্ঞানের এই কল্পনা বৈজ্ঞানিক-প্রবর সার উইলিয়ম ক্রুকস মহোদয় অতি অদ্ভুত প্রতিভাবলে বাস্তবে পরিণত করিয়াছেন। তিনি সিদ্ধান্ত করিয়াছেন যে, রসায়নোক্ত ছাশ্চাত্তি মূলভূত (Elements) প্রকৃত প্রস্তাবে এক অদ্বিতীয় মূল ভূতেরই পরিণতি মাত্র। রাসায়নিক এতদিন যাহাকে পরমাণু বলিতেন, তাহা বস্তুতঃ পরমাণু নহে। তাহা এই

মূল মহাভূতের ( প্রকৃষ্ণ যাহার নামকরণ করিয়াছেন Protyle ) পরমাণু পুঞ্জের সংহনজনিত ফলভূতি । ফলকথা,—চন্দ্র বল, সূর্য্য বল, গ্রহ নক্ষত্র যাহা কিছু বল,—সকলেই সেই এক মূল প্রকৃতির সূক্ষ্মতমা শক্তি । সমস্ত দেবতার কথা পৃথক্ পৃথক্ করিয়া বলিতে গেলে, বড় 'অধিক বিষয় বলিতে হয়,—আর প্রত্যেক শক্তি-তত্ত্ব বুঝিবার ক্ষমতাও আমাদের অতিশয় অল্প । মোটের উপরে, দেবতা-তত্ত্ব সম্বন্ধে পূর্বে যাহা বলিয়াছি, তাহাতে চিন্তার পথ পরিষ্কৃত করা হইয়াছে,—শক্তি-তত্ত্ব চিন্তনীয় ; অতএব, সেই সূত্র ধরিয়া দেবতা-তত্ত্ব সম্বন্ধে চিন্তা করিলে, সকলেরই মূল তত্ত্ব হৃদয়ঙ্গম হইতে পারিবে ।

সূর্য্যদেবতা সম্বন্ধে যাহা জিজ্ঞাসা করিতেছিলে,—কিন্তু তুমি বোধ হয়, অবগত আছ যে, আমাদের এই পৃথিবী সৌর মণ্ডলের একটি অনতিবৃহৎ গ্রহমাত্র । অর্থাৎ সূর্য্যকে প্রদক্ষিণ করিয়া যে সকল গ্রহ আবর্তিত হইতেছে, পৃথিবী তাহাদিগের মধ্যে অন্ততম । পৃথিবীর ত্রাতৃস্থানীয় আরও সাত আটটি গ্রহ আছে,—মঙ্গল, বুধ, বৃহস্পতি প্রভৃতি । কোন কোন গ্রহের আবার উপগ্রহ আছে ; যেমন পৃথিবীর উপগ্রহ চন্দ্র । কে বলিবে, এই সকল গ্রহ উপগ্রহ, সজীব প্রাণীবৃন্দের আবাসভূমি নহে ? খুব সম্ভব, এই গ্রহ-উপগ্রহে নানাশ্রেণীর জীব জন্তুর সহিত তাহাদের অনেক বিষয়ে প্রভেদ । সম্ভবতঃ তাহারা সম্পূর্ণই বিভিন্ন । অতএব, পৃথিবীর বৈচিত্র্যের সহিত যদি অন্যান্য গ্রহ উপগ্রহের বৈচিত্র্য একযোগে ভাবা যায়, তবে তাহা কতই সুবিশাল হইয়া পড়ে !

সূর্য্য বলিতে যিনি জগৎ সংসার সমস্ত প্রসব করেন । এই

জন্ম সূর্যকে সবিতা ও ভর্গ কহে । আমরা যাহা দেখিতে পাই, তাহা সূর্যের বাহ্যংশ,—বাহ্যংশ জড়েরই প্রতিক্রম বলিয়া জড়চক্ষুতে প্রতীয়মান হইবে, তাহতে আর সন্দেহ কি ! কিন্তু হিন্দু, যোগের সূক্ষ্মচক্ষুতে দর্শন করিয়া যাহা স্থির করিয়াছেন, তাহা কতকটা এই প্রকারে বুঝা যাইতে পারে ।

সূর্যের ভাব ও তত্ত্ব সম্বন্ধে শাস্ত্রে লিখিত হইয়ছে,—

আদিত্যাস্তর্গতং যচ্চ জ্যোতির্বাং জ্যোতিরুত্তমং ।

হৃদয়ে সর্বভূতানাং জীবভূতঃ স তিষ্ঠতি ।

হৃদব্যোমি তপতি হেয বাহ্য সূর্যস্য চাস্তরে ।

অগ্নৌ বা ধূমকেতৌ চ জ্যোতির্শিচ্ছকরঞ্চ যৎ ॥

প্রাণিনাং হৃদয়ে জীবরূপতয়া য এব ভর্গস্তিষ্ঠতি ।

স এব আকাশে আদিত্যমধ্যে পুরুষরূপয়া বিদ্যতে ।

যাজ্ঞবল্ক্য সংহিতা ।

“যে জ্যোতির প্রভাব সমস্ত তামসিকভাব দূর হয়, সেই সকল জ্যোতিঃশ্রেষ্ঠ বস্তু তাঁহাকে আদিত্যের অন্তর্গত বলিয়া ভাবিতে হয় ; তিনিই সকল জীব-জগতের হৃদয়-আকাশে চেতয়িতা হইয়া বাস করেন । বাহ্য সূর্যের অন্তরে যে জ্যোতিঃ আকাশে প্রকাশ হয়, সেই জ্যোতিঃ, হৃদয়-আকাশে জীবের অন্তরেও প্রকাশিত থাকে । তাঁহারই জ্যোতিঃ, কি অগ্নি, কি ধূমকেতু, কি নক্ষত্রাদিতে উজ্জ্বল হইয়া আছে । যে ভর্গ দেবতা প্রাণিগণের হৃদয়ে জীবরূপে অর্থাৎ চেতয়িতা রূপে আছেন, তিনিই বাহ্য-জগতের অন্তরে বিরাট পুরুষরূপে থাকিয়া জগতকে সচেতন করেন ।

সূর্যের ধ্যান এই প্রকারেই হইয়া থাকে । এই ধ্যান যে,

কোন জড়বস্তুকে লক্ষ্য করে নাই, তাহা বোধ হয় আর বুঝাইয়া দিতে হইবে না। জ্যোতিঃ বলিতে অগ্নির দীপ্তি বলিয়া বোধ হয় তুমি ভাব নাই;—যেহেতু অগ্নি প্রভৃতি হইতে আলোক প্রকাশ হইয়া যেমন জড় অন্ধকার বিনাশ করে, এবং বহুদূর বিস্তৃত হয়, তদ্রূপ ঈশ্বরের চৈতন্য-সত্ত্বা জগতের অচেতনত্ব বিনাশ করিয়া সচেতন করে বলিয়া তাহার নাম জ্যোতিঃ অর্থাৎ উজ্জ্বল। শাস্ত্রে আছে,—

দীপ্যতে ক্রীড়তে যন্মাজ্জোচতে দ্যোততে দিবি ।

যাজ্ঞবল্ক্য সংহিতা ।

“যে সত্ত্বা, অজ্জ্বল বা অচেতন বস্তু সচেতন করে, ক্রীড়ার উপযুক্ত করে,—যাহার ক্ষমতায় উজ্জ্বলতা ও শোভা প্রকাশ পায়, তাহাকেই দীপ্তি বা জ্যোতিঃ কহে।”

এই তেজোরূপ ব্রহ্মজ্যোতিঃ না বলিয়া অন্য কিছুও ভাবা যাইতে পারিত। সেই আশঙ্কা দূরীকরণ মানসে শাস্ত্র বলিতে—

ব্রাহ্মতে দীপ্যতে যন্মাৎ জগদন্তে হরতাপি ।

কালাগ্নিরূপমাহায় সপ্তার্চিঃ সপ্তরশ্মিতিঃ ।

যাজ্ঞবল্ক্য সংহিতা ।

“যে তেজঃ হইতে এই জগৎ অর্থাৎ জড়ভাব শোভিত বা বর্ধিত ও সচেতন হয়, এবং অস্তে হৃত হইয়া থাকে, সেই সপ্তার্চি ও সপ্ত রশ্মিযুক্ত সত্ত্বা কালরূপী অগ্নির স্তায় রূপধারণ করে।”

এই যে তেজের সপ্তার্চির কথা বলা হইল, ইহাই প্রকৃদীপাস্ত-গত প্রকৃৎকহিত অগ্নিদেবতা। অতএব, শূন্য, অগ্নি প্রভৃতি

সংজ্ঞা যে একমাত্র ব্রহ্ম বস্তু বোধক, তাহাতে আর কোন সংশয় নাই ।

প্লক্ষ্বদ্বীপবাসিগণ সূর্য্যকে যেভাবে ধ্যান করেন, তাহা বৈদিক মন্ত্রস্বরূপ । সামবেদে তাহার পুনঃ পুনঃ উল্লেখ আছে । ঐ ব্রহ্ম-ভাবীর সূর্য্যদেবকে বিষ্ণু অর্থাৎ সর্বাঙ্কুর্য্যামী মহাপুরুষ বলিয়া উল্লেখ করা হইয়াছে । সিদ্ধি অমুভব ধর্ম,—এবং সাধনাই অমুষ্ঠান ধর্ম ।

শিবা । আপনি প্লক্ষ্ববাসীজনগণের কথা উল্লেখ করিয়া গেলেন, আমি তাহা কিন্তু কিছুই বুঝিতে পারি নাই ।

গুরু । যুব সম্ভব, তাঁহারা সূর্য্যালোকবাসী হইতে পারেন । শাস্ত্রে তাঁহাদের এইরূপ বর্ণনা আছে,—

“এই সপ্ত বর্ষে সাতটি পর্বত ও সাতটি নদীও আছে । ইহা চির প্রসিদ্ধ । এই পর্বত সাতটির নাম,—মণিকুট, বজ্রকুট, ইন্দ্রেন, জ্যোতিমান, সুবর্ণ, হিরণ্যগ্ধ্রী ও মেঘমালা । নদী-সমূহের মধ্যে অরুণা, নৃমনা, আন্ধিরসী, সাবিত্রী, সুপ্রভাতা, ঋতসুরা ও সত্যসুরা এই সাতটি প্রধান ।

এই স্থানেও বাহুজগতের স্তরে চারিবর্ষের বাস আছে । হংস, পতঙ্গ, উর্ধ্বনয়ন ও সত্যঙ্গ ঐ চারিটিবর্ষের নাম । উহারা সকলেই দেবতার স্তায় সুদৃশ্য ও সহস্রায়ু ;—তাঁহারা সকলেই নদীতে স্নান ও উহাদের জলস্পর্শ করিয়া রোগ ও তমোগুণ বর্জিত হইয়া পবিত্র থাকেন । তাঁহারা স্বর্গবাসীর সমান হইয়াও সর্বদা ব্রহ্মবিগ্লাময় হইয়া বেদের অমুষ্ঠাতা আত্মারূপী সূর্য্যকে উপাসনা করিয়া থাকেন ।

এই প্লক্ষ্বাদি পঞ্চবর্ষে তাঁহারা বাস করেন, সেই পুরুষগণের

আয়ু অতি দীর্ঘস্থায়ী । স্বাধীন ইন্দ্রিয় অর্থাৎ বিষয়-সম্পর্কহীন । তাঁহাদের মনের বল, দেহের বল, ও ধৈর্য্যবল এবং বুদ্ধি ও বীৰ্য্য অতিশয় তীক্ষ্ণ । বিশেষতঃ অগ্নিমাди সিদ্ধিসমূহ তাঁহাদের অন্তরে স্বভাবতঃ অকুণ্ঠিতভাবে বর্তমান আছে । \*

শাস্ত্রের মতে চন্দ্রলোকেও বাহুজগতের ণ্ডায় চারিবর্ণের লোক বাস করেন । তাঁহাদের ঐ চারিবর্ণের নাম যথা,— ঋতিধর, বীৰ্য্যধর, বসুন্ধর এবং ইষুন্ধর । এই চারিশ্রেণীর প্রজাই যিনি আত্মা বা বেদময় চন্দ্ররূপী ব্রহ্ম ; তাঁহাকে ধ্যান করেন ।

তাঁহারা যে মন্ত্রে চন্দ্রের উপাসনা করেন, তাহা এইরূপ,—

“যিনি আপনার রশ্মি-তেজে কৃষ্ণ ও শুক্ল সময় প্রকাশ করিয়া দেবগণের ও পিতৃগণের তর্পণের বা অন্নদানের সময় স্থির করিয়া দিয়াছেন, সেই সোমদেব আমাদের ণ্ডায় সকল প্রজার রাজা হউন ।”

শিষ্য । আপনি বলিয়াছিলেন, বাহুজগতের ণ্ডায় জীবের হৃদয়ে ইন্দ্রিয়াধিষ্ঠাতৃ দেবতারূপে সমস্ত দেবতাই বর্তমান আছেন,—জগতের সর্বত্রই তাঁহারা আছেন । চন্দ্র-সূর্য্যাদি দেবতা কি ভাবে জীবদেহের কোথায় কোথায় অবস্থিত আছেন, অনুগ্রহ করিয়া তাহা আমাকে বলুন ।

গুরু । দেহমধ্যে যে ছয়টি চক্র বা পথ আছে, তাহার মূলাধার চক্রকে শাস্ত্রে জম্বুদ্বীপ বলিয়া বর্ণনা করা হইয়াছে । আর মণিপুর চক্রকে প্রাণ্ডুক্ত পল্লবদ্বীপ বলা হইয়াছে । মণিপুর চক্রে অগ্নির বাস । যথা,—

\* ঐমতানুসারে ; পঞ্চম বক্র ।



তস্যোর্কে নাভিমূলে দশদল বিলসিতে পূর্ণমেঘপ্রকাশে ।  
নীলাস্তোত্র প্রকাশৈরুপকৃতজঠরে ভাষিকাস্তৈঃ সচস্ত্রৈঃ ॥  
ধ্যায়ৈদেবদ্বানরস্যাক্ষণমিহির সমং মণ্ডলং তত্রিকোণং ।  
তদ্বাহে স্বস্তিক্যাঐখান্দিভিরভিলষিতং তত্র বহুঃ সবীজং ॥

“মূলধারাদির উর্কে নাভিমূলে একটি পথ আছে, তাহার দশটি পত্র ঘনমেঘের স্থায় নীলবর্ণ ; ঐ দশপত্র জঠরের উপকার সাধন করে । পত্রগুলির ভ-কার হইতে ক-কার পর্যন্ত চন্দ্রবিন্দু সংযুক্তবর্ষে নামকরণ করা হইয়াছে । তথায় ত্রিকোণ মণ্ডলের মধ্যে প্রাতঃসূর্যের স্থায় শিথলজ্যোতির্ময় অগ্নিদেবকে ধ্যান করিবে । ঐ ত্রিকোণমণ্ডলের স্বস্তিকাদিক্রমে তিনটি দ্বার আছে ।”

যদিপূর নামক যে দেহাংশের কথা বলা হইল ; উহার দশপত্র দশটি প্রাণ বলিয়া বুঝিতে হইবে । ঐ স্থান হইতে তেজ প্রাণাদির চেষ্টা মতে দেহের সর্বত্র সক্রিয় হয় । ঐ তিন দ্বারের মধ্যে একটিতে রস গ্রহণ, একটিতে রসাদির সঞ্চরণ, আর একটিতে মলমূত্রাদির বিকারের নিঃসরণ হইয়া থাকে ।

যে প্রকৃষ্টিপের কথা পূর্বে বলা হইয়াছে, উহা উদরস্থ বৃহৎ নাড়ী । ঐ নাড়ীর শাখা প্রশাখা আছে ;—তাহারা রস রক্ত লইয়া দেহের সর্বত্র সঞ্চারিত করিয়া দেয় । জীবদেহের কণ্ঠ স্থানকে প্রকৃষ্টিপ বলা হয় । তন্মধ্যে উহার নাম বিশুদ্ধ চক্র । ঐ স্থানে যে সকল শক্তি ও চৈতন্য কর্তমান আছে, সাধকের পক্ষে তাহা মোক্ষ প্রদানকারী, এবং সত্ত্বগুণের উদ্রেককারী । অধো হইতে সমস্ত স্থান জয় করিয়া মনকে ভাবের প্রকাশক বিশুদ্ধ চক্রস্থানে আনিয়া বিশুদ্ধ করিয়া থাকেন ; এই জন্ত এই স্থানের সমধিক মাহাত্ম্য কীর্তিত হইয়াছে । যে সকল নদী ও

পৰ্বতাদির কথা বলা হইয়াছে, তাহারা চৈতন্যবহা নাড়ী । শাস্ত্রে বলিতেছেন,—

সুধাসিন্ধোঃ শুদ্ধা নিবসতি কমলে শাকিনী পীতবস্ত্রা ।

শরান্চাপং পাশং শৃণিমপি দধতী হস্তপদ্মৈশ্চতুর্ভিঃ ॥

সুধাংশোঃ সম্পূর্ণং শশপরিরহিতং মণ্ডলং কর্ণিকায়াম্ ।

মহামোক্ক্ষদ্বারং স্থিরমভিমতং শালশুদ্ধেন্দ্রিয়স্য ॥

কণ্ঠদেশস্থিত বিশুদ্ধ চক্রে—সুধাসাগরের ঞায় অতি বিশুদ্ধা-পীতবস্ত্রা শাকিনী শক্তি আছেন। তাঁহার চারি হাতে শর, ধনু, পাশ এবং অক্ষুশ আছে। সেই পদ্ম-কর্ণিকার মধ্যে শশচিহ্ন শূন্য অর্থাৎ অকলঙ্ক পূর্ণচন্দ্র সুধাংশু বিস্তার করিয়া বিরাজ করিতেছেন। যোগিগণ এই স্থানকে মোক্ষের দ্বার বলিয়া অবগত হইলেন।

সূর্য্য আকর্ষণ করিয়া ক্ষয় ও বর্ধন করেন; চন্দ্র তাহাদের অভাব পূরণ করেন। এই বিশুদ্ধ চক্রস্থ শাকিনীশক্তি জীবের কুভাব দমনার্থ সশস্ত্রে বিরাজমানা,—আর চক্রের গলিত সুধা, তাঁহার ভাবের পরিপুষ্টি করিতেছে। এই চক্রে রশ্মি পূর্ণতা সাধন করে বলিয়া ঐহারা ভাবের সাধক, তাঁহারা পূর্ণিমায় অর্থাৎ ভাবের পূর্ণবিকাশে দেবতার পূজা করিয়া থাকেন, আর কৃষ্ণা তিথিতে যখন ভাবের হ্রাস হয়, তখনই পিতৃগণের রূপা ভিক্ষার্থে তাঁহাদের পূজা করিয়া থাকেন। মাতৃ-পিতৃ স্বরূপশক্তি সনাতনী কালীর পূজা তাই অমাবস্তায় হইয়া থাকে।

## সপ্তম পরিচ্ছেদ ।

গ্রহ, নক্ষত্র ও অষ্টবসু প্রভৃতি ।

শিষ্য । পাশ্চাত্য বিজ্ঞানযতে গ্রহগণ অচেতন জড়পিণ্ড বলিয়া ব্যাখ্যাত হইয়াছে । কিন্তু আমাদের শাস্ত্রে সেই গ্রহগণ চৈতন্য-সম্বাপূর্ণ ও মানবের ভাগ্য-বিধাতা বলিয়া বর্ণিত হইয়াছে,— ইহার তাৎপর্যার্থ কি, আমি বুঝিতে পারি না ।

গুরু । জগতে জড় বলিয়া যাহা আছে, তাহাও চৈতন্য-সম্বা বিহীন নহে । চৈতন্য-সম্বা বিহীন হইলে, তোমাদের পাশ্চাত্য বৈজ্ঞানিকের ক্রমবিবর্তন বাদটা আদৌ তিষ্ঠিতে পারে না । কেন না, ক্রমবিবর্তন জড়ের হইবার সম্ভব নাই,—জড়ের কোন ক্রিয়া নাই । ক্রিয়াশূন্যতাইত জড় ! জড়ের মধ্যেও চৈতন্য-সম্বা থাকে, তবে কোথাও কম, কোথাও অধিক ।

পাশ্চাত্য জড়বিজ্ঞানবাদিগণ জড়তত্ত্বের আলোচনা করিয়া, জড়তত্ত্বেরই কিয়ৎপরিমাণে অল্পসন্ধান প্রাপ্ত হইয়াছেন,—সূক্ষ্মের বা চৈতন্যের অল্পসন্ধান কিছুমাত্রই প্রাপ্ত হয়েন নাই । সূক্ষ্ম-তাত্ত্বিক যোগী না হইলে, এ সকল সূক্ষ্মতত্ত্বের সন্ধান মিলে না ।

তুমি কি মনে কর যে, কবে চন্দ্র সূর্যের গ্রহণ হইবে, কোন্ দণ্ডে কোন্ মুহূর্ত্তে গ্রহণ হইবে,—এবং কোন্ মুহূর্ত্তে কোন্ দিকে কিরূপ গ্রাস হইয়া যোক হইবে, ইহা যাহারা বিজ্ঞানবলে প্রথমা-বিধারে সক্ষম হইয়াছিলেন,—তাহারাই আবার এতদূর ভ্রান্ত ছিলেন যে, মিছামিছি গ্রহগণের ক্রিয়াশক্তি বিশ্বাস করিয়া

গিয়াছেন? তোমার আমার বা রামা শামা কিম্বা ইন্দ্র পিতৃ ইহাদের মস্তিষ্ক হইতে যে, তাঁহাদের মস্তিষ্ক অত্যন্ত মূল্যবান্ ছিল, তাহাতে আর সন্দেহ মাত্র নাই ।

গ্রহগণ যত দূরদেশে এবং যে ভাবেই অবস্থান করুন,—যে অনন্ত ব্যোম সকলের সবকৈই নিকটবর্তী করিয়া দূরত্ব নাশ করিয়া থাকে, সেই ব্যোমতত্ত্ব এখানেও আমাদের ভাগ্যে গ্রহ-গণের দূরত্ব-বহুত্ব বিনষ্ট করিয়া দেয় । আর যেমন জড়জগতে জড়াধিষ্ঠিত দেবশক্তি অপরিবর্তনশীলনিয়মক্রমে কার্য্য করিয়া যাইতেছেন, গ্রহাধিষ্ঠাতৃদেবতাগণও তদ্রূপ মানব-ভাগ্যের উপরে—তথা জড়জগতের উপরে কার্য্য করিয়া চলিতেছেন ।

এখনও কি পরীক্ষা করিয়া দেখা যায় না যে, বৃহস্পতির সঞ্চার হইলে, নিশ্চয়ই বৃষ্টি হইয়া থাকে । অমাবস্তায় গন্ধার জোয়ার ভাটা খেলিয়া থাকে, সিংহরাশিতে সূর্য্যগত হইবার সময় বৃষ্টি অনিবার্য্য,—এ সকল দেখিয়া শুনিয়াও কি বৃষ্টিতে পারা যায় না যে, গ্রহের বাহ্যভাগ জড়পিণ্ড হইলেও তাহার অস্তরে চৈতন্য-সত্ত্বা কার্য্য করিয়া থাকে, অথবা জগতে আপন আপন শক্তি-প্রভাব বিস্তার করিয়া থাকে ।

প্রাকৃত জগতে যেমন গ্রহের শক্তি প্রকাশ ; মানব-ভাগ্যেও তদ্রূপ গ্রহ-শক্তির কার্য্য হইয়া থাকে । যেমন ঋতু বিশেষে বা ঋতুর পরিবর্তনে বাহ্যপ্রকৃতির ভাগ্য-জীবন পরিবর্তন হইয়া যায়, তদ্রূপ গ্রহের পরিবর্তনেও মানব-ভাগ্যের পরিবর্তন ঘটিয়া থাকে । ঋতু বিশেষের পরিবর্তনে যেমন বাহ্যপ্রকৃতির সুখ দুঃখ আসিয়া থাকে, অর্থাৎ শীতের কুহেলিকায় বিষন্নমুখী প্রকৃতি আবার বসন্তের আগমনে প্রফুল্লমুখী হয়,—এই যেমন

পরিবর্তন, আমাদেরও তদ্রূপ গ্রহবিশেষের পরিবর্তনে সুখ দুঃখাদির পরিবর্তন ঘটয়া থাকে ।

শিষ্য । যদি গ্রহের পরিবর্তনেই আমাদের সুখ দুঃখের পরিবর্তন হয়, তবে কর্মফলটা বাদ পড়িয়া যায়

গুরু । কর্মফল লইয়াই গ্রহ,—যাহার যেমন কর্মফল, তাহার তেমনি রাশি-নক্ষত্রাদিতে জন্ম হয় ;—গ্রহাদিরও সেইরূপ ভাবে সঞ্চারণ হইয়া থাকে । স্বাস্থ্যাস্থ্য বল, সুখ দুঃখ বল, মান অপমান বল,—সমস্তই গ্রহের ফলে । কর্মফল অনুসারেই গ্রহ-গণ সেইরূপ অদৃষ্টাকাশে সঞ্চারণ করেন ।

শিষ্য । বিরুদ্ধগ্রহের শাস্তি-স্বস্ত্যয়ন করিলে নাকি, দুঃখ বা ব্যাধি প্রভৃতির আক্রোশ হইতে রক্ষা পাওয়া যায় ? শাস্ত্রে ঐরূপ আছে ।

গুরু । শাস্ত্র-বাক্য মিথ্যা নহে ; নিশ্চয়ই তাহা ঘটয়া থাকে ।

শিষ্য । আবার ভ্রমের অন্ধকারে পড়িলাম ।

গুরু । কেন ?

শিষ্য । যাহা কর্মফলে ঘটবে, তাহার গতিরোধ করিবার ক্ষমতা কাহারও আছে কি ?

গুরু । নিশ্চয়ই আছে । ভুলিয়া যাও, ঐত দোষ । পুরুষ-কার বলিয়া একটা জিনিষ আছে,—সেই পুরুষকারের সাধনাই দেবতা ও আরাধনা । দেবতা আরাধনায় পুরুষকার লাভ হয়, পুরুষকারের বলে কর্ম-সংস্কার বা কর্মফল সম্পূর্ণরূপে না হউক, তাহার প্রবল গতিকে রুদ্ধ করা যাইতে পারে ।

শিষ্য । বুঝিলাম । নক্ষত্র সকলও কি ঐ প্রকার ?

গুরু । নক্ষত্রেরও অধিদেবতা ও প্রত্যাদিদেবতা আছেন ।

শাস্ত্রমতে তাঁহাদিগের আরাধনা করিলে, পুরুষকারের সাধনাই হইয়া থাকে ।

শিষ্য । অষ্টবসু কি কি ?

গুরু । দ্রোণ, প্রাণ, ধ্রুব, অর্ক, অগ্নি, দোষ, শম্বু, বিভাবসু ;—এই অষ্টবসু । ইহারাও জগতের ক্রিয়াশক্তি ।

শিষ্য । দক্ষপ্রজাপতি হইতে দেবতাগণের উৎপত্তি । দক্ষপ্রজাপতি কি,—আর তাঁহার দ্বারা কি প্রকারেই বা দেববংশের উৎপত্তি হইয়াছে,—তাঁহার তাৎপর্য্যই বা কি, অল্পগ্রহ করিয়া আমাকে তাহা বলুন ।

গুরু । সমস্ত দেবতার কথা বিষদভাবে আলোচনা করিতে গেলে, অনেক সময়ের কাজ, সন্দেহ নাই । তবে মোটামুটি কতকগুলি জানিয়া রাখিতে চেষ্টা কর,—সেই সূত্র অবলম্বন করিয়া অস্তান্ত দেবতাতত্ত্ব বুঝিবার চেষ্টা নিজে করিও ।

## অষ্টম পরিচ্ছেদ ।

### দক্ষপ্রজাপতি ও তদ্বংশ ।

শিষ্য । দক্ষপ্রজাপতি ও তাঁহা কর্তৃক সৃষ্টির বিষয়টি একবার বর্ণনা করুন ।

গুরু । ভগবান্ বিশ্বসৃষ্টির ইচ্ছা করিলে ঘেরূপে ক্রমে ক্রমে দৈবীসৃষ্টি পর্য্যন্ত সম্পন্ন হইয়াছিল, তাহা তোমাকে বলিয়াছি, তৎপরে প্রজাসৃষ্টির জন্ত প্রজাপতিগণের সৃষ্টি হয়,—দক্ষও এক



জন প্রজাপতি । দক্ষ সৃষ্টি করেন, কিন্তু কেহই সংসারে আসক্ত হয় না । সকলেই ভগবানের উপাসনা জন্ত নিষ্কাম ব্রত অবলম্বন করেন । বলা বাহুল্য, তখনও যৌন সম্বন্ধ হয় নাই । প্রজাপতি ঋষিদিগকে সৃজন করিতেছিলেন, মানসেই তাঁহারা সৃষ্ট হইতেছিলেন । কিন্তু সৃষ্টপুত্রাদিকে সংসারে আসক্ত করিতে না পারায় প্রজাপতি দক্ষ চিন্তাকুলিত হইলেন,—এবং কি প্রকারে সৃষ্ট প্রজাগণকে সংসারে আসক্তির বাঁধনে বাঁধা যাইতে পারে, তাহা জানিবার জন্ত এবং সেই ক্ষমতা লাভ করিবার জন্ত কঠোর তপস্বী আরাধা করিলেন । ইহা স্বায়ম্ভুব মন্বন্তরের কথা ।

দক্ষের তপঃপ্রভাবে ও স্তবে তুষ্ট হইয়া ভগবান্ আবির্ভূত হইয়া কহিলেন,—“হে প্রচেতানন্দন দক্ষ ! তুমি অক্ষাপূর্বক আমাকে ভক্তি করিতে শিথিয়াছ ; অতএব তোমার তপস্বী সিদ্ধ হইয়াছে । তুমি প্রজাবৃদ্ধি করিবার নিমিত্ত তপস্বী করিয়াছ ; তাহাতে আমি তোমার প্রতি প্রসন্ন হইয়াছি । প্রজার বৃদ্ধি হয়, ইহা আমারও ইচ্ছা । ব্রহ্মা, ভব, তোমরা, মনুগণ ও প্রধান প্রধান দেবগণ আমার বিভূতি । তোমরা প্রাণীদিগের উৎপত্তির কারণ ;—তপস্বী আমার হৃদয় ; বিদ্যা ( মন্ত্র জপ ) আমার দেহ, ক্রিয়া আমার আকৃতি, সুসিদ্ধ যজ্ঞ সকল আমার ভিন্ন ভিন্ন অঙ্গ, ধর্ম আমার মন, এবং যজ্ঞভোজী দেবগণ আমার প্রাণ । সর্বপ্রথমে সর্বত্র আমিই চিৎস্বরূপে বর্তমান ছিলাম । আমিই গৃহ, এবং আমিই গ্রাহক ছিলাম । আমি ভিন্ন আর কিছুই ছিল না । তৎকালে আমার ইন্দ্রিয়-বৃত্তি প্রকাশ পায় নাই ;—সুতরাং আমি যেন নিদ্রিত ছিলাম । আমি নিজে অনন্ত, এবং আমার গুণও অনন্ত । গুণের সাহচর্য্যে আমার যে গুণময় শরীর

হইয়াছিল, সেই শরীরই আদ্য, জন্ম রহিত স্বয়ম্ভু ব্রহ্মা । আমার বীৰ্য্য-সম্ভূত সেই দেব-দেবশ্রেষ্ঠ ব্রহ্মা সৃষ্টি করিতে গিয়া যখন আপনাকে সেই বিষয়ে অসমর্থ বলিয়া বুদ্ধিতে পারিলেন, তখন আমি উঁহাকে বলিয়াছিলাম, তপস্শা কর । বিভূ, সেই তপস্শা ষারাই তোমাদের নয়জন বিশ্বশ্রষ্টাকে সৃষ্টি করেন । হে দক্ষ ! পঞ্চজন নামক প্রজাপতির অসিক্লী নামে এক পরমা রূপবতী ছুহিতা আছে ; তুমি তাহাকে গ্রহণ করিয়া ভাৰ্য্যা কর । স্ত্রী-পুরুষের পরস্পর রমণেচ্ছারূপ ধৰ্ম্ম তোমার ধৰ্ম্ম ;—সেই রমণীরও ধৰ্ম্ম । অতএব তুমি তাহার গর্ভে অনেক সন্তান উৎপাদন করিতে পারিবে । যৌন সম্বন্ধে উদ্ভূত বলিয়া এবং আমার মায়া হেতু তাহারা স্ত্রী-পুরুষে সংযুক্ত হইয়া বৃদ্ধি পাইবে এবং আমার পূজা করিবে ।

বিশ্বভাবন ভগবান্ হরি, এই কথা বলিয়া স্বপ্নানুভূত বিষয়ের স্মার দক্ষের সমক্ষে সেই স্থানেই অস্তহিত হইলেন ।

শক্তিশালী দক্ষ, হরির মায়ায় বর্দ্ধিত হইয়া সেই পঞ্চজন-নন্দিনীর গর্ভে হৰ্য্যশ্ব নামক দশ সহস্র পুত্র উৎপাদন করিলেন । তাঁহার ও অযুত পুত্রের সকলেরই স্বভাবও ধৰ্ম্ম একই প্রকারের হইল । তাঁহারা প্রজাসৃষ্টি করিবার নিমিত্ত পিতার আদেশ প্রাপ্ত হইয়া পশ্চিম দিকে গমন করিলেন । সেই স্থানে নারায়ণ-সরঃ নামে এক প্রধান তীর্থ আছে । ঐ তীর্থ সিন্ধু-সমুদ্রের সহিত মিলিত হইয়াছে । বহু তপস্বী মুনি ও সিদ্ধগণ তথায় বাস করেন । উহার জলস্পর্শ করিবামাত্র দক্ষের তনয়গণের চিত্ত হইতে রাগাদি মল ধৌত হইয়া গেল ; এবং পরমহংসীর ধৰ্ম্মে তাঁহাদিগের মতি হইল । তাঁহারা পিতার আজ্ঞানুসারে প্রজাবৃদ্ধি করিবার

নিমিত্ত ইন্দ্রিয় ও আসনাদি জয় করিয়া কঠোর তপস্যায় শ্রবৃত্ত হইলেন । ইতিমধ্যে একদিন দেবর্ষি নারদ আসিয়া দেখিলেন, তাঁহারা এইরূপে তপস্যা করিতেছেন । দেখিয়া ঋষি কহিলেন, হে হর্যাস্বগণ ! তোমরা পাবক বট, কিন্তু পৃথিবীর অস্ত-দর্শন কর নাই, সুতরাং অজ্ঞ ; অতএব কি প্রকারে প্রজা সৃষ্টি করিতে পারিবে ? তোমরা পণ্ডিত বট, কিন্তু এক রাজ্যে আছে, যাহাতে একমাত্র পুরুষ ; এক বিল আছে, যাহা হইতে কাহাকেও বহির্গত হইতে দেখা যায় নাই ; এক স্ত্রী আছে, যাহার নানাবিধ রূপ ; এক পুরুষ আছেন, যিনি পুংশলীর স্বামী ; এক নদী আছে, যাহার উভয় দিকই প্রবাহিত ; এক গৃহ আছে, যাহা পঞ্চবিংশতিপদার্থে বিনির্মিত ; এক হংস আছে, যে সুমধুর ধ্বনি করে ; এবং এক বস্তু আছে, যাহা বজ্র ও ক্ষুর দ্বারা বিরচিত ও স্বয়ং ভ্রমণশীল । তোমরা এই সকল দর্শন কর নাই, আর তোমাদিগের পিতার আজ্ঞা তোমাদিগের কর্তব্য কি না, তাহাও জ্ঞাত নহ । অতএব, কি প্রকারে প্রজা সৃষ্টি করিবে ?

হর্যাস্বগণ দেবর্ষির এই কূটবাক্য শ্রবণ করিয়া, স্বভাবতঃ বিচার শক্তি সম্পন্ন বুদ্ধি দ্বারা আপনাপনিই অর্থ বিচার করিতে লাগিলেন ;—জীব নামক অনাদি লিঙ্গ শরীরই পৃথিবী ; তাহার “অস্ত” অর্থাৎ নাশ না দেখিয়া মোক্ষের অধুপযোগী কার্যের অন্বেষণ করিয়া কি ফল দর্শিবে ? ঈশ্বর একমাত্র ; তিনি সকলের সাক্ষী ; সকলের শ্রেষ্ঠ ; এবং আপনাতেই অবস্থিত । পুরুষ সেই নিত্যমুক্ত ঈশ্বরকে না জানিয়া যে সকল কৰ্ম্ম করে, তাহার কোনটিই ঈশ্বরে সমর্পিত নহে ; অতএব সে সকল কৰ্ম্মে কি হইবে ? যেরূপ পাতালে প্রবেশ করিলে, বহির্গত হওয়া যায়

না, সেইরূপ জ্যোতিঃস্বরূপ ব্রহ্মে লীন হইলে আর কিরিয়া আসিতে হয় না ; পুরুষ সেই ব্রহ্মকে না জানিয়া স্বর্গাদি প্রাপ্তির আশয়ে যে সকল কার্যের অনুষ্ঠান করে, সে সকল কার্যের কি ফল দেখিবে ? পুরুষের নিজ নিজ বুদ্ধি রজঃ প্রভৃতি গুণের সহিত সংশ্লিষ্ট । উহা পুংশলীর ণায় পুরুষের মোহ উৎপাদন করে । পুরুষ উহার অন্ত না জানিয়া যে সকল নিষ্ঠুর কার্যের অনুষ্ঠান করে, তাহার কি ফল দর্শিবে ? যেরূপ ছুটা ভাষ্যাকে বিবাহ করিয়া পুরুষের স্বাধীনতা নষ্ট হয়, সেইরূপ বুদ্ধির সংসর্গে জীবের স্বাভাব্য দূরীভূত হয় । তিনি তখন বুদ্ধির অবস্থাভূত সুখ দুঃখাদি ভোগ করেন । পুরুষ এই জীবকে জানিতে না পারিয়া যে সকল কার্য করে, সে সমুদয় বুদ্ধির বিচার করিয়া করা হয় না ; অতএব সে কৰ্ম্মে কি ফল দর্শিবে ? উৎপত্তি ও ধ্বংসকারী মায়াই নদী । জলপতিত ব্যক্তি যে স্থান দিয়া উত্থান করিবে, সেই স্থানেই নদীর বেগ অধিক । মানুষ ঐ নদীতে মগ্ন ; সুতরাং বিবশ হইয়াই কার্য করিয়া থাকে ।— সে সমুদয়ই মায়াময় । সে কৰ্ম্মে কি হইবে ? অন্তর্ধ্যামী পুরুষ পঞ্চবিংশতি তত্ত্বের অদ্ভুত আশ্রয় । মানুষ সেই কার্য-কারণের অধিষ্ঠাতা পুরুষকে না জানিয়া বৃথা স্বাভাব্য অবলম্বন পূর্বক যে সকল কার্য করে, তাহাতে কি ফল দর্শিবে ? ঈশ্বর প্রতিপাদক জ্ঞান ঘন বস্তুর প্রকাশক, এবং মোক্ষও বন্ধনের উপদেশক শাস্ত্র না জানিয়া মানুষ যে সকল কার্য করে, সে সমুদয়ই বাহ্যিক ; তাদৃশ কৰ্ম্মে কি হইতে পারে ? ভ্রমণশীল তীক্ষ্ণ কালচক্র সর্বজগৎ আকর্ষণ করিয়া স্বয়ং ভ্রমণ করিতেছে ; এই চক্রকে না জানিয়া পুরুষ যে সকল কার্য করে, সে সকল কেবল

কর্ম করিব বলিয়াই করা হয় ; অতএব তাহার কি ফল হইবে ? শাস্ত্রই আমাদিগের পিতা ; কর্ম করিতে নিষেধ করাই তাঁহার আজ্ঞা । যে ব্যক্তি সেই আজ্ঞা না জানিয়া গুণ-ময় প্রবৃত্তি-মার্গে রত হয়, সে কিরূপে আজ্ঞানুরূপ কার্য করিতে সমর্থ হইবে ?

হর্যাস্বগণ এইরূপ নিশ্চয় করিয়া ঐক্যমত অবলম্বন পূর্বক নারদকে প্রদক্ষিণ করতঃ সেই পথে গমন করিলেন,—যে পথে গেলে আর ফিরিতে হয় না । ঋষিও হরি-পাদপদ্ম-গুণগানে চিত্তকে সম্পূর্ণরূপে নিবিষ্ট করিয়া পুনর্বার পর্যটন করিতে আরম্ভ করিলেন । তদীয় সঙ্গীতে কেশবের চরণাঙ্কুশ যেন সাক্ষাৎ প্রকাশিত হইল ।

এদিকে নারদ হইতে সংপুল্লগণের বিনাশ হইয়াছে, শ্রবণ করতঃ দক্ষ ক্রোধ প্রাপ্ত হইলেন, কিন্তু ব্রহ্মার অনুমোদনে সৃষ্টি কামনার পুনর্বার পঞ্চজনীর গর্ভে সবলাশ্বনাম সহস্র পুল উৎপাদন করিলেন, এবং তাঁহাদিগকে প্রভাসৃষ্টি করিতে অনুজ্ঞা করিলেন ।

তাঁহারা পিতৃ-আদেশ মতে ব্রতধারী হইয়া নারায়ণ সরোবরে তপস্কার্থ গমন করিলেন । তীর্থ-জলস্পর্শে পবিত্রচিত্ত ও প্রজা-কামী হইয়া তপস্কা করিতেছিলেন, ইত্যবসরে নারদ তথায় আগমন করতঃ পূর্বের ন্যায় তাঁহাদিগকেও নিকাম-পথে লইয়া যোগমার্গে ব্রহ্ম-সাক্ষাৎকার লাভ করাইলেন । সবলাশ্বগণ জ্যেষ্ঠেরা যে সমীচীন ও প্রত্যক্‌বৃত্তি \* লভ্য পথে গমন করিয়া ছিলেন, তাঁহারাও সেই পথে গমন করিলেন ।

এই পুল্লগণের দ্বারাও প্রজা হইল না, এবং নারদ তাহাদিগকে বিনাশ করিয়াছেন, জানিতে পারিয়া দক্ষ নারদকে যথো-

\* যোগপ্রভেদ, — অস্তঃকরণের বৃত্তি বিশেষ



চিত ভৎসনা করিলেন ও সৃষ্টি-কার্য-বিষয়ে হতাশ হইয়া ব্রহ্মার পরামর্শ গ্রহণ করিলেন ।

ব্রহ্মা বলিলেন, তুমি কতকগুলি কন্যার জন্ম প্রদান কর । সেই কন্যাগণের বাহু-জালে দেবতাগণকে বাঁধিয়া তাহাদিগের দ্বারা যে সকল শক্তির উদ্ভব হইবে, তাহারা মানুষকে রমণীর মুখ-সুন্দায় বাঁধিয়া ফেলিবে । এতদ্ভিন্ন প্রজা সৃষ্টির আর অন্য উপায় দেখা যাইতেছে না ।

অতঃপর প্রচেতা-নন্দন দক্ষ ব্রহ্মার পরামর্শ মতে অসিক্কানাম্না ভার্য্যার উদরে ষষ্টিকন্যার উৎপাদন করেন । কন্যাগণ সকলেই দেবতাকে ভাল বাসিতেন । দক্ষ, ঐ ষষ্টি কন্যার মধ্যে ধর্ম্মকে দশ, কণ্ডপকে ত্রয়োদশ, চন্দ্রকে সপ্তবিংশতি, ভূতকে দুই, অঙ্গি-রাকে দুই, কুশাশ্বকে দুই, এবং তাক্ষ্যকে অবশিষ্ট চারি কন্যা সম্প্রদান করিয়াছিলেন ।

এই কন্যাগণে আসক্ত হইয়া দেবতাগণ যে সকল সম্ভান উৎপাদন করিলেন, তাহারা আবার রমণীর রূপের আসক্তি লইয়া জন্ম গ্রহণ করিল, ক্রমে আসক্তিতে জগৎ পূর্ণ হইয়া উঠিল ।

তোমাকে বলাই বাহুল্য যে, এই বংশ সমস্তই প্রাকৃতিক শক্তি সমূহের বিস্তৃতি । এই শক্তি-সাহচর্য্যে জগতের কামনা বাসনা এবং আসক্তি । দক্ষ, রজোগুণের আদর্শ কন্ধ্যাভিমাত্রী শক্তিস্বরূপ । সেই দক্ষ হইতে সম্ভারূপে যে সকল পুত্রাদির উৎপত্তি হইল, তাহারা শক্তি-সংযোগ ব্যতীত কার্য্যকর হইতে পারে না,—এই জন্ম নিষ্কাম পথ দেখান হইল । উহার প্রকৃত তাৎপর্য্য এই যে, শক্তিব্যতীত কোন সম্ভার ক্রিয়া হয় না । তাহারা প্রকাশ মাত্রেই—নিষ্কামধর্ম্ম অবলম্বন করিয়া থাকে ।



উপাখ্যানছলে এস্থলে দেখান হইল যে, দক্ষের মত কৰ্ম্মা-  
সক্তের পুত্রও যদি নিকামভাব অবলম্বন করে, এবং সদগুরু প্রাপ্ত  
হয়, তবে কৰ্ম্মাসক্তি পরিত্যাগ পূৰ্ব্বক নিকাম পথ অবলম্বন করিতে  
পারে। এই সঙ্ঘাস্বরূপ পুত্রগণের কৰ্ম্মে সংযোগ হইল না বলিয়া,  
আসক্তি স্বরূপা কন্ঠাগণের উৎপত্তি, বাস্তবিক কামিনীগণই  
জীবকে বাধিবার মুখ্য অস্ত্র স্বরূপা।

এক্ষণে সেই আসক্তিরূপিণী শক্তিগণ ধৰ্ম্ম, কণ্ঠপ, চন্দ্র, ভূত,  
অঙ্গিরা, কুশাশ্ব এবং তাক্ষ নামক ছয় প্রজাপতি অর্থাৎ, প্রবৃত্তি  
মার্গের ছয় অধ্যাত্মস্বভাবকে দান করিলেন। অর্থাৎ কৰ্ম্মাসক্তি-  
গণের সহিত উক্ত ছয় কৰ্ম্ম স্বভাবের মিলন করাইলেন। ঐ কন্ঠা-  
রূপিণী আসক্তিগণের মধ্যে দশটি প্রধান আসক্তির সংযোগ হয়।  
ঐ দশ প্রবৃত্তির শক্তির সহিত প্রবৃত্তি-ধৰ্ম্ম জীব জগতে আধ্যাত্মিক  
শক্তি সমূহের প্রকাশ করিতে থাকিলেন।

ধৰ্ম্ম বলিতে এখানে প্রাকৃতিক ধৰ্ম্ম। এই ধৰ্ম্মের প্রথম পত্নীর  
নাম ভানু,—ভানুকে বিজ্ঞান-শক্তি বলে। সেই বিজ্ঞান-শক্তি  
হইতে ঋষভদেব বা সত্য প্রকাশক জ্ঞানের উৎপত্তি, এবং তাহা  
হইতে ইন্দ্রাসন বা ইন্দ্রিয়ের রাজা মনের উৎপত্তি হয়। \*

আকর্ষণ শক্তিকে লক্ষ্য বলা হইয়াছে। ঐ আকর্ষণ-বিকর্ষণ  
হইতে ভূত জগতের ক্রিয়া স্বরূপ বিদ্যোত অর্থাৎ আলোক নামক  
অধ্যাত্মতেজের উদ্ভব। বিদ্যোত অর্থে, যে শক্তি ভৌতিক আক-  
র্ষণাদিতে সক্রিয়,—যাহাকে তাড়িৎ শক্তি বলে। উহা হইতে

\* ইহার বিস্তৃত বাখ্যা মহাভারতের আদিপর্বে নীলকণ্ঠের টীকায়  
সমালোচিত হইয়াছে।

স্বনয়িত্ব বা বিদ্যৎ অথবা ঘর্ষণগ্নির জন্ম । ধর্মের তৃতীয় পত্নী ককুদের সহযোগে কীকট এবং তাহা হইতে দুর্গাভিমান দেবতা, এবং যামীর সংযোগে স্বর্গ ও নন্দী প্রভৃতির জন্ম হয় । ককুদ শব্দে আনন্দদাত্রী বা আনন্দ-শক্তি । সেই আনন্দ-শক্তি হইতে সংসার-দুর্গের কার্য-শক্তি, স্বরূপ ইন্দ্রাদি দেবতার উৎপত্তি । যামী শব্দে নিবৃত্তি শক্তি,—তাহা হইতে স্বর্গ অর্থাৎ পুণ্য এবং নন্দী অর্থাৎ পরমানন্দ লাভ হয় । বিশ্বা শব্দে উদ্ভব শক্তি । উদ্ভব শক্তির সংযোগে সমস্ত জীবোবধির উদ্ভবের ক্ষমতা লাভ হয় । এই দেবতাদের অনুভবের জন্য প্রতি যজ্ঞাদি কার্যে ইঁহাদের নাম শ্রুতি প্রভৃতি শাস্ত্রে আছে ।

সাধ্যানামী ধর্মকন্টার প্রকৃত তাৎপর্য সাধনা । তাহা হইতে সাধনোপায় স্বরূপ সাধ্য দেবতাগণের উৎপত্তি । ঐ সাধনোপায় হইতে আট ( ফল ) এবং সিদ্ধির উৎপত্তি হইয়াছে । মরুত্বতী শব্দে যজ্ঞবিস্তারকারিণী শক্তি অর্থাৎ সাধু ইচ্ছা । তাহা হইতে যজ্ঞ-দেবতা বা মরুত্বান্গণের (সাধুসকল্লের) এবং জয়ন্তের (বৈরাগ্যের) উৎপত্তি হইয়াছে । এই বৈরাগ্যই মুক্তিদাতা । মুহূর্ত্তে মুহূর্ত্তে যে শক্তি জীবের মনোগতির চালনা করে, তাহার নাম মুহূর্ত্তা,— তিনিও ধর্মের পত্নী । তাহা হইতে কর্মফল বা সংস্কার লাভ হয় । সংকল্প অর্থে, জীবের বাসনা । তাহা হইতে সংকল্পের প্রকাশ । সংকল্প হইতে কাঁম বা বাসনার জন্ম । বসু শব্দে মঙ্গল । ধর্মের বসু নামী পত্নী হইতে আটটি মঙ্গলবৃত্তি—যাহাদের দ্বারা সংসারের আহারাদি পঞ্চস্বভাবের উদয় হয়,—তাহাদের প্রকাশ হইয়াছিল । এই অষ্ট বসুর শক্তি সংযোগে যে সকল বৃত্তির স্ফুরণ হয়, তাহা জীবের কল্যাণদ শক্তি ।

ধর্মপত্নী স্বরূপা বসু নামী আধ্যাত্মিক ক্রিয়া প্রকাশিকা শক্তি হইতে অষ্টবসু স্বরূপ প্রাণিবৃত্তির প্রকাশ হয়। যে সকল শক্তি বৃত্তি-দ্বারা জীবের সূক্ষ্ম দেহ কর্মময় থাকে, তাহারাই অষ্টবসু নামে পুরাণে কথিত হইয়াছে। মন-প্রধান-ক্রিয়া-শক্তির নাম দ্রোণ ;—অভিমান, সেই দ্রোণ-শক্তি হইতে জীবদেহে প্রকাশিত হয়। অভিমান হইতেই জীবের মনে কখনও আনন্দ, কখনও দুঃখ, কখনও ভয়, এবং কখনও ঘেষের উদয় হইয়া থাকে। সূক্ষ্ম শরীরে ভৌতিক অভাব পূরণার্থে যে শক্তি বর্তমান থাকে তাহাকে প্রাণ বলে। ঐ প্রাণ উজ্জ্বলী তেজের সহিত মিলিত হইয়া সহ, আয়ু ও পুরোজব বা সাহসের উৎপাদন করে। বুদ্ধির সহিত মনের সম্মিলন-শক্তিকে ক্রব বা নিশ্চয়তা কহে। কেহ কেহ বিবেকও বলেন। নিশ্চয়তা, ধরণী পৃথ্বীশক্তির সহিত মিলিয়া বাসনা-মতে জীবের বহুরূপী দেহ প্রকাশ করে।

অর্থ শব্দে সংস্কার বুঝায় ;—তাহা হইতে বাসনার প্রকাশ হয়। বাসনা হইতে অভিলাষ বা তৃষ্ণাদির এবং ভোগাদির উদয় হইয়া থাকে। জ্ঞানকে অগ্নি বলা হইয়া থাকে। ধরা অর্থে বিচার শক্তি বলিয়া শাস্ত্রে উল্লেখ হইয়াছে। অগ্নি ও ধরার সংযোগে দ্রবির অর্থাৎ ভোগ ও স্কন্ধ বা কার্যের প্রকাশ হয়। ঐ স্কন্ধ হইতে বিশাখাদি নক্ষত্রের উৎপত্তি বলিতে দেহের প্রাণ বুদ্ধি নক্ষত্রানুসারে উপস্থিত হয়। দোষ শব্দে বিজ্ঞান ব্যবস্থা ;—তাহা হইতে ভক্তিরূপী শর্করী, এবং এতদুভয়ের সংযোগে ভাবতত্ত্বরূপা শিশু মদনের উদ্ভব। বস্তু বলিতে চির সঞ্চিত কর্ম। তাহাতে আঙ্গিরসী অর্থাৎ অনুষ্ঠান সংযুক্ত হইলে, স্মৃতি-ক্ষমতা স্বরূপ বা স্বভাব-ক্ষমতা স্বরূপ বিশ্বকর্মার উদ্ভব হয়।

এই স্বাভাবিক ক্ষমতা হইতে চাক্ষুষ মন্বন্তরের অধিপতি মনু, বিদ্যা ও বুদ্ধি সহযোগে প্রকাশ করেন ।

বিভাবস্তু বলিতে সূর্যের স্বরূপতেজ,—তাহার প্রথম উষা-সন্মিলন হইতে ব্যুৎপন্ন প্রাতঃ, রোচিষ, অপরাহ্ন এবং আতপ মধ্যাহ্নের প্রকাশ হয় । ঐ আতপ হইতে পঞ্চমামী দিবাভাগের উদয় হয় । পঞ্চমাম বলিতে প্রত্যুষ, প্রভাত, মধ্যাহ্ন, অপরাহ্ন, ও প্রদোষ, এই পঞ্চমামেই জীবগণ নিজ নিজ অদৃষ্ট কর্ম করিতে জাগ্রত থাকে ।

এইরূপে জগতের সৃষ্টি হইয়াছিল । ইহাকেই দৈবীসৃষ্টি বলা যাইতে পারে । ইহার পরে, অন্তান্ত সৃষ্টির কথা যাহা বলা হইল,—তাহা ক্রমে স্থূল সৃষ্টি । সময়ান্নতা প্রযুক্ত সে সকলের বিস্তৃত ব্যাখ্যা করা অতিশয় অসম্ভব ।



## পঞ্চম অধ্যায় ।

### প্রথম পরিচ্ছেদ ।

#### দুর্গাশক্তি ।

শিষ্য । দেবতা-তত্ত্ব কতকটা আপনার রূপায় বুঝিতে পারিলাম । কিন্তু আপনি যে সকল দেবতার কথা বলিলেন, তাহা সূক্ষ্ম দেবশক্তিই বটে,—আমরা নিত্য যে সকল দেবতার পূজা করিয়া থাকি, যাহাদিগের পূজোৎসবে সমগ্র হিন্দু এক-প্রাণে, এক মনে, এক কার্যে ব্রতী হয়, আমাকে সেই দেব-দেবী-তত্ত্ব একটু বুঝাইয়া দিন । যে সকল দেবতার আমরা মূর্তি গড়াইয়া বস্ত্রালঙ্কারে সাজাইয়া গোছাইয়া পূজা করিয়া থাকি,—যে সকল দেবতার প্রতিমা দেখিয়া বিধর্ম্মিগণ আমাদের ধর্ম্মকে পৌত্তলিকতা ( Idolatry ) বলিয়া বিক্রম করিয়া থাকেন,—সেই সকল দেব-প্রতিমা সম্বন্ধে আমি কিছু শুনিতে বাসনা করি ।

শুরু । বিদেশীয় বিধর্ম্মিগণ হিন্দু ধর্ম্মের মাহাত্ম্য ও হিন্দুধর্ম্মের সূক্ষ্মাতিসূক্ষ্ম ভাব হৃদয়ঙ্গম করিতে পারেন না বলিয়াই ঐরূপে

ব্যাখ্যা করিয়া থাকেন । হিন্দুদিগের ( Idolatry ) নহে, উহা  
স্বল্প দার্শনিকের ( Symbolism ) বলিয়া জানিও ।

শিষ্য । এখন তাহা বুঝিতে পারিয়া কৃতার্থ হইতেছি ।  
এক্ষণে আমাকে আমাদের প্রচলিত পূজাপদ্ধতির অন্তর্গত দেব-  
দেবীর আধ্যাত্মিকতা বুঝাইয়া দিয়া কৃতার্থ করুন ।

গুরু । শুনিয়া আশ্চর্য্যান্বিত হইলাম যে, দেবদেবীর  
আধ্যাত্মিকতায় বুঝাইতে হইবে । কলির মানবের হাতে পড়িয়া  
দেবদেবীর আরও কতরূপে বিশ্লেষণ-যন্ত্রে নিষ্পেষিত হইতে হইবে ।  
কি জানিতে চাহিতেছ, বল ?

শিষ্য । মনে করুন, দুর্গোৎসব । দুর্গোৎসবে সমগ্র বঙ্গের  
সমগ্র হিন্দু একপ্রাণে এক উৎসবে মাতিয়া উঠে । কোটি  
কোটি টাকা ব্যয়িত হয়,—সমগ্র বঙ্গ জুড়িয়া একটি আনন্দের  
তরঙ্গ অবিচ্ছিন্নভাবে বহিতে থাকে,—কিন্তু আমরা জানি না,—  
অনেকেই জানে না যে, আমরা কাহার আরাধনা কেন করিতেছি ।  
ইহা করিলে আমাদের কি উপকার আছে । অমুগ্রহ করিয়া  
বলুন, দুর্গা কি ;—তাঁহার দশ ভুজ কেন, তিনি অমুর বিনাশে  
যুদ্ধে নিমগ্না কেন ?

গুরু । ব্রহ্মাণ্ডে যাহা শক্তি,—সেই সমষ্টি শক্তিই দশভুজা  
দুর্গা । দশভুজা দুর্গার উৎপত্তির উপাখ্যানটি অবগত আছ কি ?

শিষ্য । ভালরূপ জানি না,—আপনি অমুগ্রহ করিয়া  
একবার বলুন ।

গুরু । পুরাকালে স্বায়ম্ভুব মনুর অন্তরে দেবীর আবির্ভাব  
হয় । কেন ও কিরূপে তিনি আবির্ভূতা হইলেন, তাহা তোমাকে  
গুনাইতেছি ।



মহারাজ সুরথ একদিন মহামুনি মেধসকে এই দেবীর কথা জিজ্ঞাসা করিয়াছিলেন। রাজা জিজ্ঞাসা করিয়াছিলেন,—

ভগবন্ কা হি সা দেবী মহামায়েতি বাৎ ভবান্ ।

ত্রবীতি কথমুৎপন্ন সা কৰ্ম্মাস্তাশ্চ কিং বিজ ।

বৎ স্বভাবা চ সা দেবী বৎ স্বরূপা যদ্বস্তবা ।

তৎ সৰ্ব্বং শ্রোতুমিচ্ছামি ভত্তো ব্রহ্মবিদাংবর ॥

“ভগবন্! আপনি যে মহামায়ার কথা ব্যক্ত করিলেন, সেই দেবী কে? কিরূপে তাঁহার উৎপত্তি, এবং তাঁহার কৰ্ম্মই বা কি? হে ব্রহ্মজ্ঞ পুরুষ! তাঁহার স্বভাব কিরূপ, এবং স্বরূপই বা কি? তৎ সমস্ত আমি আপনার নিকট শ্রবণ করিতে ইচ্ছা করি।”

সুরথ কর্তৃক এইরূপ জিজ্ঞাসিত হইয়া প্রজ্ঞাশীল ঋষি মেধস বলিলেন,—

নিত্যৈব সা জগন্মূৰ্ত্তি স্তয়া সৰ্ব্বমিদং ততম্ ।

তথাপি তৎ সমুৎপত্তিবর্হধা জয়তাং মম ॥

দেবানাং কার্য্য সিদ্ধার্থ্য নাবিভিভবতি সা বদ ।

উৎপন্নৈতি তদা লোকে সা নিত্যাপ্যভিধীয়তে ॥

“সেই মহামায়া নিত্যা, তিনি বিশ্বরূপিণী। এই সমস্ত বিশ্ব তাঁহা হইতে উৎপন্ন হইয়াছে; তথাপি লোকে তাঁহার উৎপত্তির বিষয় বর্ণনা করিয়া থাকে; তাহা আবার বহু প্রকার। উহা আমি তোমায় বলিতেছি, শ্রবণ কর।”

“দেবগণের কার্য্য সিদ্ধার্থে যখন তিনি প্রকাশমানা হইলেন, তখনই লোকে তাঁহাকে “উৎপন্ন” বলিয়া বর্ণনা করে, কিন্তু তিনি নিত্যা।”

শিষ্য । দেবতাগণের কার্য কি,—এবং দশভূজা হুর্গা তাহা কি প্রকারেই বা সিদ্ধ করিয়াছিলেন ?

গুরু । দেবতা কি, তাহা তোমাকে পূর্বেই বলিয়াছি । পুণ্যশক্তি ও পাপশক্তির সংগ্রাম অনিবার্য ; এই সংগ্রামে কখনও দেবতা জয়ী, কখনও অসুর জয়ী । যখন দেবতা পরাভূত হইয়েন, তখন অসুর জয়ী হয়,—জগৎ পুণ্যের পরিবর্তে পাপ-শক্তিতে ভাসিয়া পড়ে । দেবগণ হীনশক্তি হইয়া পড়েন,—তখন পুণ্য-শক্তি রক্ষার জন্য এই মহাশক্তির আবির্ভাব হয় ।

“পুরাকালে যখন মহিষাসুর দৈত্যদিগের অধিপতি এবং পুরন্দর নামক ইন্দ্র দেবগণের রাজা হইয়াছিলেন, তখন পূর্ণ একশত বৎসর পর্যন্ত দেবাসুরে সংগ্রাম হইয়াছিল । এই যুদ্ধে মহাবীৰ্য্যবান্ অসুরগণ কর্তৃক দেবগণ ও দেবসৈন্য সকল পরাভূত হইলে, মহিষাসুর দেবতাদিগকে জয় করতঃ ইন্দ্রত্বপদ গ্রহণ করে ।

তাহাতে পরাভূত দেবগণ পদ্মযোনি ব্রহ্মাকে সহায় করিয়া, তাঁহার সহিত হরি-হর-সন্নিধানে গমন করেন । এবং মহিষাসুর অমরবৃন্দকে পরাজয় করিয়া তাঁহাদের প্রতি যেক্রপ অত্যাচার করিতেছে, তৎসমস্ত আত্মপূর্ব্বিক হরি-হরের গোচরে নিবেদন করিলেন । সেই মহিষাসুর এক্ষণে নিজে সূর্য্য, ইন্দ্র, অগ্নি, বায়ু, চন্দ্র, যম, বরুণ ও অন্যান্য দেবতা সকলের অধিকার গ্রহণ করিয়াছেন ।

সেই ছুরায়া মহিষাসুর কর্তৃক দেবগণ স্বর্গ হইতে দূরীকৃত হইয়া মর্ত্যলোকে মনুষ্যদিগের স্তায় বিচরণ করিতেছেন । আশ্রয়

সেই দেবারির চেণ্ডা-চরিত্র ঘটাবধ আপনাদের নিকট নিবেদন করিলাম, এবং প্রণয় হইয়া আপনাদের শরণাপন্ন হইলাম। কৃপাপূর্বক সেই অশুরের বধোপায় চিন্তা করুন।

দেবগণের মুখে এই সকল বৃত্তান্ত শ্রবণ করিয়া শিব ও বিষ্ণু, ক্রোধান্বিত হইলেন, এবং তাঁহাদের বদনমণ্ডল ক্রকুটি-ভঙ্গি দ্বারা কুটিল হইয়া উঠিল। তাহাতে অতিশয় কোপযুক্ত বিধি, বিষ্ণু ও শিবের মুখমণ্ডল হইতে মহাতেজ সকল নির্গত হইল।

সেই সময়ে ইন্দ্রাদি দেবগণেরও দেহ হইতে মহত্তেজোরাশি বিনিষ্ক্রান্ত হইয়া একত্রিত হইল। তখন দেবগণ দেখিতে পাইলেন, ঐ তেজঃপুঞ্জ নিজশিখা দ্বারা দিগ্ভাণ্ডল পরিব্যাপ্ত করিয়া জ্বলন্ত পর্বতের স্থায় হইয়া উঠিল।

তারপর, সেই সুরগণের শরীর বিনির্গত একত্রীভূত অল্পম তেজঃপুঞ্জ নারীরূপে পরিণত হইল। আর সেই ছ্যতি দ্বারা ত্রিলোক পরিব্যাপ্ত হইয়া উঠিল। শঙ্করের তেজ হইতে সেই স্ত্রীর মুখমণ্ডল প্রকটিত হইল। আর যমের তেজে কেশ ও বিষ্ণুর তেজে বাহুদ্বয় প্রকাশ পাইল। চন্দ্রের তেজে স্তনযুগল, ইন্দ্র-তেজে কটিদেশ, বরুণের তেজে অস্ত্রা ও উরুদেশ এবং ধরণীর তেজোদ্বারা নিতম্ব বিনর্মিত হইল।

ব্রহ্মার তেজ হইতে পাদদ্বয়, সূর্য্যতেজে, পদাঙ্গুলি সকল, বসুগণের তেজ হইতে হস্তদ্বয়ের দশাঙ্গুলি ও কুবেরের তেজঃ প্রভাবে নাসিকা বিকশিত হইল। আর দক্ষাদি প্রজাপতিগণের তেজ হইতে দশনসমূহ এবং অনলের তেজে ত্রিনয়ন উৎপন্ন হইল। সন্ধ্যার তেজে ক্রয়ুগল, বায়ুর তেজ হইতে কর্ণদ্বয় এবং অকাশ অমরবৃন্দের তেজঃপ্রভাবে শিবের অপরায়ণ অবয়ব সমুদয়

সমুদ্র হর । অনন্তর মহিষাসুর কর্তৃক প্রপাতিত দেবতাগণের ভেদঃপূঞ্জ হইতে সমুৎপন্ন দেবীকে দর্শন করিয়া পঙ্কমাহলাদিত হইলেন ।

আর, পিনাকধারী ত্রিপুরারি শূল হইতে অন্ত শূল নির্গত করতঃ সেই দেবীকে প্রদান করিলেন । কৃষ্ণ ও স্বীয় চক্র হইতে সমুৎপন্ন অন্ত এক চক্র তাঁহাকে প্রদান করিলেন ।

সমুদ্র শব্দ, এবং অগ্নি শক্তি দান করিলেন । পবনদেব ধনু ও বাণপূর্ণ ভূগীর প্রদান করিলেন । দেবাধিপতি সহস্রলোচন ইন্দ্র, ঐরাবত হইতে ঘণ্টা, নিজ বজ্র হইতে আর এক বজ্র উৎপাদন করতঃ তাহাও দেবীকে সম্প্রদান করেন । বসু কাল দণ্ড, ও বরুণ পাশ অস্ত্র সমর্পণ করিলেন । প্রজাপতি ব্রহ্মা অক্ষমালা ও কমণ্ডলু প্রদান করিলেন ।

দিবাকর দেবীর সমস্ত রোমকূপে আপন কিরণ দিলেন, এবং কাল, ধনু ও নির্খলচর্মের বর্ষ দান করিলেন । কীরাদ সাগর বিমল হার,—অবিনয়র অম্বর, দিব্য মুকুট, কুণ্ডল, বলয়, গুল্ল অর্জচন্দ্র, সমস্ত বাহুবুষণ, কেয়ুর, নির্খল সুপূরষর, উৎকৃষ্ট কণ্ঠ-ভূষণ এবং সমস্ত অঙ্গু লিতে রত্নাকুরীয়ক সকল প্রদান করিলেন ।

বিষ্ণুকর্মা অতি নির্খল কুঠার, অস্ত্রাণ্ড নানাপ্রকার অস্ত্র-শস্ত্র সকল এবং অভেদ্য কবচ দান করিলেন । জলনিধি, শিরোদেশে ও গলদেশে অমল কমলমালা এবং সুশোভন শতদল-হার অর্পণ করিলেন । হিমালয়, বাহনের অস্ত্র সিংহ এবং অশেষ ধনরত্ন প্রদান করিলেন, ও ধনাধিপতি কুবেরও সুরাপূর্ণ পানপাত্র প্রদান করিলেন ।

এই ধরণী-মণ্ডল-ধারণ-কর্তা সর্বনাগেশ্বর অনন্তদেব মহামণি-

বিভূষিত নাগহার দান করিলেন। তখন অসংখ্য দেবগণও  
বিবিধ অস্ত্র শস্ত্র ও নানাপ্রকার অলঙ্কার দান দ্বারা দেবীকে  
সম্মানিতা করিলে, তিনি মুহূর্হুঃ উচ্চনাদে অঃ অঃ হাঃ আঃ  
করিলেন। দেবীর সেই মহাভয়ানক হাঃশ্রবে সমস্ত নভোমণ্ডল  
পরিব্যাপ্ত হইল, এবং তাহা হইতে অতি মহান্ প্রতিধ্বনি সন্-  
স্থিত হইলে সমস্ত লোক বিচলিত হইল ;—আসন্ন ধরাধর  
সহিত ধরনী-মণ্ডল কাঁপিতে লাগিল। এই মহাভীষণনাদিনী  
মহামারা হইতে অসুরগণ নিশ্চয়ই ধ্বিনাশ প্রাপ্ত হইবে মনে করিয়া  
দেবতা সকল তখন মহোৎসবে সেই সিংহবাহিনী দেবীকে “দেবি !  
তোমার জয় হউক” বলিলেন,—মুনিগণ ভক্তি-অবনত কার-মনে  
দেবীকে স্তব স্তুতি করিতে লাগিলেন।” \*

এই দেবী কি,—তাহা তুমি বুঝিতে পারিয়াছ কি? সমস্ত  
দেব-শক্তির সমষ্টি শক্তি। শক্তি যখন ব্যষ্টিভাবে অবস্থিত, তখন  
নই দেবশক্তি—যার সমষ্টি অবস্থাগত যখন, তখনই মহাশক্তি  
মহামারা দশভুজা দুর্গা। দেবী মাহাশ্যে বলা হইয়াছে,—

“দেবি ! তুমি ভয়ঙ্করী, তুমি নিত্য, তুমি গৌরী ও জগদ্ধাত্রী।  
তোমাকে নমস্কার। তুমি জ্যোৎস্বাদারিনী, তুমি চন্দ্রমাশালিনী,  
এবং সুধ-স্বরূপা, তোমাকে বার বার নমস্কার। তুমি মঙ্গলময়ী,  
তুমি বুদ্ধিরূপা, তুমি সিদ্ধিরূপা, নতমস্তকে আমরা তোমাকে  
পুনঃ পুনঃ নমস্কার করি। তুমিই অলঙ্কারীরা,—আবার তুমিই  
রাজলক্ষ্মীরূপে বিরাজমানা; অতএব হে দেবি মাহেশ্বরী!  
তোমাকে বার বার নমস্কার।

হে দুর্গে ! তুমি নিতান্ত ছুরধিগম্যা, অথচ সঙ্কটবারিণী, তুমি দ্বারা অর্থাৎ ব্রহ্মরূপিণী, তুমি সকল কারণের কারণ, অর্থাৎ সর্ক-জননী, সুতরাং তুমিই সর্কশ্রেষ্ঠা ; এবং তুমি প্রতিষ্ঠা স্বরূপা ও তুমি কৃষ্ণবর্ণা ও কখন বা ধূম্রবর্ণা হইয়া থাক, অতএব তোমাকে নমস্কার ।

হে দেবি ! তুমি অতি সুন্দর হইতে পরমাসুন্দরী, আবার ভয়ঙ্করাও তুমি । অতএব, আমরা অবনতশিরে পুনঃপুনঃ তোমাকে নমস্কার করি । তুমি জগৎপ্রতিষ্ঠাকর্ত্রী, দেবরূপা এবং ক্রিয়াস্বরূপিণী, আমরা তোমাকে বার বার নমস্কার করি ।

যে দেবী সকল প্রাণীতে বিষ্ণুমায়ী অর্থাৎ মহামায়ী রূপে অধিষ্ঠিতা আছেন, সেই তুমি, তোমাকে আমরা পুনঃপুনঃ নমস্কার করিতেছি । যে দেবী সকল প্রাণীতে চেতনারূপে অবস্থিতি করিতেছেন, আমরা সেই দেবী অর্থাৎ তোমাকে বার বার নমস্কার করি । যে দেবী সমস্ত প্রাণীতে বুদ্ধিরূপে বিরাজমানা আছেন, সেই দেবী, তোমাকে পুনঃ পুনঃ নমস্কার করি ।

যে দেবী সকল প্রাণীতে নিদ্রারূপে অধিষ্ঠিতা, সেই দেবী তুমি, তোমাকে পুনঃ পুনঃ নমস্কার ।

যে দেবী সর্কপ্রাণীতে কুধারূপে, ছায়ারূপে ( অরিন্দ্র-স্বরূপে ) শক্তিরূপে ও ভঙ্করূপে অবস্থিতা আছেন, সেই দেবী তুমি ;—তোমাকে বার বার নমস্কার ।

যে দেবী সর্কজীবে কুমারূপে, জ্ঞাতিরূপে লজ্জারূপে ও শান্তি-রূপে অবস্থিতি করিতেছেন, তুমিই সেই দেবী ;—তোমাকে সয় বার নমস্কার ।

যিনি সকল প্রাণীর হৃদয়ে শক্তিরূপে বিরাজমানা আছেন,



সেই দেবী তুমি ;—তোমাকে বার বার নমস্কার । যে দেবী সর্বজীবে কান্তিরূপে, লক্ষীরূপে তৃপ্তিরূপে, স্মরণশক্তিরূপে বিস্ত-  
মান আছেন, সেই দেবী তুমি ;—তোমাকে বার বার নমস্কার ।

যে দেবী সকল প্রাণীর অস্তঃকরণে দয়্যারূপে বাস করিতেছেন,  
তৃপ্তিরূপে, মাতৃরূপে ও ভ্রাতৃরূপে অধিষ্ঠিতা আছেন, সেই দেবী  
তুমি ;—তোমাকে বার বার নমস্কার ।

যে দেবী ইন্দ্রিয়গ্রামের অধিষ্ঠাত্রী, ষাঁহার প্রভাবে, ইন্দ্রিয়  
সকল স্ব স্ব কার্যে ব্যাপৃত রহিয়াছে, এবং যিনি পৃথিবী, সলিল,  
তেজ, মরুৎ ও আকাশ এই পঞ্চভূতের অধিষ্ঠাত্রী দেবী, বিশেষতঃ  
যিনি সমস্ত প্রাণীতে ওতঃ প্রোতভাবে পরিব্যাপ্ত রহিয়াছেন,  
তুমিই সেই দেবী,—তোমাকে পুনঃ পুনঃ নমস্কার ।

যিনি নিজে জগৎ ব্যাপিয়া সমস্ত প্রাণীতে জীবাঙ্গারূপে  
বিরাজিত আছেন, সেই দেবী তুমি ; তোমাকে ভূয়োভূয়ঃ  
নমস্কার । \*”

শিষ্য । চৈতন্য পুরুষ ঈশ্বরই সর্বজীবে সমন্বিত,—তিনিই  
ত্রিজগৎব্যাপ্ত, ইহাই এতদিনে ধারণা হইয়া আসিয়াছে । বিশে-  
ষতঃ বিদেশীয়গণ এইরূপই বলেন,—এক্ষণে এই মহাশক্তিই সর্ব-  
ভূতে সমাশ্রিত ও জগৎ পরিচালিকা বলিয়া পরিচয় পাইতেছি ।  
বিদেশীয় পণ্ডিতগণ হয়ত, এই সকল কারণেই আমাদেরকে  
পৌত্তলিক বলিয়া থাকেন । আমরা সর্ব শক্তিমান এক ঈশ্বরের  
উপরে নির্ভর না করিয়া, আরও কতকগুলিকে তাঁহার অংশীদার  
করিয়া পূজা ও আরাধনা করিয়া থাকি ।

গুরু । পাশ্চাত্যগণ এখনও এ সকল ভঙ্গুর অনেকদূরে

অবস্থিত ; তাহা তোমাকে আগেই বলিয়াছি । তাঁহারা যেখানে জড়বিজ্ঞানের আলোচনার কিছু স্থির করিতে পারেন নাই,— সেই স্থানে মহাকণ্ঠে ঈশ্বরের উপর নির্ভর করিয়া নিশ্চিন্ত হইয়াছেন । পাশ্চাত্য বৈজ্ঞানিক, জগৎকে স্থূলভাবে দেখান ; সেই জন্ত তাঁহার দৃষ্টি স্থূলজগতেই সীমাবদ্ধ । জগতের যে সূক্ষ্ম, সূক্ষ্মতর ও সূক্ষ্মতম স্তর আছে, তাহা তিনি অবগত নহেন । তাঁহার মতে পদার্থের ঘন ( Solid ), তরল ( Liquid ) এবং বাষ্পীয় ( Gaseous ) এই তিনটি অবস্থা আছে । যেমন জলের তিন অবস্থা,—বাষ্প, জল, এবং বরফ । কেহ কেহ কার্যক্ৰমে আঞ্জি কালি পদার্থের আকাশীয় ( Etheric ) অবস্থাও স্বীকার করিতেছেন । কিন্তু ইহার উপর আর উঠিতে প্রস্তুত নহেন, বা সক্ষম নহেন । অথচ প্রাচীনেরা ক্ষিতি ( Solid ), অপ্ ( Liquid ), তেজ ( Gaseous ) ও মরুৎ ( Etheric ),—পদার্থের এই চারি অবস্থার উপরে মহাব্যোমের † উল্লেখ করিয়াছেন । আধ্যাত্মের স্থানে স্থানে ইহা অপেক্ষাও দুইটি সূক্ষ্মতর অবস্থার উল্লেখ আছে । সেই অবস্থাদ্বয়ের নাম অল্পপাদক ও আদি । অতএব, আধ্যাত্মবিদগণের মতে এই স্থূল জগতের (যাহার শাস্ত্রোক্ত নাম ভূলোক) পর পর সাতটি স্তর আছে । সেই স্তর কয়টির সূক্ষ্মতম হইতে যথাক্রমে নাম,—আদি, অল্পপাদক, আকাশ, বায়ু, অগ্নি, অপ্ ও পৃথিবী । এক এক স্তরের ভূত, এক একটি স্বতন্ত্র তত্ত্ব । এবং এক একটি তত্ত্বের গ্রহণোপযোগী আমাদের এক একটি স্বতন্ত্র ইন্দ্রিয় আছে । সেই সেই তত্ত্বের সংযোগে সেই সেই ইন্দ্রিয়ে যে

† ব্যোমকে ইহার বলিয়া যে স্থলে বর্ণনা করা হইয়াছে, তাহা ইংরেজী মতের সামঞ্জস্য রক্ষার জন্ত,—বস্তুতঃ ইহার মরুৎ পদার্থ ।

বিশেষ বিশেষ স্পন্দন উদ্ভূত হয়, আমরা যথাক্রমে তাহাদের নাম দিই,—গন্ধ, রস, রূপ, স্পর্শ ও শব্দ আদি ও অল্পপাদক তত্ত্বের গ্রহণোপযোগী ইন্দ্রিয় সাধারণ মানবে নাই। এক এক তত্ত্বের উপাদানভূত পরমাণুর পারিভাষিক সংজ্ঞা “তন্মাত্র”। পার্থিব পরমাণুর নাম গন্ধতন্মাত্র, জলীয় পরমাণুর নাম রসতন্মাত্র, তৈজস পরমাণুর নাম রূপতন্মাত্র, বায়বীয় পরমাণুর নাম স্পর্শ-তন্মাত্র, এবং আকাশীয় পরমাণুর নাম শব্দতন্মাত্র।

এ পর্যন্ত গেল স্থূল জগতের কথা,—ভূলোকের কথা। আর্য্যঋষিরা বলেন যে, এই ভূলোকের পর পর আরও ছয়টি লোক আছে। তাহারা ক্রমশঃ সূক্ষ্ম হইতে সূক্ষ্মতর—সূক্ষ্মতম। এই সপ্তলোকের নাম যথাক্রমে ভূঃ, ভুবঃ, স্বঃ, মহঃ, জনঃ, তপঃ ও সত্য। \* সপ্তলোকের প্রত্যেকেই ভৌতিক উপাদানে গঠিত;—পরস্পর কেবল স্থূল সূক্ষ্মের তারতম্য। প্রত্যেক লোকের আবার সাতটি করিয়া স্তর আছে। ভূলোকের সপ্তস্তরের কথা আগেই বলা হইয়াছে,—অপর ছয়লোকেরও এইরূপ সাতটি করিয়া স্তর আছে। ভূলোকের যাহা সূক্ষ্মতম স্তর—আদিতত্ত্ব, তাহাই পাশ্চাত্য বৈজ্ঞানিকের (Protyle) এই প্রোটাইল সম্বন্ধে তোমাকে সকল কথা আগেই বলিয়াছি)। অর্থাৎ ভূলোকের আদিতত্ত্ব সেই জগতের পরম পরমাণু (ultimate Atom) সেই লোকের অধিতীয় মহাভূত। সেই মূলতত্ত্বের সংহননেই নিম্নের অপরাপর ছয়স্তরের উপাদান গঠিত হয়। ভূলোকের যে আদি তত্ত্ব (protyle), তাহাই বিচিত্ররূপে সংহত হইয়া যথাক্রমে

\* এই সপ্তলোকের কথা “ঋগ্বেদসংহিতা” নামক পুস্তকে বিস্তৃতরূপে লিখিত হইয়াছে।

অনুপপাদকত্ব, শব্দতন্মাত্র ( আকাশতত্ত্ব ), স্পর্শতন্মাত্র ( বায়ু-  
তত্ত্ব, ) রূপতন্মাত্র ( তেজস্বতত্ত্ব ), রসতন্মাত্র ( অপ্তত্ত্ব ), ও  
গন্ধতন্মাত্র ( পৃথিবীতত্ত্ব ) উৎপন্ন করিয়াছে । কিন্তু প্রোটাইল  
ভুলেীকের আদিতত্ত্ব নহে । বস্তুতঃ ভুলেীকের আদিতত্ত্ব;  
ভুলেীকের স্মৃততম স্তর ( পৃথিবীতত্ত্ব ) হইত স্মূল । ভুলেীকের  
আদিতত্ত্বের তুলনার ভুলেীকের আদিতত্ত্ব পরম পরমাণু নহে ;  
কিন্তু ভুলেীকের আদিতত্ত্বের পরমাণুপুঞ্জের সংহনন জনিত ।  
ভুলেীক সম্বন্ধে যাহা বলা হইল, স্বঃ, মহঃ, জনঃ, তপঃ ও সত্য-  
লোক সম্বন্ধেও সেই কথা বক্তব্য । এইরূপ পরম্পর বিশ্লেষণ  
করিয়া সত্যলোকের যে স্মৃষ্টিস্মৃষ্টি আদিতত্ত্ব উপনীত হওয়া  
যায়, তাহাই আৰ্য্যঋষির কথিত মূল প্রকৃতি এই সর্ব স্মৃষ্টিতম  
একমেবাদ্বিতীয় মহামূলভূত পর পর স্তরে স্তরে সংহত ও পরিণত  
হইয়া সর্কানিম্নস্তরে ( ভুলেীকে ) আদিতত্ত্ব প্রোটাইলের রূপ  
ধারণ করে । অতএব, প্রকৃতি প্রোটাইলজাতীয় হইলেও  
এক পদার্থ নহে ।

এই মূল প্রকৃতির নামাস্তর মায়া । বেতাস্তর উপনিষদে  
উক্ত হইয়াছে,—

মায়াস্ত প্রকৃতিং বিদ্যাৎ ।

“মায়াকেই প্রকৃতি বলিয়া জানিবে । মায়া ও প্রকৃতি এক  
তত্ত্বেরই নামাস্তর । যাহা এ পিঠে মায়া, তাহাই ও-পিঠে প্রকৃতি ।  
অর্থাৎ যাহা পরাক্ দৃষ্টিতে ( Objective point of view হইতে )  
প্রকৃতি, তাহাই প্রত্যক্ দৃষ্টিতে ( Subjective point of view  
হইতে ) মায়া । প্রকৃতিকে লক্ষ্য করিয়া ভগবান্ গীতার  
লিরাছেন,—

দেবী হেমা গুণময়ী সব মারা ছরতায়।

“এই প্রকৃতি ত্রিগুণাত্মিকা—সত্ত্ব, রজঃ, তমঃ, এই ত্রিগুণময়ী। গুণ বলিলে, আমরা এখন Quality বা Attribute বুঝি ; সত্ত্ব, রজঃ ও তমঃ সেরূপ গুণ নহে। মূল প্রকৃতি এই তিনটি পরস্পর বিরোধী প্রবণতার ( Tendency ) ব্রহ্মভূমি। সূক্ষ্মাতি-সূক্ষ্ম, অদ্বিতীয়, নির্দোষরূপে সম, মহামূলভূতে ( অর্থাৎ সত্যলোকের Absolutely homogeneous matter এতে ) এই তিনটি পরস্পর বিরোধিনী প্রবণতার নিত্য সংগ্রাম চলিতেছে। এইসম্বন্ধে চিরস্থায়ী। যখন কালবশে এই বিরোধী গুণত্রয়ের সাম্যাবস্থা ( Equilibrium ) সংঘটিত হয়, তখন তাহার নাম করণ করা হয়, প্রকৃতি। সে প্রলয়ের অবস্থা,—অব্যক্তাবস্থা। এই সাম্যাবস্থার বিচ্যুতি ঘটিলে, যখন প্রকৃতি ব্যক্তাবস্থা প্রাপ্ত হইয়া সৃষ্টির অভিমুখী হয়, তখন তাহার নাম প্রধান। সৃষ্টির মুখে প্রকৃতি স্তরে স্তরে সূক্ষ্ম হইতে সূক্ষ্মে পরিণত হইয়া সত্য প্রভৃতি সপ্তলোকে অল্পলোম ক্রমে ব্যাকৃত হয়। আর প্রলয়কালে এই সপ্তলোক বিলোমক্রমে স্তরে স্তরে সূক্ষ্ম হইতে সূক্ষ্মে অত্যাকৃত হইতে হইতে অবশেষে অব্যক্ত বা মূল প্রকৃতিতে উপশান্ত হয়।” \*

এই প্রকৃতি অপরা প্রকৃতি,—ইনিই আমাদের সৃষ্টি স্থিতি সংহারকারিণী। এই প্রকৃতির সহিত আর এক প্রকৃতি নিত্য সম্বন্ধে জড়িতা আছে,—সেই প্রকৃতি পরা প্রকৃতি ; তিনিই ব্রহ্মভূমে শ্রীশ্রীমতী রাধিকা ; আর এই অপরা প্রকৃতি দুর্গা বা কালী প্রভৃতি মহাশক্তি।

শিষ্য । তবে কি এই অপরা প্রকৃতি শিবের শক্তিরূপে-  
কার্যশীল ?

গুরু । হাঁ ।

শিষ্য । তাহা হইলে ইনি ঈশ্বর হইতে পৃথগ্ভূতা ?

গুরু । ঈশ্বর হইতে কে পৃথগ্ভূত ? জগতের এক বিন্দু  
বানুকণাও তাঁহা হইতে পৃথগ্ভূত নহে । সেই তিনি,—তিনি  
যখন ব্যষ্টি, তখন সকল বিভিন্ন ; তিনি যখন সমষ্টি, তখন সব  
এক । "এই অপরা প্রকৃতি সম্বন্ধে ভগবান্ শ্রীকৃষ্ণ পিতা নন্দকে  
যাহা বলিতেছেন, ব্রহ্মবৈবর্ত পুরাণের সেইটুকু শ্রবণ করিলেই  
বুঝিতে পারিবে,—ভগবান্ হইতে দুর্গাশক্তি কিরূপ বিভিন্ন ।

একদা ভগবান্ শ্রীকৃষ্ণ, গোপরাজ নন্দকে বলিতেছেন,—

"দুর্গা আদিভূতা নারায়ণী শক্তি । আমার ঐ শক্তি সৃষ্টি-  
স্থিতি প্রলয়কারিণী । আমার ঐ শক্তির প্রভাবেই ব্রহ্মাদি  
দেবতা সকল বিশ্বসংসার জয় করেন । ঐ শক্তি হইতেই এই  
সংসারের উৎপত্তি ! আমি জগতের সংহারের নিমিত্ত দেব দেব  
মহাদেবকে ঐ শক্তি প্রদান করিয়াছি । আমার ঐ শক্তি দয়া,  
নিদ্রা, ক্ষুধা, তৃপ্তি, তৃষ্ণা, শ্রদ্ধা, ক্ষমা, ধৃতি, তুষ্টি, পুষ্টি ও লজ্জা  
স্বরূপিণী । উনিই গোলোকে রাধিকা, বৈকুণ্ঠে লক্ষ্মী, কৈলাসে সতী  
এবং হিমালয়ে পার্বতী । উনিই সরস্বতী এবং সাবিত্রী । বহিতে  
দাহিকা শক্তি, ভাস্করে প্রজ্ঞাশক্তি, পূর্ণচন্দ্রে শোভাশক্তি, ব্রাহ্মণে  
ব্রাহ্মণ্য শক্তি, দেবগণে দেবশক্তি, তপস্বীতে তপস্বী শক্তি,—সক-  
লই উনি । আমার ঐ শক্তি গৃহিগণের গৃহদেবতা, মুক্তের মুক্তি  
রূপা এবং সাংসারিকের মায়া । আমার ভক্তগণের মধ্যে উনিই  
ভক্তিদেবী রূপে বিরাজিতা । রাজার রাজলক্ষ্মী, বণিকের লভ্যরূপা,



সংসার-সাগরোত্তরণে ছুস্তরতারিণী বেদরূপা, শাস্ত্রে ব্যাখ্যা  
রূপিণী, সাধুগণের সুবুদ্ধিরূপা, মেধাবীতে মেধাস্বরূপা, দাতৃগণে  
দানরূপা, ক্ষত্রিয়াদি বর্ণ বিপ্রভক্তিরূপা, সাধ্বীদ্বীতে পতিভক্তি-  
রূপা,—সকলই ঐ শক্তি । এক কথায় আমার দুর্গাশক্তি সর্ব-  
শক্তিস্বরূপা ।”

### দ্বিতীয় পরিচ্ছেদ ।



#### দুর্গোৎসব ।

শিষ্য । দুর্গাশক্তি কি, তাহা বুঝিতে পারিলাম, কিন্তু  
আমাদের দুর্গোৎসব তত্ত্বে কি ভাব ও তাৎপর্য নিহিত আছে,  
তাহা আমাকে বলুন ।

গুরু । দুর্গোৎসব, শক্তি-আরাধনা । যখন নবীন বসন্তে দিকে  
দিকে নব শক্তির আবির্ভাব হইয়া উঠিল ; যখন বৃক্ষে বৃক্ষে শুষ্ক-  
পত্রের পরিবর্তে নব পত্রের উদগম আরম্ভ হইল ; যখন নবীন  
মুকুলে নবমধু সঞ্চারিত হইল ; যখন পাখীরা নূতন কণ্ঠে নূতন  
স্বরে কাহাকে ডাকিয়া ডাকিয়া প্রাণ পুলকিত করিতে লাগিল ;  
যখন কুঞ্জে কুঞ্জে কুমুম-পরাগ-ধূসর অমরকুল আকুল হৃদয়ে  
ছুটাছুটি করিয়া ফিরিতে লাগিল ; যখন কোন্ দেশের নূতন ফুর  
ফুরে বাতাস আসিয়া প্রাণের কাণে নবীন রাগিণীর মুচ্ছনা  
ওনাইতে লাগিল, তখন ভক্ত বুঝিলেন,—এ শক্তি কোথায়  
আছে ? কোন্ মহাশক্তির কণা-শক্তিতে জগৎ আজি এত

মোহময়ী । সে বুঝি আসিয়াছে,—সে বুঝি আসিবার জন্ত উত্ততা হইয়াছে ! কে সে ? আমাদের মা ;—মা ! মা ! তুমি কোথায় ?

ভক্ত তাই তাঁহার ধ্যানে বসিল । সে ধ্যানের প্রতিমা, দুর্গা প্রতিমা ।

দশভুজা দশবাহুয় আমাদের উত্তর, দক্ষিণ, পূর্ব, পশ্চিম, ঈশান, নৈঋত, অগ্নি, বায়ু, উর্দ্ধ, অধঃ প্রভৃতি দশদিক রক্ষা করিতেছেন । প্রকৃতির ঘোর মহিষাসুরকে পাশে আবদ্ধ করিয়া, তাহার বক্ষঃস্থলে ভীষণ শূল আবদ্ধ করিয়া, কেশে ধরিয়া রাখিয়াছেন । পশুরাজ সিংহ—ভীষণ বলবিক্রমশালী ইন্দ্রিয়-গণের রাজা মনঃসিংহ তাঁহার বাহন । দক্ষিণে সর্বসিদ্ধি প্রদাতা জ্ঞানগুরু গণপতি ; তৎপরে ধর্মেশ্বর্য প্রদায়িনী লক্ষ্মী দেবী । বামে বিপুল বলবিক্রমশালী দেবসেনাপতি কার্তিকেয় ; তৎপরে বাগ্বাদিনী বাণী । সর্বদেবতা—সর্বাশ্রয় তাঁহার পশ্চাতে, চলে বিচিত্রিত ।

ভক্ত একবার বসন্তে সে রূপের পূজা করিল । প্রাণ ভরিয়া মা বলিয়া ডাকিল ।

বসন্তের অন্ত হইল,—বর্ষার হৃদ্দিনে জগৎ ছাইল । মানব মায়ের কথা ভুলিয়া গেল । শরৎ আসিল,—শরতের সুখ-স্তিমিত সৌন্দর্যে ভক্তের আবার মায়ের কথা মনে পড়িল । দূর প্রবাসে মায়ের কথা মনে পড়িলে সন্তানের বেরূপ আকুলতা জাগিয়া উঠে, ভক্তেরও তাহাই হইল । কিন্তু মাকেত জাগান হয় নাই ;—শক্তি যে জীবাত্মাকে কোড়ে করিয়া স্বাধারে নিদ্রিতা ।

ব্রহ্মা ব্যবস্থা প্রদান করিলেন, সৃষ্টা মাতাকে জাগাইয়া

আরাধনা কর। সুপ্তা মাতাকে জাগাইবার জন্ত বোধন কর।

ব্যবস্থা পাইয়া ভক্ত আর স্থির থাকিতে পারিলেন না। চারিদিকে শোভার ভাঙার বিকীর্ণ হইয়া উঠিয়াছে। ভক্তের প্রাণে মায়ের কথা জাগিয়া উঠিয়াছে--

নীলিম গগনে ভাতিছে চন্দ্রমা,

শেফালি শোভিছে ফুটিয়া ।

স্ব-কাশ কুসুমে বিথারি সুষমা

দিগঙ্গনা লুঠিছে হাসিয়া ।

করণ মলয়-পরশ-অলসে

কম্পিত কনয়-বীথিকা ।

চরণ-সরোজে শোভিবে বলিয়া

হাসিয়া মরিছে যুথিকা ।

উষার রক্তিম উদার অধরে

স্বরভি উঠেছে ফুটিয়া ।

ছুটি আসি কোন্ অতীত রাগিণী

পরানে পড়িছে লুঠিয়া ।

আরোপি হৃদয়-চারিদিকে তীর

বাজায়ে' মঙ্গল বাজনা ।

করিব বোধন লভিতে শক্তি

প্রসুপ্তা শক্তি-চেতনা ।

শিষ্য । একটা কথা ।

গুরু । কি ?

শিষ্য । সেই দশভুজা দুর্গা দেবগণের শক্তি হইতেই জন্ম গ্রহণ করিয়াছিলেন । সুতরাং তিনি দেবগণের শক্তি হইতে জাতা । তিনি আবার কেমন করিয়া জগন্মাতা হইবেন ?

গুরু । তোমার যে ইচ্ছাশক্তি, তাহা কি তোমার জন্ম ? মনে কর, তুমি ইচ্ছা করিতেছ, কানী যাইব,—কানী যাইবার যে ইচ্ছা, স্থূলভাবে তাহা তোমা হইতে জাত বলিয়াই বুঝিতে পারা যায় । কিন্তু প্রকৃত প্রস্তাবে কি তাহা তোমা হইতে জাত ? তাহা নহে ;—স্বাভাবিকী শক্তি । দেবগণে যে সূক্ষ্ম শক্তি ছিল, তাহার একত্র সমাবেশ হইয়াছিল মাত্র । বিন্দু বিন্দু বারি মিশিয়া যেমন মহাসাগরে পরিণত হয়, তদ্রূপ সমগ্র শক্তির সমষ্টি শক্তি সেই মহাশক্তি ।

শিষ্য । এখনও বুঝিতে পারিলাম না । আপনি বলিলেন, দুর্গা অপরা প্রকৃতি । অপরা প্রকৃতি ত সৃষ্টির সময়েই হইয়াছেন,—আবার হইলেন কি প্রকারে ?

গুরু । ইচ্ছা শক্তিত আমাদের আছেই,—তবে সন্দেশ খাইবার ইচ্ছা আবার নূতন করিয়া হয় কেন ? স্থূল কথা এই যে, অপরা প্রকৃতি দেবগণের শক্তি সমুদয় একীকরণ করিয়া জগতের আরও হিতার্থে আরও স্থূলতরা হইলেন ।

মহিষাসুর বধের পূর্বে যেরূপ সূক্ষ্মাতিসূক্ষ্ম অবস্থায় ছিলেন, তাঁহার তাহা হইতে আরও একটু স্থূল হইবার প্রয়োজন হইয়াছিল; তাঁই দেবগণের শক্তিসমূহ সংগ্রহ করিয়া আরও স্থূলা হইলেন । মহিষাসুর বধের পর দেবগণ তাঁহাকে

যে অতীব মনোহর স্তব করিয়াছিলেন। আমি তাহা পাঠ করিতেছি, শুনিলে তুমি মহাশক্তি সধক্কে সমস্ত জ্ঞান লাভ করিতে পারিবে !

দেব্যা যয়া ততমিদং জগদাত্মশক্ত্যা-  
 নিঃশেষ দেবগণ শক্তি সমূহমূর্তা ।  
 তামম্বিকা মখিল দেবমহর্ষি পূজ্যাং  
 ভক্ত্যা নতাঃ স্ম বিদধাতু শুভানি সা নঃ ॥  
 যশ্চাঃ প্রভাবমতুলং ভগবাননন্তো  
 ব্রহ্মা হরশ্চ ন হি বক্তু মলং বলঞ্চ ।  
 সা চণ্ডিকাখিল জগৎ পরিপালনায়  
 নাশায় চাশুভভয়স্য মতিং করোতু ॥  
 যা শ্রীঃ স্বয়ং স্কৃতিনাং ভবনেশ্বলক্ষ্মীঃ  
 পাপাত্মনাং কৃতধিয়াং হৃদয়েষু বুদ্ধিঃ ।  
 শ্রদ্ধা সতাং কুলজনপ্রভবস্য লজ্জা  
 তাং হ্যং নতাঃ স্ম পরিপালয় দেবি বিশ্বম্ ॥  
 কিং বর্ণয়াম তব রূপমচিন্ত্যমেতৎ  
 কিঞ্চাতিবার্যমস্বরক্ষয়কারি ভূরি ।  
 কিঞ্চাহবেষু চরিতানি ত্বাতিথ্যানি  
 সর্বেষু দেব্যসুর দেবগণাদিকেষু ॥  
 হেতুঃ সমস্তজগতাং ত্রিগুণাপি দোষৈ-

ন জায়সে হরিহরাদিভিরপ্যপারা ।  
 সর্বাশ্রয়াখিলমিদং জগদংশভূত-  
 মব্যাকৃতা হি পরমা প্রকৃতিত্বমাদ্যা ॥  
 যস্যঃ সমস্তস্বরতা সমুদৌরণেন  
 তৃপ্তিং প্রয়াতি সকলেষু মথেষু দেবী ।  
 স্বাহাসি বৈ পিতৃগণস্য চ তৃপ্তিহেতু-  
 রুচ্চার্যসে ত্বমত এব জনৈঃ স্বধা চ ॥  
 যা মুক্তি হেতুরবিচিন্ত্য মহাব্রতা চ  
 অভ্যস্যসে স্থনিয়তেত্রিয়তত্ত্বসারৈঃ ।  
 মোক্ষার্থিভি মু নিভিরস্ত সমস্ত দোষৈ-  
 র্বিদ্যাসি সা ভগবতী পরমা হি দেবি ॥  
 শব্দাত্মিকা স্ত্রবিমলর্গজুষাং নিধান-  
 মুদগীত রম্য পদপাঠবতাঞ্চ সান্নাম্ ।  
 দেবী ত্রয়ী ভগবতী ভবভাবনায়  
 বার্তা চ সর্বজগতাং পরমার্তিহন্ত্রী ॥  
 মেধাসি দেবি বিদিতাখিলশাস্ত্রসারা  
 দুর্গাসি দুর্গভবমাগরনোরসঙ্গা ।  
 শ্রীঃ কৈটভারি হৃদয়েক কৃতাধিবাসা  
 গৌরী ত্বমেব শশি-মৌলিকৃত-প্রতিষ্ঠা ॥  
 ঈষৎ সহাসমমলং পরিপূর্ণ চন্দ্র-



বিশ্বানুকারণিকনকোভমকাস্তি কাস্তম্ ।  
 অত্যন্তু তং প্রহতমাপুরুষা তথাপি  
 বক্তুং বিলোক্য সহসা মহিষাসুরেণ ॥  
 দৃষ্ট্বা তু দেবি কুপিতং ব্রুকুটী করাল-  
 মুদ্যচ্ছশঙ্ক-সদৃশ-চ্ছবি যন্ন সদ্যঃ ।  
 প্রাণান্মু মো চ মহিষস্তদতীবচিত্রং  
 কৈজ্জীব্যতে হি কুপিতান্তকদর্শনেন ॥  
 দেবী প্রসীদ পরমা ভবতী ভবায়  
 সদ্যো বিনাশয়সি কোপবতী কুলানি ।  
 বিজ্ঞাতমেতদধুনৈব যদন্তমেত-  
 ন্নীতং বলং স্ত্রবিপুলং মহিষাসুরস্য ॥  
 তে সন্মতা জনপদেষু ধনানি তেষাং  
 তেষাং যশাংশি ন চ সীদতি ধর্মবর্গঃ ।  
 ধন্যাস্তু এব নিভৃতান্নজ্জড়ত্যদারা  
 যেষাং সদাভূদয়দা ভবতী প্রসন্না ॥  
 ধর্ম্যানি দেবী সকলানি সর্দৈব  
 কর্মাণ্যত্যাদৃতঃ প্রতিদিনং স্কৃতীং কুরোতি ।  
 স্বর্গং প্রয়াতি চ ততো ভবতী প্রসাদা-  
 ল্লোকত্রয়েহপি ফলদা ননু দেবি তেন ॥  
 দুর্গে স্মৃতা হরসি ভীতিমশেষ জন্তোঃ

স্বস্থৈঃ স্মৃতামতিমতীব শুভাং দদাসি ।  
 দারিদ্র্যদুঃখভয়হারিণি কা হৃদশ্চা  
 সর্কোপকারকরণায় সদাদ্র চিন্তা ॥  
 এতিহ তৈর্জগদুপৈতি স্মৃৎস্তথৈতে  
 কুর্ক্বন্ত নাহ নরকায় চিরায় পাপম্ ।  
 সংগ্রামমৃত্যুমধিগম্য দিবং প্রয়াস্তু  
 মছেতি নুনমহিতান্ বিনিহংসি দেবি ॥  
 দৃষ্টে ব কিম্ ভবতী প্রকরোতি ভস্ম  
 সর্কাস্মরানরিষু যৎ প্রহিণোষি শত্রম্ ।  
 লোকান্ প্রয়াস্তু রিপবোহপিহি শত্রুপুতা  
 ইখংমতির্ভবতি তেষপি তেহতি সাধ্বী ॥  
 খড়্গপ্রভানিকর বিস্ফুরণে স্তথোঠৈগ্রঃ  
 শূলাগ্রকান্তি নিবহেন দৃশোহস্মরণাম্ ।  
 যন্নাগতা বিলয়মংশুমদিন্দু খণ্ড-  
 যোগ্যাননং তব বিলোকয়তাং তদেতৎ ॥  
 দুর্ক্ভবন্ত শমনং তব দেবি শীলং  
 রূপং তথৈতদবিচিন্ত্যমতুল্য মন্যেঃ ।  
 বীর্যঞ্চ হস্তং হতদেবপরাক্রমাণাং  
 বৈরিষপি প্রকটিতৈব দয়া হৃয়েথম্ ॥  
 কেনোপমা ভবতু তেহস্য পরাক্রমস্য

রূপঞ্চ শত্রুভয় কার্য্যতিহারি কুত্র ।  
 চিত্তে রূপা সমরনিষ্ঠুরতা চ দৃষ্টা  
 ভ্যেষ্যেব দেবি বরদে ভুবনত্রয়েহপি ॥  
 ত্রৈলোক্যমেতদখিলং রিপুনাশনেন  
 ত্রাতং ভয়া সমরমূর্ছনি তেহপি হত্বা ।  
 নীত্বা দিবং রিপুগণা ভয়মপ্যপাস্তু-  
 মস্মাকমুশ্মদসুরারিভবন্নমস্তে ॥

শূলেন পাহি নো দেবি পাহি ধড়েগন চাশ্বিকে ।  
 ঘণ্টা-স্বনেন নঃ পাহি চাপজ্যা-নিশ্বনেন চ ॥  
 প্রাচ্যাং রক্ষ প্রতীচ্যাঞ্চ চণ্ডিকে রক্ষ দক্ষিণে ।  
 ভ্রামণেনাত্মশূলস্য উত্তরস্যাং তথেশ্বরী ॥  
 সৌম্যানি যানি রূপাণি ত্রৈলোক্যে বিচরন্তি তে ।  
 জানি চাত্যর্থঘোরাণি তৈ রক্ষাস্যাং স্তথা ভুবম্ ॥  
 খড়্গা শূল গদাদীনি যানি চাস্ত্রাণি তেহশ্বিকে ।  
 করপল্লবসঙ্গীনি তৈরস্মান্ রক্ষ সৰ্ব্বতঃ ॥

মর্কণ্ডেয় চণ্ডী ।

শিষ্য । অতি সুন্দর স্তব । চণ্ডীপাঠের সময়ও পুরোহিত-  
 মহাশয়ের নিকট ইহা শ্রুত হইয়াছি বলিয়া স্মরণ হইতেছে ; কিন্তু  
 তখন হয়ত বিশেষ মনঃ সংযোগ করি নাই বলিয়া এত মধুর লাগে  
 নাই । যদিও উহার সংস্কৃত অতি কোমল ও মধুর,—সহজেই  
 ভাব বুঝিতে পারা যায়, কিন্তু হয়ত অনেকস্থলের প্রকৃত অর্থ

যুক্তিতে পারি নাই,—আপনি অনুগ্রহ করিয়া একবার বাঙ্গলা অনুবাদ আমার শুনাইয়া দিন ।

গুরু । দেবগণ कहিলেন,—“যে মহাদেবি ! নিজ নিজ শক্তি-প্রভাবে এই অনন্ত ব্রহ্মাণ্ড প্রসব করিয়াছেন, যিনি সকল দেবতার শক্তি হইতে সমুৎপন্ন হইয়াছেন, যিনি দেব ও মহর্ষিগণ কর্তৃক পূজিতা হইয়া থাকেন, আমরা ভক্তিবিনয়াদি সহকারে সেই জগদম্বাকে নমস্কার করি ; তিনি আমাদের গুণ সম্পাদন করুন । .

অনন্তদেব, শিব ও বিরিকি ঝাহার অতুলনীয় শক্তি ও প্রভাব বর্ণন করিতে অক্ষম, সেই চণ্ডিকাদেবী নিখিল জগৎ পরিপালন এবং অশুভভয় সকল বিনাশার্থ ইচ্ছা প্রকাশ করুন ।

যিনি স্মৃতিশালী লোকদিগের আলয়ে লক্ষ্মী ও পাপীদিগের গৃহে অলক্ষ্মীরূপে অবস্থিতি করেন, এবং যিনি বিমল বুদ্ধিমান ব্যক্তিগণের হৃদয়ে সদ্বুদ্ধিরূপে অধিষ্ঠিত থাকেন, আর যিনি সংলোকের শ্রদ্ধা ও সংকুলজাত ব্যক্তিবৃন্দের লজ্জা স্বরূপিণী, সেই দেবী তোমাকে আমরা প্রণাম করি । হে দেবি ! তুমি এই নিখিল বিশ্ব পরিপালন কর ।

দেবি ! তোমার এই অচিন্তনীয় রূপ এবং মহা মহা অনুর-নাশিনী অমিত শক্তি, আমার ক্ষুদ্র বুদ্ধিতে কি করিয়া বর্ণনা করিব ? তুমি সর্ব দেব ও দৈত্যদিগের মধ্যে এই ঘোরতর সমরে যে চেষ্টা-চরিত্র প্রদর্শন করিয়াছ, তাহা আমাদের বাক্য ও মনের অতীত, অতএব তাহাই বা আমরা কিরূপে বর্ণনা করিব !

তুমিই সমস্ত জগতের উৎপত্তির কারণ, তুমিই সত্ত্ব, রজঃ ও তমো এই ত্রিগুণময়ী, রাগাদির বশীভূত হইয়া আমরা তোমার

মহিমা কিরূপে বুঝিব? আমরা ত সামান্ত প্রাণী, বিধি, বিষ্ণু ও মহাদেব শিবও তোমার তত্ত্ব অবগত নাইন, তুমিই এই অনন্ত ব্রহ্মাণ্ডের আশ্রয়ভূতা অর্থাৎ সর্বাধার; আবার এই অনন্ত ব্রহ্মাণ্ড তোমারই অংশভূত;—অথচ তুমি নির্লিপ্ত ও অবিকৃত।

পরম প্রকৃতি আশাশক্তি অক্ষ ও নিত্যজননী এবং অনন্ত জ্ঞাত

নীড়দেবি! তুমি অগ্নিজায়া স্বাহাশ্বরূপা, এবং তুমিই পিতৃ-মস্তুতী স্বধা স্বরূপিণী। যজ্ঞকালে হোতা অগ্নিতে বৃতাহতি শূলেন য়ে তোমাকে স্বাহা নামে উচ্চারণ করিয়া থাকেন, অগ্নিগণ পরিতৃপ্ত হইয়েন। আর পিতৃযজ্ঞ অর্থাৎ শ্রাদ্ধ-ঘণ্টা-স্বনে নঃ তৃযজ্ঞকারিগণ তোমাকেই স্বধা নামে উচ্চারণ প্রাচ্যঃ রক্ষ প্রাণতেই পিতৃগণ পরিতৃপ্ত হইয়া থাকেন।

ভ্রামণেনাভ্রশূলতুমিই মুক্তিদায়িনী পরমা বিদ্যা। তদ্বৈতু সৌমনিগণ ক্রোধেষ্বাদি দোষ সমূহ পরিত্যাগ পূর্বক ইন্দ্রিয়-পংখম করতঃ ব্রহ্মজ্ঞান লাভাশয়ে হে ব্রহ্মময়ী দেবি! তোমারই চিন্তা করিয়া থাকেন। তুমি একমাত্র চিন্তাগম্যা।

তুমি শব্দরূপা ব্রহ্মপদার্থ; তাই লোকে তোমাকে পরম রমণীয় উচ্চগীতি পাঠবিশিষ্ট ঋক্, যজুঃ ও সামবেদের আশ্রয় বলিয়া বর্ণনা করে। তুমিই দেবরূপিণী অপরিচ্ছিন্না, এবং তুমিই জগৎ প্রতিপালন জন্ত কৃষিকর্মাদি স্বরূপা। আর, হে মহাদেবি! তুমিই নিখিল জগতের সমস্ত দীনজনের দারিদ্র্য দুঃখ বিনাশ করিয়া থাক।

যে ধারণাবতী বুদ্ধি দ্বারা সর্ব শাস্ত্রের কলস্বরূপ ব্রহ্মতত্ত্ব জ্ঞাত হওয়া যায়, হে দেবি। তুমিই সেই ধারণাবতী বুদ্ধি স্বরূপা।

মাতঃ ! তুমিই দুর্গম ভবসাগরবারিণী তরুণী স্বরূপিণী । সামান্ত সংসার সাগরের উরুণী কর্ণধার দ্বারা পরিচালিত হইয়া থাকে, কিন্তু তুমি একাকিনী, অদ্বিতীয়া ও ভবসমুদ্রের নৌকা স্বরূপা । তুমিই মধুকৈটভারি হরির অকলম্বী, এবং শশিমৌলি বিহারিণী সর্বাঙ্গী সর্বমঙ্গলা ।

অত্যন্তম কনক-কাস্তি সঙ্গ পূর্ণচন্দ্র বিনিন্দিত তোমার পরম রমণীয় ঈষদ্ধাস্ত্রযুক্ত মুখকমল দর্শন করিয়াও মহিষাসুর বিমোহিত না হইয়া; ক্রোধাক্র চিন্তে যে, তোমার সুকোমল গাত্রে প্রহার করিল, ইহা অতীবপর অসম্ভব ব্যাপার বলিয়া প্রতীয়মান হইতেছে ।

অপর আরও অত্যন্ত অসম্ভব ব্যাপার এই যে, হে মহাদেবি ! তোমার রোষ-কষাইত ক্রকুটী-ভীষণ মুখমণ্ডল দর্শন করিয়া, সেই মহিষাসুর প্রাণ পরিত্যাগ করে নাই । কেননা, 'ক্রোধরক্ত-লোচন মহাভীষণ শমনের বদন মণ্ডল অবলোকন করিয়া কেহই জীবিত থাকিতে পারে না ।

জগদশ্বে ! জগতের হিতের নিমিত্ত তোমার আবির্ভাব হইয়াছে, অতএব তুমি এ প্রপন্ন জনগণের প্রতি প্রসন্ন হইয়া অসুর বংশ ধ্বংস কর । আমরা জানি, এবং দৃঢ়রূপে বিশ্বাসও করি যে, তুমি ক্রুদ্ধ হইলে মহিষাসুরের অগণ্য সৈন্ত যুদ্ধস্থলে এখনই বিনাশ প্রাপ্ত হইবে ।

দেবি ! আপনি ঋতাহাদের প্রতি কৃপা-কটাক্ষে দৃষ্টিপাত করেন, তাহারাি ধন্য এবং দেশমান্য হইয়া উঠেন । তাঁহাদের ধনভক্ত ও কীর্ত্তি-কলাপ অসুন্ন থাকে, তাঁহাদেরই ধর্ম্মার্থ কাম-মোক এই চতুর্ভুজ ফল লাভ হয় । তাঁহারাি পুত্র কন্যা ও



ভূত্যবর্গ লইয়া নিরুদ্বেগে কালহরণ করেন, এবং কৃতার্থ হইয়া থাকেন ।

হে দেবি ! তুমি যাহাদের প্রতি প্রসন্ন হও, তাহারা ইচ্ছা-প্রার্থাদি ধর্ম-কর্মের অনুষ্ঠান করিয়া সুকৃতিশালী হইয়া স্বর্গ লাভের অধিকারী হইবেন । অতএব এই ত্রিভুবনে তোমার প্রসন্নতা ব্যতীত কোন কার্যই ফলপ্রদ হইতে পারে না ।

মাতঃ দুর্গে ! সঙ্কটে পড়িয়া ভয়ান্ত প্রাণীসকল তোমাকে স্মরণ করিলে তুমি তাহাদিগের ভয় বারণ করিয়া দাও । আর, উদ্বেগ-শূন্য জনগণ তোমাকে স্মরণ করিলে, তুমি তাহাদিগকে তত্ত্বজ্ঞান সম্পন্ন শুভবুদ্ধি প্রদান কর । এবং তুমিই সকলের দারিদ্র্য-দুঃখ দূর করিয়া থাকে । প্রাণিনিকরের সর্ব প্রকার উপকার সাধনার্থ তোমাভিন্ন অন্য কাহার চিন্তা সদা-সর্বদা দয়াদ্রি থাকে ? দেবি ! দৈত্যগণ নিধন হইলে, জগতের সুখ স্বচ্ছন্দতা লাভ হইবে বলিয়া, তুমি তাহাদিগকে সংহার করিয়াছ । আর তাহারা পাপ সঞ্চয় করিয়া যাহাতে নরক-যন্ত্রণা ভোগ না করে, তজ্জন্য তুমি তাহাদিগকে যুদ্ধে নিহত করতঃ স্বর্গবাসেরও উপযুক্ত করিয়া দিয়াছ ।

তোমার দৃষ্টিমাত্রেই ত তাহারা ভস্মীভূত হইত ? কিন্তু তুমি তাহা না করিয়া তাহাদিগকে সমরে 'স্বহস্তে অস্ত্র প্রহারে সংহার পূর্বক পবিত্র করতঃ স্বর্গবাসী করিয়াছ । অতএব তোমার গুণ ইচ্ছা ও দয়ার কথা আর কি বলিব !

দেবি ! অসুরগণের লোচন-পুচ্ছ তোমার সুধাসিক্ত ইন্দ্র-বিনিমিত সৌম্যকান্তি বিশিষ্ট মুখপদ্ম নিরীক্ষণ করিয়াছে বলিয়াই অসুরগণ এতাবৎকাল পর্যন্ত জীবিত রহিয়াছে ।

দেবি ! আপনি দৃষ্টিমাত্র সমস্ত অসুরকে বিনাশ করিতে পারিতে ? তাহা না করিয়া যে অস্ত্র ব্যবহার করিলে, তাহা আর কিছুই নয়, কেবল তাহাদের প্রতি তোমার দয়া প্রকাশ, কেন না অস্ত্রাঘাতে বিনাশ করিয়া স্বর্গধামে পাঠাইলে ।

দেবি ! ছুরাত্মা দৈত্যদিগের দমন সম্বন্ধে যে সকল চেষ্টা-চরিত্র প্রদর্শন করিয়াছ, তাহার তুলনা কোথাও নাই ; তোমার অসুরনাশিনী শক্তি আমাদের অতি অচিস্তনীয় । শক্রদিগের প্রতি তুমি যে পূর্বোক্ত প্রকারে দয়া প্রকাশ করিয়াছ, তাহাও অচিস্ত্য ; কেন না, দৌরাভ্যাকারিদের প্রতি দয়া করা অতি অসম্ভবও অসাধ্য ব্যাপার । হে দয়াময়ি ! ইহা কেবল তোমাতেই সম্ভব ।

জগদম্বা ! তোমার এই অসুরনাশক অনির্বাচনীয় পরাক্রমের তুলনা নাই । শক্রজয়প্রদ অথচ অতীব মনোহারী প্রীতি ও দয়া এবং তোমার এই রূপের মহিমা কেহই বলিতে পারে না, ও ত্রিভুবনে ইহার উপমাও মিলে না । বরদে ! একত্রে সমর-নিষ্ঠরতা ও দয়া, ইহা কেবল তোমাতেই সম্ভব ; ত্রিলোকে ইহার তুলনা নাই । যা ! তুমি শক্র সংহার করিয়া অধিল-ব্রহ্মাণ্ডে কীর্ত্তি রক্ষা করিয়াছ । আর রিপুগণকে রণস্থলে বানাঘাতে নিহত করিয়া, স্বর্গ প্রদান করিয়াছ, এবং আমাদিগেরও দুর্মতিরূপ অসুর-ভীতি দূর করিয়াছ । অতএব, হে মাতঃ ! তোমাকে নমস্কার ।

দেবি ! তুমি আমাদিগকে শূলধারা রক্ষা কর । হে অধিকে ! তুমি আমাদিগকে ধড়গধারা রক্ষা কর, এবং যশ্টাধ্বনি ও ধনুষ্ঠকার ধারাও আমাদিগকে রক্ষা কর । চণ্ডিকে, হে ইন্দ্রিয় ! তুমি নিজ শূল ঘূর্ণায়মান করিয়া আমাদিগের পূর্ব, পশ্চিম, ও দক্ষিণ

ও উত্তর দিকে রক্ষা কর । মহাশয় ! ত্রিলোকে তোমার যে সকল সৌম্যমূর্তি ও অতিশয় ভয়ানক মূর্তি বিচরণ করিতেছেন, সেই সমস্ত বিগ্রহদ্বারা তুমি আমাদিগকে ও পৃথিবীকে রক্ষা কর । হে অস্থিকে ! খড়্গ, শূল, ও গদাদি যে সকল অস্ত্র তোমার কর-পন্নবে শোভা পাইতেছে, সেই সকল দ্বারা আমাদিগকে সর্বত্র রক্ষা কর ।”

### তৃতীয় পরিচ্ছেদ ।

#### দক্ষযজ্ঞ ।

শিষ্য । আপনি ষাঁহাকে অপরা প্রকৃতি বলিয়া ব্যাখ্যা করিলেন, সেই দুর্গাশক্তি প্রজাপতি দক্ষের ঔরসে জন্ম গ্রহণ করিয়াছিলেন, এবং পতিনিন্দা শ্রবণ করিয়া দক্ষযজ্ঞে প্রাণত্যাগ করিয়াছিলেন,—ইহাও কি পুরাণের রূপক এবং ইহারও কি তৎপর্য্যার্থ আছে ?

গুরু । তুমি পুরাণের রূপক, কোন অর্থে ব্যবহার করিতেছ, —আগে জানিতে চাহি ।

শিষ্য । যাহা নহে, অর্থাৎ অসম্ভব ঘটনা, কোন ঘটনা বিশেষ বুঝাইবার জন্ত যে বর্ণনা, তাহাকে আমি রূপক বলিতে চাহি ।

গুরু । পুরাণে সেরূপ রূপক লিখিত হয় নাই । ব্রহ্মাণ্ডের অভিনেতা যেমন রামচন্দ্রের কাব্যাবলী অস্ত্র মানুষকে বুঝাইবার ও জানাইবার জন্ত রামচন্দ্র সাজিয়া তাঁহার লীলার অভিনয় করে, তদ্রূপ শক্তি সকলও মহিমা ও শক্তি জ্ঞাপনার্থে সুলাকার

ধারণ করেন । তবে তাহা রূপক এই জন্ত যে, শক্তি বা চৈতন্যের রূপ গ্রহণের আবশ্যিকতা নাই,—সে যে রূপ, তাহা রূপক । সেই রূপকের এমন তাৎপর্য্য, এমন ভাব, এমন তাৎপর্য্যার্থ আছে,—যাহা বিশ্লেষণ করিলে, আমরা প্রকৃত তত্ত্ব অবগত হইতে পারি ।

শিষ্য । তবেত রূপক সম্বন্ধে আমার ঘোর ভ্রান্তি ছিল । এক্ষণে দক্ষ প্রজাপতির শিব-রহিত যজ্ঞের কারণ কি, উদ্দেশ্য কি ও তাৎপর্য্যার্থ কি,—তাহা আমাকে অল্পগ্রহ করিয়া বলুন ।

গুরু । উপাখ্যান ভাগটি বোধ হয়, তুমি জান । ভাল, সংক্ষেপে আমি তাহাও বলিতেছি,—

কোন এক যজ্ঞস্থলে মহাদেব দক্ষ প্রজাপতিকে নমস্কার না করাতে, দক্ষ আপনাকে অতিশয় অপমানিত জ্ঞান করিয়া, সেই অপমানের প্রতিশোধ লইবার জন্ত এক শিবরহিত যজ্ঞের অনুষ্ঠান করেন । যজ্ঞের ত্রিলোকের সকলেই নিমন্ত্রিত হইলেন, কেবল শিবকেই নিমন্ত্রণ করা হইল না ।

নারদের উপরেই নিমন্ত্রণ করিবার ভার অর্পিত । নারদ দেখিলেন, কার্য্যটি অমনি অমনিই বা সমাধা হয় কেন, তিনি গিয়া দক্ষকন্যা সতীর নিকটে তাহার পিতার যজ্ঞের কথা বলিয়া আসিলেন ।

সতী আর থাকিতে পারেন না । সমস্ত দেবতাগণ গমন করিতেছেন,—ত্রিলোকব্যাপী পিতৃযজ্ঞ না দেখিয়া কোন ঘেয়ে স্থির থাকিতে পারে ; এক দিন দুই দিন কাটিয়া গেল,—বিমান-পথে দেবতাগণ চলিয়াছেন, সতী আর থাকিতে পারেন না, স্বামী সদানন্দের সম্মুখানে গিয়া পিতৃযজ্ঞ দর্শনে যাইবার অসুযোগ চাহিলেন, বলিলেন ;—

“হে নাথ ! আপনার শতর প্রজাপতি দক্ষ যজ্ঞমহোৎসব আরম্ভ করিয়াছেন । ঐ দেখুন, দেবতা সকল সেই যজ্ঞে গমন করিতেছেন । অতএব যদি আপনার ইচ্ছা হয়, তবে চলুন আমরাও গমন করি । আমার অগ্গাঙ্ক ভগিনীরা স্ব স্ব স্বামী সমভিব্যাহারে বহুদিগকে দর্শন করিবার মানসে নিশ্চয়ই সেই স্থানে উপস্থিত হইবেন । অতএব আমার ইচ্ছা হইতেছে যে, আমি আপনার সহিত গমন করিয়া পিতৃ মাতৃ প্রদত্ত স্মরণাদি গ্রহণ করি । শিব ! আমার মন একান্ত উৎকণ্ঠিত রহিয়াছে ; অতএব আমি অচিরেই যজ্ঞে গমন করিরা ভগিনী, ভগিনীপতি ও মাতৃ স্বমাদিগের এবং স্নেহাজ্জ চিত্তা জননীসহিত সাক্ষাৎ করিব । যজ্ঞে স্মরিয়া যে ধ্বজা বা যুক উৎকণ্ঠিত করিবেন, তাহাও দর্শন করিব । অজ্ঞ ! আপনি দেখিতেছেন, এই অত্যাশ্চর্য ত্রিওণ-ময় বিশ্ব আপনার মায়ী দ্বারা বিনির্মিত হইয়া আপনাতেই প্রকাশ পাইতেছে ; কিন্তু নাথ ! আমরা হীন স্ত্রীজাতি ; উৎসুক হওয়াই আমাদের স্বভাব । আমি আপনার তত্ত্বও বিশেষরূপে অবগত নহি ; অতএব জন্মভূমি দর্শনে আমার ইচ্ছা হইতেছে । আপনার জন্ম নাই,—অতএব আপনি বহুবিরোগে জন্ম দুঃখ অনুভব করিতে সমর্থ নহেন । হে শিতিকণ্ঠ ! চাহিয়া দেখুন,—বিমান-পথে চাহিয়া দেখুন, যে কামিনীদিগের সহিত প্রজাপতির কোন সন্দ্বন্ধ নাই, তাঁহারাও আপন আপন স্বামীর সমভিব্যাহারে ঐ দলে দলে গমন করিতেছেন । আহা ! উর্ধ্বদিগের কলহংসের দ্বারা শুভ্রবর্ণ বিমানদ্বারা নভোমণ্ডলের কি অপূর্ণ শোভাই হইতেছে । দেবশ্রেষ্ঠ ! তবে পিতৃগৃহে উৎসব হইতেছে শ্রবণ করিয়া তনয়ার দেহ কেনই না প্রচলিত হইবে ? বহুর, স্বামীর,



গুরু এবং পিতার ভবনে নিমন্ত্রিত না হইয়াও গমন করা যায় । অতএব নাথ ! প্রসন্ন হইয়া আমার মনোরথ পূর্ণ করুন । আপনি আমাকে রূপা করিয়া থাকেন । দেখুন, আপনি পরমজ্ঞানী হইয়াও আমাকে নিজদেহের অর্ধ বলিয়া নিরূপণ করিয়াছেন । অতএব, আমার প্রতি এই অনুগ্রহ প্রকাশ করুন ;—আমি প্রার্থনা করিতেছি ।

এই স্থলে আমাকে একটু বলিয়া রাখি যে,—দক্ষ কর্মশক্তি । দক্ষ কাল-বঞ্চনার চেষ্টা করিলেন । তিনি আপন কর্মশক্তির গর্বে ক্ষীণ হইয়া ভাবিলেন, মহাকাল শঙ্কর,—শঙ্করকে মান্য করা কি জন্ত ? ভগবান্ বিষ্ণু আছেন, তাঁহাকে ভজনা করা অবশ্য জীবের কর্তব্য । কিন্তু মহাকালকে কেন ? কর্মশক্তির দ্বারা কালকে জয় করা যায়,—কালকে অগ্রাহ করা যায় । কিন্তু কাল ত ঈশ্বরেরই বিকাশ,—কাল, কর্মকে প্রণত হইবে কেন ? কাল, কর্মকে গ্রাহ করে নাই । কর্ম ক্রম হইয়া আরও বিকাশে কালকে হীন করিতে প্রয়াস পাইলেন । শক্তি লাভ করিতে হইলেই যজ্ঞ করিবার প্রয়োজন,—তাই দক্ষ ত্রিলোকব্যাপী মহাযজ্ঞের অনুষ্ঠান আরম্ভ করিলেন, কিন্তু কাল-বঞ্চনা করিয়া, কালকে ফাঁকি দিয়া ।

কালের শক্তি শঙ্করী বা সতী অথবা অপরা প্রকৃতি । এখন, কর্মশক্তির পরিচালনায় অপরাশক্তিকে বাধ্য হইতেই হইবে । তুমি ঈশ্বরকে ডাক আর নাই ডাক, ঈশ্বরকে বোধ আর নাই বোধ, ঈশ্বরকে মান আর নাই মান,—কর্ম করিলেই শক্তিকে আশ্রিতেই হইবে । কিন্তু ঈশ্বরহীন কর্ম দক্ষযজ্ঞ ।

কর্মের আকর্ষণে সতীকে বিচলিত হইতে হইয়াছে,—তিনি



আর সে যজ্ঞে না গিয়া থাকিতে পারেন না, তাই পুনঃ পুনঃ মহাকালের নিকটে বিদায় চাহিতেছেন। মহাকাল কেবল শক্তিকে বিদায় দিতে ইচ্ছুক নহেন, তিনি বলিলেন,—“শোভনে! তুমি বলিলে নিমন্ত্রিত না হইয়াও বন্ধুদিগের গৃহে গমন করা যায়; কিন্তু যদি বন্ধু, দেহাদিতে অহঙ্কার নিবন্ধন গর্ভ ও ক্রোধবশতঃ বন্ধুর দোষোদ্ঘাটন না করেন, তাহা হইলেই তোমার ঐ বাক্য শোভা পাইতে পারে। বিজ্ঞা, তপস্বী, ঐশ্বর্য; উৎকৃষ্ট দেহ, যৌবন এবং সৎকুল; এই ছয় সাধু মনেরই গুণ। কিন্তু অসাধুদিগের পক্ষে আবার এই ছয়টিই দোষ স্বরূপ হইয়া তাহাদিগের বিবেক নষ্ট করে। সেই হেতু তাহারা গর্ভে অন্ধ হইয়া উঠে; সুতরাং মহতের তেজো দর্শনে সক্ষম হয় না। স্বজনবোধে এতাদৃশ অব্যবস্থিত-চিত্ত ব্যক্তিদিগের গৃহে দৃষ্টিপাতও করিবে না। ইহারা কুটিলবুদ্ধি বশতঃ অভ্যাগতদিগের প্রতি ক্রকুটি করাল-ক্রোধ দৃষ্টি নিক্ষেপ করে। লোক অরাতি-নিষ্কিঞ্চ শিলী-মুখাঘাতে সর্বদা ব্যথিত হইয়াও নিদ্রা ঘাইতে পারে; কিন্তু যে ব্যক্তি কুটিল-বুদ্ধি বন্ধুদিগের দুর্ভাক্য দ্বারা মর্ষস্থানে আহত হন, তাহার হৃদয় দিবানিশিই দুঃখ অন্তর্ভব করে।

সুত্র । তোমার পিতা প্রজাপতি দক্ষের মর্যাদা অতি উৎকৃষ্ট, এবং তাহার সর্বাপেক্ষা আদরের কনিষ্ঠা ছহিতা তুমি, তাহাও জানি, কিন্তু আমার সহিত সন্ধু রহিয়াছে বলিয়া তুমি তাহার নিকট সম্মান লাভ করিতে পারিবে না। তিনি আমার সহিত সন্ধু নিবন্ধনই তাপিত হইয়াছেন। পুরুষ বুদ্ধির সাকীস্বরূপ (নিরহকারী) ব্যক্তিদিগের ঐশ্বর্য দর্শন করিয়া তাহার অন্তঃকরণ অন্ত্যস্ত তাপিত হইতেছে; এবং তিনি তাদৃশ-ঐশ্বর্য লাভ

করিতে না পারিয়া, যেকোন অশুয়েরা অনর্থক হরির খেব করে, সেইরূপ পনের কেবল খেব করিতেছেন ।

হে সূক্ষ্মায়ে ! যে কারণে তোমার পিতার সহিত আমার বিবাদ হয়, অর্থাৎ তিনি আমার উপরে এত জাতক্রোধ হইয়াছেন, তাহা বোধ হয় তুমি অবগত আছ । আমি তাঁহার নিকটে নতশির হই নাই । অস্ত্র জনেরা প্রত্যাখান, বিনয় ও অভিবাদন পরম্পরে করিয়া থাকে ; কিন্তু বিজ্ঞজনেরা তাহাই অস্ত্র প্রকারে উত্তমরূপে সম্পাদন করিয়া থাকেন ; তাঁহারা দেহাভিমानीকে অভিবাদনাদি না করিয়া মনোদ্বারা হৃদয়শায়ী পরম পুরুষকেই করিয়া থাকেন । বিশুদ্ধ অস্ত্রঃকরণের নাম বাসুদেব ;—কারণ আচরণ শূন্য পুরুষ সেই অস্ত্রঃকরণে প্রকাশ পান । অতএব আমি অধোকাজ বাসুদেবকেই অস্ত্রঃকরণ মধ্যে নমস্কার করি ।

রজোক ! দক্ষ তোমার দেহকর্তা পিতা হইলেও তাঁহাকে দর্শন করা তোমার উচিত হয় না । তাঁহার মতানুযায়ীরাও তোমার দর্শনাপেক্ষা নহেন । দেখ, বিশ্বশ্রষ্টাদিগের যজ্ঞে তোমার পিতা, কোন অপরাধ না করিলেও আমার প্রতি দুর্লোক্য প্রয়োগ করিয়াছিলেন । আর, যদি তুমি নিতান্তই আমার বাক্য অগ্রাহ করিয়া তথার গমন কর ; তাহা হইলে তোমার মঙ্গল হইবে না ।

সতী দক্ষের কনিষ্ঠা কন্যা এবং আদরের পাত্রী, স্বয়ং মহাকাল একথাও বলিলেন,—তাহার ভাব এই যে, সকল আসক্তিময় অবস্থার পরিণামে প্রকাশ হইবে বলিয়া, উহাকে কনিষ্ঠা বলা হইয়াছে । কাজেই সেই মহাশক্তি স্বরূপা অবিচারুপিণী অপরা প্রকৃতির উপরে কাহার না প্রবলাসক্তি । কিন্তু অবিচারি আবার মহাবিষ্ঠা, কাজেই তিনি ব্রহ্মপরা বা নিবৃষ্টিপরা বলিয়া মহা-

মোহিত কৰ্ম্মমতি দক্ষ তাঁহাকে চিনিতে পারে নাই । তিনি যদি কালের কোলে না থাকিয়া কেবল কৰ্ম্মে বিরাজিত হইতেন, তবে দক্ষের এ জাতক্ৰোধ হইত না ।

সতী কালের কোলে কালী । ঋশানবাসিনী—যোগিনী ডাকিনী সহচারিণী উলঙ্ঘিনী মুক্তকেশী । ঐশ্বর্য্যমদগর্বিত কৰ্ম্মমতি দক্ষ এমন কথা দেখিতেও চাহেন না । তাই মহাদেব বলিলেন, তিনি তোমার পিতা হইলেও বিনা নিমন্ত্রণে তোমার সেখানে যাওয়া কর্তব্য নহে । দক্ষ চাহে, কেবল কৰ্ম্মশক্তি, কালশক্তি বা ব্রহ্মশক্তি চাহেন না ;—তুমি কেন যাইবে ? আমিত কিছুতেই যাইব না ;—কাল হীন কালী, জড় । তাঁহার দ্বারায় আবার কি কার্য্য হইতে পারিবে ? যজ্ঞ পণ্ড হইবে,—তোমারও দেহের পরিবর্তন হইবে । অতএব এই অমঙ্গলকর কার্য্যে গমন করা কখনই তোমার কর্তব্য নহে ।

কিন্তু শক্তিসাধকের আকর্ষণ, শক্তি অবহেলা করিতে পারেন না । শক্তিকে ডাকিলেই—শক্তির সাধনা করিলেই শক্তিকে ছুটিতে হইবে । শক্তি আর থাকেন কি করিয়া, তাঁহাকে যাইতেই হইবে । কাল হীন কালীর গমনে যে কুফল হয়, দক্ষের কার্য্যে তাহা হউক ; কিন্তু দক্ষ যে সাধনা আরম্ভ করিয়াছে—তাঁহাকে যাইতেই হইবে ।

## চতুর্থ পরিচ্ছেদ ।

### দশমহাবিঘ্না ।

শিষ্য । অনিয়াছি, এই সময়েই সতী দশমহাবিঘ্নারূপ ধারণ করিয়াছিলেন,—তাহা কি সত্য ?

গুরু । কোন কোন পুরাণের মত তাহাই বটে ।

শিষ্য । কেন ও কি প্রকারে সতী দশমহাবিঘ্নারূপ ধারণ করিলেন ?

গুরু । শঙ্কর, দক্ষযজ্ঞে যাইতে সতীকে পুনঃপুনঃ নিষেধ করিতে লাগিলেন, সতীও বন্ধুদিগকে দর্শন করিবার নিমিত্ত একবার গৃহ হইতে বহির্গত হইলেন, আবার শঙ্করের ভয়ে বারে বারে ফিরিতে লাগিলেন । বন্ধুদর্শনেছায় ব্যাঘাত ঘটাতে তাঁহার মন নিতান্ত উৎকণ্ঠিত হইয়া উঠিল । স্নেহবশতঃ রোদন করিতে করিতে তিনি অশ্রুধারায় ব্যাকুল হইয়া পড়িলেন । ক্রমে ক্রোধের উদ্বেক হওয়াতে তাঁহার অঙ্গ কম্পিত হইতে লাগিল ; বোধ হইল, যেন তিনি সেই রোষাঘ্নি দ্বারা শঙ্করকে দণ্ড করিতে উত্তত হইলেন ।

শঙ্কর, করাল কালীর সেই ভয়ঙ্করী মূর্তি দর্শন করিয়া যে দিকে যখন মুখ ফিরাইতে লাগিলেন, সেই দিকে প্রকৃতির এক এক মূর্তি দেখিয়া কম্পিত হইতে লাগিলেন । ইহাই দশমহাবিঘ্নার সৃষ্টি ।

শিষ্য । কাল, কালীর ভয়ে বিকম্পিত হইলেন ? কাল ঈশ্বরের বিকাশ,—কালী অপরা প্রকৃতি । কে শ্রেষ্ঠ ?

গুরু । বিষয় সমস্তা । কাল বড় কি কালী বড়—এ প্রশ্নের উত্তর অসম্ভব । কাল ও কালী উভয়েই উভয়ের আধার । কাল

ভিন্ন কালী থাকিতে পারেন না, আবার কালী ভিন্ন কালেরও অস্তিত্ব নাই। এই স্থলে সেই ঘটনাই দেখান হইল।

কালী যখন কালের কোল হইতে বিচ্যুত, তখন শঙ্কর জড়,— ভয়ে কম্পবান্। কালীও কালের সাহায্য পরিত্যাগ করিয়া দক্ষ-যজ্ঞে দেহ পরিবর্তন করিলেন। দেহ পরিবর্তন অর্থে, প্রকৃতির নূতন ভাবের আবির্ভাব বুঝিতে হইবে।

শিষ্য। দশমহাবিগ্না প্রকৃতির কিরূপ অবস্থা ?

গুরু। আমি যাহা তোমাকে পূর্বে বলিয়াছি, তাহাতে তুমি বুঝিতে পারিয়া থাকিবে যে, "প্রধান অব্যক্ত ব্রহ্ম হইতে ত্রিগুণের বিকাশ। গুণসাম্যা প্রকৃতি-বীজ হইতে প্রথমে সত্ত্ব প্রধান মহত্ত্বের সৃষ্টি হয়। মহত্ত্ব নিহিত বীজ হইতে প্রথমে সত্ত্বপ্রধান অহঙ্কার-তত্ত্বের বিকাশ হয়। এই অহঙ্কার-তত্ত্বই অহঙ্ক ত অবিগ্না-বীজ। যাহা অহঙ্কার পূর্ণ মায়ী, তাহা অবশ্য তমোগুণাধিত। সৃষ্টিকালে প্রধানা প্রকৃতিকে যে পুরুষ অহুপ্রবিষ্ট হন, তিনিই সর্বগুণাধিত মহত্ত্বের দেখা দিয়া ঈশ্বর বলিয়া অভিহিত হন। সেই মহত্ত্বের প্রকৃত অংশ যে মহামায়ী ও বিগ্না, তাহাই রজোগুণাধিত হইয়া সৃষ্টি-স্থিতি-প্রলয় কত্রীরূপে সমস্ত বিশ্ব-বীজ স্বরূপা অহঙ্ক তা অবিগ্নার সৃষ্টি করেন। \* \* মহত্ত্বের এই পুরুষই সত্ত্বগুণাধিত বেত বর্ণ মহাবিকু বা মহেশ্বর। তাহারই অর্দ্ধাঙ্গ প্রকৃতির মহামায়ী রজোগুণাধিত রক্তবর্ণা ঈশ্বরী।"

যখন কর্ম-যতির সাধনাকালে সেই মহেশ্বরের সহিত প্রকৃতি বিচ্ছেদ সম্ভবপর হইল, তখন মহাকাল প্রকৃতিকে পরিত্যাগ করিতে চাহেন না। শক্তি তখন কর্মপথাতিগামিনী,—তিনি কালকে ভীত করিতে স্বরূপ প্রকাশ করিলেন। দশ দিকে দশমহাবিগ্না হইলেন।



“প্রথম মহাবিষ্ণু মহাকালের শক্তিদায়িনী মহাশক্তিকালী এবং দ্বিতীয় মহাবিষ্ণু অনন্তদেশের প্রকৃতিরূপিণী দেশ-শক্তিধারা কিরূপ সৃষ্টি-স্থিতি-প্রলয়কারিণী, তাহা আমরা পূর্বেই প্রদর্শন করিয়াছি। অনন্তদেশ-শক্তি তারা অনন্ত নাগবেষ্টিত প্রতিমায় ঋষিদিগের ধ্যানে দেখা দিয়াছেন। প্রতিমা সমস্তই ধ্যানজরূপ,— ধ্যানজরূপ সকল সূক্ষ্ম শক্তির প্রতিমা। আকাশই দেশ ও কাল। উক্ত দুই মহাবিষ্ণু সেই কাল ও দেশ শক্তি। পূর্বেই উক্ত হইয়াছে আকাশই সর্বশক্তির আধার। সূত্রাং সেই আকাশ হইতে সর্ব-শক্তিসম্পন্ন চিরযৌবনা বোড়শীর উৎপত্তি। কারণ, শক্তির বল চির-কালই অক্ষুণ্ণ থাকে, অক্ষুণ্ণ না থাকিলে তাহা শক্তি হইবে কিরূপে? এজন্ত শক্তি চিরযৌবনা বোড়শী। বোড়শী সর্বশক্তির শ্রেষ্ঠ, এজন্ত রাজরাজেশ্বরী। শক্তিই ঈশ্বরের বল বীৰ্য্য সকলই। তাই এই সর্বশক্তিরূপিণী রাজরাজেশ্বরীকে পঞ্চদেবতা ধ্যান করিতেছেন। কারণ, সেই আত্মাশক্তি হইতেই তাহাদের শক্তি লাভ হইয়াছে। কালী-তারা মহাবিষ্ণু হইতে এই তৃতীয় বিষ্ণুর উৎপত্তি। এই তৃতীয় বিষ্ণুকে ঋষিগণ ত্রিগুণাসূত্রে ত্রিধা বিভক্ত করিয়া সমষ্টি অর্থে ত্রিভুবনের ঈশ্বরীরূপে দেখাইয়াছেন। তাই চতুর্থ বিষ্ণুর নাম ভুবনেশ্বরী। শক্তির দুই রূপ, এক কোমল কান্তি, আর এক প্রচণ্ড রূপ। ভুবনেশ্বরী মনোহর রূপে দেখা দিয়াছেন। এই ভৈরবীর চণ্ডীশক্তি অষ্টবিধ প্রচণ্ডতার বিভক্ত হইয়া তত্রোক্ত অষ্ট-নারিকা। তন্ম, শক্তির এইরূপ নানা ধ্যানজরূপ দেখাইয়া শক্তি-বাদ প্রচার করিয়াছেন। আর কোন্ বিজ্ঞান-শাস্ত্র শক্তিকে (Force) এরূপ ভন্ন ভন্ন বিভেদ করিয়া দেখাইয়াছেন। সেই অষ্ট নারিকা ভিন্ন ভৈরবী আবার ছিন্নমস্তার ভয়ঙ্করী মূর্তিতে দেখা



দেন। তাই ছিন্নমস্তা পরম্পররূপে ষষ্ঠবিংশ বলিয়া পরিগণিতা। ভগবতী সৰ্বমূর্তিতেই বিশ্বপালিকাশক্তি। কারণ তিনি যেমন বিশ্বের সৃষ্টির কারণ, তেমনি স্থিতির কারণ। ছিন্নমস্তামূর্তিতেই পালিকাশক্তিই প্রবলা থাকতে তিনি ভৈরবী-মূর্তি হইতে স্বতন্ত্র হইয়াছেন। সৰ্বরূপেই একই ভগবতী, তবে উপাসনার্থ বিভিন্ন ধ্যানরূপের প্রতিমা গ্রহণ করা হয় মাত্র। ছিন্নমস্তারূপে কি প্রকারে পালন শক্তির প্রাবল্য হইয়াছে? ছিন্নমস্তার আমরা ভগবতী অন্নপূর্ণার ত্রিধা শক্তি বিভাগ দেখিতে পাই। অন্নপূর্ণা যে ভোক্তা, ভোগ্য ও ভোগরূপে জগতের অন্ন স্বরূপ হইয়াছেন, তাহাই ছিন্নমস্তার ত্রিধা রক্তধারা। ছিন্নমস্তা নিজ দেহের ত্রিধা রক্তধারা পান করিয়া অন্নপূর্ণাকে পরিষ্কার করিয়া দেখাইতেছেন। কখন জগৎ ভোক্তারূপে নিজ জগদ্দেহ হইতেই ভোগ্য অন্ন সংগ্রহ করিতেছেন, কখন সেই ভোগ্য অর্কে আপনিই ভোগ করিয়া পরিপুষ্ট ও পালিত হইতেছেন। ভোক্তা, ভোগ্য এবং ভোগ এই তিনিই পৃথক শক্তিরূপে দেখা যায়। ভোক্তা থাকিতে পারে, ভোগ্যও থাকিতে পারে, কিন্তু ভোগ না হইলে কি পুষ্ট সাধন হয়? ভোগ না হইলে ভোগ্য কিছুই নহে। পীড়িতের কাছে ভোগ্য আছে, কিন্তু ভোগ নাই। ভোগই জগতের পালন হেতু। সেই অন্ন ভোগধারাই ছিন্নমস্তা নিজে পান করিতেছেন, অপর দুইধারা একান্ত-সখীস্বয় পান করিতেছেন। তাঁহারা ভোক্তা ও ভোগ্য শক্তিরূপা এবং সেই সেই রূপা বলিয়া স্বতন্ত্রদেহী। অতএব, ছিন্নমস্তার আমরা অন্নপূর্ণার জগৎ পালন রীতি অতি পরিকৃতরূপে দেখিতে পাই। জগতের ভোগ পূর্ণ হইলে কি হয়? প্রকাশ হয়। তাই আমরা ছিন্নমস্তার পর ভগবতীর প্রায়রূপিনী ধূমাবতীকে দেখিতে

পাই । ধূমাবতী ভগবতীর ঘোর প্রলয়-মূর্তি । প্রলয়কালে জগতের ভোগ শেষ হইলে জরা জীর্ণা ভগবতী বৃদ্ধ বেশে কাকধ্বজ ঘমের প্রলয় রথে আরুঢ়া হইয়া ক্ষুধাতুরা, বিস্তারবদনা সর্ববিশ্বকে কুলা-হস্তে সংগ্রহ করিয়া নিজ উদর পূর্ণ করেন । ধূমাবতী এই প্রলয়রূপিণী ভৈরবীর ভয়ঙ্করা মূর্তি । তাঁহার অষ্টমূর্তি রক্তবর্ণা রজোরূপিণী বগলা । এই মূর্তিতে ভগবতী ঘোর বেদবিরোধী অসুরের বিনাশ সাধন করেন । সেই অসুরনাশে যে জ্ঞানের উদয় হয়, সেই নির্মল জ্ঞানরূপিণী ভগবৎশক্তিই মাতঙ্গিনী । মাতঙ্গী মূর্তিতে বিশ্বরূপিণী ভগবতী অজ্ঞান রূপ অবিজ্ঞা নাশিনী, কৃষ্ণাঙ্গী, তমোরূপিণী শক্তি । এই সমস্ত শক্তিদারিণী হইয়া ভগবতী অষ্ট ঐশ্বর্যশালিনী কমলা রূপে জগৎ ব্যাপ্ত হইয়া রহিয়াছেন । সর্বত্রই তাঁহার ঐশ্বর্য মূর্তি । যে ব্রহ্মাণ্ড-কমল ব্রহ্মার আসন রূপে কারণ-বারি হইতে সজ্জাত হইয়াছিল, সেই কমলে কমলার ব্রাহ্মীশক্তি এবং অপর বিষ্ণুরিও আসন কল্পিত হইয়াছে । কেবল কালী ও তারা মূর্তিতে ভগবতী মহাকাল ও মহাদেবরূপ ব্রহ্মস্বরূপ বিশ্বেশ্বরের উপরে অবস্থিতা । এই কালী ও তারা-মূর্তিই প্রধানতঃ মহাবিজ্ঞা । অন্য অষ্টমূর্তি তদুৎপন্ন পর পর বিজ্ঞা এবং সিদ্ধ বিজ্ঞারূপে তন্ত্রশাস্ত্রে বিভক্ত হইয়াছেন । সুতরাং যে বিষ্ণু-কমল ত্রিগুণময় হইয়া ত্রিভুবনে ব্যক্ত হইয়াছে, তাহাই সেই অষ্টবিষ্ণুর আসন স্বরূপ হইয়াছে । এই দশমহাবিজ্ঞা ব্রহ্মার অর্দ্ধাঙ্গিনী সৃষ্টি, স্থিতি, প্রলয়কারিণী প্রকৃতি শক্তিরূপা হইয়া উজ্জ্বলবর্ণে একাসনেই বিরাজিতা আছেন । সেই ব্রহ্মাই এই দশবিধ প্রকৃতি-শক্তিযোগে দশদিকে সৃষ্টি করিয়াছেন ;—তাই ভগবতী দশভূজা ।” \*

\* সৃষ্টিবিজ্ঞান ।

তারপরে, ঈশ্বর-ভক্তিহীন কর্মীর যে দশা হয়, তাহাই দক্ষের হইল। দক্ষযজ্ঞে সতী গমন করিয়া দেহ পরিত্যাগ করিলেন। দক্ষযজ্ঞ নষ্ট হইল,—এবং দক্ষের ছাগমুণ্ড হইয়াছিল।

### পঞ্চম পরিচ্ছেদ ।

#### উমার জন্ম ও শিবসংযোগ ।

শিষ্য । পরিণামিনী প্রকৃতির অবস্থাটি গুণিতে বাসনা হইতেছে ।

গুরু । প্রাণশূন্য সতীদেহ স্বর্কে লইয়া মহাদেব ভ্রমণ করিতে লাগিলেন। কালী সুপ্তা ;—কাল, প্রসুপ্তা কালীর দেহ স্বর্কে করিয়া বিচরণ করিয়া বেড়াইতে লাগিলেন। রজোগুণের ক্রিয়া বিলোপ হয়,—জগতের কার্য ধ্বংস হয়। এদিকে কর্মরূপী দক্ষের দুর্দশা দেখিয়া সকলেই ঈশ্বরপরায়ণ হইয়া উঠিল, অর্থাৎ নিষ্ক্রিয় সাত্ত্বিক তত্ত্বেই জগৎ পরিপূর্ণ হইল। তখন কর্মাদৃষ্ট শক্তি দেবগণের স্তবে ভগবান্ বিষ্ণু স্বীয়চক্রে সতীদেহ খণ্ড বিখণ্ড করিয়া কালের কোল শূন্য করিয়া দিলেন। কাল দেখিলেন, কালী বিহনে সকলেই শূন্য,—বুঝিলেন, তিনি ধ্যানাধিগম্যা । ধ্যানে সেই সূক্ষ্ম প্রকৃতির আরাধনা করিতে লাগিলেন ।

এই স্থলে আমাদিগকে একটু বুঝিবার প্রয়োজন আছে,—দেবদেবীর লীলা আদি যাহা প্রকটিত হইয়াছে, তাহা জাগতিক শিক্ষাপ্রদ । যিনি যে শক্তিবর, তিনি সেই শক্তির সূক্ষ্ম হইতে সুলরূপ ধারণ করতঃ, তাহার শেষ সীমা পর্যন্ত দেখাইয়াছেন,—

আর যে উপায়ে তাঁহাকে লাভ করা যায়, তাহাও তিনি দেখাইয়াছেন। প্রত্যেক দেবতা সম্বন্ধে ইহা সঠিক কথা,—এমন কি ঈশ্বরও এই নিয়মের বশীভূত হইয়াছেন।

যোগিগণের মতে এই সমুদয় বহিজ্জগৎ সূক্ষ্মজগতের মূল বিকাশ মাত্র। সর্বস্থলেই সূক্ষ্মকে কারণ ও মূলকে কার্য বুলিতে হইবে। এই নিয়মে বহিজ্জগৎ কার্য, ও অস্তজ্জগৎ কারণ। এই হিসাবেই মূল জগতে পরিদৃশ্যমান শক্তিগুলি আভ্যন্তরিক সূক্ষ্মতর শক্তির মূলভাব মাত্র। যিনি এই আভ্যন্তরিক শক্তিকে, চালাইতে শিখিয়াছেন, তিনি সমুদয় প্রকৃতিকে বশীভূত করিতে পারেন।

শঙ্কর সতীকে হারাইয়া যোগ সাধনে মনঃসংযোগ করিলেন। যোগী, সমুদয় জগৎকে বশীভূত করা ও সমুদয় প্রকৃতির উপরে ক্ষমতা বিস্তার করাকেই জীবনের ব্রত বলিয়া জানেন।

শঙ্করও সেই প্রকৃতিকে বশীভূত করিবার চেষ্টা করিতে আরম্ভ করিলেন। কেননা, তিনি বুঝিতে পারিলেন, প্রকৃতি তাঁহার সম্যক বশীভূতা নহেন। বশীভূতা হইলে তাঁহার নিষেধে কখনও প্রকৃতি বাইতে পারিতেন না। যোগসিদ্ধি করিলে, প্রকৃতি তাঁহার জন্ত উদ্বোধিত হইলেন, প্রকৃতিও তাঁহাকে পাইবার জন্ত সাকারা হইলেন,—হিমালয়ের গৃহে জন্ম গ্রহণ করিলেন।

এখন মিলনের উপায়। মিলনের একটি সঙ্গী আছে। সেই সঙ্গীর নাম রাগ বা রজোগুণ,—পাশ্চাত্য ভাষায় তাহাকে Energy বলা যাইতে পারে; কিন্তু Energy বলিলে, ঠিক রাগের অনুবাদ হয় বলিয়া মনে করিতে পারি না। এই রাগেরও একটা সূক্ষ্মতম শক্তি আছে,—সেই শক্তির নাম মার। তাহার অগ্নাগ্ন নাম মদন, ময়ূধ, মনসিদ্ধ প্রভৃতি।

দেবগণ মদনের শরণাগত হইলেন। মদন রাগ জাগাইয়া শঙ্করকে ক্রিয়াশীল করিবার চেষ্টা করিলেন,—প্রকৃতিতে মজাইতে তাঁহার পঞ্চশর সংযোজনা করিলেন,—যোগী কামকে ভঙ্গ করিয়া শোধন করিয়া লইলেন।

এখন কথা হইতেছে যে, যে শক্তি অব্যক্ত ভাব ধারণ করিয়া-ছিলেন, শঙ্কর তাঁহাকে আবার ব্যক্তভাবাবস্থায় আনয়ন করিবেন ; —তাঁহাকে সম্পূর্ণরূপে বশীভূত করিবেন।

ইহা করিতে যাহা আবশ্যিক; তাহা যোগের দ্বারাই সম্পন্ন হইয়া থাকে। তাই মহাদেব যোগাবলম্বন করিয়াছেন,—তাঁহাতে কি করিতে হইবে? না,—প্রাণের মধ্যে খুব উচ্চ কম্পন উৎপাদন করিতে হইবে। প্রাণের কম্পনই শক্তি সংগ্রহ। প্রাণের কম্পনে মদনের আবশ্যিক,—কামবীজ, কামগায়ত্রীর সাধনা না করিলে, একাজ সহজে সম্পন্ন হইবে না। তাই মদনের আবির্ভাব।

এখন, জীবের মেরুদণ্ডের মধ্যে ইড়া পিঙ্গলা সুষুম্না নামে যে তিনটি নাড়ী আছে, উহার আধারস্থলকে আধার-পদ্য বলে, সাধারণ লোকের সেই আধার-পদ্যে কুণ্ডলিনী অবস্থিত। তিনি নিদ্রিতা অবস্থায় থাকেন,—তাই সতী মহানিদ্রিতা।

যোগের দ্বারা শঙ্কর তাঁহাকে জাগাইয়া লইলেন,—কুণ্ডলিনী জাগিয়া ষট্‌চক্র ভেদ করিয়া সহস্রার পদ্যে পরিম শিবের সহিত সংযুক্ত হইয়া বিহারে রত হইলেন। \* এই জাগরণ সতীর পুন-

\* ইড়া, পিঙ্গলা, সুষুম্না নাড়ী, ষট্‌চক্রের কথা, কুণ্ডলিনীর পরিচয়, জাগরণ, ষট্‌চক্রভেদ, প্রকৃতির বিশেষ কথা ও উহা করিবার সহজ ও সরল প্রণালী, মৎ-প্রণীত, "দীক্ষা ও সাধনা" নামক পুস্তকে লিখিত হইয়াছে।



ঈশ্বর লাভ ; বিবাহ ঘটুক্লেদ,—আর সহস্রারে শিবের সহিত সংমিলনই বিহার ।

সেই বিবাহের ফলে, দেবসেনাপতি কার্তিকেয়ের জন্ম । ইহার তাৎপর্য এই যে, এই স্তম্ভ পুরুষ প্রকৃতির সহযোগে যে শক্তির উদ্ভব,—তাহাই দেবশক্তি রক্ষার উপায় বা কারণ ।

### ষষ্ঠ পরিচ্ছেদ ।

#### অন্নপূর্ণা ।

শিষ্য । প্রকৃতি অন্নদাত্রী,—অন্নপূর্ণা । শিব সেই অন্ন ভোজনে স্তম্ভিবৃত্তি করিতেছেন, ইহার ভাব আমি বুঝিতে পারি না ।

গুরু । অন্নপূর্ণাদেবীর ধ্যানটি পাঠ কর ।

শিষ্য । পাঠ করিতেছি,—

রক্তাং বিচিত্রবসনাং নবচন্দ্রচূড়া-

ময় প্রদাননিরতাং স্তনভারনত্রায় ।

নৃত্যস্তমিন্দুসরুলাভরণং বিলোক্য

হৃষ্টাং ভজে ভগবতীং তবচুঃখহন্ত্রীম্ ॥

গুরু । আমি পূর্বেই বলিয়াছি, মহত্ত্বের পুরুষ মহাদেব । আর প্রকৃতি মহামায়ী রজোগুণাধিত রক্তবর্ণা ভগবতী । অন্নপূর্ণা রক্তবর্ণা,—রজোগুণ রক্তবর্ণ । সেই রজোগুণাধিত সৃষ্টিকারিণী ভগবৎশক্তি হইতেই ত্রিগুণাধিতা অবিচার প্রকাশ হইয়া থাকে । অবিচার বিকাশ হইলে, আবার সেই ত্রিগুণময়ী সৃষ্টি সম্ভূত হয় ।



অবিচার সম্বন্ধে সেই পুরুষই দেখা দিয়া স্বর্গলোকের বিকাশ করেন । মহত্ত্বই স্বর্গলোকরূপে দেখা দেয় ।

প্রকৃতি অন্নদাত্রী,—আমরা প্রকৃতি-সম্ভব জীব, পরস্পর পরস্পরকে খাইয়া ক্ষুণ্ণিবারণ করিতেছি । পিতার শুক্র, মাতার আর্ন্তব খাইয়া প্রথমেই জীবের পুষ্টি । তৎপরে মাতৃসত্ত্বরূপ মাতৃরক্ত, মাংস মজ্জা খাইয়া জীবের বর্দ্ধন । তারপরে মানুষ মৎস্ত-মাংস খাইতেছে,—বাঘে মানুষ খাইতেছে ; বাঘের মাংস ( মরা হউক ) শূগল কুকুরে খাইতেছে,—তারপর শস্তাদির ত কথাই নাই । দধি দুগ্ধ ঘৃত উহাও জাস্তব পদার্থ । ফল কথা, পরস্পর পরস্পরকে খাইয়া জীবন ধারণ করিতেছি,—জঠরানলের তৃপ্তি সাধন করিতেছি ।

অন্নপূর্ণারূপে প্রকৃতি অন্নদাত্রী,—অন্নপূর্ণা অন্নদান না করিলে, জীবেরের ক্ষুণ্ণিবারণের উপায় কি ? অন্নপূর্ণাইত “অন্নদাননিরতাং” অন্ন কি ? যাহা ভক্ষণ করা যায়, তাহাই অন্ন । অন্ন ধাতুর অর্থই ভক্ষণ করা । বায়ু ভক্ষণ করিলে, বায়ুই অন্ন । আমরা প্রকৃতিকেই খাইয়া, প্রকৃতির কোলেই বর্দ্ধিত হই,—আবার প্রকৃতির দেহ প্রকৃতির কোলেই ঢালিয়া দিয়া চলিয়া যাই । কিন্তু তখন প্রকৃতির দেহ থাকে,—তবে কম আন্ন বেশী । যখন একেবারে প্রকৃতির কাজ হইতে বিদায় লইয়া যাইব, যখন প্রকৃতির বিন্দুমাত্র দাগও গারে থাকিবে না,—তখন প্রকৃতির অন্ন খাইতে হইবে না ।

আকাশে তারা ফুটে, চাঁদ উঠে, বায়ু বহে—তাহাও প্রকৃতির লীলা । আর নদীতে কুলু কুলু তানে বীচিবিক্ষেপ করবে নীল জল গড়াইয়া গড়াইয়া সমুদ্রাভিমুখে ছুটিয়া যায়, তাহাও প্রকৃতির

খেলা । মানুষের দেহে, আকাশের গ্রহে, প্রণয়ের ফাঁদে, নীলগগনের স্বর্ণের চাঁদে,—সর্বত্রই প্রকৃতির হাব-ভাব । প্রকৃতির নীলানিকেতন সর্বত্র—সর্বত্রই প্রকৃতি । প্রকৃতি খাইতে না দিলে, আমরা খাইতে পাই না,—তাই মা আমাদের অন্নপূর্ণা । বিচিত্র-রক্তাধরা নবচন্দ্রচূড়া মা আমাদের অন্নপূর্ণা ।

প্রকৃতির অন্ন ভোজনে শরীর সাকার,—নতুবা শরীর নিরাকার নিগুণ ।

শিষ্য । দেব-দেবী যে সূক্ষ্মতাত্ত্বিকাংশ তাহা আপনার কৃপায় বুঝিতে পারিলাম, জগতে যত প্রকারের কার্য কারণ ও শক্তির বিকাশ আছে, তৎসমস্তই দেব-দেবী, অর্থাৎ সকলই দেব-শক্তি । বিশ্লেষণ করিলে, চিন্তা করিলে, ধ্যান-ধারণা করিলে সে সমুদয়ই আমি এখন বুঝিতে পারিব । প্রত্যেক দেবতার রূপ বর্ণনার সহিত আর জগতের কার্য-কারণের সহিত মিলাইয়া আলোচনা করিলে, এখানে মূলতত্ত্ব বুঝিতে সক্ষম হইব । সমস্ত দেবতার আলোচনা করা কিছু অল্প সময় সাপেক্ষ নহে ; দেবতাতত্ত্ব যতদূর যাহা বুঝিতে পারিলাম, ইহাই যথেষ্ট,—এক্ষণে আমি নিজে নিজে এই সূত্র ধরিয়া অন্যান্য দেবতা সম্বন্ধে বুঝিতে চেষ্টা করিব । বর্তমানের আমরা আরও কতকগুলি নূতন কথা জানিবার অভিলাষ আছে, এবং এ সম্বন্ধে অন্য প্রকারের বিষয়ও কিছু জানিবার আছে, অনুগ্রহ প্রকাশে সেই গুলি বুঝাইয়া দিতে আশা হউক ।

গুরু । তোমার যাহা জানিবার থাকে, বলিও ।

শিষ্য । সন্ধ্যা হইয়া আসিয়াছে, সন্ধ্যোপাসনার পরে কি আসিবে?

গুরু । আজ আর আসিও না ;—আজি পূর্ণিমা ; ভাবের রাজ্য ; আমার একটু কাজ আছে ।

---

শিষ্য । কোথাও যাইবেন না কি ?

গুরু । হাঁ,—যেখানে যাইব, একদিন তাহা তোমায় বুঝাইয়া  
দিব ।

শিষ্য । তবে কা'ল সকালেই আসিব ।

গুরু । সেই ভাল ।

---



## ষষ্ঠ অধ্যায় ।

### প্রথম পরিচ্ছেদ ।

#### প্রতিমাপূজা ।

শিষ্য । দেবতাতত্ত্ব যাহা বুঝিলাম, তাহাতে জগতের সূক্ষ্ম শক্তিতত্ত্ব যে আমাদের দেব-দেবী, তাহা অবগত হইতে পারিলাম—তাহার আরাধনায় হিন্দু যে, পৌত্তলিক বা জড়োপাসিক নহেন, তাহাও বুঝিলাম ; আরও বুঝিলাম, জগতের—সমস্ত দেশের—সমস্ত মনীষিগণই এ দেবতাদিগের আরাধনা করিয়া থাকেন । প্রকৃতির শক্তিতত্ত্বের আরাধক নহেন কে ? কিন্তু আমরা আরাধনা করি সূক্ষ্ম শক্তিতত্ত্বের, পূজা করি কেন, জড়ের প্রতিমার । শক্তির কি রূপ আছে ? তবে আমরা খড়্গ দড়ি দিয়া, গাছ পাথর দিয়া, রং রাংতা দ্বিরা ছবি বানাইয়া তাহার আরাধনা করিয়া মরি কেন ? তাহাতে কি আমাদের প্রত্যব্যয় হয় না ? সাধক কবি রামপ্রসাদও বলিয়া গিয়াছেন,—

“মন তোমার এই ভ্রম গেল না,

কালী কেমন তা চেয়ে দেখলে না ।

জগতকে সাজাচ্ছেন যে মা দিয়ে কত রত্ন-সোণা,

কোন লাজে সাজাতে চাও তাঁয় দিয়ে ছার ডাকের গহনা ।  
 জগতকে খাওয়াচ্ছেন যে মা, দিয়ে কত খাণ্ড নানা,  
 কোন লাজে খাওয়াতে চাও তাঁয়, আলোচাল আর বুটভিজানা ।  
 ত্রিজগৎ মায়ের সম্ভান, জেনেও কি মন তা' জান না,—  
 মায়ে তুই করবার জন্তে কেটে দাও মন ছাগল ছানা ।”

ইত্যাদি ইত্যাদি ।

আমার বিশ্বাস হয়, প্রতিমা পূজাটা উপধর্ম ।

গুরু । উপধর্ম অর্থ কি ?

শিষ্য । অবিধিপূর্বক যে কার্য অনুষ্ঠিত হয়, তাহার পূর্বে বোধ হয়, উপশব্দ যোগ করা যাইতে পারে ।

গুরু । যথা উপপতি,—কেমন ? মূর্খ ! ধর্মের কি আবার অপ উপ আছে না কি ? যাহা ধর্ম,—তাহা ধর্মই ; যাহা ধর্ম নহে, তাহা পাপ বা অধর্ম । অপ উপ প্রভৃতি অব্যয় ধর্মে নাই । ধর্ম নিজেই অব্যয় পদ-প্রদ ।

শিষ্য । তবে কি প্রতিমা পূজাও ধর্ম ?

গুরু । নতুবা কি অধর্ম ?

শিষ্য । জানি না,—বুঝিতে পারি না ।

গুরু । তুমি বেদান্ত দর্শন পড়িয়া বুঝিতে পার ?

শিষ্য । না ।

গুরু । সাংখ্য পাতঞ্জল ?

শিষ্য । ভাষ্য ও টীকাটীক্ষনী দেখিয়া একরূপ অর্থ সংগ্রহ করিতে পারি ।

গুরু । মহাভারত ?

শিষ্য । হ্যা, তাহা বুঝিতে পারি ।

গুরু । মহাভারত বুঝিতে পার,—সাংখ্য-পাতঞ্জল ভাষ্য ও  
টীকাটীপনীর সাহায্যে কিছু কিছু পার,—কিন্তু বেদান্ত দর্শন  
আদৌ বুঝিতে পার না কেন ?

শিষ্য । তত দূর সামর্থ্য নাই ।

গুরু । ইহাকে কি আখ্যা দিতে চাও ?

শিষ্য । কথাটি বুঝিতে পারিলাম না ।

গুরু । কোন কোন গ্রন্থ বুঝিতে পার, কোন কোন গ্রন্থ  
বুঝিতে পার না,—কেন ? কোন কোন গ্রন্থ বুঝিতে শক্তি আছে,  
কোন কোন গ্রন্থ বুঝিতে শক্তি নাই কেন ?

শিষ্য । যাহা বুঝিতে পারি, তাহাতে আমার অধিকার  
আছে । আর যাহা বুঝিতে পারি না, তাহাতে আমার অধিকার নাই ।

গুরু । কোন কোন গ্রন্থ বুঝিতে অধিকার আছে, আর কোন  
কোন গ্রন্থ বুঝিতে অধিকার নাই, ইহার কারণ কি ?

শিষ্য । বোধ হয়, বেদান্তদর্শন বুঝিতে হইলে বুদ্ধিবৃত্তির  
যতদূর ক্ষুণ্ণতার আবশ্যক, আমার তাহা নাই, আর মহাভারত  
পড়িতে বেরূপ বুদ্ধিবৃত্তির আবশ্যক, আমার তাহা আছে ।

গুরু । এরূপ বৈষম্যের কারণ কি ?

শিষ্য । তাহা ঠিক বুঝিতে পারিতেছি না ।

গুরু । কিছুদিন যদি উপযুক্ত শিক্ষকের নিকটে অভ্যাস কর,  
তখন বোধ হয় বেদান্তও বুঝিতে পার ?

শিষ্য । বোধ হয়, তাহা পারি । মহাভারত বুঝিবার ক্ষমতাও  
একদিনে লাভ হয় নাই । কথ হইতে আরম্ভ করিয়া অনেকগুলি গ্রন্থ  
সমাধা পূর্বক অনেক দিনের পরিশ্রমে ভাষা শিক্ষা করিয়া, তারপরে  
সাহিত্যানোচনা করিয়া, তবে এই ক্ষমতা লাভ করিতে পারিয়াছি ।



গুরু । জগতের সমস্ত কার্যেই অধিকার ভেদ আছে ; ধর্ম্মেও আছে ।

শিষ্য । ধর্ম্মের অধিকার ভেদ কিরূপ ?

গুরু । সূর্য্যের সূক্ষ্ম শক্তিতত্ত্ব কি সকলের ধারণার মধ্যে আইসে ! দশবার সূর্য্যের অদৃষ্টশক্তি একজনকে বুঝাইয়া দিলে, সে হয়ত তাহার একবর্ণও বুঝিতে পারিবে না । আবার একজন হয়ত আপনিই সূর্য্যতত্ত্ব বুঝিয়া লইবে ।

শিষ্য । সে কথা বিশ্বাস করিব কি প্রকারে ?

গুরু । অবিশ্বাসের কারণ কি ?

শিষ্য । বুঝা না বুঝা শিক্ষা-সাপেক্ষ । যে বুঝিতে পারিল না, সে শিক্ষা পায় নাই,—আর যে বুঝিল, সে শিক্ষা পাইয়াছে,—ইহা স্বাভাবিক কথা । কিন্তু শিক্ষা পায় নাই—অথচ বুঝিতে পারিল, কথাটা কেমন হইল ?

গুরু । শিক্ষা না পাইলে বুঝিতে পারে না ইহা ঠিক । কিন্তু শিক্ষা কি একই জন্মে সম্পূর্ণ হইয়া থাকে ? মানুষ ইহ জন্মে শিক্ষা প্রাপ্ত হইয়া মৃত্যু-অন্তে তাহার সংস্কার লইয়া জন্মগ্রহণ করিয়া থাকে । পাঁচ বংশরের বণিক শিশু কলিকাতার মহারাজা বিনয়কৃষ্ণদেব বাহাদুরের ভবনস্থ সাহিত্য-সভায় বহু শিক্ষিত ও সভ্যমণ্ডলীর সমক্ষে সংস্কৃত সাহিত্যের অনর্গল আলোচনা করিয়া-ছিল । ডাক দেখি, তোমার পুত্রকে—সে সংস্কৃত শ্লোকের একটা চরণ আবৃত্তি করিয়া যাউক । ক্ষুদ্র ক্ষুদ্র বালক তান-লয় সংযোগে সুন্দর সুন্দর গান গাহিতে পারে,—তুমি আমি শত চেষ্টাতেও তাহার ভাব মুখে আনিতে পারি না । আমার জনৈক বন্ধুপত্নী গানের স্বর শুনিয়া উহা কোন রাগিনী, তাহা বলিয়া দিতে পারেন ।

বলা বাহ্যে, তাঁহার স্বামী বা পিতা কিম্বা ভ্রাতা কাহাকেও জিজ্ঞাসা করিলে, তাঁহারা সে সকলের কিছুই বলিতে পারেন না,—এ সকল পূর্বজন্মের সংস্কার। পূর্বজন্মের সংস্কারের বলে, এ সকল অধীত বিজ্ঞা স্মৃতি-পথাক্রম হইয়া থাকে ।

শিষ্য । তাহার সহিত প্রতিমা-তত্ত্বের কোন সম্বন্ধ আছে কি ?  
গুরু । আছে বৈ কি ।

শিষ্য । কি সম্বন্ধ ?

গুরু । যেমন আমরা সংস্কার-বলে শীঘ্র বা সহজাত-সংস্কার বলে আপনা-আপনিই সকল বিষয় জানিতে বা মনে করিতে পারি, তদ্রূপ ধর্মসম্বন্ধেও জানিবে ।

শিষ্য । কথাটা ভাল বুঝিতে পারিলাম না ।

গুরু । তুমি বলিয়াছ, দেবতা সূক্ষ্মাদৃষ্টি-শক্তি,—মানুষ অস্ততঃ, হিন্দুগণ তবে বৃক্ষীয়, দারুণীয়, প্রস্তরময়ী বা ধাতুযয়ী প্রতিমা নির্মাণ করিয়া পূজা করে কেন ? সেই জড়শক্তিতে কি আছে ?—এই ত তোমার প্রশ্নের উদ্দেশ্য ?

শিষ্য । আজ্ঞা হাঁ । কিন্তু আপনি বুঝাইলেন পূর্বজন্মান্বিত সহজাত-সংস্কার ।

গুরু । সহজাত-সংস্কার বুঝাইবার কারণ এই যে, অধিকার ভেদের কথা বলিতেছিলাম । যে, শক্তি-তত্ত্ব অবগত হইতে পারে না, তাহার পক্ষে জড় দেখিয়া শক্তির কল্পনা করিতে হয়, সে কথা এখন থাকুক,—তোমার প্রশ্নের সহজ উত্তর এই যে, বাহ্যিক সূক্ষ্ম শক্তির চিন্তা করিতে অধিকারী হয় নাই,—তাঁহারা খড় দড়ি রং রাংড়া বা কাঠ পাথর দিয়া সেই শক্তির মূর্তি কল্পনা করিয়া পূজা বা আরাধনা করিলে শক্তিতত্ত্ব আরাধনার কল পাইতে পারে ।

শিষ্য । কথাটা গৌড়া-মিলান গোছের হইল ।

গুরু । কেন ?

শিষ্য । শাস্ত্রে আছে,—

বিহার নাম রূপাণি নিত্যে ব্রহ্মাণি নিশ্চলে ।

পশ্চিনিশ্চিত্তভাষ্যে বঃ স মুক্তঃ কর্মকরনাৎ ॥

ন মুক্তির্জপনাদ্বোমাদুপবাসশতৈরপি ।

ব্রহ্মবাহমিতি জ্ঞাত্বা মুক্তোভবতি দেহভূৎ ॥

আত্মা সাকী বিভূঃ পূর্ণঃ সত্যোহৈতৎ পরাৎপরঃ ।

দেহহোঃপি ন দেহহো জ্ঞাত্বৈবং মুক্তিভাগু ভবেৎ ॥

ব্রহ্মকৌড়নবৎ সর্বং নামরূপাদি কল্পনম্ ।

বিহার্য ব্রহ্মনিষ্ঠো বঃ স মুক্তো নাত্র সংশয়ঃ ॥

মনসো কল্পিতা মূর্তিন্ৰূপাং ছেন্দ্রোকসাধনী ।

বদন্তেন রাজেন রাজানো মানবাস্তল ॥

মূচ্ছিতা ঋতুদার্বাদি মূর্তাবীষরবুদ্ধয়ঃ ।

ক্রিয়ান্তত্বগসী জ্ঞানং বিনা মোক্ষং ন যান্তি তে ॥

আহার সংযমাক্রিষ্টা যথেষ্টাহারতুমিলাঃ ।

ব্রহ্মজ্ঞানবিহীনাক্শেত্রিচ্ছতিং তে ব্রহ্মস্তি কিম্ ॥

বায়ুপর্ণকণাতোয় ত্রিতিনো মোক্ষভাগিনঃ ।

সন্তি চেৎ পশুগা মুক্তাঃ পশুপক্ষীজলেচরাঃ ॥

উত্তমোব্রহ্মসত্তাবে ধ্যানভাবস্ত মধ্যমঃ ।

স্ততির্জপোহধনো ভাবো বহিঃ পূজাহর্ষমাধিমা ॥

বহানির্ঝাণস্তম্ ১ ১৫৭ উদাস ।

যে ব্যক্তি নাম ও রূপ পরিত্যাগ করিয়া নিত্য নিশ্চল ব্রহ্মের-  
ভিত্তি বিদিত হইতে পারেন, তাঁহাকে আর কর্মবন্ধনে আবদ্ধ হইতে  
হয় না । রূপ, ছোম ও বহুশত উপবাসেও মুক্তি হয় না । কিন্তু  
আগিই ব্রহ্ম সেই জ্ঞান হইলে দেহীর মুক্তি লাভ হইয়া থাকে

আত্মা সাক্ষী স্বরূপ,—বিত্ত পূর্ণ সত্য অর্থেত ও পরাংপর,—যদি এই জ্ঞান স্থিরতর হয়, তাহা হইলে জীবের মুক্তিপ্রাপ্তি ঘটে । রূপ ও নামাদি কল্পনা বালকের ক্রীড়ার স্থায় ; যিনি বাল্য-ক্রীড়া পরিত্যাগ পূর্বক ব্রহ্মনিষ্ঠ হইতে পারেন, তিনি নিঃসন্দেহ মুক্তি লাভে অধিকারী । যদি মনঃকল্পিত মূর্তি মনুষ্যের মোক্ষসাধনী হয়, তাহা হইলে স্বপ্নলক্ক-রাজ্যেও লোকে রাজা হইতে পারিত । মৃত্তিকা, শিলা, ধাতু ও কাষ্ঠাদি মিশ্রিত মূর্তিতে ঈশ্বর জ্ঞানে যাহারা আরাধনা করে, তাহারা বৃথা কষ্ট পাইয়া থাকে ; কারণ জ্ঞানোদয় না ঘটিলে মোক্ষ হয় না । লোকে আহার সংযমে ক্লিষ্টদেহ বা আহার গ্রহণে পূর্ণোদয় হউন, ব্রহ্মজ্ঞান না হইলে কখনই নিষ্কৃতি হইতে পারে না । বায়ু, পর্ণ, কণা বা জলমাত্র পান করিয়া ব্রতধারণে যদি মোক্ষ লাভ হয় তবে সর্প, পশু পক্ষী, ও জলচর জন্তু সকলেরই মুক্তি হইতে পারিত । ব্রহ্ম সত্য, এই জ্ঞানই উত্তম কল্প, ধ্যান ভাব মধ্যম, স্তব ও জপ অধম, বাহ্য পূজা অধম হইতেও অধম ।

শাস্ত্র-বাক্য শ্রবণ করিলে, আমরা বুদ্ধিতে পারি, কেবল যে, বিধর্মিগণই আমাদেরকে পৌত্তলিক ও জড়োপাসক বলিয়া উপহাস করেন, তাহা নহে । আমাদের শাস্ত্রও এ বিষয়ে সবিধান করিয়া দিতেছেন । বোধ হয়, পৌরাণিক কালের গল্পের রাজত্বের সময় বৈদিক দেবশক্তিগুলি কল্পনিকের কল্পনাবলে হস্ত পদ বিশিষ্ট ও জড়ে পরিণত হইয়া আমাদের পূজা ও আরাধনা লইতে আরম্ভ করিয়াছেন ! বলা বাহুল্য,—পৌত্তলিকতা যে, মোক্ষের কারণ নহে, তাহা খাঁটি সত্য । আপনার কি মত ?

শুধু । আমার মতে তোমার মতে, আর দুই একজন ব্যক্তির মতে কি ধর্মমত গঠিত হইবে ?

শিষ্য । না, আমি সে মতের কথা বলিতেছি না । আপনার এ সম্বন্ধে কিরূপ কি বিবেচনা হয়, তাহাই জিজ্ঞাসা করিতেছিলাম ।

গুরু । তোমার যাহা মত, তাহা আগে বলিয়া যাও, তাহার পরে আমার মত বলিতেছি ।

শিষ্য । আমার কথা ত আপনাকে বলিলাম ।

গুরু । আমার কথাও বলিতেছি । তোমরা ইংরাজী শিক্ষিত যুবক,—তোমরা একটু চঞ্চলচিত্ত—একথা আমি সাহস পূর্বক বলিতে পারি । তোমরা কোন কথাই ভাল করিয়া তলাইয়া বুঝিয়া দেখ না, ঐ একটা বড় উপসর্গ । তোমরা প্রাগুক্ত শাস্ত্রীয় বচনগুলি উদ্ধৃত করিয়া বুঝিতে ও বুঝাইতে চেষ্টা কর যে, “মনের কল্পিত মূর্ত্তি যদি জড়োপাসক হইত, তবে স্বপ্ন-প্রাপ্ত—রাজ্যেও লোকে রাজা হইত,—আর উপবাস-ব্রতাদি করিলে যদি লোকের মোক্ষ হইত, তবে সর্পাদির মোক্ষও করতলস্থ হইত ।”—কিন্তু ভাবিয়া দেখ না, হিন্দু কিসের জন্ত ঐ সকলের বিধি-বিধান করিয়াছেন ! উহার তলে কত কত মণি মুক্তা প্রথিত আছে । কালিদাসের সাহিত্য পুস্তকগুলি তুমি পাঠ করিয়াছ কি ?

শিষ্য । হাঁ, পড়িয়াছি বৈ কি । সে রত্নদর্শনে কাহার না সাধ যায় ।

গুরু । কালিদাসি-সাহিত্য তোমার নিকট কি খুব মধুর লাগে ?

শিষ্য । আমার নিকট কি মহাশয় । জগতের এমন লোক নাই, যাহার নিকট সে ভাবের, সে রচনার, সে সৌন্দর্য্যের আদর না হইবে,—এমন লোক নাই যে, তাহার রসান্বাদনে আপনাকে অমৃত ফলভোগী বলিয়া জ্ঞান না করিবে ।

গুরু । তোমার ভৃত্য রামসদয়কে ডাক দাও—আর রঘুবংশ খানা বাহির কর ।

শিষ্য । সে কি ?

গুরু । আমি রঘুবংশ পড়িয়া ঘাই,—সে অমৃত-ফল-ভোগের সুখ উপভোগ করুক ।

শিষ্য । ( হাসিয়া ) সে তাহা বৃষ্টিতে পারিবে কেন ?

গুরু । এই যে, বলিলে সকল লোকেই—তাহার রসাস্বাদনে পুলকিত ।

শিষ্য । ও যে মূর্খ !

গুরু । তবে কি ও মানুষ নহে ?

শিষ্য । মানুষ কিন্তু শিক্ষা প্রাপ্ত হয় নাই ।

গুরু । শিক্ষা হয় কিরূপে ?

শিষ্য । অনুশীলন করিলে ।

গুরু । তদর্থে উহার এখন কি করা কর্তব্য ?

শিষ্য । বর্ণ পরিচয় করা ।

গুরু । তার পরে ?

শিষ্য । ব্যাকরণ-সাহিত্য পাঠ করা ।

গুরু । তাহা হইলেই কি কালিদাসের কবিতার রসাস্বাদনে সক্ষম হইবে ? তোমার কি বিশ্বাস যে, ব্যাকরণ-সাহিত্যে জ্ঞান থাকিলেই কাব্যের রস-আস্বাদনে মানুষ সক্ষম হয় ?

শিষ্য । না, তাহাও হয় না । অনেকে পাঠ করিতে পারে, অর্থ বৃষ্টিতে পারে—কিন্তু ভাব গ্রহণে অক্ষম ।

গুরু । কেন ?

শিষ্য । ভাব বৃষ্টির অনুশীলন অভাবে ।



গুরু । ভাল কথা । এক্ষেপে জিজ্ঞাসা করি, জগতের সম-  
ধিক জটিল ও দৃঢ় ভাব কি ? আত্ম পরিচয় নহে কি ? আত্ম-  
জ্ঞান লাভই সমধিক কঠিন । সেই জ্ঞানলাভ করিবার জন্য কি  
একেবারেই ব্রহ্মভাব ভাবিতে গেলে, তাহা সাধন হয় ? যাহারা  
তোমার ভৃত্যের মত অধ্যাত্ম বিষয়ে মূৰ্খ, তাহারা কি প্রকারে সে  
ভাব, অনুভব করিতে পারিবে ? তাই তোমার ভৃত্যের যেমন কালি-  
দাসি-কবিতার ভাব গ্রহণ জন্য বর্ষ পরিচয় হইতে আরম্ভ করিয়া  
অত গুলি শিক্ষা করিতে হইবে,—আর যাহারা অধ্যাত্মতত্ত্ববিষয়ে  
অনভিজ্ঞ তাহাদিগকেও দেবতাপূজা হইতে আরম্ভ করিয়া তবে  
ব্রহ্মোপাসনায় যাইতে হইবে । দেবতা সূক্ষ্ম অদৃষ্ট-শক্তি—অদৃষ্ট-  
শক্তিকে জয় করিতে না পারিলে, তবে ঈশ্বরোপাসনা কি করিয়া  
করা যাইতে পারিবে ? যে মহানির্বাণতত্ত্ব হইতে তুমি ঐ সকল  
বচন উদ্ধৃত করিলে, সেই মহানির্বাণতত্ত্বেই দেবতা পূজার বিদি-  
ব্যবস্থা ও তাহার প্রয়োজনীয়তা বর্ণিত হইয়াছে । কেন, তাহা  
বুঝিতেছ কি ? শক্তিমান্ না হইলে কোন কার্যেই অধিকারী  
হওয়া যায় না । দেবতা-আরাধনায় মুক্তি হয় । একথা হিন্দু  
শাস্ত্রের কোন স্থানেই নাই । তবে দেবতা-আরাধনায় মুক্তির  
পথে অগ্রসর হওয়া যায় । মহানির্বাণ-তত্ত্বের চতুর্দশ উল্লাসের  
যে শ্লোকগুলি তুমি বলিলে, তাহার পরের শ্লোকগুলি তোমার  
মুখস্থ আছে কি ?

শিষ্য । না । আপনাকে জিজ্ঞাসা করিব বলিয়া ঐ গুলি  
মুখস্থ করিয়া আসিয়াছিলাম ।

গুরু । ঐ আর একটি প্রধান উপসর্গ হইয়া দাঁড়াইয়াছে ।  
ছাপার কেতাব হইয়া, ঘরে ঘরে শাস্ত্রগ্রন্থ—আগস্ত্য পাঠ করা

নাই—গুরুর নিকট উপদেশ লওয়া নাই, শাস্ত্রের সামঞ্জস্য নাই, একস্থানে খুলিয়া মনের মত গোটা-ছই শ্লোক মুখস্থ করিয়া তাহা লইয়াই মারামারি । উহার পরের গুটিকয়েক শ্লোকের প্রতি মনঃ-সংযোগ ও তাহার তাৎপর্যার্থ গ্রহণ করিলে, আর এত গোলে পড়িতে না । সে শ্লোক কয়টি এই,—

যোগো জীবান্ননোরৈক্যং পূজনং সেবকশয়োঃ ।  
 সৰ্ব্বং ব্রহ্মৈতি বিদ্ব্বো ন যোগো ন চ পূজনম্ ॥  
 ব্রহ্মজ্ঞানং পরং জ্ঞানং যস্য চিত্তে বিরাজতে ।  
 কিন্তুস্য জপযজ্ঞাদ্যে স্তপোভিনিয়মব্রতৈঃ ॥  
 সত্যং বিজ্ঞানমানসমেকং ব্রহ্মৈতি পশুতঃ ।  
 স্বভাবাদ্ ব্রহ্মভূতস্য কিং পূজা ধ্যান-ধারণা ॥  
 ন পাপং নৈব হুকৃতং ন স্বর্গো ন পুনর্ভবঃ ।  
 নাপি ধ্যেয়ে ন বা ধ্যাতা সৰ্ব্বং ব্রহ্মৈতি জানতঃ ॥  
 অন্নমাস্মা সদ্যমুক্তো নিলিপ্তঃ সৰ্ব্ববস্তু ।  
 কিং তস্ত বন্ধনং কৰ্ম্মায়ুক্তিমিচ্ছন্তি চুৰ্জনাঃ ॥  
 স্বমায়্য রচিতং বিশ্বমবিতর্ক্যং হৃদৈরপি ।  
 স্বয়ং বিরাজতে তত্র হৃপ্রবিষ্টঃ প্রবিষ্টবৎ ।  
 বহিরন্তর্যধাকাশং সর্বেষামেব বস্তুনাম্ ।  
 তবৈব ভাতি সক্রপো হ্যস্মা সাক্ষীস্বরূপতঃ ॥  
 ন বাল্যমস্তি বৃদ্ধতং নান্ননো যৌবনং জহুঃ ।  
 সদৈকরূপশ্চিন্মাত্রে বিকারপরিবর্জিতঃ ॥  
 জহ্ম-যৌবন-বার্দ্ধক্যং দেহস্যৈব ন চাস্মনঃ ।  
 পশুস্তোহপি ন পশুন্তি সায় প্রাবৃতবুদ্ধয়ঃ ॥  
 যথা শরাবতোন্নহং রবিং পশুস্তানেকধা ।  
 তত্ৰৈব সায়য়া দেহে বহুধায়া সমীকতে ॥

যথা সলিল চাকলাং মল্লভে তদগতে বিধৌ ।  
 তত্রৈব বুদ্ধেষ্ঠাঞ্চল্যং পশুস্ত্যড়িষ্ঠকোবিদাঃ ॥  
 ঘটস্থং যাদৃশং ব্যোমো ঘটভগ্নেহপি তাদৃশম্ ।  
 নষ্টদেহে তথৈবাত্মা সমক্লপো বিরাজতে ॥  
 আত্মজ্ঞানমিদং দেবি পরং মোক্ষক সাধনম্ ।  
 জ্ঞানম্নিহৈব মুক্তঃ স্যাৎ সত্যং সত্যং ন সংশয়ঃ ॥  
 ন কর্শ্বণা বিমুক্তঃ স্যাৎ সন্তত্যা ধনেন বা ।  
 আত্মনাত্মানমাজ্জায় মুক্তো ভবতি মানবঃ ॥  
 প্রিয়োহাত্মৈতুব সর্বেষাং নাত্মনোহস্তপরং প্রিয়ম্ ।  
 লোকেহস্মিন্নাত্মসংস্বাদ্ ভবন্ত্যশ্চেষ্টয় প্রিয়াঃ শিবে ।  
 জ্ঞানং জ্ঞেয়ং তথা জ্ঞাতা ত্রিতয়ং ভাতি মায়য়া ।  
 বিচার্যমাণে ত্রিতয়ে আত্মৈকৈকোহবশিব্যতে ॥  
 জ্ঞানমাত্মৈতুব চিক্রপো জ্ঞেয়মাত্মৈব চিহ্নয়ঃ ।  
 বিজ্ঞাতা স্বয়মেবাত্মা যো জ্ঞানাতি স আত্মবিৎ ॥

মহানির্বাণ তন্ত্র ; ১৪ শ উঃ ।

“জীব ও আত্মার একীকরণের নাম যোগ, সেবক ও ঈশ্বরের  
 ঐক্য পূজা,—কিন্তু দৃশ্যমান সকল পদার্থই ব্রহ্ম, এইরূপ জ্ঞান  
 জন্মিলে যোগ বা পূজার প্রয়োজন নাই । ঐহার অন্তরে প্রধান জ্ঞান  
 ব্রহ্মজ্ঞান বিরাজিত, তাঁহার জপ, যজ্ঞ, তপস্যা, নিয়ম ও ব্রতাদির  
 প্রয়োজন নাই । যিনি সর্বস্থলে নিজ, বিজ্ঞান ও আনন্দস্বরূপ  
 অদ্বিতীয় ব্রহ্মপদার্থ দর্শন করিয়াছেন, স্বভাবতঃ ব্রহ্মভূত বলিয়া  
 তাঁহার পূজা ও ধ্যান-ধারণার আবশ্যক নাই । সকলই ব্রহ্ময়, এই  
 জ্ঞান জন্মিলে পাপ, পুণ্য, স্বর্গ, পুনর্জন্ম, ধ্যেয় বস্তু ও ধ্যাতার  
 প্রয়োজন করে না । এই আত্মা সতত বিমুক্ত, এবং সকল বস্তুতে  
 নির্লিপ্ত, এই জ্ঞান জন্মিলে তাঁহার বন্ধন বা মুক্তি কোথায় এবং কি

জন্মই বা চূর্কোথ লোকে কামনা করে, ইহা বুঝিতে পারা যায় না ।  
 মায়া প্রভাবে এই জগৎ বিরচিত হইয়াছে, ইহার মর্ষোচ্ছেদ করা  
 দেবগণেরও অসাধ্য । পরম ব্রহ্ম ইহাতে প্রবিষ্ট না হইয়াও  
 প্রবিষ্টের ন্যায় বিরাজিত আছেন । যেরূপ সকল পদার্থের বাহ্যভা-  
 স্তরে আকাশের অবস্থিতি, সেইরূপ সৎ ও সাক্ষী স্বরূপ এই  
 আত্মাই সর্বত্র অবভাসিত রহিয়াছেন । আত্মার জন্ম, বাল্য, যৌবন  
 ও বার্দ্ধক্য নাই, তিনি সতত চিন্ময় ও বিকার শূন্য । দেহীর  
 দেহেই জন্ম, যৌবন ও বার্দ্ধক্য দৃষ্ট হয় । কিন্তু আত্মার ঐ সকল  
 নাই । যাহাদিগের বুদ্ধি মায়াবিন্মুক্ত, তাহারা দেখিয়াও উহাদিগকে  
 পায় না । যেরূপ বহু শরাবস্থ সলিলে বহুতর সূর্য্য সংলক্ষিত হয়,  
 তাহার ন্যায় আত্মা, মায়া প্রভাবে বহু শরীরে বহির্ভাগে লক্ষিত  
 হইয়া থাকেন । যেরূপ জল চঞ্চল বলিয়া প্রতিবিম্বিত চন্দ্রও  
 চঞ্চল বলিয়া অনুমতি হয়, তাহার ন্যায় অজ্ঞানী লোকে বুদ্ধির  
 চাঞ্চল্যে আত্ম-দর্শন করিয়া থাকে । ঘট ভগ্ন হইলে তৎ-  
 স্থিত আকাশ যেরূপ পূর্ববৎ অবিকৃত থাকে, সেইরূপ দেহ নষ্ট  
 হইলেও আত্মা সমভাবে বিরাজমান থাকেন । হে দেবি ! আত্মজ্ঞান  
 মোক্ষের একমাত্র সাধন, ইহা জানিতে পারিলে, জীব সত্য সত্যই  
 মুক্ত হইয়া থাকে । লোকে ধর্ম্মানুষ্ঠান, পুত্রোৎপাদন, এবং  
 ধনব্যয়ে মুক্ত হয় না, কিন্তু আত্মতত্ত্ব জানিতে পারিলেই মুক্ত  
 হইয়া থাকে । আত্মাই সকলের প্রেমাম্পদ, ইহা অপেক্ষা  
 প্রিয়বস্তু আর নাই । হে শিবে ! অপর লোকে আত্ম-সম্বন্ধানু-  
 সারেই প্রিয় হইয়া থাকে । মায়া প্রভাবে জ্ঞান, জ্ঞেয় ও জ্ঞাতা  
 এই তিনটি প্রতিভাত হইয়াছে, এই তিনটির বিষয় সূক্ষ্ম  
 বিবেচনা করিলে একমাত্র আত্মাই অবশিষ্ট থাকে । চিন্ময়

আত্মাই জ্ঞান, জ্ঞেয় এবং জ্ঞাতা যাহার ইহা বোধ হইয়াছে, তিনিই আত্মবিৎ ।”

এক্ষণে তুমি বোধ হয় বুদ্ধিতে পারিয়াছ, আত্মজ্ঞানই জীবের চরমোদ্দেশ্য ; এবং সেই আত্মজ্ঞান লাভ হইলে তবে পূজাদি কিছুই প্রয়োজন হয় না । কিন্তু যতক্ষণ পর্যন্ত সেই আত্মজ্ঞান লাভ না হয়, ততক্ষণ পর্যন্ত পূজাদির প্রয়োজন । কোন পদার্থের অনুসন্ধানই অন্ধকারে আলোকের আবশ্যক,—কিন্তু সেই পদার্থ হুড়াইয়া পাইলে, তখন আলোকের আর আবশ্যক নাই ।

শিষ্য । আমার প্রশ্নের প্রকৃত উত্তর পাইয়াছি কি ?

গুরু । আমি তোমার প্রশ্নের ভাব ধরুপ বুঝিয়াছি,—তদ্রূপ উত্তরই দিয়াছি ।

শিষ্য । হয়ত প্রশ্ন করিবার দোষে আমিই গোল পাকাইয়া ফেলিয়াছি ।

গুরু । না, গোল কিছুই পাকাও নাই ;—পূর্বে যে প্রশ্ন করিয়াছিলে, তাহাতে এইরূপ প্রশ্নই উঠিতে পারে । ফল তোমার মনের ভাব এই যে, আমরা জড়ের আরাধনা করিব কেন ? দেবশক্তির আরাধনা,—সেত নৃন্দ এবং চৈতন্য, তবে জড়ের আরাধনা করা কেন ?

শিষ্য । হাঁ তাহাই ।

গুরু । সে কথাও ত উত্তর পূর্বেই হইয়া গিয়াছে । জড়া-জড় যাহা কিছু আছে, সমস্তই ব্রহ্ম—সকলই সেই চিহ্ন-শক্তি । ইচ্ছা দ্বারা সে শক্তি যাহাতে কল্পিত হইবে, তাহাতেই তাহার বিকাশ পাইবে ।

শিষ্য । কথাটা আরও কঠিন হইয়া দাড়াইল ।

গুরু । কি কঠিন হইল ?

শিষ্য । যাহার যেরূপ কল্পনা, সেইরূপ ভাবে ভাবিলেই তাহাতে ব্রহ্ম-শক্তির বিকাশ পাইবে ?

গুরু । তাহা হইলে দোষ কি হইল ?

শিষ্য । এইত পুর্বোক্ত মহানির্বাণতন্ত্রের শ্লোকে স্পষ্টতঃ বলা হইয়াছে, মনঃকল্পিত মূর্তি যদি মোক্ষসাধনী হইত, তবে স্বপ্ন-লঙ্ক-রাজ্যেও লোকে রাজা হইতে পারিত । আপনি বলিতেছেন, মানসিক ঘটনানুযায়ী কল্পিত মূর্তিতে ব্রহ্মের বিকাশ হয় । তাহা হইলে সেই কথা কি শাস্ত্রবিরোধী হইল না ?

গুরু । না, শাস্ত্র-বিরোধী হয় নাই । মানসিক ঘটনানুযায়ী কল্পিত মূর্তি মোক্ষদাত্রী নহে, কিন্তু মোক্ষ-প্রাপ্তি-পথের প্রদর্শিকা । এটুকু প্রভেদ বুঝিলে, আর গোলযোগ ঠেকিবে না ।

শিষ্য । আমি যদি আমার স্বীর মূর্তি কল্পনায় ভাবিতে ভালবাসি, তবে কি তাহাই আমার মোক্ষপথের পথ-প্রদর্শিকা হইবে ?

গুরু । দেখ, বাহু-জগতের রূপ হইতে বিভিন্ন একটি রূপের কল্পনা মানুষের হৃদয়ে আরোপিত হইয়া থাকে । মানুষ স্বীর রূপে তাহাকে ভালবাসে না, সেই মনের অবস্থিতরূপ স্বীর উপর আরোপিত করিয়াই তাহাকে ভালবাসে । নতুবা স্ত্রীকে লোকে আজীবন কাল ভালবাসিতে পারিত না । যখন বিবাহের ফুলশয্যায় সেই লাজ মাখন আঁধি, সরমের সখারপানে ছুক ছুক মরমে চাহিতে গিয়া দশবার থামিয়া পড়িয়াছে, সেই বুন্‌রো বুন্‌রো কেশ গুচ্ছ, সেই ক্ষুদ্র ক্ষুদ্র হাত পা, সেই ক্ষুদ্র দেহ প্রাণ ভরিয়া ভাল বাসিয়াছিলে,—প্রভাতে শয্যা ত্যাগের সময় হৃদয়ের গভীরতম প্রদেশ হইতে ধ্বনি ছাড়িয়াছিলে,—“ওহি রূপ লাগরহি যেরি নয়ন মে ।”



কিন্তু তাহা থাকিল কৈ ? পাঁচ বৎসর পরে, সকলই পরিবর্তনের পথে আসিল,—সে ক্ষুদ্র গিয়া বৃহৎ হইল । সে লজ্জা গিয়া প্রগল্ভতা আসিল—সব পরিবর্তন ; সব নূতন ! এরূপেও তোমার মানস-মোহিত থাকিল,—যৌবন সুধমার পানে চাহিয়া চাহিয়া তোমার চিত্ত বলিল,—“সারটি দিবস ধরি, দেখিহু ও রূপরাশি, না মিটিল হৃদয়-পিয়াসা ।” তারপরে, প্রৌঢ়কালে যখন যৌবন-বসন্ত জ্বাব দিয়া চলিয়া গেল, তখন আবার পরিবর্তন,—আবার নূতন । কিন্তু ভালবাসা গেল না । তোমার হৃদয় গাহিল—“না হইলে বরোদিকে রসিকে প্রেম জানে না ।” বার্কক্যেও এ প্রেম দূরীভূত হইল না । তবে প্রেম কোথায়—ভালবাসা কোথায় ? বাহিতের দেহে ; না, তোমার মনে ? প্রত্যেক মানুষের চিত্তে এক একটা সৌন্দর্য স্পৃহা আছে,—সেই সৌন্দর্য-স্পৃহার শক্তি-সামঞ্জস্য লইয়াই দেবতা । দেবতার আরাধনা করিয়া মানুষের একগ্রতার পথে ধাবমান হওয়া ।

### দ্বিতীয় পরিচ্ছেদ ।

#### দেবতত্ত্ব ।

শিষ্য । তাহা হইলে যাহার যেরূপ ইচ্ছা, সে সেইরূপ কল্পনা করিয়া আরাধনা করিতে পারে ?

গুরু । কথাটা আর একবার বলি শুন । আরাধনা প্রভৃতি করিবার কি উদ্দেশ্য বুঝিতে পার ?

শিষ্য । আত্মোন্নতি লাভ করা ।

গুরু । আত্মোন্নতি কি প্রকারে হয় ?

শিষ্য । সম্ভবতঃ চিত্তস্থিরের দ্বারা ।

গুরু । চিত্তস্থির কি প্রকার ?

শিষ্য । সৰ্ববৃত্তি নিরোধ অর্থাৎ চিত্তের নিরালস্য অবস্থা ।

গুরু । এই অবস্থাকে যোগ বলে ।

শিষ্য । হাঁ ।

গুরু । এখন, ইহা হইবার উপায় কি ?

শিষ্য । সেই-ত কথা ।

গুরু । হয়ত যিনি জন্ম জন্ম খাটিয়া আসিতেছেন, তাঁহার চিত্ত সহজেই স্থির আছে,—তিনি হয়ত ব্রহ্ম ভাবনা সহজেই করিতে পারেন । কিন্তু যীশু, চৈতন্য, বুদ্ধ, নানক কয়টি জন্ম গ্রহণ করেন ? অধিকাংশই তোমার আমার মত বদ্ধ জীব । বদ্ধ জীবের চিত্ত সৰ্বদাই প্রকৃতির রূপ-রস-গন্ধে আকৃষ্ট—সৰ্বদাই চারিদিকে দোহুল্যমান । সৰ্বদাই কামক্রোধাদি রিপূর বশীভূত । ইহাদিগের উপায়ের জন্মই প্রতিমা পূজা ।

শিষ্য ! প্রতিমা পূজায় ইহাদিগের কি উপকার হইবে ?

গুরু । চিত্ত স্থির হয় ।

শিষ্য । কি প্রকারে হয় ?

গুরু । কি প্রকারে হয়, তাহা বলিতেছি । এক বস্তু-বিষয়ক তীব্র ভাবনা বা উৎকট চিন্তা প্রয়োগের নাম যোগ ও সমাধি । সৰ্ববৃত্তিনিরোধ অর্থাৎ চিত্তের নিরালস্য অবস্থাও যোগ ও সমাধি । ইহা লাভ করিতে হইলে, কোন এক বিষয় বা পদার্থ ভাবনা করিতে হয় । সমাধির প্রথমাবস্থায় ভাব্য পদার্থের জ্ঞান থাকে বটে ; কিন্তু ক্রমে ক্রমে সে জ্ঞান তিরোহিত হইয়া যায় । চিত্ত

তখন বৃত্তি শূন্য বা নিরালম্ব হইয়া কেবল অস্তিত্বমাত্রে অবস্থিত থাকে । সেই সকল পর্যালোচনা করিয়া, যোগীরা বলিয়াছেন যে, সমাধি দুই প্রকার । সম্প্রজ্ঞাত সমাধি ও অসম্প্রজ্ঞাত সমাধি । ( সম—সম্যক্, প্র—প্রকৃষ্টরূপে, জ্ঞা—জানা ) । ভাব্য পদার্থের বিস্পষ্ট জ্ঞান অনুপ্ত থাকে বলিয়া প্রথমোক্ত সমাধির নাম “সম্প্রজ্ঞাত” আর “না কিঞ্চিং প্রজ্ঞায়তে” কোন প্রকার বৃত্তি বা জ্ঞান থাকে না বলিয়া শেষোক্ত সমাধির নাম “অসম্প্রজ্ঞাত ।”

যাহারা তীর ছুড়িতে শিক্ষা করে, তাহারা প্রথমে কোন স্থূল পদার্থ লক্ষ্য করিয়া তীর ছুড়িতে আরম্ভ করে ; তারপরে ক্রমে ক্রমে সূক্ষ্ম হইতে সূক্ষ্মতর পদার্থ লক্ষ্য করিয়া তীর ছুড়ে, এবং তাহাতে লক্ষ্য বিদ্ধ করিতে সুপারগ হইয়া উঠে । সেইরূপ সাধকগণও প্রথমে দেবতার যে সূক্ষ্মশক্তি তাহা লক্ষ্য করিতে পারে না, কাজেই তদবস্থায় স্থূলরূপ বা জড়ে তাহাদের লক্ষ্য স্থির করিতে হয় । প্রথম যোগীগণও স্থূলতর শালগ্রামশিলা, রাধাকৃষ্ণ, কালী, দুর্গা প্রভৃতি দেবমূর্তি অবলম্বন করিয়া তদুপরি ভাবনা-শ্রোত প্রবাহিত করেন ।

শিষ্য । তাহা হইলে বুঝা যাইতেছে যে, প্রথম যোগীগণের ধ্যেয় বা ভাব্য বস্তু দুই প্রকার । স্থূল ও সূক্ষ্ম ।

শুক । হাঁ ; স্থূল ও “সূক্ষ্ম” এই দুই শব্দের দ্বারা যাহা বুঝা যাইতে পারে, সে সমস্তই তাহাদের ভাব্য বা ধ্যেয় বটে, কিন্তু তাহার ভিতরও কিছু বিশেষ ব্যবস্থা আছে । তাহা এই যে,—বাহ্য স্থূল ও বাহ্য সূক্ষ্ম, এবং আধ্যাত্মিক স্থূল ও আধ্যাত্মিক সূক্ষ্ম । ক্ষিত্তি, জল, তেজ, বায়ু, আকাশ,—এই পাঁচ প্রকার ভূত, বাহ্য স্থূল নামে অভিহিত । আর ইন্দ্রিয়গুলি আধ্যাত্মিক স্থূল নামে

কথিত হইয়া থাকে। উহাদের কারণীভূত সূক্ষ্ম তন্মাত্রা বা পরমাণু সকল এবং অহংতত্ত্ব ও বুদ্ধিতত্ত্ব নামক অধ্যাত্ম বস্তু সকল যথাক্রমে বাহ্য সূক্ষ্ম ও আধ্যাত্মিক-সূক্ষ্ম নামে অভিহিত হয়। এতদ্বিন্ন আত্মা ও ঈশ্বর, এই দুই পৃথক্ ভাব্য বস্তুও আছে। এই সকল ভাব্য অবলম্বন করিয়া চিন্তা-শ্রোত প্রবাহিত করিতে পারিলে ভাব্য-বস্তুর সামর্থ্যাদি অনুসারে ভিন্ন ভিন্ন ফল লাভ হইয়া থাকে।

শিষ্য। তাহা হইলে পৃথক্ পৃথক্ দেবপ্রতিমা আরাধনায় কি পৃথক্ পৃথক্ ফল লাভ ঘটয়া থাকে ?

গুরু। তা ঘটে না? তবে কি গণেশ, সূর্য্য, কালী, দুর্গা অন্নপূর্ণা, শালগ্রাম প্রভৃতি সকল দেবতার আরাধনাতেই এক প্রকার ফল হইয়া থাকে ?

শিষ্য। কথাটা আর একবার বুঝিয়া লই। আমি কৃষ্ণমূর্ত্তি পূজা করিতেছি, হারাধন রামমূর্ত্তির পূজা করিতেছে, কৃষ্ণধন শ্রীমাঠাকুরাণীর পূজা করিতেছে—ফল কি পৃথক্ পৃথক্ হইবে ?

গুরু। হাঁ, তাহা হইবে বৈ কি।

শিষ্য। কেন, আপনিইত পূর্বে বলিলেন, যে কোন পদার্থে মনঃসংযোগ করিয়া চিন্তা-শ্রোত প্রতিহত করা মাত্র।

গুরু। তাহাতে কি হইল? যে কোন পদার্থে মনঃসংযোগ করিলে, তাহার ফলে চিন্তাশ্রোত একমুখী হয় বটে, কিন্তু চিন্ত্য পদার্থের শক্তিবলে ফল কি পৃথক্ হয় না? এই আমাদের আশে পাশের জিনিষগুলি লইয়াই দেখ না কেন। খুব অনেকক্ষণ একাগ্রচিত্তে যদি ফুলের বিষয় চিন্তা করিতে থাক, তবে মনে কি আনন্দের উদয় হয় না? আর মৃতদেহের চিন্তায় কি ভয়ের উদয় হয় না? সেইরূপ চিন্ত্যবিষয়ের শক্তি ও সামর্থ্যবলে সাধকেরও ফল লাভ হইয়া থাকে।

শিষ্য । আপনি দেবমূর্তির শক্তির কথা বলিতেছেন কি ?

গুরু । হাঁ ।

শিষ্য । কোন বিগ্রহ মাটির গঠিত, কোন বিগ্রহ পিত্তলের গঠিত, কোন বিগ্রহ কাষ্ঠের গঠিত—ঐ সকল পদার্থের কি পৃথক্ শক্তি ?

গুরু । মূর্খ । তাহা নহে । সেই দেবতার শক্তি ।

শিষ্য । ঐ জড় বা পুতুলের মধ্যে কি দেবতা আসিয়া থাকেন ।

গুরু । হাঁ ।

শিষ্য । কি প্রকারে আইসেন ?

গুরু । কি প্রকারে আইসেন, তাহা পরে বলিতেছি । এখন ধরিয়া লও, আসুন, আর নাই আসুন—না হয়, মনে কর, আসেন না—সে কাষ্ঠ, মাটি, না হয় পিত্তল কিম্বা পাষাণ । আমাদের মতই একটি মানুষ তাহাকে ঐরূপে বানাইয়া রাখিয়াছে । কিন্তু সেই মূর্তির গঠনপ্রণালী কি তাহার কল্পিত, না তোমার আমার কল্পিত ?

শিষ্য । আপনার আমার না হউক, আমাদেরই মত অন্য কোন মানুষের হইতে পারে ।

গুরু । তোমার আমার মত মানুষের নহে । আমাদের চেয়ে উন্নত মানুষের ।

শিষ্য । কি প্রকার উন্নত ?

গুরু । যাহাদের চিন্তাস্রোত একমুখী হইতে পারিয়াছে ।

শিষ্য । বৃষ্টিতে পারিলাম না ।

গুরু । যাহারা যোগ ও সমাধিবলে বহিঃপ্রকৃতি ও অন্তঃপ্রকৃতির সংবাদ লইতে শিক্ষা করিয়াছেন ।

শিষ্য । তাহারা কি প্রকারে ঐ ঐ শক্তির যে ঐ ঐ রূপ তাহা জানিতে পারিলেন ?

গুরু । কোন সূক্ষ্ম শক্তিতে বিশিষ্টরূপে চিন্তা করিয়া সমাধি লাভ করিতে পারিলে তাহার পূর্ণ মূর্ত্তি হৃদয়ে উদ্ভূত হয় । যাহার ভালবাসা কোন মানুষে পায় নাই—কিন্তু ভালবাসার শক্তি লইয়া ভাবিতে শিখিয়াছে, তাহার ভালবাসা মূর্ত্তিমতী হইয়া একটি রূপ গঠিয়া লয় । আপনিই সে রূপ উদয় হয় । এইরূপ যে, যে শক্তির আরাধনায় চিন্তাস্রোতকে একমুখী করিতে পারিয়াছে, তাহার নিকট সেই শক্তি মূর্ত্তিমতী হইয়া দর্শন দান করিয়াছে । এতদ্ সম্বন্ধে একটি গল্প বলিতোছি ; শোন ।

“এক ক্ষুদ্র পল্লীতে অনেকগুলি লোকের বসতি ছিল । ব্রাহ্মণ কায়স্থ, বৈষ্ণ, তেলী, মালী, মুদী, ময়রা, মুচি, মুসলমান সর্কশ্রেণীর জাতিই সে গ্রামে বসতি করিত ।

একদা এক ব্রাহ্মণের গুরুদেব তাঁহার শিষ্যের বাড়ী আসিয়া উপস্থিত হইয়াছিলেন । গুরুদেবের শাস্ত্রজ্ঞান, সংনিষ্ঠা প্রভৃতি সমস্ত গুণই বিদ্যমান । গ্রামশুদ্ধ লোক ঠাকুরকে ভক্তি শ্রদ্ধা করিয়া থাকে ।

সেই পল্লীতে বৈকুণ্ঠ নামক এক মুচি বসতি করিত । বৈকুণ্ঠের প্রাণে ধর্ম্মের একটা নেশা লাগিয়া ছিল । কিপ্রকারে সে আত্মস্বাধীন করিতে পারে, কি প্রকারে সে ভগবৎ প্রসাদ লাভ করিয়া মানব জন্ম সফল করিতে পারে, সর্বদাই সে সেই চিন্তা করিত

ব্রাহ্মণের গুরুদেব শিরোমণি মহাশয় একদা সান্ধ্যবায়ু সেবনাথ রাস্তায় বাহির হইয়াছেন, সেই সময়ে বৈকুণ্ঠমুচি তাঁহার নিকটে আসিয়া প্রণাম করিয়া দাঁড়াইল । শিরোমণি মহাশয় তাঁহার নাম জিজ্ঞাসা করিলে, সে বলিল,—আজ্ঞে আমার নাম বৈকুণ্ঠমুচি ।



আপনার নাম শুনিয়া কয়দিন ধরিয়া দর্শনের অশ্রু ব্যাকুল হইয়াছি, অশ্রু দর্শন পাইয়া কৃতার্থ হইলাম ।

শিরোমণি মহাশয় বিস্মিত হইয়া বলিলেন,—“কেন আমার নিকটে তোমার কি প্রয়োজন ?”

বৈকুণ্ঠ । আপনার নিকটে ধর্ম সন্ধকে, কিছু শুনিতে ইচ্ছা করি ।

শিরোমণি । তুই মুচি—আমাদের শাস্ত্রানুসারে তোর সহিত আলাপ করিতেও নাই । তোকে কি ধর্মকথা শুনাইব ?

বৈকুণ্ঠ । তবে কি মুচির ধর্ম করিতে নাই ? তাহারা কি মুচি হইয়াছে বলিয়া চিরকালই অধার্মিক থাকিয়া যাইবে ?

শিরোমণি । কেন, তোদের গুরু, পুরোহিত আছে ; তাদের নিকট ধর্ম জিজ্ঞাসা করিতে পারিস্ ।

বৈকুণ্ঠ । আজ্ঞে আমার গুরু নাই । আপনিই আমার গুরু হউন ।

শিরোমণি । রাম ! রাম ! ওকথা মুখেও আনিস্ না । উহাতে আমার জাতি যাইবে ।

বৈকুণ্ঠ । কেন মহাশয় ! আমার গুরু হইলে আপনার জাতি যাইবে কিসে ?

শিরোমণি । পাগল ! মুচির গুরু কি ব্রাহ্মণে হয় ?

বৈকুণ্ঠ । বামুনে হয় না, তবে কে হয় ? আমার গুরু আপনাকে হইতেই হইবে ।

একথা কেহ শুনিতে পাইল কি না, দেখিবার অশ্রু চারিদিকে চাহিয়া দেখিয়া শিরোমণি মহাশয় দ্রুতপদে তথা হইতে চলিয়া গেলেন । বৈকুণ্ঠও নিতান্ত দুঃখিতচিত্তে সে দিন কিরিয়া গেল ।

কিন্তু মনে মনে কেমনই একটা ঐকান্তিকতা জন্মিল যে, ঐ ঠাকুরের নিকট হইতে সে দীক্ষা গ্রহণ করিবে ; এবং সেই দীক্ষাবলেই সে উদ্ধার হইতে পারিবে ।

বৈকুণ্ঠ ঠাকুরের পাছে লাগিল । তিনি যেখানে ঘান, বৈকুণ্ঠও সেখানে যায় । এইরূপে কোন কথা নাই, বার্তা নাই—বৈকুণ্ঠ ঠাকুরের পশ্চাৎ পশ্চাৎ ঘুরিয়া বেড়ায় । তখন ঠাকুরের ভয় হইল, পাছে সে লোকের সাক্ষাতে বলে যে, ইনি আমার গুরুদেব ; সেই অন্ত সংসারের কাজ-কর্ম বন্ধ করিয়া গুরু সেবার্থ ইহার পশ্চাৎ পশ্চাৎ ঘুরিয়া বেড়াই । তাহা হইলে “মুচির গুরু বলিয়া” লোকে আমার জাতি পাত করিবে ।

শিরোমণি ঠাকুর সে কথা বৈকুণ্ঠকে ডাকিয়া বলিলেন । বৈকুণ্ঠ বলিল,—“আমাকে মন্ত্রদান না করিলে, আমি কখনই আপনার নিকট হইতে যাইব না ।”

শিরোমণি ঠাকুর নিতান্ত বিপন্ন হইয়া পড়িলেন । ক্রোধে তাঁহার সর্বদল জ্বলিতে লাগিল । তিনি কাঁপিতে কাঁপিতে বলিলেন, “বেটা, তুই আমার জাতি নাশ না করিয়া আর ছাড়বি না ।”

বৈকুণ্ঠ বিষন্নমুখে বলিল,—“ঠাকুর আপনি গুরু, আমি শিষ্য । আপনার অনিষ্ট কি আমি করিতে পারি ? তবে আমার একটা মন্ত্র বলিয়া দিন, আমি ঘরে গিয়া তাহারই সাধনা করিব—আর কখনও আপনার নিকটে আসিব না । কিন্তু যাবৎকাল আপনি আমার মন্ত্রদান না করিতেছেন, তাবৎকাল আপনার চরণছাড়া হইব না ।”

শিরোমণি ঠাকুর বড়ই বিব্রত হইয়া পড়িলেন । ক্রোধ-রক্ত-মুখে বলিলেন,—“মন্ত্র তেঁ কি যা বেটা সাধনা করগে ।”

বৈকুণ্ঠ প্রসন্ন মুখে “টেঁকি” মন্ত্র গ্রহণ করিয়া ঠাকুরকে অষ্টাঙ্গে প্রণাম করিয়া বাড়ী চলিয়া গেল। এবং পুরোহিত ডাকাইয়া মন্ত্র পুরশ্চরণ করিয়া সে “টেঁকি” মন্ত্রের সাধনা করিতে লাগিল।

সাধনায় তাহার চিত্ত একমুখী হইয়া আসিল। তাহার চিন্তা-শ্রোত টেঁকির উপরে প্রতিহত হইয়া পড়িল,—সে টেঁকি সাধনায় সিদ্ধিলাভ করিল।

টেঁকি তাহাকে প্রচুর ধন-ধান্য প্রদান করিতে লাগিল,—মুচি মড়া ঐশ্বর্য্যবান্ হইল।

কিয়দিবস পরে, শিরোমণি ঠাকুর তাঁহার ঐগ্রামস্থ শিষ্যালয়ে আগমন করিলে, বৈকুণ্ঠ একদা অতি নিভৃত স্থলে তাঁহার সহিত সাক্ষাৎ করিলে, শিরোমণি ঠাকুর বলিলেন,—“কিরে বৈকুণ্ঠ কেমন আছিস?”

বৈকুণ্ঠ সাষ্টাঙ্গে প্রণাম করিয়া বলিল,—“আজ্ঞে আপনার প্রসাদে আমি ভালই আছি। আমার মন্ত্রসিদ্ধি হইয়াছে। আমি ইষ্টদেবতার প্রসাদে অনেক ধন-ধান্য প্রাপ্ত হইয়া এখন অবস্থাপন্ন হইয়াছি। যদি দয়া করিয়া শিষ্যের প্রণামি কিছু গ্রহণ করেন,—আজ্ঞা করিলে, গোপনে আপনাকে হাজার দশেক টাকা আনিয়া দিতে পারি।”

দশ হাজার টাকা প্রণামি! শুনিয়া শিরোমণি ঠাকুরের মস্তক বিঘূর্ণিত হইয়া গেল! আর “টেঁকি” মন্ত্র সিদ্ধ হইল কি? তিনি ভাবিয়া চিন্তিয়া কিছুই স্থির করিতে না পারিয়া তাহাকে জিজ্ঞাসা করিলেন,—“তোমার দেবতা কি প্রকারে দর্শন দান করিয়া থাকেন?”

বৈকুণ্ঠ। আজ্ঞে প্রথম প্রথম আমরা যেরূপ টেঁকিতে ধান

ইত্যাদি ভানিয়া থাকি,—সেইরূপ মূর্তি আমার হৃদয়-মধ্যে উদ্ভিত হইত । তারপরে সে ঢেঁকি আর ধ্যানে দেখিতে পাইতাম না,—তখন যেন সেই ঢেঁকির মধ্যস্থ এক অপূৰ্ব মূর্তি দেখিতাম । সে মূর্তি যে কেমন তাহা ঠিক করিয়া বলিতে পারি না,—তবে সেও যেন ঢেঁকিরই অবয়ব—কিন্তু শক্তিশালী । তার পর সেই মূর্তি আমার সঙ্গে কথা কহিতেন, এবং আমাকে ধন-ধান্য প্রাপ্তির উপায় বলিয়া দিতেন ।

শিরোমণি ঠাকুর অত্যন্ত বিস্মিত হইয়া গেলেন । তারপর তাহার প্রদত্ত টাকাগুলি গ্রহণ করিয়াছিলেন কি না, তাহা আর জানা যায় নাই । সে সংবাদে আমাদের প্রয়োজনও কিছু নাই ।

শিষ্য । গল্পটা আরব-দেশীয় বলিয়াই বোধ হয় ।

গুরু । তাহা হইতে পারে,—কিন্তু উহার মধ্যে অনেকটা সার আছে ।

শিষ্য । কি সারবস্তু আছে, বুঝিতে পারিলাম না । বৈকুণ্ঠের ইষ্ট দেবতা ঢেঁকির মতই অসার ।

গুরু । তাহা নহে । চিত্তের একাগ্রতা ঘটিলে যে, বহিঃ প্রকৃতির শক্তি আয়ত্তীভূতা হয়,—তাহা ঐ গল্পটায় বুঝিতে পারা যায় ।

শিষ্য । তাহা হইলেও আমাদের আলোচ্য বিষয়ের সহিত উহার সম্বন্ধ অতি অল্প ।

গুরু । অল্প নহে ; অতি অধিক । আমি তোমাকে পূর্বে বলিয়াছি, যে কোন একটি ভাব্য অবলম্বন করিয়া ভাবনা-শ্রোত প্রবাহিত করিতে পারিলে, ভাব্য-বস্তুর সামর্থ্যাদি অনুসারে ভিন্ন ভিন্ন ফল লাভ হইতে পারে । সমাধির প্রারম্ভেই যদি বাহু-স্থলে

আভোগ অর্থাৎ সাক্ষাৎকাররূপিনী প্রজ্ঞা জন্মে,—তাহা হইলে তাহাকে বিতর্ক বলা যায় । বাহু-স্বপ্নের সাক্ষাৎকার লাভ হইলে, তাহা “বিচার” আখ্যা প্রাপ্ত হয় । কোন আধ্যাত্মিক স্কুল যদি সমাধির আলম্বন হয়, আর তাহাতে ধ্যানজ-প্রজ্ঞা জন্মে,—তাহা হইলে সে অবস্থার নাম “মানন্দ ।” বুদ্ধি সম্বলিত অভিব্যক্তি চৈতন্যে অর্থাৎ জীবাত্মাতে যদি তাদৃশ আভোগ ( সাক্ষাৎকারবতী প্রজ্ঞা ) জন্মে, তাহা হইলে তাহার নাম “অস্মিতা ।” এই বিভাগ অনুসারে সম্প্রজ্ঞাত যোগ বা সম্প্রজ্ঞাত-সমাধি চারি প্রকার বিভাগে বিভক্ত । ইহাদের ক্রমানুগত শাস্ত্রীয় নাম “সবিতর্ক” “সবিচার” “মানন্দ” ও “অস্মিতা ।” এতদ্বির ঐশ্বরে যে সম্প্রজ্ঞাত যোগ সাধিত হয়,—তাহা স্বতন্ত্র ; এবং তাহার ফলও স্বতন্ত্র । ঐশ্বরাত্মায় সম্প্রজ্ঞাত যোগ সাধিত হইলে, তৎকালে কোন প্রকার কর্তব্য অবশিষ্ট থাকে না । সে সাধক পূর্ণকাম হইয়া নিত্যতৃপ্ত অবস্থায় কল্প-কল্পান্ত অতিবাহন করিতে সক্ষম হয় । উল্লিখিত ভাব্যসমূহের যে কোন ভাব্যের উপর ধ্যান-প্রবাহ ছুটাইবে,—ধ্যান পরিপক্ব বা প্রসার হইলে চিত্ত অল্পে অল্পে সেই সেই ভাব্যের স্বাক্ষর প্রাপ্ত হইবে । চিত্ত তখন তন্ময় হইয়া অবিচাল্য রূপে প্রতিষ্ঠিত থাকিবে । তৎকালে অল্প কোন জ্ঞান বা মনোবৃত্তি উদ্ভিত থাকিবে না । ভবিষ্যতে যদি কখনও উদয়োন্মুখ হয়, তথাপি তাহা সেই ধ্যেয়াকার প্রাপ্ত স্থিরবৃত্তির প্রতিরোধ করিতে পারিবে না । তাদৃশ স্থিরবৃত্তি যখন কিছুতেই রুদ্ধ হইবে না, তখন তাহাকে “সম্প্রজ্ঞাত সমাধি” বলিয়া উক্ত করা হইয়া থাকে । বল দেখি, যখন তুমি কোন ঘণ্টার কি পটের ধ্যান কর,—তখন তোমার ঘটজ্ঞানের সঙ্গে, অথবা পটজ্ঞানের সঙ্গে যুক্তিকার অথবা বস্তু খণ্ডের জ্ঞান থাকে কি না ?

শিষ্য । অবশ্যই থাকে ।

গুরু । “আমি” জ্ঞান থাকে ?

শিষ্য । হ্যাঁ, তাহাও থাকে ।

গুরু । আবার কখন কখন বোধ হয় এমনও হইয়া থাকে যে, ঘট জ্ঞান লুপ্ত হইয়া যায়, কেবল ‘আমি’ জ্ঞান ও মৃত্তিকা জ্ঞান একত্র জড়িত হইয়া এক বা অভিন্ন আকারে স্মৃতিত হইতে থাকে । আবার একরূপও হয়, উক্ত দুই জ্ঞান পরস্পরে পৃথক্ থাকে, অথচ তাহাদের পূর্বাপরীভাব থাকে না । আবার কখন কখন এমনও হয়, অগ্ন্যাগ্ন জ্ঞান লুপ্ত হইয়া যায়, কেবলমাত্র ঘট-জ্ঞান, অথবা মৃত্তিকা-জ্ঞান, অথবা কেবলমাত্র “আমি” জ্ঞান বর্তমান থাকে । একরূপ হয় কি না, একটু ভাবিয়া দেখিলেই বুঝিতে পারিবে । যদি কখনও ভাবিতে ভাবিতে হতজ্ঞান হইয়া থাক, যদি কখন ভাবিতে ভাবিতে অত্যন্ত তন্ময় হইয়া থাক, তবে বুঝিতে পারিবে, একরূপ হয় কি না,—নতুবা হয়ত নাও বুঝিতে পার । যাহাই হউক, উক্ত দৃষ্টান্তে, ধ্যানের বা সমাধির পরিপাক দশার যদি ধ্যেয় বস্তুর জ্ঞান ব্যতিরিক্ত অন্য কোন জ্ঞান না থাকে, অর্থাৎ অহং-জ্ঞান, কি ধ্যেয়-বস্তুর উপাদান জ্ঞান, কিংবা তাহার নাম-জ্ঞান না থাকে, (প্রতিমাকার জ্ঞান ব্যতীত প্রতিমার নাম জ্ঞান কি তাহার উপাদান জ্ঞান অর্থাৎ প্রসূরাদি জ্ঞান না থাকে ; অর্থাৎ চিত্ত যদি সম্পূর্ণরূপে তন্ময় হইয়া যায়, তাহা হইলে সে প্রকার সমাধি সবিতর্ক না হইয়া নিবিতর্ক সমাধি হইবে । সবিচার স্থলে উক্ত প্রকার তন্ময়তা ঘটিলে তাহাকে নিবিচার বলা যাইবে । সানন্দ ও সন্মিতা নামক সমাধিতে উক্ত বিধ তন্ময়ীভাব জন্মিলে যথাক্রমে বিদেহলয় ও প্রকৃতিলয় বলা



যাইবে । যদি আত্মা ও ঈশ্বর বিষয়ক-সম্প্রজ্ঞাত সমাধির পরিপাক-দশায় উক্তবিধ একতানতা জন্মে, তাহা হইলে যথাক্রমে নির্বাণ ও ঈশ্বর-সাহায্য প্রাপ্ত বলা যাইবে ।

আর যদি ভূতের অথবা ইন্দ্রিয়ের প্রতি উক্তবিধ ভাবনা-প্রবাহ উত্থাপিত করিয়া চিত্তকে সৰ্বতোভাবে তন্ময় করিয়া মৃত হন ; আর মরণের পরেও যদি তাঁহার সে তন্ময়তা নষ্ট না হইয়া বিদ্যমান থাকে, তাহা হইলে সেই যোগীকে বিলয়-দেহী বলা হয় । প্রকৃতি, মহত্ত্ব, অহঙ্কারত্ব অথবা কোন এক তন্মাত্রায় লীন হইলে তাঁহাদিগকে প্রকৃতি লয় বলিয়া উল্লেখ করা হইয়া থাকে ।

### তৃতীয় পরিচ্ছেদ ।

দৈব বল ।

শিষ্য । দেবতাগণের পূজার বিষয় শুনিবার আগে,, আর একটি কথা জানিতে ইচ্ছা করি ।

গুরু । কি কথা বল ?

শিষ্য । অনেক বলেন, অমুক স্থানে দেবতার আবেশ হইয়াছে—যথা কোন স্থানের কোন বৃক্ষে, কোন নদীতে, কোন পাষণ বা মৃগয় পদার্থে । আপনি আপনি কি প্রকারে দেবশক্তির আবির্ভাব হইতে পারে ?

গুরু । হা, ঐ সকল স্থানে ঐ প্রকারে দেবতার আবেশ হইতে পারে, কিন্তু সকল স্থান থাকিতে একটি স্থানে হঠাৎ

দেবতার আবেশ হইতে পারে, কিন্তু তাহার বিকাশ দৈবশক্তি-  
দ্বারায় হয় না, মানুষের সাধন বলেই হয় ।

শিষ্য । না, না । আপনি কি শুনে নাই,—কোথায় কিছু  
নাই, হঠাৎ গুজব উঠিল, অমুক গ্রামে অমুক গাছে পঞ্চানন্দ-  
ঠাকুরের আবির্ভাব হইয়াছে,—সেখানে ধর্ম দিলে মানুষের রোগ  
সারিতেছে,—কামনা পূর্ণ হইতেছে । হয়ত শোনা গেল, অমুক  
গ্রামের ঘোষের পুকুরে হরিরবার উঠিয়াছে—অমুক গ্রামের  
রাস্তায় পতিত পাষণ-খণ্ডে কালীর আবির্ভাব হইয়াছে । সেখানে  
কোন মানুষ নাই, জন নাই—হঠাৎ এ দৈববল কোথা হইতে  
প্রকাশ পায় ? আপনি কি ইহাতে বিশ্বাস করেন ?

গুরু । সকল স্থানেই সেরূপ হয়, তাহা বিশ্বাস করি না ।  
তবে অনেক স্থলে হইতেও পারে, এবং তাহা মনুষ্য-কর্তৃকই হয় ।  
কোন সময়ে কোন যুগে হয়ত কোন সাধু সেখানে বসিয়া ঐ  
তত্ত্বের সাধনা করিয়া গিয়াছেন । তারপরে কত যুগ-যুগান্তর  
কালের কোলে ঢলিয়া পড়িয়াছে । তাঁহার সাধনের ইচ্ছা-শক্তি-  
কণা সেখানে অবস্থিত ছিল, এতদিন ঘুরিয়া হঠাৎ তাহা শক্তি  
সম্পন্ন হইয়া পড়িয়াছে । কিন্তু পরিমিত অগ্নি কোথাও পড়িয়া  
থাকিলে, তাহা যেমন ক্রমে ক্রমে বিকশিত হইয়া পড়ে—উহাও  
তদ্রূপ হয় । আবার অনেক স্থলে প্রথমে হয়ত কিছু হয় না,—  
ছদ্মুগে লোকে ছদ্মুগ তুলিয়া দেয় ; তারপর ক্রমে ক্রমে লোক-  
সমাগমে লোকের ইচ্ছাশক্তির বলে ক্রমে ক্রমে আবেশ হইয়া  
সেই স্থান দৈববলে বলী হইয়া উঠে ।

শিষ্য । আমরা যে সকল দেবমূর্তি প্রতিষ্ঠা করিয়া থাকি,—  
তাহাতে কি আমাদের পাতক হয় না ?

গুরু । দেব-বিগ্রহ প্রতিষ্ঠা করিয়া পাতক হইবে ? হিন্দুর  
মুখে একথা এই নূতন শুনিলাম ।

শিষ্য । উহাত শ্রেষ্ঠ-ধর্ম নহে ।

গুরু । তুমি আমি নিকৃষ্ট জীব, আমরা শ্রেষ্ঠ ধর্মের আচরণ  
করিব কি প্রকারে ? শাস্ত্রে আছে,—

সকামাশ্চৈব নিষ্কামা দ্বিবিধা ভূবি মানবাঃ ।

অকামানং পদং মোক্ষঃ কামিনাং ফলমুচ্যতে ॥

যোযাংদেবপ্রতিকৃতিং প্রতিষ্ঠাপয়তি প্রিয়ে ।

ন তন্নোকসবাপ্নোতি ভোগানপি তদ্বস্তবান্ ॥

মহানির্বাণ তন্ত্র ; ১৩শ উঃ ।

শিব, শঙ্করীকে বলিতেছেন, “হে প্রিয়ে ! এই সংসারে সকাম  
ও নিষ্কাম এই দুই শ্রেণীর মানব আছে, ইহার মধ্যে যাহারা নিষ্কাম,  
তাহারা মোক্ষপথের অধিকারী । কামীর যেরূপ ফলপ্রাপ্তি ঘটে,  
তাহা বলিতেছি । যে, যে মূর্তি প্রতিষ্ঠা করে, সে সেই দেবলোকে  
পশ্চন্ন পূর্বক নানাপ্রকার ভোগ্যবস্তু ভোগ করিয়া থাকে ।”

ইহাতে কি বুঝিতে পারিলে ?

শিষ্য । বুঝিতে পারিলাম, যে, যে দেবতার প্রতিষ্ঠা করে  
এবং আরাধনা করে,—তাহার সেই শক্তি তদ্বাধিত হয় ।

গুরু । হ্যাঁ, তাহাই ।

শিষ্য । ভালপথ কোনটি ?

গুরু । নিষ্কামতা ।

শিষ্য । তবে কামনার পথ পরিত্যাগ করিয়া সকলেই কেন  
সেই পথে যায় না ?

গুরু । ধর্মপথ ভাল না, পাপের পথ ভাল ?

শিষ্য । ধর্মের পথ ।

গুরু । তবে জগতের লোক সকলেই কেন ধর্মের পথে যাব না ? যাহার যেমন কর্মসূত্র সে, সেই পথেই যাইতে চায় । তবে শাস্ত্র-উপদেশ, মানুষের উপদেশ ও আদর্শে মানুষ সে পথে ইচ্ছায় হটুক, অনিচ্ছায় হটুক আনিতে চেষ্টা করিয়া থাকে । যাহার সূক্ষ্ম শক্তিতত্ত্ব অবগত হইবার অধিকার নাই, সে কেন কল্পিত মূর্তি ছড়ে সে শক্তির আরোপ করিয়া আরাধনা না করিবে ?

শিষ্য । আপনি বলিয়াছেন, দেবপ্রতিমার যে মূর্তি কল্পিত হইয়াছে; তাঁহা যোগ-বলশালী ব্রহ্মজ্ঞানীর হৃদয়ে স্বতঃপ্রকাশিত মূর্তি । একথার ভাব আমি গ্রহণ করিতে পারি নাই । শাস্ত্রে আছে,—

চিন্ময়স্যাদ্বিতীয়স্যনিকলস্যামরীরিণঃ ।

উপাসকানাং কার্যার্থং ব্রহ্মণোরূপকল্পনা ॥

“চিন্ময়, অদ্বিতীয়, কলা রহিত ব্রহ্মের রূপ কল্পনা কেবল উপাসকদিগের সুগম কার্যের জন্য ।”

‘ব্রহ্মের রূপকল্পনা’ এইরূপ পদ থাকায় ইহা স্পষ্টই বুঝিতে পারা যাইতেছে যে, ব্রহ্মের শক্তিতত্ত্ব অবগত হইয়া মানব-কর্তৃকই ব্রহ্মের রূপ কল্পনা করা হইয়াছিল । আপনি বলিলেন, যোগীর হৃদয়ে—সাধকের হৃদয়ে ব্রহ্ম কল্পিত রূপে আবির্ভূত হইয়াছিলেন । এই কথায় শাস্ত্র বাক্যের সঙ্গে অসঙ্গিলন হইবার কারণ কি ?

গুরু । অসঙ্গিলন হয় নাই । তুমি ঐ শ্লোকটির শব্দার্থ বুঝিতে পার নাই । ওখানে “ব্রহ্মণোরূপকল্পনা” “ব্রহ্মণো” এই শব্দ ষষ্ঠী বিভক্তির পদ নহে, ক্রদন্তু কল্পনা শব্দের যোগে কর্তৃকারকে ষষ্ঠী বিভক্তির যোগ হইয়াছে । তাহা হইলেই দেখ, সাধকের চিত্তার্থে চিন্ময়, অদ্বিতীয় কলা রহিত ব্রহ্ম কল্পিত রূপে দেখা দিয়াছিলেন,—এই অর্থ হয় কি না । এইরূপ সর্ব দেবতা সম্বন্ধে ।

তবে ব্রহ্ম না হয়, নিষ্কল, অধিতীয় ও চিন্ময়—আর অহ্মাণ্ণ দেবতা না হয়, তাহা নহে । কিন্তু তাঁহাদের সেই শক্তি লইয়াই তাঁহারা সাধকের হিতার্থে কল্পিতরূপে আবির্ভূত হইলেন ।

শিষ্য । ইহাতে সাধকের কি হিত হইয়া থাকে ?

গুরু । যে সূক্ষ্মভাব ভাবিতে পারে না, তাহার পক্ষে স্মুল হইলে ভাবিবার সুবিধা হয় । স্মুলতত্ত্ব অবগত হইবার পূর্বে স্মুলতত্ত্বে মনোভিনিবেশ করিবার প্রয়োজন । মহাজন বাক্য এই যে,—

“উপায়েন হি সিধ্যস্তি কার্যানি ন মনোরথৈঃ ॥”

মানুষ, চেষ্টা না করিলে কিছুই প্রাপ্ত হয় না । এক একটি বিষয় সুসিদ্ধ করিবার জন্ত মানবের কত যত্ন, কত ক্লেশ, কত অনুরোধ করিতে হয়, কত প্রকার উপায় অবলম্বন করিতে হয়,— তাহা কার্যকারক ব্যক্তিমাতেই অবগত আছেন ।

কোন কার্য করিতে হইলে, আগে সেই কার্যের জন্ত প্রস্তুত হইতে হয় । প্রস্তুত না হইয়া, আপনাতে কার্য-শক্তির উদ্বেক না করিয়া, সহসা যিনি কার্যে প্রবৃত্ত হইলেন,—তাঁহার কার্য-সিদ্ধি দূরে থাকুক,—হয়ত বিপদগ্রস্ত হইয়া পড়িতে পারেন । অতএব, প্রস্তুত না হইয়া কার্যক্ষেত্রে অবতরণ করা শ্রেয়স্কর নহে ।

পূর্ব সাধন আয়ত্ত করা, আর প্রস্তুত হওয়া এক কথা । প্রস্তুত হওয়া, আর অধিকারী হওয়া সমানার্থক । অতএব যিনি যেরূপ পূর্ব সাধন আয়ত্ত করেন, তিনি তদ্রূপ প্রস্তুত অথবা তদ্বিষয়ে অধিকারী হন । যিনি যে বিষয়ে প্রস্তুত ;—তিনি সেই বিষয়েই অধিকারী,—অন্যে অনধিকারী । যিনি প্রস্তুত হন নাই বা পূর্ব সাধন আয়ত্ত করিতে পারেন নাই, তিনি সে বিষয়ে অনধিকারী বা অযোগ্য পাত্র ;—একথা বোধ হয় কেহই অস্বীকার করিবেন

না । পণ্ডিত হইবার জন্ম, শিল্পী হইবার জন্ম প্রথমতঃ যেমন-  
 পাণ্ডিত্যের ও শিল্পীর পূর্ব সাধন করিতে হয়, বিবিধ দেবতার  
 শক্তিতত্ত্বের আলোচনা ও আরাধনা করিয়া তদ্রূপ ব্রহ্মের পূর্ণ  
 শক্তির উপাসনার জন্ম প্রস্তুত হইতে হয় । একটি প্রাসাদকে  
 উত্তমরূপে জানিতে হইলে, তাহার ইট্ কাঠ চুন বালি সমস্ত  
 গুলিই জানিতে হয় । জানিবার অর্থ, তাহাদের উপাদান,  
 শক্তি ও একত্রীভূত হইবার কৌশলাদি অবগত হওয়া । তুমি  
 মনে করিতে পার, একেবারে প্রাসাদটি দেখিয়াই তাহা জানা  
 যাইতে পারে,—কিন্তু ইহা কি এক মহাভুলের কথা নহে ? প্রাসা-  
 দের তত্ত্ব অবগত হইতে হইলে, আগে সে জন্ম প্রস্তুত হইতে  
 হইবে,—অর্থাৎ অন্য চিন্তা বা কার্য জানিবার সময়ের জন্ম পরি-  
 ত্যাগ করিতে হইবে ; তারপরে তাহার উপাদান ঘটিত প্রত্যেক  
 শক্তির অন্বেষণ, বিশ্লেষণ ও বিচার করিতে হইবে—তবে তৎ  
 বিষয়ে তোমার অভিজ্ঞতা জন্মিতে পারিবে । সেইরূপ মহান  
 শক্তিশালী ব্রহ্মের বা আত্মার বিষয় জানিতে হইলে প্রস্তুত  
 হইতে হইবে,—তিনি জগদ্রূপ, অতএব জগতের দেবশক্তিগুলি  
 জানিতে হইবে, তাহার স্মরণ করিতে হইবে ; এবং তাহার  
 পূর্বসাধন আরম্ভ করিতে হইবে । এইজন্মই সাধকগণ দেবতা ও  
 আরাধনার প্রয়োজন হৃদয়ঙ্গম করিয়া তাহার অনুষ্ঠান, পদ্ধতি ও  
 প্রণালী প্রচলন করিয়াছেন । ব্রহ্মোপাসনার পূর্বসাধন আরম্ভ  
 না করিয়া যিনি সহসা উচ্চতম ব্রহ্মোপাসনার উদ্দেশ্যে ধাবিত হন,  
 তাহার সমাধিলাভ দূরে থাক, হয়ত একেবারে সেপন্থা হইতে  
 বিচ্যুত হইয়া পড়িতে হয় ।

আজি কালিকার দিনে সকলেই একমুহূর্ত্তে যোগী বা সাধক



হইয়া উচ্চাঙ্গের গুরু হইয়া বসিতে চান । বলা বাহুল্য এরূপ অবস্থায় গুরু ও শিষ্য উভয়েরই পারমার্থিক মঙ্গল সুদূর পরাহত হয় । এ-কালের সহিত সে কালের তুলনা করিয়া দেখ,—তখনকার মানুষ, আপনার অধিকারমতই চলিতে চেষ্টা করিতেন । দেবতা-আরাধনা, দেব-মন্দির প্রতিষ্ঠা, জলাশয় খনন, বটবিটপী উৎসর্গ, এবং দান, ধ্যান, যজ্ঞ ক্রিয়াদির অনুষ্ঠান করতঃ আত্মোন্নতি করিতেন । এখনও তাহাদের সংকীর্ণ দিকে দিকে ঘোষিত হইতেছে । আর বর্তমান কালে, অধিকার ছাড়িয়া উচ্চাঙ্গের অনুষ্ঠানে রত হইয়া লোকে একেবারেই ধর্মবিচ্যুত হইয়া পড়িতেছেন ।

পূজা, আহ্নিক, জপ, তপ এ সকলের মহান্ অর্থ হৃদয়ঙ্গম করিতে না পারিয়া উহা বালকের ক্রীড়া বলিয়া উড়াইয়া দিয়া, কেহ ভগবদ্গীতার নিহামধর্মী, কেহ চৈতন্যের প্রকৃতি পুরুষ, কেহ বুদ্ধের মায়্যা-বাদ, কেহ কৃষ্ণের মাধুর্য রস গাইয়া ব্যস্ত হইতে যাইতেছেন । জানি সে সকল কার্য উত্তম ও সাধনাদ্বয়ের শ্রেষ্ঠ । কিন্তু তোমার তাহাতে কি ? তুমি সূচ গঠনে অক্ষম, কামানের বায়না নাও কেন ? একটি লোকের জঠরানল নিবৃত্তির শস্ত তোমার সঞ্চয় নাই, তুমি বিশ্বের তৃপ্তির জন্য ছুটাছুটি কর কেন ?

তোমার যেমন আছে, যেমন সঞ্চয় করিয়াছ, যেমন অধিকারী হইয়াছ । তদ্রূপ কার্য কর । অধিকার অল্পরূপ কার্য করিতে আরম্ভ না করিলে অনধিকার চর্চায় কোনই ফল নাই । অধিকন্তু দুই এক দিন বা দুই এক মাস সে কার্যের অনুষ্ঠান করিয়াই একেবারে পতন হইতে পারে । অতএব, অধিকার ভেদ, শক্তি ও সামর্থ্য অনুসারে আরাধনা করা কর্তব্য ।



## সপ্তম অধ্যায় ।

### প্রথম পরিচ্ছেদ ।

পূজা প্রণালী ও তাহার বৈজ্ঞানিক ব্যাখ্যা ।

শিষ্য । এক্ষণে দেবতাগণের পূজা-প্রণালী ও তাহার যুক্তি-মূলক বৈজ্ঞানিক ব্যাখ্যা শুনিতে বড়ই বাসনা হইতেছে, অতএব আমার প্রতি কৃপা পূর্বক তাহা বলিতে আঞ্জা হউক ।

গুরু । তোমরা পাশ্চাত্য-শিক্ষাদৃষ্ট যুবকগণ ভাবিয়া থাক যে, বৈজ্ঞানিক ব্যাখ্যা যাহার নাই, তাহার কোন মূলও নাই ;— তাই তোমরা ধর্ম, কর্ম, হ্যাসি, কান্না সকল কাজেরই বৈজ্ঞানিক ব্যাখ্যা করিয়া বা খুঁজিয়া বেড়াও । কিন্তু বিজ্ঞান জ্ঞানের এক-মাত্র উপায় হইলেও সকল বিষয়ের উপযোগী নহে, অথবা বুদ্ধি সকল লোকের ও সকল কালের উপযোগী নহে । প্রায় সকল লোককেই অধিকাংশ সময়ে আপ্তবাক্য অবলম্বন করিয়া চলিতে হয় ;—এবং কোন বিজ্ঞানই আপ্তবাক্যের সহায়তা ভিন্ন সম্পূর্ণ হয় না । যদি আপ্তবাক্যে মানবের বিশ্বাস না থাকে, সকলকে

সকল অবস্থাতেই যদি বৈজ্ঞানিক যুক্তি অবলম্বনে চলিতে হয়, তাহা হইলে মানবের দুঃখের সীমা থাকে না। যে হেতু মানুষ জন্ম গ্রহণ করিয়াই পরের অধীন হইয়া পড়ে। কেবলমাত্র পরের কথার অধীন হইয়া পড়ে, তাহা নহে,—সর্বপ্রকারেই পরের অধীন হয়। পরে খাওয়াইলে খাইতে পায়, পরে রক্ষা করিলে রক্ষিত হয়। অন্বে যাহা শিখায়, শিশু তাহাই শিখে। শিশু বড় হইয়া বিদ্যা শিক্ষা করে; তাহাও পরের অধীন হইয়া,— অর্থাৎ গুরু যাহা বলেন,—গ্রন্থকর্তা যাহা বলেন, বালক তাহাই শিক্ষা করে। পিতা, মাতা, গুরু ও অন্যান্য পদস্থ লোকে যে উপদেশ প্রদান করেন, যে নীতি শিক্ষা দেন, শিশু তাহাই শিখে ও তদনুযায়ী কার্য করে। বিদ্যাশিক্ষা সমাপ্ত হওয়ার অর্থ এই যে, অল্প লোকের জ্ঞাত প্রয়োজনীয় জ্ঞাতব্যগুলি শিক্ষা করা হইয়াছে,—যাহাদের মতামত সত্য বলিয়া জানা আবশ্যিক, তাহার অধিকাংশ জানা হইয়াছে, সেই মহাজন-পরিজ্ঞাত উপদেশগুলি স্মরণ করিয়া যথাযোগ্যস্থানে প্রয়োগ করতঃ কার্য করিতে পারিবে বলিয়া শিক্ষিতের এত মান;—তাই শিক্ষিত ব্যক্তি জ্ঞানী বলিয়া অভিহিত হইয়েন। নিজ বিবেচনার উপরে নির্ভর করিয়া স্বাধীন ভাবে কার্য করেন বলিয়া শিক্ষিতের মান নহে। নিজ বিবেচনার কার্য করার জন্ত মান হইলে মূর্খের মান হইত,—পশু পক্ষ্যাদির মান হইত। শিক্ষিত ব্যক্তি জানিয়াছেন, কিরূপ স্থলে কিরূপ কার্য করিয়া লোকে কিরূপ ফল পাইয়াছে, প্রাচীন ও বিজ্ঞগণ কিরূপ কার্য করিয়া সুফল পাইয়াছেন, কিরূপ কার্য করিয়া কুফল প্রাপ্ত হইয়াছেন। সেই সমস্ত স্মরণ করিয়া যথা প্রয়োগ করিতে পারেন, বলিয়াই শিক্ষিতের এত মান। মূর্খ তৎসমস্ত

জানে না,—আপন বুদ্ধি ও প্রকৃতি অনুসারে যতদূর সম্ভব তাহাই করিয়া যায় মাত্র ;—এইজন্য মূর্খের কার্যের এতদোষ ও এত নিন্দা ।

আধুনিক শিক্ষিতদল বিবেচনা করেন যে, তাঁহারা আপন স্বাধীন-বিবেচনার কার্য করেন । কিন্তু তাহা কি ভুল নহে ? ইহাও তাহাদের পশ্চাত্যমতাদির অনুকরণ,—যখন অনুকরণ, তখন কি বলিতে হইবে না যে, ইহাও তাঁহারা পশ্চাত্যজগৎ হইতে শিক্ষা করিয়াছেন ? তবে শিক্ষা যেমন হইবে, কার্যও তদ্রূপ ভাবে চলিতে থাকিবে । যিনি টোলে পড়েন, তিনি শিখা রাখিতে, ফোঁটা কাটিতে, উপবাস ও হবিষ্যন্ন ভোজন করিতে শিক্ষা করেন, আর যিনি কলেজে পড়েন, তিনি চুল ফিরাইতে, এসেন্স মাখিতে ও পলাও, মগ্ন, মাংস প্রভৃতি ভক্ষণ করিতে শিক্ষা করিয়া থাকেন । ইহাও শিক্ষার গুণ,—ইহাও পরমুখাপেক্ষিতা, যেমন গুরু তেমনি শিক্ষা—কার্যও তদ্রূপ । কিন্তু বলা বাহুল্য, যিনি যাহা করেন, সমস্তই পরের বাক্যানুসারে করেন, নিজমতে কেহই কিছু করেন না । নিজমতে কার্য করি বলিলে ইহাই বৃদ্ধিতে হইবে যে, যাহা আমি শিখিয়াছি, তাহার মধ্যে যদি আমার প্রকৃতি অনুসারে বা অপেক্ষাকৃত অধিক অভ্যাস হওয়ার অধিক ভাল লাগিয়াছে, তদনুরূপ করিতেছি,—নিজ উদ্ভাবিত মতানুসারে করিতেছি না ।

নিজ স্বাধীনমতে কার্য করিব, ইহা ভুল । আর প্রত্যেক কার্যের বৈজ্ঞানিক সত্য জানিয়া তবে তাহার অনুষ্ঠান করিব, ইহা আর এক অতি মহা ভুল ! মানুষের অধিকার ও শক্তি কত টুকু ? মানুষ কতদিন বাঁচে, ও কতটুকু স্থান অবলম্বন করিয়া অবস্থিতি করে ? পরের জ্ঞান-নিরপেক্ষ হইয়া কি প্রত্যেক

মানব সকল কালের, সকল দেশের ও সকল বিষয়ের সম্যক্ জ্ঞান লাভ করিতে পারে ? এই রেলওয়ে, টেলিগ্রাফ, অট্টালিকা ও মুদ্রাযন্ত্র ;—এই জ্যোতিষ, রসায়ন, পদার্থবিজ্ঞা, উদ্ভিদবিজ্ঞা ও শরীর বিজ্ঞা ;—এই সমাজনীতি, রাজনীতি ও ধর্মনীতি কি একজনের চেষ্টায় হইতে পারে ? লক্ষ লক্ষ বৎসরে লক্ষ লক্ষ মানব যাহা শিখিয়াছে, তাহা যদি স্তূপাকারে সজ্জিত না হইত, তাহা হইলে কি মানব এ সকলের উপভোগ করিতে পারিত ! অথবা রেলওয়ে সিগনলার কেবল “টরে টক্কা” শিখিয়াই তাহা সংবাদ আদান প্রদান করিতেছে,—সে যদি উহা শিখিবার সময় বলিয়া বসিয়া থাকে যে, কোন্ শক্তির বলে এই সংবাদ দূর হইতে দূরাস্তরে চলিয়া যায়, তাহার বিজ্ঞান কি—এ সমুদয় না বুঝিয়া আমি কখনই ফাঁকা সংবাদ দাতার কার্য্য করিব না,—তাহা হইলে হয়ত তাহার কার্য্য করাই হয় না, কেননা, তাহার ক্ষুদ্র মস্তিষ্কে সেই বিশালতত্ত্বের ধারণা-সম্ভাবনা কোথায় ? ফল কথা, পরে যাহা বলিয়াছে, পরে যাহা করিয়াছে—তাহা করা মানবের কর্তব্য । এ জগতে পরস্পর পরস্পরের অধীন হইয়া কার্য্য করিতেছে । সকল মানবই পরস্পর পরস্পরের অধীন,—শিশু যুবার অধীন, যুবা বৃদ্ধের অধীন, প্রজা রাজার অধীন । এই অধীনতাই মানবত্ব এবং এই স্বাধীনতাই পশুত্ব । নচেৎ পশুতে ও মানবে প্রভেদ কি ? পশুর আপনিই সর্ব্বস্ব,—মানবের সকলই আপনার । পশু শিখিবে না—শিখাইবে না । মানব শিখিবে ও শিখাইবে,—যে রূপ পরের নিকটে শিখিবে, সেইরূপ কার্য্য করিবে,—যে রূপ আপনি শিখিবে, সেইরূপ পরকে শিখাইবে । ইংরাজীতে একটি প্রবাদ বচন আছে—“Do what I say not what I do,” অর্থাৎ “আমি যাহা শিখিয়াছি ও জানি-

যাছি,—তাহা স্বভাবদোষে নিজে করিতে পারি না বটে, কিন্তু তাহা পরকে শিখাইতে পারি।” অতএব, মানুষ নিজে সমস্ত বিষয় দেখিয়া শুনিয়া, বুঝিয়া সুঝিয়া কার্য্য করিবে, ধর্ম্মের প্রত্যেক কার্য্যের বৈজ্ঞানিক শক্তি আবিষ্কার করিয়া তবে কার্য্য করিবে, ইহা নিতান্ত ভুল কথা ! এই জন্ম বকরূপী ধর্ম্ম, ধর্ম্ম-তনয় যুধিষ্ঠিরকে জিজ্ঞাসা করিয়াছিলেন,—“মহাশয় ; পথ কি ? অর্থাৎ ধর্ম্মের পথ কোথায় ?” মহাত্মা যুধিষ্ঠির উত্তর করিয়াছিলেন,—“মহাজ্ঞান যে পথে চলিয়াছেন, সেই পথ । অর্থাৎ ধর্ম্ম-সাধনোদ্দেশে মহাজ্ঞানগণ যে পথের আবিষ্কার ও যে সকল নিয়মাদির প্রচলন করিয়া গিয়াছেন,—অধিকারিভেদে সেই সেই মতে চলাই কর্তব্য ।

স্বাস্থ্য বুদ্ধি, সুস্থ শরীর, উপযুক্ত অবস্থা, অবিচলিত অধ্যবসায়, দৃঢ় ঐকান্তিকতা ও সত্যানুরাগ-সম্পন্ন উচ্চাশয় ব্যক্তিগণ উত্তম-রূপে বিদ্যাশিক্ষা করিয়া একাগ্রচিত্তে দৃঢ় পরিশ্রম সহকারে পর্য্যবেক্ষণরূপ তপশ্চর্য্যায় জীবন যাপন করিয়া যে বিষয়ে সম্যক্ অভিজ্ঞ হইয়াছেন, তাহার তদ্বিষয়ক বাক্যের নাম আপ্তবাক্য ।

কিন্তু দুঃখের বিষয়, এখনকার দিনে হীনবুদ্ধি, অজ্ঞায়ুঃ আমরা ধর্ম্মসম্বন্ধে প্রত্যেক কার্য্যের বিজ্ঞান ও যুক্তি খুঁজিতে আরম্ভ করিয়াছি, কিন্তু যুক্তি ও বিজ্ঞান যে, প্রত্যেক কার্য্যে নাই, তাহা কে বলিল ? তবে সেই যুগযুগান্তরের আবিষ্কৃত ও তপঃ-প্রভাবে জানিত, ও লোকহিতার্থে প্রচলিত কার্য্যের সকলগুলির বিজ্ঞান ও যুক্তি স্থির করা যে, কতদূর কঠিন, তাহা বলাই বাহুল্য ! তাই বলিতেছিলাম, আপ্তবাক্যে বিশ্বাস করিয়া অধিকার অনুসারে ধর্ম্মকার্য্য করা সর্ব্বথা কর্তব্য । তবে তুমি নিতান্ত নাছোড় হইতেছ—ভাল, কি কি জিজ্ঞাস্ত আছে বল ।



## দ্বিতীয় পরিচ্ছেদ ।

প্রত্যয়ে পাঠের মন্ত্র ।

শিষ্য । দেব দেবীর আরাধনায় যে সকল মন্ত্র, যে সকল প্রথা, যে সকল কার্য প্রচলিত আছে, তাহাদের ব্যাখ্যা ও হেতু এবং বিজ্ঞান কি,—তাহাও শুনিতে চাহি ।

গুরু । তেত্রিশকোটি দেবতা,—সেই সকল দেবতার পূজা, মন্ত্র, পূজাপদ্ধতি—সেত এক সমুদ্র বিশেষ । তুমিও মার্কণ্ডেয়ের পরমায়ু লইয়া জন্ম গ্রহণ কর নাই,—আমিও ব্রহ্মার বিদ্যাশক্তি লইয়া আসি নাই ; অতএব সে সমুদ্রের মীমাংসা ও অর্থ এবং যুক্তি বলা কি প্রকারে সম্ভব হইতে পারে ?

শিষ্য । না না,—সে সকলই যে আমি শুনিতে চাহিতেছি, তাহা নহে ।

গুরু । তবে কি শুনিতে চাহিতেছ ?

শিষ্য । কতকগুলি মোটামুটি শুনিতে ও জানিতে পারিলে একটা সাধারণ জ্ঞান জন্মিতে পারে ।

গুরু । যদি জ্ঞান জন্মে, এরূপ বুঝিতে পার—তবে তোমার বাহ্য জিজ্ঞাস্ত থাকে তাহা বল ।

শিষ্য । প্রভাতকালে উঠিয়াই শয্যা ত্যাগের সঙ্গে সঙ্গে কতকগুলি মন্ত্র পাঠ করিতে হয়, সে গুলির অর্থ কি ?

গুরু । সে মন্ত্র গুলি তুমি অবগত আছ ?

শিষ্য । আজ্ঞা হাঁ ।

শুক । সে গুলি বল ।

শিষ্য । যে আজ্ঞা, বলিতেছি—নিত্য কৰ্ম পদ্ধতিতে আছে,  
ব্রাহ্ম মুহূৰ্ত্তে \* নিদ্রাত্যাগ করিয়া শয্যার উপরে বসিয়াই পূৰ্ব  
বা উত্তরমুখ হইয়া পাঠ করিবে,—

ব্রহ্মা মুরারি ত্রিপুরাসুকারী ভানুঃ শশী ভূমিসূতো  
বুধশ্চ ।

শুকশ্চ শুক্রঃ শনি রাহু কেতুঃ কুৰ্ব্বন্ত সৰ্বে মম  
সুপ্রভাতং ॥

কালী তারা মহাবিদ্যা ষোড়শী ভুবনেশ্বরী ।

ভৈরবী ছিন্নমস্তা চ বিদ্যা ধূমাবতী তথা ॥

বগলা, সিদ্ধবিদ্যা চ মাতঙ্গী কমলাগ্নিকা ।

এতা দশমহাবিদ্যাঃ সিদ্ধবিদ্যাঃ প্রকীৰ্ত্তিতাঃ ॥

প্রভাতে যঃ স্মরেন্নিত্যং দুৰ্গা দুৰ্গাক্ষরদ্বয়ং ।

আপদস্তস্য নশ্যন্তি তমঃ সূৰ্য্যোদয়ে ষথা ॥

অহল্যা জ্যোপদী কুস্তী তারা মন্দোদরী তথা ।

পঞ্চকন্যাঃ স্মরেন্নিত্যং মহাপাতকনাশনম্ ॥

পুণ্যশ্লোকো নলো রাজা পুণ্যশ্লোকো যুধিষ্ঠিরঃ ।

পুণ্যশ্লোকা চ বৈদেহী পুণ্যশ্লোকো জনার্দনঃ ॥

কর্কোটকস্য নাগস্য দময়ন্ত্যা নলস্য চ ।

\* স্নানান্তে পশ্চিমে দিকে মুহূৰ্ত্তে বস্তুতীয়কঃ ।

স ব্রহ্ম ইতি বিখ্যাতো বিহিতঃ সংপ্রবোধনে ॥

পিভাষহঃ ।

ঋতুপর্ণস্য রাজর্ষেঃ কীর্তনং কলিনাশনম্ ॥  
 কার্তবীৰ্য্যাজ্জুনো নাম রাজা বাহুসহস্রভুং ।  
 যোহস্য সংকীর্তয়েন্নাম কল্যমুখায় মানবঃ ।  
 ন তস্য বিভূনাশঃ স্যাম্নর্ষক লভতে পুনঃ ॥

এ গুলির অর্থ অতি সহজ ; কেননা অতি কোমল সংস্কৃত, এমন কি সংস্কৃত বিভক্তি গুলি উঠাইয়া দিলে সবই বাঙ্গলা কথা, সুতরাং ইহার অর্থ শ্রবণ করিবার প্রয়োজন নাই । তবে ত্রিজ্ঞাস্ত এই যে, এতগুলি লোকের নাম প্রত্যুর্ষে উঠিয়া করিলে কি ফল লাভ হইয়া থাকে ?

গুরু । তোমার ইংরাজী শাস্ত্রের অধ্যাপকগণও বলিয়া থাকেন, মানুষ যাহা প্রশান্ত হৃদয়ে অর্থাৎ চিন্তা শূন্য অবস্থায় যাহা গাঢ় রূপে চিন্তা করে, তাহা ঘটয়া থাকে । ইহাকে মনস্তত্ত্ববাদ বলা হইয়া থাকে । রাত্রির নিদ্রায় মনের শ্রান্তি ও চিন্তা প্রভৃতি বিনষ্ট হইয়া প্রভাত কালে হৃদয় চিন্তাশূন্য ও সুস্থ থাকে,—একথা বোধ হয় আর বলিতে হইবে না ?

শিষ্য । না, তাহা বলিতে হইবে কেন ? সে ত সকলেই জানে ।

গুরু । সে বিশ্রান্ত হৃদয়ে হিন্দু শয্যায় রুমিয়ারি অগতের সৃষ্টি-স্থিতি ও লয়কারী সত্ত্ব, রজঃ ও তম এই তিন গুণে, দেবতা ব্রহ্মা, বিষ্ণু ও শিবের এবং দিনদেব সূর্য্য, নিশানাথ চন্দ্র ও অগ্ন্যাক্ত গ্রহগণকে আহ্বান করিয়া অর্থাৎ ষাঁহাদের শক্তিতে প্রত্যক্ষভাবে জগৎসমগ্র পরিচালিত হইতেছে—তাঁহাদিগের শক্তিকে আহ্বান করিয়া নিজেদের সুপ্রভাতের কামনা করিতেছে । হিন্দু শক্তিকে

হৃদয়ে টানিয়া লইয়া তৎপর ইচ্ছাশক্তির কার্য করিয়া থাকে,— এই টুকুই ইহার অতি বৈজ্ঞানিক তত্ত্ব। তারপরে প্রকৃতি— দশমহাবিগ্ণা প্রকৃতির দশবিধরূপ—তাহা পূর্বেই বলিয়াছি, সেই প্রকৃতির ভাবনা অস্ত্রে অপরা প্রকৃতি বা সমস্ত দেবতাগণের ইচ্ছা-শক্তির একীকরণ শক্তি দুর্গাশক্তিকে স্মরণ করিয়া নিজে শক্তিমান হইয়া থাকে। এ শক্তি, মস্ত পাঠে কেমন করিয়া আসিতে পারে, তাহা তোমাকে পূর্বেই বলিয়াছি।

শিষ্য। এ গুলি বুঝিলাম,—কিন্তু তৎপরে কতকগুলি নর নারীর নাম করিয়া কি ফল হয়? বিশেষতঃ অহল্যা দ্রৌপদী কুন্তী প্রভৃতি ইহারা কেহই একচারিণী বা ষথার্থ সতী নহেন,— তাহাদের নাম করা কেন?

গুরু। এ স্থলে তোমাকে একটি কথা বলিতে চাই। অনাসক্ত রূপে কৰ্ম্মকরা যে, মুক্তির এক প্রধান ও পরিষ্কার পন্থা তাহা বোধ হয় তুমি অবগত হইয়াছ?

শিষ্য। হাঁ,—তাহা আপনার নিকটেই বারবার শ্রুত হইয়াছি।

গুরু। এক্ষণে আরও একটি কথা বুঝাইতে চাই।

শিষ্য। কি বলুন?

গুরু। কথাটী তত শক্ত নহে,—কিন্তু বুঝিবার প্রয়োজন। শব্দে কি কোন অর্থ সংলগ্ন আছে?

শিষ্য। শব্দের অর্থ আছে বলিয়াই ত আমরা জানি।

গুরু। শব্দে কিরূপ অর্থ আছে? চন্দ্র এই শব্দের অর্থ কি?

শিষ্য। চন্দ্র শব্দের অর্থ চাঁদ—যিনি রাত্তিকালে পৃথিবীর অন্ধকার বিদূরিত করেন।

গুরু । ইহা কি শব্দার্থে-অঙ্কিত আছে, না তোমার মনে চন্দ্র এই শব্দটি উদ্ভিত হইলে বা শ্রবণেন্দ্রিয়ের সাহায্যে মনে চন্দ্র শব্দ উপস্থিত হইলে, তোমার জ্ঞান হয় যে, জ্যোৎস্না বিভূষিত গোলাকার একটি পদার্থ ?

শিষ্য । হাঁ, তাহাই মনে হয় ।

গুরু । শব্দের কোন অর্থ নাই—শব্দটি আমাদের মনে হইয়া উৎসাহক পদার্থ মনে উদয় করিয়া দেয় মাত্র । এবং তাহা মনে হইলে, সেই পদার্থের সমস্ত স্বভাব ও ভাব মনে আইসে । এখন অহল্যা দ্রৌপদী কুন্তীর নাম করিতেই তাহাদের চরিত্র মনে আইসে—মনে আসিলেই সে চরিত্রের কথা ভাবনার পড়িয়া যায় । ‘চৈতন্য’ এই নামটি করিলেই যেন মনে হয়—সেই স্বর্ণ তনু হরিপ্রেমে ধূল্যবনুষ্ঠিত ; আর জাহ্নবী-তীর প্রতিধ্বনিত করিয়া হরি-ধ্বনির আওয়াজ । আবার ইন্দ্র এই কথাটি মনে আসিলেই যেন নন্দন কানন, কোকিলের কুজন ও রস্তাভিলোভমার নৃত্য-করী চরণের মধুর নিকণ । এক্ষণে ঐ নাম গুলি করাতে মনে আইসে তাহাদের চরিত্র । তাহাদের চরিত্রে যে যে দাগ, যে যে ভাব আছে—তাহা মনে পড়িয়া যায় । সে গুলি মনে পড়িলেই কি উপকার হয়,—তাহা কি বলিতে হইবে ?

শিষ্য । তাহা বলিতে হইবে না । লে কথাত পূর্বেই বলিয়াছেন যে, নিজাম কর্ম শিক্ষাই মানবের প্রধান কর্তব্য । যে গুলির নাম করা হইল, তাহার সকলগুলি যে, নিজামভাবে কার্য করিয়াছিলেন, তাহাতে সন্দেহ নাই । তবে একটি কথা,—

গুরু । কি বল ?

শিষ্য । উহাদের দ্বারায় যে কার্য হইয়াছিল, আমার

বিবেচনায় তাহার সকলগুলি বুদ্ধি নিষ্কাম ভাবে সমাধিত হইলেও পুণ্যকার্য্য নহে ।

গুরু । তুমি বোধ হয়, অহল্যার পাতক, দ্রৌপদীর পঞ্চস্বামী, কুন্তীর দেবতাদ্বারা সস্তানোৎপাদন, তারা ও মন্দোদরীর দেবর স্বামী প্রভৃতির কথা বলিতেছ ?

শিষ্য । আজ্ঞা, হাঁ ।

গুরু । কার্য্যের আসক্তি বা বন্ধনই দোষ,—উহাদের দ্বারা আসক্তির কাজ কখনও অনুষ্ঠিত হয় নাই, ইহাই উহাদের চরিত্রের মহত্ত্ব । ধর্ম্মশাস্ত্রের সার মনুসংহিতায় লিখিত হইয়াছে,—

ন মদ্যভক্ষণে দোষঃ নমাংসনচমৈথুনে ।

প্রবৃত্তিরেবাভূতানাং নিবৃত্তিস্ত মহাফলাঃ ॥

“অর্থাৎ মদ্য পানে, মাংসভক্ষণে বা মৈথুনে দোষ নাই,— ভূতদিগের প্রবৃত্তির নিবৃত্তিই মহাফল । অর্থাৎ আসক্তিশূন্য যে কার্য্য, তাহাই শ্রেষ্ঠ ।”

ঐ সকল চরিত্র-কথা স্মরণ করিয়া সেই অনাসক্তির ভাব মনে জাগাইয়া লওয়াই উহার উদ্দেশ্য । ইহাতে মানুষ অনাসক্তির পথ পাইতে পারে ।

শিষ্য । কিন্তু এখনকার অনেকে সে অর্থ বুদ্ধিতে পারে না ।

গুরু । যাহারা বুদ্ধিতে পারে না, তাহাদের বুদ্ধিয়া লওয়া কর্তব্য ।

শিষ্য । আবার অনেকে হয়ত, ঐ সকলের চরিত্র সকলও অবগত নহে ।

গুরু । সেই ত দুঃখ । এখনকার লোকে পুত্র ও কলত্রাদিকে ইংলণ্ডের চতুর্থ হেনরির পিতামহের নাম ও চরিত্র-কথা শিক্ষা



দিবে, কিন্তু আমাদের দেশের অতি প্রয়োজনীয় চরিত্র গুলি শিক্ষা দিবে না। ফলকথা, তাহা শিখান কর্তব্য।

শিষ্য। এই সকল মন্ত্রগুলির অর্থ, এবং ঐ মন্ত্র সকলে যাহাদের নামের উল্লেখ আছে, তাহাদের চরিত্র এবং চরিত্রের বিশ্লেষণ করিয়া আগে বুঝিয়া তারপরে ঐ মন্ত্র পাঠ করা তবে কর্তব্য ?

গুরু। তা নহে ত কি ?

শিষ্য। তবে লোকে তাহা করে না কেন ?

গুরু। লোকে করে না কেন, এ প্রশ্নের উত্তর আমি কি দিব। হয়ত কেহ অগ্রাহ্য করিয়া করে না,—নয়ত কেহ বুঝিতে পারে না বলিয়া করে না। তুমি যোগ-সাধনা কর না কেন ?

শিষ্য। সময় ও সুবিধা পাই না। নয়ত ভালরূপ উপদেষ্টা পাই না।

গুরু। অন্য সকলের পক্ষেও সেইরূপ ঘটনা উপস্থিত হইতে পারে।

শিষ্য। ভাল, যাহারা নিজ চরিত্র গঠিত করিয়াছে,—অর্থাৎ উচ্চাঙ্গের ধর্মপথে গমন করিয়াছে, তাহাদেরও কি এই সকল মন্ত্র পাঠ করা কর্তব্য ?

গুরু। যথার্থ যাহারা উচ্চপথে গমন করিয়াছে, তাহাদের ইহা না পড়িলেও চলিতে পারে। কিন্তু বিষয়টা ত আর তত কঠোর বা কষ্টসাধ্য নহে। পথটা পরিত্যাগ করিবার প্রয়োজনই বা কি ? তবে সন্ন্যাসী মহাস্ত বা যাহারা সংসারের প্রলোভন হইতে দূরে দাঁড়াইয়াছেন, তাহাদের কথা স্বতন্ত্র।

শিষ্য। পুত্র-কন্যাগণকে উহা শিক্ষা দেয়া কর্তব্য। এখন হইতে আমি সে বিষয়ে যত্নবান হইব।

গুরু । আশা করি ভগবান তোমাদিগের সে মতি-গতি দান করিবেন ।

### তৃতীয় পরিচ্ছেদ ।

গুরু ও স্ত্রী গুরু পূজা ।

শিষ্য । দেবতা পূজার কথা শ্রবণ করিলাম, এক্ষণে হিন্দু-দিগের মধ্যে যে, মানুষ পূজার কথা প্রচলিত আছে,—তাহার কারণ ও হেতু কি শ্রবণ করিতে চাহি ।

গুরু । মানুষ পূজা হিন্দুদিগের মধ্যে কেন,—সকল ধর্ম্ম-দিগের মধ্যেই প্রচলিত আছে । পুত্র, পিতামাতাকে পূজা করে, কনিষ্ঠ ভ্রাতা বা ভগিনী, জ্যেষ্ঠভ্রাতাকে পূজা করে, স্ত্রী, স্বামীকে পূজা করিয়া থাকে, ইহা ত সর্ব দেশেই আছে ।

শিষ্য । সেরূপ আন্তরিক শ্রদ্ধা-ভক্তি দ্বারা পূজা নহে ।

গুরু । তবে কিরূপ পূজা ?

শিষ্য । আরাধ্য দেবতার মত । পুষ্পচন্দনাদি দ্বারা এবং নিত্য পূজা প্রদান করিয়া জল গ্রহণ করে ।

গুরু । তুমি বোধ হয়, গুরু পূজার কথা বলিতেছ ?

শিষ্য । হাঁ । আরও আছে ।

গুরু । কি ?

শিষ্য । কুমারী পূজা ।

গুরু । আগে কোন্টি গুনিতে ইচ্ছা কর ?

শিষ্য । আগে গুরু পূজার কথাই শ্রবণ করিতে ইচ্ছা করি ।

কারণ গুরু পূজা করিবার প্রথা হিন্দুদিগের অস্থি-মজ্জায় বিজড়িত ।  
বৈদিক হউন, তান্ত্রিক হউন, বৈষ্ণব হউন, অথবা শাক্ত, শৈব,  
সৌর, গাণপত্য যাহাই হউন—হিন্দু মাত্রেই গুরু পূজা করিয়া  
থাকেন, এবং গুরুর প্রতি যথোচিত ভক্তি প্রদর্শন করিয়া থাকেন ।  
শাস্ত্রে আছে,—

ন চ বিদ্যা গুরোস্তল্যাং ন তীর্থং ন চ দেবতাঃ ।

গুরোস্তল্যাং ন বৈ কোহপি যদৃষ্টং পরমং পদং ॥

জ্ঞান-সঙ্কলিনী তন্ত্র ।

যে গুরু কর্তৃক পরমপদ দৃষ্ট হইয়াছে, কি বিদ্যা, কি তীর্থ,  
কি দেবতা কিছুই সেই গুরুর তুল্য নহে ।

ন মিত্রং ন চ পুত্রাশ্চ ন পিতা ন চ বান্ধবাঃ ।

ন স্বামী চ গুরোস্তল্যাং যদৃষ্টং পরমং পদং ॥

জ্ঞান-সঙ্কলিনী তন্ত্র ।

যে গুরু কর্তৃক পরমপদ দৃষ্ট হইয়া থাকে, সেই গুরুর তুল্য  
মিত্র কেহই নাই, এবং পুত্র, পিতা, বান্ধব, স্বামী প্রভৃতিই  
কেহই তাঁহার তুল্য হইতে পারে না ।

এক মপ্যঙ্করং যস্ত গুরুঃ শিষ্যে নিবেদয়েৎ ।

পৃথিব্যাং নাস্তি তদ্ভুবাং যদ্বজ্রা চানুগীভবেৎ ॥

জ্ঞান-সঙ্কলিনী তন্ত্র ।

যে গুরু শিষ্যকে একাক্ষর মন্ত্র প্রদান করেন, পৃথিবী মধ্যে  
এমন কোন দ্রব্য নাই, যাহা তাঁহাকে দান করিলে, তাঁহার  
নিকটে ঋণ হইতে মুক্ত হওয়া যায় ।

বৈষ্ণবগণের মুখে শুনিয়াছি,—

গুরু ভেজি গোবিন্দ ভজে

সেই পাপী নরকে মজে ।

অতএব গুরুর এতাদৃশী পূজ্যতাব কেন হইল ?

গুরু । তোমার কথার উত্তর তুমি নিজেইত দিয়া আসিলে ।  
যে গুরু কর্তৃক পরম পদ দৃষ্ট হয়, অর্থাৎ ব্রহ্ম সাক্ষাৎকার লাভ  
হয়, তাঁহার চেয়ে জগতে আর কে গরীয়ান, মহীয়ান ও আত্মীয়  
আছেন,—তাঁহাকে মানুষ-পূজা করিবে না, তাঁহাকে মানুষ  
ভক্তি প্রীতি প্রদান করিবে না,—তবে কাহাকে করিবে ?

শিষ্য । তাহা বটে ; কিন্তু আমাদের দেশে যে সকল গুরু  
আছেন, অর্থাৎ ষাঁহারা অনুগ্রহ করিয়া এক একটি মঙ্গলদান করিয়া  
এবং বার্ষিক আদায় করিয়া কৃত-কৃতার্থ করিয়া থাকেন,—হয়ত  
এতদ্ব্যতিরিক্ত ধর্ম সম্পর্কে ষাঁহার সহিত অণু কোন প্রকার  
সম্পর্ক নাই,—আহারে ব্যবহারে সাংসারিকতার বা ক্রিয়া-কর্মে  
শিষ্য হইতে যে গুরুঠাকুরদিগের কোন প্রভেদ নাই, সে প্রকার  
গুরুগণের প্রতি ভক্তি প্রীতি সম্মান প্রদর্শন করা কর্তব্য কি না ?

গুরু । গুরু সর্বত্রই পূজ্য এবং সম্মানার্থ । গুরু হিন্দুর  
নিত্য আরাধনীয়,—কারণ গুরু পূজা ব্যতীত হিন্দু ইষ্টদেবতার  
পূজা সুসিদ্ধ হয় না ।

শিষ্য । তাহাতেই বলিতেলিছাম, মানুষ হইয়া সমধর্মী  
মানুষের পূজা করা সম্ভব নহে ।

গুরু । হিন্দু সমধর্মী মানুষের পূজা করে না ।

শিষ্য । আপনি বলেন কি,—আমার নিজের কথাই বলি-  
তেছি,—আমার যিনি কৌলিক গুরু আছেন, তিনি আমার  
চেয়ে কোন অংশেই সমুন্নত নহেন । জ্ঞান বলুন, বিদ্যাবুদ্ধি  
বলুন, আচার-ব্যবহার বলুন,—কিছুতেই তিনি আমা হইতে  
জ্ঞান-বৃদ্ধ নহেন,—তবে তাঁহাকে আমি কিসের জন্ত পূজা করিব ?

গুরু । গুরু পূজার বিধান বা পদ্ধতি অবগত আছ ?

শিষ্য । আজ্ঞা না ।

গুরু । তবে এ সম্বন্ধে জিজ্ঞাসা করিবার অধিকারই তোমার হয় নাই । আমি গুরু পূজা পদ্ধতিটো তোমাকে শুনাইলেই তুমি তোমার প্রশ্নের উত্তর অবগত হইতে পারিবে ।

গুরুর ধ্যান,—

শিরসি সহস্রদল কমলাবস্থিতং শ্বেতবর্ণং দ্বিভুজং  
বরাভয়করং শ্বেতমালানুলেপনং স্বপ্রকাশরূপং  
স্ববামস্থিত সুরতশক্ত্যা স্বপ্রকাশ স্বরূপয়া সহিতং

গুরুং ।

“শিরস্ সহস্র দল পদ্য বিরাজিত গুরু দেব শ্বেতবর্ণ, দ্বিভুজ, বরাভয় প্রদ, শুভ্র মালা-চন্দন-চর্চিত, স্বয়ং প্রকাশমান, এবং স্বপ্রকাশ-মানা বামভাগাবস্থিতা রক্ত-শক্তি-সমাপ্লিষ্ট ও অবস্থিত ।”

স্ট্রী গুরু হইলে নিম্ন প্রকার ধ্যান পাঠ করিতে হয় ।

স্ট্রীগুরুর ধ্যান,—

সহস্রারে মহাপদে কিঙ্করুগণশোভিতে ।  
প্রফুল্ল পদ্য পত্রাক্ষীং ঘনপান পয়োধরাং ॥  
প্রসন্নবদনাং ক্ষীণমধ্যাং ধ্যায়েচ্ছিবাং গুরুং ।  
পদ্যরাগ সমাভাসাং রক্ত বস্ত্র স্বেশোভনাং ॥  
রক্ত কুম্ব পানিঞ্চ রক্তনূপুর শোভিতাং ।  
স্থলপদ্য প্রতীকাশ পাদ পদ্য বিশোভিতাং ।

শরদিন্দু প্রতিকাশাং রক্তোদ্ভাসিত কুণ্ডলাং ।  
স্বনাথ বামভাগস্থাং বরাভয় করাস্মুজাং ॥

“শিরস্ত,—কেশররাজি-বিরাজিত-সহস্রদলকমল মধ্যে স্ত্রীশুরু অবস্থিতি করেন । তিনি প্রফুল্ল-সরোজ-দল-লোচনী, ঘনপীন-সুনী, প্রসন্নমুখী, ক্ষীণ-মধ্যা, এবং মঙ্গলময়ী ;—তাঁহার কাষ্ঠি প্রবাল সদৃশ, বস্ত্র রক্তবর্ণ ;—হস্ততল কুকুমের দ্বারা রক্ত বর্ণ,—তিনি স্নক্ত নৃপুত্রের দ্বারা সুশোভিতা । তাঁহার পাদপদ্ম স্থলপদ্মের দ্বারা শোভাধারণ করিয়াছে, এবং তিনি শরচ্ছন্দ্রের দ্বারা সূমনো-হরা । তাঁহার কর্ণযুগলে রক্তবর্ণ কুণ্ডল উদ্ভাসিত হইতেছে,—কর-পদ্মে সাধকের প্রতি বর ও অভয়দান করিতেছেন, তিনি নিজ কাষ্ঠের বামভাগে অবস্থিতি করিতেছেন ।”

শিষ্য । ধ্যান বলিতে বোধ হয়, কোন মন্ত্র বিশেষকে বুঝায় না ? ধ্যান অর্থে ত চিন্তা ?

গুরু । হাঁ ।

শিষ্য । তাহা হইলে, যে আকার চিন্তা করিতে হইবে, ধ্যানে অর্থাৎ সংস্কৃত গণ্ড-পণ্ডময় বাক্যের রচনা দ্বারা তাহাই বলা হইয়াছে । তবেই ধ্যান অর্থে কেবল ঐ মন্ত্রটি মাত্র পাঠ করা নহে, ঐ সংস্কৃত বাক্যগুলির প্রতিপাদ্য আকৃতিটি মনে মনে চিন্তা করার নামই বোধ হয় ধ্যান ?

গুরু । নিশ্চয়ই ।

শিষ্য । তবেই ত গোলযোগ ।

গুরু । কি গোলযোগ ?

শিষ্য । আপনি যে, গুরু ও স্ত্রীশুরুর ধ্যান বলিলেন,—



উহা সকলেরই গুরুর ধ্যান ; না প্রত্যেক ব্যক্তির পৃথক পৃথক গুরু-ধ্যান আছে ?

গুরু । তাও কি সম্ভব ? একথা জিজ্ঞাসা কেন ?

শিষ্য । একথা জিজ্ঞাসার কারণ এই যে, বহুলোকের বহু গুরু—সকলের গুরুর কি এক প্রকার রূপ । কাহারও গুরুর আকৃতি স্কুল, মস্তক মুণ্ডিত ও দীর্ঘ রেখা সমায়ুক্ত এবং নশ্ব গ্রহণের প্রবলতার নাসিকারক্কু অস্বাভাবিক ক্ষীত । পাদুকাবিহীন হইয়া চরণ চালিত করার বৈশাখী কষিত জমির ঞায় ফাটল এবং শক্ত । কাহারও গুরু সর্বদা তিলক অক্ষিত, সূক্ষ্ম দেহী ও দীর্ঘাকার । কাহার গুরু কাণা, কাহারও গুরু খোঁড়া, কেহ অন্ধ, কেহ বধির । আবার স্ত্রী গুরু ত বিয়ের মাঠাকুরুণ,—আপনি যেরূপ রূপ বর্ণনা করিলেন, সে ঘূর্ণীর পালেদের হস্ত-গঠিত মূর্তি ভিন্ন অন্তত দুর্ভ । যদি ঐরূপ গুরুরই ধ্যান হয়, তবে ঐরূপ গুরুরই পূজা করার বিধান শাস্ত্রে আছে,—বার্ষিক আদায়কারী ঠাকুর-মহাশয়দিগের পূজার ব্যবস্থা বোধ হয় শাস্ত্রের উদ্দেশ্য নহে ?

গুরু । আর একটি কথা ভুলিয়া গিয়াছ ।

শিষ্য । কি ?

গুরু । গুরু ও স্ত্রী গুরুর অবস্থিতির স্থান ধ্যানে কোথায় নির্দিষ্ট হইয়াছে, তাহাও ঐ ধ্যানে ব্যক্ত হইয়াছে ।

শিষ্য । হাঁ হাঁ । শিরঃস্থ-সহস্র-দল-কমলে গুরু বা স্ত্রী গুরু অবস্থিতি করেন । তাহা হইলে স্পষ্টতই বলা হইল,—আমরা যে মানুষ গুরুর পূজা করিয়া থাকি, তাহা কিছুই নহে,—সে ঠাকুর মহাশয়দিগের ব্যবসায়-বুদ্ধির প্রচলিত প্রথা । আসলকথা, আমাদের গুরুতত্ত্ব আপন আপন শিরোদেশে অবস্থিত ।

গুরু । মিছে কথা, ভুল বুঝিতেছ ।

শিষ্য । কি ভুল বুঝিলাম ?

গুরু । গুরু—আমাদের মন্ত্রদাতা । উহা তাঁহাদেরই ধ্যান । কেবল ধ্যান শুনিয়া সিদ্ধান্ত করিলে চলিবে না । পূজার আর আর পদ্ধতি গুলি আগে অবগত হও ।

ধ্যান পাঠান্তে গুরুদেবকে সদাশিব মূর্তি ও স্ত্রীগুরু হইলে শক্তিমূর্তি চিন্তা করিয়া পঞ্চোপচারে মানস পূজা করিবে ।

মানস পূজার পঞ্চোপচার যথা,—

“ঐং শ্রীঅমুকানন্দ নাথ ( মন্ত্রদাতা গুরুর যে নাম, তাহাই করিতে হয় ) গুরবে লং ভূম্যাঅকং গন্ধং সমর্পয়ামি,”—এই বলিয়া নিজের দেহস্থ পার্থিবাংশ গন্ধরূপে কল্পনা করিয়া গন্ধমুদ্রা প্রদর্শন করাইবে । “ঐং অমুকানন্দ নাথ গুরবে হং আকাশাত্মকং পুষ্পং সমর্পয়ামি,”—বলিয়া নিজ দেহস্থ আকাশ পুষ্পরূপে কল্পনা করিয়া পুষ্পমুদ্রা প্রদর্শন করাইবে । “ঐং অমুকানন্দ নাথ গুরবে ষং বায়ুাত্মকং ধূপং সমর্পয়ামি,”—বলিয়া দেহস্থ বায়ু ধূমরূপে কল্পনা করিয়া ধূপমুদ্রা প্রদর্শন করাইবে । “ঐং অমুকানন্দ নাথ গুরবে রং বর্ত্ম্যাত্মকং দীপং সমর্পয়ামি,”—বলিয়া দেহস্থ অগ্নি দীপরূপে কল্পনা করিয়া দীপমুদ্রা প্রদর্শন করাইবে । “ঐং অমুকানন্দ নাথ গুরবে বং জলাত্মকং নৈবেগ্যং সমর্পয়ামি,”—বলিয়া দেহস্থ জলীয়াংশ নৈবেগ্যরূপে কল্পনা করিয়া নৈবেগ্যমুদ্রা প্রদর্শন করিয়া অঙ্গন্যাস করণান প্রভৃতি করিবে ।

তৎপরে সাধারণ পূজার প্রণালী অনুসারে গুরুরও পূজা করিবে । তৎপরে গুরুর প্রণাম করিতে হয় ।

গুরুর প্রণাম মন্ত্র,—

অখণ্ড মণ্ডলাকারং ব্যাপ্তং যেন চরাচরং ।

তৎপদং দর্শিতং যেন তস্মৈ শ্রীগুরবে নমঃ ॥

অজ্ঞানতি-মিরাঙ্কস্য জ্ঞানাঙ্জন-শলাকয়া ।

চক্ষুরন্থালিতং যেন তস্মৈ শ্রীগুরবে নমঃ ॥

নমোহস্ত গুরবে তস্মাদিষ্টদেব স্বরূপিণে ।

বস্য বাক্যায়ুতং হস্তি বিষং সংসার-সংজ্ঞিতং ॥

গুরু-পূজা সম্বন্ধে যাহা যাহা শুনিলে, তাহাতে কি বুঝিতে পারিলে? নিজ-সহস্রার স্থিত গুরুতত্ত্ব বুঝিলে, না মন্ত্রদাতা গুরুকে বুঝিলে?

শিষ্য। আমি কিছুই বুঝিতে পারিলাম না। বড় বিষম সমস্যা।

গুরু। বিষম সমস্যা কিসে?

শিষ্য। ধ্যানের অর্থে যেরূপ চিন্তা করিতে বলা হইয়াছে—  
উহা যখন সকলের পক্ষেই এক, তখন গুরুতত্ত্বই বুঝিতে পারা  
যাইতেছে। আবার যখন মানস পূজায় রূপ রস গন্ধ স্পর্শ শব্দ  
প্রভৃতি ভৌতিক গুণ গুলি লইয়া আত্মদেহকে বলি দিয়া মন্ত্র-  
দাতা গুরুর নাম করিয়া তাঁহাকে অর্পণ করা হইতেছে,—তখন  
মন্ত্রদাতা নিজ নিজ গুরুকেই বুঝা যাইতেছে। আবার প্রণামের  
মন্ত্র—দুয়েরও অতীত।

গুরু। কি প্রকার?

শিষ্য। মন্ত্রের অর্থে জানা যাইতেছে,—অজ্ঞান তিমিরা-  
বৃত্ত চক্ষু জ্ঞানাঙ্জন-শলাকা দ্বারা যিনি উন্মীলন করিয়াছেন,

অথও মণ্ডলাকার জগদ্ব্যাপ্ত ব্রহ্মপদ ঝাঁহা কর্তৃক দর্শিত হইয়াছে, — ঝাঁহার অমৃত বাক্যে সংসার-বিষ বিনাশ পাইয়াছে, সেই ইহু-দেবতার স্বরূপ গুরু-দেবকে প্রণাম ।—ইহাতে স্পষ্টই বুঝা যাইতেছে,— ঝাঁহাকে পূর্বে ধ্যান করা হইয়াছিল, ইনি তিনিও নহেন, এবং মন্ত্রদাতা যে গুরুর নাম করিয়া দেহস্থ পঞ্চতন্ত্র অর্পণ করা হইয়াছিল, তিনি ও নহেন ।

গুরু । কেন ?

শিষ্য । ধ্যানের গুরু সহস্রার পদে অবস্থিত, সুতরাং ইনি তিনি নহেন ; কেননা প্রণাম ঝাঁহাকে করিলাম, তিনি আমার নিকট সাকার এবং আমাকে ব্রহ্মপদ দেখাইয়াছেন, আমার অজ্ঞান-অন্ধকার বিদূরিত করিয়া চক্ষু ফুটাইয়া দিয়াছেন, এবং সংসারের ত্রিতাপরূপ বিষের বিনাশ সাধন করিয়াছেন,—আবার আমাদের বার্ষিক আদায়কারী অমুকানন্দ নাথের নিজেরই ইহার এক ক্রান্তি শক্তি নাই । সুতরাং তিনই পৃথক্ পৃথক্ হইল বৈ কি—এবং বিষয় গোলযোগ বা ঝাঁ ঝাঁ আসিয়া হৃদয় অধিকার

গুরু । এই গোলযোগই গুরু পূজা বুঝিবার সুন্দর উপায় । তোমাকে সাংখ্যের প্রকৃতি ও পুরুষ সম্বন্ধে পূর্বে বুঝাইয়াছি,— সাংখ্য পুরুষ ও প্রকৃতি ব্যতীত ঈশ্বরের সত্ত্বা পৃথক স্বীকার করেন না । কিন্তু দর্শনের অত গোলযোগে প্রয়োজন কি,—ইতিপূর্বে তোমাকে আমি বলিয়াছি,—ব্রহ্ম হইতে ক্রমে ক্রমে গুণের দ্বারা এই জগৎ প্রপঞ্চ সৃজিত হইয়াছে । পুরুষ ও প্রকৃতি পৃথক হইয়াও জগৎ কার্য চালাইতেছেন । ব্রহ্মাণ্ড স্বরূপ মানব দেহে ব্রহ্মাণ্ডের সমস্ত পদার্থ নিহিত আছে,—সহস্রারে প্রকৃতি ও পুরুষ

শিব-শক্তিরূপে বা রাধাকৃষ্ণরূপে অবস্থিত আছেন \* তাঁহারা হই  
জীবের গুরুত্ব,—গুরুর ধ্যানে তাঁহাদেরই ধ্যান করা হয় ।

শিষ্য । সে কথা আমি পূর্বেই বুঝিতে পারিয়াছি । কিন্তু  
অমুকানন্দ নাথ অর্থাৎ মন্ত্রদাতা গুরুর সঙ্গে তাঁহাদের সম্বন্ধ  
কি,—তাঁহাই বুঝিতে পারি নাই ।

গুরু । এক্ষণে সেই প্রকৃতি ও পুরুষ বা গুরুত্বের অথবা  
ঐ শক্তির প্রয়োজন । জগতে দান করিতে কয় জন ইচ্ছুক ?  
রূপা করিয়া বার্ষিক দুই কি তিনটি টাকার পরিবর্তে যিনি শক্তি-  
দানে ইচ্ছুক,—তিনি অবশ্যই মহাদাতা । মন্ত্রদাতা গুরু যেমনই  
হউন, তাঁহার বিদ্যা-বুদ্ধি যেমনই হউক, তাঁহার-আচার-ব্যবহার  
যাহাই হউক,—কিন্তু শিষ্য করিয়া গুরু হইতে তাঁহার ইচ্ছা  
আছে । শিষ্যকে মন্ত্রদানে উদ্ধার করিব,—উহার মন্ত্রের সিদ্ধি-  
লাভ ঘটিবে, এমন ইচ্ছা অবশ্যই প্রত্যেক গুরুর থাকে, বা  
অবশ্যস্তাবী উহা হইয়া থাকে । তাহা হইলে সেই মন্ত্রদাতা  
গুরুর সেই গুরুত্বশক্তি ইচ্ছানুযায়ী হয়, অর্থাৎ নাটাই যেমন  
সূতা লইয়া দান করিতে দাঁড়ায়, আর যে টানিতে জানে সে  
সহজেই সূতা টানিয়া লইতে পারে । নাটাইয়ের কিছু কোন  
জ্ঞান নাই—সূতা দিতে হইবে, এ পর্য্যন্ত জ্ঞান তাহার থাকে না  
বা নাই—কিন্তু সূতা টানিলেই যেমন তাহা খুলিয়া দেয়, আমাদের  
মন্ত্র-দাতা গুরুগণের জ্ঞান না থাকিলেও আমাদের ইচ্ছাশক্তির  
বলে ঐ শক্তি আসিয়া আমাদের হৃদয় পূর্ণ করিয়া ফেলে । ধ্যান  
করিয়া আমরা গুরু বলে বলীয়ান হই । যেমন প্রতিমা পূজার

---

\* মৎপ্রণীত “দীক্ষা ও সাধনা” নামক গ্রন্থে এ সকল তত্ত্ব প্রকৃষ্টরূপে আলো-  
চিত হইয়াছে ।

সময় খড় দড়ি রং রাংতার ভাবনা করি না,—সেই মূর্তির প্রতি-  
পাল্য শক্তি-রূপের চিন্তা বা ধ্যান করি। তদ্রূপ মন্ত্রদাতা  
গুরুর ভৌতিক দেহ তাঁহার—অন্য কোন জিনিষের ভাবনা বা  
ধ্যান করি না,—ধ্যান করি, তাঁহার গুরুত্বের। চিন্তাশক্তির  
প্রবলাকর্ষণে তাঁহার সেই শক্তি আমাদের কাছে দিতেই হয়।

তারপরে মানসপূজায় যে পঞ্চতত্ত্বের সমর্পণ করিতে হয়,  
তাহাও সেই গুরু শক্তির, তাঁহাকে তখন ঐ নামেই উল্লিখিত  
করিতে হয়। খড় দড়ি রং রাংতার নাম যে দুর্গা কালী  
রমা রাধা রাম কৃষ্ণ শিব প্রভৃতি হইয়া থাকে,—বলা বাহুল্য নাম  
রূপ লিঙ্গ সমস্তই আরোপিত—তদ্রূপ গুরুর নামও আরোপিত।  
তৎপরে প্রণাম ও সেই গুরু শক্তিতত্ত্বের, কেননা—সেই গুরু  
শক্তির জাগরণে প্রকৃতি পুরুষের সম্মিলনে ঈশ্বরতত্ত্ব দর্শিত  
হইয়া থাকে।

এ সমুদয়ই যোগের কথা—হিন্দুর পূজা প্রভৃতি যাহা কিছু  
অনুষ্ঠান দেখিবে, সমস্ত যোগের শিক্ষা ভিন্ন আর কিছুই নহে।  
এতত্ত্ব—এ কঠিন রহস্য কোন দেশের কোন মানব হৃদয়ঙ্গম করিতে  
সক্ষম হইবে না। তবে গুরুর কৃপা হইলে সকলই সম্ভব  
হইয়া থাকে।

শিষ্য। আপনি তাহা হইলে বলিতে চাহেন, যিনি মন্ত্রদাতা  
গুরু, তাঁহার দ্বারা যে গুরু-শক্তি-তত্ত্ব নিহিত আছে, আমরা  
আমাদের সাধন ও ইচ্ছাশক্তির বলে, তাহা লাভ করি বলিয়া  
মন্ত্রদাতা গুরুকে অত খাতির খব্ব করিয়া থাকি, কিন্তু বাস্তবিক  
তাঁহাকে পূজা করি না। পূজা করি, তাঁহাতে যে গুরু-তত্ত্ব নিহিত  
আছে, তাঁহাকে।



গুরু । তা বৈ আর কি ?

শিষ্য । তবে তাঁহাকে আদর ও অত ভক্তি-সম্মান করা কেন ?

গুরু । যে পুত্র পিতাকে সম্মান করে না, ভক্তি করে না, পূজা করে না, সে পুত্র কি পিতৃ-স্নেহ আকর্ষণে সমর্থ হয় ?

শিষ্য । কিন্তু গুরু-বিনা কি ইষ্টদেবের আরাধনা হয় না ?

গুরু । হয় না কি, হয় । তবে এই পথ সহজ । অধিকন্তু সদগুরু লাভ করিতে পারিলে, তাঁহার সাধ্য মন্ত্রাদি প্রাপ্ত হইলে, জীবের সৌভাগ্যোদয় সত্ত্বরেই হইতে পারে । সাধকের নিকট সাধনার পথ জানিতে পারিলে, সহজেই সিদ্ধিলাভ করা যাইতে পারে । প্রজ্বলন্ত প্রদীপ হইতে বর্তি ধরান অতি সহজ ।

শিষ্য । উদাসীন বা সন্ন্যাসীর নিকটে গৃহস্থের মন্ত্র লওয়া নিষেধ কেন ? বোধ হয়, তাঁহাদিগের নিকটে মন্ত্র গ্রহণ করিলে সহজে সাধন-পথে অগ্রসর হইতে পারা যায় ।

গুরু । তার একটা কথা আছে । বর্ণাশ্রম ধর্ম্মানুসারে গৃহস্থকে গৃহস্থ রাখাই শাস্ত্রকারদিগের উদ্দেশ্য, গৃহী যদি উদাসীন সন্ন্যাসীর নিকটে মন্ত্র গ্রহণ করেন, তবে তদ্রূপ প্রাপ্ত হইতে পারেন, এবং তাঁহাদের আচার-ব্যবহারেও অনেক পার্থক্য পরিলক্ষিত হইয়া থাকে । মন্ত্র যে লইতে নাই, তাহা নহে ; গৃহী উদাসীন হইলেই উদাসীনের নিকটে মন্ত্র লইতে পারে । হিন্দুধর্ম্ম চারিদিক বজায় রাখিয়া বিধি-ব্যবস্থা করিয়া থাকেন ।

## চতুর্থ পরিচ্ছেদ ।



### কুলকুণ্ডলিনীর পূজা ।

শিষ্য । কুলকুণ্ডলিনীর জাগরণ, ষট্‌চক্রভেদ প্রভৃতির কথা আপনার নিকট শুনিয়াছি । কিন্তু নিত্য পূজা বা আরাধনাতেও কুলকুণ্ডলিনীর পূজার ব্যবস্থা দেখা যায়,—সম্ভবতঃ ইহাতে যোগের বিষয় কিছুই নাই, তবে এ বৃথা পূজায় প্রয়োজন কি আছে ?

গুরু । যাহারা যোগবলে বলীয়ন্ হইয়া এই সকল প্রকার প্রার্থন করিয়া গিয়াছেন, তাহারা বৃথা পশুশ্রম করিবার জন্ত মানুষকে একটা নিয়মসংঘের গণ্ডির মধ্যে রাখিয়া যান নাই । তবে স্মরণ রাখিও, নিত্য পূজা বা আরাধনা যোগের প্রাথমিক শিক্ষা । প্রাথমিক শিক্ষায় অভ্যস্ত না হইয়া কেহ কি বিশ্ব বিভা-লয়ের উচ্চতর শিক্ষায় উপস্থিত হইতে পারে ?

শিষ্য । কুলকুণ্ডলিনী-পূজায় যোগের কি প্রাথমিক শিক্ষার সুগম হইতে পারে, তাহা আমাকে বলুন ।

গুরু । কুলকুণ্ডলিনী পূজায় ঐ শক্তি সম্বন্ধে জ্ঞান জন্মে ও ঐ শক্তি ক্রমে ক্রমে উদ্বোধিত হইতে থাকেন ।

কুণ্ডলিনীর ধ্যান,—

ধ্যায়েৎ কুণ্ডলিনীং সূক্ষ্মাং মূলাধার-নিবাসিনীং ।

তামিষ্টে দেবতারূপাং সাদ্ধিত্রিবলয়ান্বিতাং ।

কোটি সৌদামিনীভাষাং স্বয়ম্ভুলিঙ্গবেষ্টিতাং ॥

“মূলাধার পদের কণিকার ( বীজকোষ ) মধ্যস্থিত ত্রিকোণচক্র

তন্মধ্যে অধোমুখ স্বয়ম্ভু লিঙ্গ আছেন। সার্ক্‌ ড্রিবলয় বেষ্টিনী, প্রসুপ্ত সর্পাকৃতি অতিসূক্ষ্ম, ছাদশাঙ্গুলি পরিমিত শত কোটি বিদ্যু-  
তের ঞায় প্রভাশালিনী, নিজ ইষ্টদেবতারূপিনী কুলকুণ্ডলিনী  
শক্তি তাঁহাকে (স্বয়ম্ভু লিঙ্গকে) বেষ্টন করিয়া বিরাজিত আছেন।”

এই ধ্যানের অর্থ যাহা,—প্রকৃত প্রস্তাবে কুণ্ডলিনী শক্তি  
সেইরূপেই আছেন। নিত্য এইরূপ ধ্যান করিয়া পূজা করিলে  
নিত্য চিন্তনের ফলস্বরূপে ঐ দেবী প্রবোধিতা হইয়া পড়েন, এবং  
পূজকের ও জ্ঞান জন্মিয়া পড়ে। নিত্য নিত্য যে বিষয় ভাবনা  
বা ধ্যান করা যায়, আপনা আপনিই তৎসম্বন্ধে জ্ঞান জন্মিয়া থাকে,  
ইহা বিজ্ঞান-সম্মত বাক্য। নিউটন যখন মাধ্যাকর্ষণের আবিষ্কার  
করেন,—তখন তাঁহার ঐকান্তিক ধ্যান-ধারণার বলেই আবিষ্কৃত  
হইয়াছিল, সন্দেহ নাই। কেবল নিউটন বলিয়া নহে, যিনিই  
যখন কোন নূতন তত্ত্ব বা নূতন শক্তির আবিষ্কারে নিযুক্ত হইয়াছেন,  
তখনই তাঁহাকে অবিচ্ছিন্ন তৈল-ধারার ঞায় চিন্তা করিতে  
হইয়াছে ;—এবং সেই চিন্তা বা ধ্যানের দ্বারা সেই তত্ত্ব তাঁহার  
হৃদয়ে প্রকাশ পাইয়াছে। মানুষের দেহ মধ্যে সমস্ত শক্তিই  
বিদ্যমান আছে,—কেবল শক্তিকে বশ করিবার উপযুক্ত শক্তিতে  
আকর্ষণ উপস্থিত করিতে পারা যায় না বলিয়াই তাহা গুপ্ত অবস্থায়  
অবস্থিতি করিতে থাকে। কুণ্ডলিনীর পূজান্তে স্তবপাঠ করিতে  
হয়। স্তবগুলি শ্রবণ করিলে, তুমি হিন্দুর পূজা জপ তপ ও স্তব  
পাঠের উদ্দেশ্য বুঝিতে সক্ষম হইবে।

শিষ্য। ঐ স্তবাদি আমি গুনিতে ইচ্ছা করি।

গুরু। বলিতেছি, শ্রবণ কর।

কুণ্ডলিনীর স্তব,—

নমস্তে দেব-দেবেশি যোগীশ প্রাণবল্লভে ।  
 সিদ্ধিদে বরদে গাতঃ স্বয়ম্ভুলিঙ্গবেষ্টিতে ॥  
 প্রমুপ্ত-ভুজগাকারে সর্বদা কারণ প্রিয়ে ।  
 কামকলাষিতে দেবি মহাভীষ্টং কুরুষ চ ॥  
 অসারে ঘোর সংসারে ভবরোগাৎ মহেশ্বরী ।  
 সর্বদা রক্ষমাং দেবি জন্ম সংসার রূপকাৎ ॥  
 ইতি কুণ্ডলিনী স্তোত্রং ধ্যায়া যঃ প্রপঠেৎস্বধীঃ ।  
 স মুক্তঃ সর্বপাপেভ্যো জন্মসংসার-সাগরাৎ ॥

ইহার অর্থ প্রায়ই ধ্যানের মত, না হইলেও অতি কোমল ; স্মৃতির  
 অনুবাদ করিবার প্রয়োজন জ্ঞান করিলাম না । এই স্তব নিত্য-  
 পাঠে কুণ্ডলিনী শক্তিকে তৎসম্বন্ধে জ্ঞান জন্মিয়া থাকে । বলা  
 বাহুল্য; ইহা যোগের প্রাথমিক শিক্ষা । এবং এই শিক্ষা না  
 করিয়া যাহারা একেবারেই নিরাকার ব্রহ্মলাভে প্রধাবিত হইয়েন,  
 তাহারা সমধিক ভ্রান্ত সন্দেহ নাই ।

### পঞ্চম পরিচ্ছেদ ।

সাধারণ পূজা প্রণালীর বৈজ্ঞানিকত্ব ।

শিষ্য । আমাদের শাস্ত্রে যে সকল পূজা-প্রণালী বা পূজার  
 পদ্ধতি প্রচলিত আছে, অনুগ্রহ করিয়া তাহার ব্যাখ্যাতত্ত্ব বুঝাইয়া  
 দিন ।

গুরু। এ সকল অদ্বুত আকাঙ্ক্ষা। পূর্বেই তোমাকে বলিয়াছি—আমাদের শাস্ত্র অনন্ত,—পদ্ধতি বিরাট ; তাহা বুঝাইয়া উঠা অত্যন্ত দীর্ঘ সময়সাপেক্ষ,—এমন কি বহু জন্ম ধরিয়া তাহার আলোচনা করিলেও সমাধা হয় কি না সন্দেহ। বিশেষতঃ আধ্যাত্মিকতত্ত্ব কেবল মাত্র বাহুজ্ঞানের দ্বারা বুঝিতে পারা যায় না। আধ্যাত্মিকতত্ত্ব বুঝিবার জন্য আধ্যাত্মিক শক্তি লাভের প্রয়োজন।

শিষ্য। একটি সাধারণ পূজার সূত্র অবলম্বন করিয়া তাহার তত্ত্ব বুঝাইয়া দিলে, একটা সাধারণ ধারণা হইতে পারিবে, ইহাই আশা করি।

গুরু। তাহা হইতে পারে না। পৃথক্ পৃথক্ দেবতার পৃথক্ পৃথক্ শক্তি,—পৃথক্ পৃথক্ কার্য—সুতরাং পদ্ধতি ও প্রণালী প্রভৃতিও পৃথক্ পৃথক্।

শিষ্য। তথাপি একটির বিষয় শুনিতে পাইলে, বুঝা যাইতে পারে যে, সকলগুলিতে কিছু না কিছু আছে। স্পষ্ট কথা বলিতে কি, এখন আমাদের ধারণা হয় যে, পাথির ফুল, জল, আতপ তণুল, পাকা কলা, ধূপ, দীপ ইহাতে দেবতার কি হয়? এগুলির লোভাকর্ষণে তাঁহারা স্বর্গরাজ্য পরিত্যাগ করিয়া কিজন্ত মর্ত্যের মানুষের নিকটে আগমন করেন!

গুরু। আবার 'কেঁচেগণ্ডুধ কর' কেন? দেবতা সর্বত্র বিরাজিত,—স্বর্গ সূক্ষ্মের রাজত্ব, তাই তাঁহারা সেখানে অবস্থিত। ডাকিলে, ধ্যান করিলে—সূক্ষ্মশক্তির পরিচালনা করিলে তাঁহারা নিকটে আসেন, সে কথা তোমাকে অনেকবার বুঝাইয়া দিয়াছি। এক্ষণে যদি দেবতার সাধারণ পূজা সম্বন্ধে কিছু আলোচনার

নিতান্ত ইচ্ছা হইয়া থাকে, তবে যে কোন একটি দেবতার পূজা বিষয়ক প্রশ্ন করিতে পার। তোমার কিরূপ ভাবে কোন বিষয় জানিবার ইচ্ছা, প্রশ্ন না করিলে আমি বুঝিব কি প্রকারে ?

শিষ্য। শিবপূজা করা আমাদের শাস্ত্রের অবশ্য বিধান। ব্রাহ্মণ, শূদ্র, স্ত্রী জাতি প্রভৃতি সকলের জন্মই শিবপূজার বিধান আছে। যথার্থই কি, সকলের পক্ষে শিবপূজা করিবার বিধি আছে ?

গুরু। হাঁ, শাস্ত্রে আছে,—

অসারে খলু সংসারে সারনেতচ্চতুষ্টয়ম্ ।

কাশ্যং বাসঃ সতাং সজ্ঞো গঙ্গাস্তঃ শত্ৰু সেবনম্ ।

অগ্নিহোত্রাস্ত্রিবেদাশ্চ যজ্ঞাশ্চ বহুদক্ষিণাঃ ।

শিবলিঙ্গার্চনশ্চেতে কোট্যাংশেনাপিনোসমাঃ ॥

স্কন্দ পুরাণম্ ।

“অসার সংসারে কাশীবাস, সংসমাগম, গঙ্গাজল ও শিবার্চন এই চারি সার পদার্থ। অগ্নিহোত্র তিনবেদ ও বহু দক্ষিণ-যজ্ঞ এই সকল কার্য্য শিবপূজার কোটি অংশের একাংশের তুল্য নহে।”

শিষ্য। প্রথমে উহাই বুঝিতে চাহি। সংসারের সমস্ত কার্য্যের উপরে শিবার্চনা এত ভাল কার্য্য হইল কেন ?

গুরু। শিবতত্ত্ব জানিতে পারিলে, তুমি সহজেই উহা অবগত হইতে পারিবে। শিব এই শব্দটা মঙ্গলার্থ বাচক। শিব ত্রিগুণেরই অংশাংশে অবস্থিত। শিবতত্ত্ব আশু আকর্ষিত হইয়া থাকে, সেইজন্য তাঁহার এক নাম আশুতোষ। পুরাণ প্রভৃতি পাঠে তুমি জানিতে পারিবে, যত দেবতা, যত দৈত্য, যত দানব প্রভূত ক্ষমতা ও ঐশ্বর্য্যলাভ করিয়াছে, তাহা শিব-শক্তি হইতেই লাভ করিয়াছে। ত্রিপুতাসুর, মহিষাসুর, রাবণ, জরাসন্ধ প্রভৃতি



সকলেই শিব-শক্তির বলে ঐশ্বর্যবান্ ও অতুল বলশালী । শিবই পরা প্রকৃতির সাহায্যে আমাদের অতি নিকটে থাকিয়া আমাদিগকে ঐশ্বর্যান্বিত করিতেছেন । তাঁহার আরাধনায় তিনি সহজেই প্রীতিনাভ করিয়া আমাদিগকে অভীষিত ফল দান করিয়া থাকেন । ঐশ্বর্যলাভ করিতে হইলে, শিবারাধনাই কর্তব্য । তাহাতেই জড় সংসারে আবদ্ধ জীবের জন্ম শিবারাধনার এত গুরুত্ব ও কর্তব্যতা বলিয়া অবধারিত হইয়াছে ।

শিষ্য । আমি শুনিয়াছি, শিবলিঙ্গ পূজা করিতে হয় । তাহার অর্থ কি ?

গুরু । মূর্খ ! লিঙ্গ অর্থে জননেদ্রিয় নহে । স্থূল সূক্ষ্ম ও লিঙ্গ এই দেহত্রয়ের কথা অনেকবার বলিয়াছি,—লিঙ্গ অর্থে তাহাই ।

শিষ্য । আমরা শুনিয়াছি শিবলিঙ্গ এবং যোনি তাহার পীঠিকা । এ সম্বন্ধে একটা প্রমাণও জানা আছে ।

গুরু । প্রমাণটা কি ?

শিষ্য । বলিতেছি,—

লিঙ্গস্ত যাদৃশিস্তারঃ পরিণাহেঃপি তাদৃশঃ ।  
লিঙ্গস্য দ্বিগুণা বেদী যোনিস্তর্কসম্বিতা ॥  
সর্বতোজুর্গতো ব্রহ্মং ন কদাচিদপি কচিৎ ॥  
রত্নাদিষু চ নির্মাণে মানমিদাংশাদ্ভবেৎ ॥

লিঙ্গপুরাণন ।

“লিঙ্গের পরিণাম অনুসারে তাহার বিস্তার করিবে । লিঙ্গ পরিমাণের দ্বিগুণ বেদীর পরিমাণ করিবে । যোনির উর্ক পরিমাণে যোনির পরিমাণ জানিবে । কোন পরিমাণও অজুর্গ পরিমাণের

নান করিবে না । রত্নাদির দ্বারা লিঙ্গ নির্মাণ স্থলে কোন পরিমাণের নিয়ম নাই,—আপনার ইচ্ছানুসারে পরিমাণ স্থির করিয়া লিঙ্গ নির্মাণ করিবে ।”

এই প্রমাণের দ্বারা স্পষ্টতই জানা যায় যে, শিবলিঙ্গ ও শক্তিযোনি প্রতিষ্ঠিত, এবং তাহারই পূজা করিতে হয় ।

গুরু । মূর্খ ! তোমাদের শাস্ত্র-জ্ঞান ঐরূপই । যাহা কেবল শক্তি বা গুণ ; যাহাদিগকে পুরাণকারেরাও অস্বোনিসম্ভব বলিয়াছেন,—তাঁহাদিগের সম্বন্ধে ঐরূপ ধারণা তোমরা কোথা হইতে পাইয়া থাক ? শাস্ত্রে আছে,—

আকাশং লিঙ্গমিত্যাহঃ পৃথিবী তস্য পীঠিকা ।

প্রলয়ে সর্বদেবানাং লয়নালিঙ্গমুচ্যতে ॥

“আকাশ লিঙ্গ, এবং পৃথিবী তাঁহার আসন । মহাপ্রলয় সময়ে দেবগণের নাশ হইয়া একমাত্র লিঙ্গরূপী মহাদেব বর্তমান ছিলেন,—অতএব লিঙ্গ বলিয়া অভিহিত হইয়াছেন ।”

আকাশ তত্ত্ব ও পৃথ্বীতত্ত্বে শিব-শক্তি । শিব-লিঙ্গ পূজায় আকাশতত্ত্ব ও পৃথ্বীতত্ত্বের আরাধনা করা হয় । আকাশতত্ত্বকে লইয়াই তোমার পাশ্চাত্য জগতের সমস্ত লীলা-খেলা । পাশ্চাত্য জগতের যত আবিষ্কার সমস্তই এই আকাশতত্ত্ব বা ইথার লইয়া । হিন্দু সেই আকাশতত্ত্বের সহিত পৃথ্বীতত্ত্ব সংযোজনা করিয়া তদীয় অর্চনায় আমাদিগকে শক্তিশালী হইবার অধিকারী করিবার জন্ত কৃপা করিয়া শিবলিঙ্গ অর্চনা ও আরাধনার পন্থা আবিষ্কার করিয়া দিয়াছেন ।

শিষ্য । অদ্ভুত রহস্য,—আমরা ইহার কিছুই অবগত নহি । এক্ষণে, অল্পগ্রহ পূর্বক পূজাপ্রণালীর ব্যাখ্যা করিয়া আমাকে কৃতার্থ করুন ।

গুরু । পূজাপ্রণালীর কিরূপ ব্যাখ্যা করিব, তাহা তুমি বলিয়া যাও ।

শিষ্য । আমরা যে উপায়ে দেবতাদিগের পূজা করিয়া থাকি, তাহা বলুন,—এবং তাহার তত্ত্ব বা ব্যাখ্যা বুঝাইয়া দিউন ।

গুরু । যে কোন দেবতার পূজা করিতে বসিলে প্রথমে আসন শুদ্ধি করিতে হয় । আমি শিব পূজা লইয়াই তোমাকে বুঝাইতে চেষ্টা করিব । শিব পূজা করিতে হইলে প্রথমে আসনে উপবেশন পূর্বক আসন শুদ্ধি করিতে হয় । আসন শুদ্ধি করিবার উদ্দেশ্য এই যে, মনের ভাব একরূপ করা কর্তব্য যে, আমি যে আসনে উপবেশন করিয়াছি, তাহা পবিত্র হইয়াছে ; অধিকন্তু মন্ত্র পাঠ-পূর্বক মন্ত্র-শক্তির বলে তাহাতে শক্তিতত্ত্ব আনাইয়া তাহাতে উপবেশন করিবে । মন্ত্রাদিও পদ্ধতি মৎ-প্রণীত “পুরোহিত-দর্পণ” নামক পুস্তকে পাঠ করিবে । আসন শুদ্ধির পরে সামান্তান্তাস, বিঘ্নাপসরণ গণেশ পূজাদি করিয়া অঙ্গান্তাস ও করান্তাস করিবে । অঙ্গান্তাস ও করান্তাসে দেহস্থ লোড়িম্বর পদার্থ উপাসনা কালে যে যে স্থানে থাকা কর্তব্য, তাহাই প্রেরণ করা হয় ।

শিষ্য । যদি তাহাই উদ্দেশ্য ও প্রয়োজন হয়, তবে বোধ হয় তাহা অঙ্গুলির চালনা দ্বারা সম্পন্ন হইয়া থাকে, কিন্তু তবে দেবতার বীজ মন্ত্র পাঠের প্রয়োজন কি ? অঙ্গান্তাস করান্তাস করিবার সময় বীজমন্ত্র পাঠ করিবার প্রয়োজন কি ? কেবল অঙ্গুলি চালনা দ্বারাই ত সে কার্য সম্পন্ন হইতে পারিত ।

গুরু । টেলিগ্রামে সংবাদ প্রেরণ করিতে হইলে, টেলিগ্রামের তার নাড়া দিলেই ত সকল গোল মিটিয়া যাইত । “টরে টকা

টকা টরে” প্রভৃতি সাংকেতিক শব্দগুলি শিক্ষা করিয়া তাহার ধ্বনি করিবার আবশ্যক কি ?

শিষ্য। তাহাতে ঐ শব্দগুলি প্রতিধ্বনিত হইয়া যে সাংকেতিক শব্দ আপতিত হয়, তদ্বারা প্রেরিত হইলে সেই শব্দের অর্থ বুঝিয়া লয়।

গুরু। দেবতার আরাধনার সময়ে ও করাস্কুলীর পরিচালন ও পীড়নে তাড়িৎ পরিচালিত হয় বটে, কিন্তু যে দেবতার জন্ত তাহা যেমন ভাবে প্রস্তুত হইবে, তাহা সেই দেবতার বৈজিকমন্ত্রের ধ্বনিতে সেই সেই স্থলে চালিত হয়। উহা শব্দতত্ত্বের অধীন। তারপরে ভূতশুদ্ধি করিতে হয়। ভূতশুদ্ধির উদ্দেশ্য বোধ হয়, তোমাকে আর বলিতে হইবে না, আমি পুনঃ পুনঃ এই বিষয় উত্তমরূপেই তোমাকে অবগত করাইয়াছি।

শিষ্য। ভূতশুদ্ধির পরে কি করিতে হয় ?

গুরু। ভূতশুদ্ধির পরে স্নানাদি করিয়া অপ্রতিষ্ঠিত দেবতা হইলে, দেবতার প্রাণ প্রতিষ্ঠা করিতে হয়।

শিষ্য। স্নানাদিতে বোধ হয়, সাধকের দেহ স্থির ও কার্যক্ষম করে।

গুরু। কেবল দেহ স্থির নহে—দেহস্থ শক্তিপুঞ্জের সমীকরণ করিয়া তাহাদিগকে কার্যোন্মুখী করিয়া থাকে।

শিষ্য। কিন্তু আর একটি কঠিন কথা বা সমস্যা উপস্থিত হইয়াছে।

গুরু। কি ?

শিষ্য। অপ্রতিষ্ঠিত দেবতা হইলে প্রাণ প্রতিষ্ঠা করিতে হয়। কিন্তু কে কাহার প্রাণ প্রতিষ্ঠা করে? দেবতার প্রাণ প্রতিষ্ঠা নাহুঁষে করে? ইহা অতি অসম্ভাবিত কথা।

গুরু । তোমাদের নিকটে অসম্ভাবিত সকলই । আমার একটা কথার উত্তর দাও ।

শিষ্য । বলুন ?

গুরু । ইচ্ছাশক্তির অপ্রতিহত ক্ষমতা ও কার্যকারী শক্তি তোমাদের পাশ্চাত্য বিজ্ঞানেও কথিত হইয়াছে । মানুষের ইচ্ছাশক্তিতে জড়ের জিনিষ নূতন করিয়া প্রস্তুত হইয়াছে । ইচ্ছাশক্তির পরিচালনায় মানুষ নূতন সৃষ্টি করিতে সক্ষম হইয়াছে, — তাহা তোমাদের পাশ্চাত্যবিজ্ঞান-সম্মত !

শিষ্য । হাঁ ।

গুরু । পার্থিব জড়ের যে প্রাণ প্রতিষ্ঠা করা হয়, তাহাও সেই ইচ্ছাশক্তির পরিচালন, আর যে মন্ত্র ও বীজ পাঠ করা হয়, — তাহাতে কোন শক্তি আবির্ভূত হইবে, তাহারই অধ্যাসন বিসর্জনও ঐরূপ ।

শিষ্য । বুদ্ধিলাম ! তারপরে, কি করিতে হয় ?

গুরু । প্রাণ প্রতিষ্ঠার পরে ধ্যান পাঠ করিতে হয় ।

শিষ্য । ধানের অর্থ পূর্বেই বলিয়াছেন, মন্ত্রের প্রতিপাত্ত বিষয়ের চিন্তা করা ।

গুরু । হাঁ, তাহাই । ধ্যান তিন প্রকার, স্থূল ধ্যান, সূক্ষ্ম ধ্যান ও জ্যোতি-ধ্যান । যাহাতে মূর্ত্তিময় দেবতাকে ভাবনা করা যায়, তাহার নাম স্থূল ধ্যান ; যাহা দ্বারা তেজোময় ব্রহ্ম বা প্রকৃ-তিকে ধ্যান করা যায়, তাহাকে জ্যোতিধ্যান এবং যাহা দ্বারা বিন্দুময় ব্রহ্ম ও কুলকুণ্ডলিনী শক্তির ধ্যান দ্বারা দর্শন করিবার ক্ষমতা জন্মে, তাহাকে সূক্ষ্ম ধ্যান বলা যায় । নিত্য পূজায় যে ধ্যান করা যায়, তাহাকে স্থূল ধ্যানই বলা যায় ।

শিষ্য । শিবের ধ্যানে কি বুদ্ধি, তাঁহার রূপেরই না হয়, ব্যাখ্যা বুঝিলাম, কিন্তু সাধক বা পূজকের কি উপকার হইবে, তাহা আমি ভালরূপে বুঝিতে পারি না । মনে করুন, ধ্যান অর্থে ধ্যান-মন্ত্রের পতিপাত্ত-রূপের অবিচ্ছিন্ন চিন্তা করা । কিন্তু সে রূপের চিন্তা করিলে সাধকের বা পূজকের যে উপকার হয়, তাহা আমার বুদ্ধিতে আসে না, অল্পগ্রহ করিয়া তাহা বসুন !

শুক । ধ্যানই মন স্থির করিবার একমাত্র উপায় । তোমাকে বোধ হয় বলিতে হইবে না যে, সাধন-পূজন প্রভৃতি সকলের উদ্দেশ্যই মনের একাগ্রতা সাধন করা । মনোবৃত্তি একমুখী হইলে জগতের কোন ঐশ্বর্যই তাহার করতল গত হইতে থাকি থাকে না ; সে যাহা ইচ্ছা, তাহাই করিতে পারে । আমাদের মুনি ঋষিরা যে সর্বক্ষমতাপন্ন ছিলেন, তাহা মনের একাগ্রতা হইতেই । ইন্দ্রজাল, ভোজবিদ্যা, ব্যায়াম, কুস্তি প্রভৃতি যে সকল আশ্চর্য কাণ্ড দেখিয়া থাক, উহাও মনের একাগ্রতার ফল । মনের বৃত্তি সমুদ্র একমুখী হইলে, তাহার অসাধ্য কিছুই থাকে না,—সে মানবদেহ পাষাণে পরিণত করিতে পারে, কাষ্ঠেয় তরণী স্বর্ণ করিয়া দিতে পারে । দেহের “অস্তবর্তী” অথবা বাহিরের কোন প্রদেশে যখন মন কিছুক্ষণ স্থির থাকিবার শক্তি লাভ করে, তখন সে ক্রমশঃ একদিকেই অবিচ্ছেদ্য-প্রবাহে যাইবে । যখন ধ্যান এতদূর উৎকর্ষ প্রাপ্ত হইবে যে, উহার বহির্ভাগটা পরিত্যক্ত হইয়া কেবল অস্তভাগটির দিকেই আর্থাৎ ইহার মনের দিকেই মন সম্পূর্ণরূপে গমন করে, তখন সেই অবস্থার নামই সমাধি । যে অভ্যাসরীণ কারণ হইতে বাহ্য বস্তুর অল্পভূতি উৎপন্ন হইয়াছে, তাহার পর মন সংলগ্ন রাখিতে পারিলে সেইরূপ শক্তিসম্পন্ন



মানুষের অসাধ্য আর কিছুই থাকে না । সমুদয় প্রকৃতিই তাঁহার বশীভূত হয় ।

আমাদের দেশে দেবতার পূজা করিয়া মহামারি নিবারণ, মোকর্দ্দমায় জয়লাভ করান, ব্যাধির আরোগ্য, বিপদের নিবারণ প্রভৃতি যাহা কিছু হইবার কথা শুনিয়া থাক, ধ্যানবলেই তাহা সম্পন্ন হইয়া থাকে । যাহারা প্রকৃত ধ্যানযোগে সিদ্ধিলাভ করিয়াছেন, তাঁহাদের দ্বারা না হইতে পারে, জগতে এমন কোন কাৰ্য্য নাই । শিষ্য পূজায় সেই ধ্যানশিক্ষার প্রথম সোপান ।

শিষ্য । কেবল ধ্যান করিয়া গেলেই কি ধ্যান করিবার ফল পাওয়া যাইবে ?

গুরু । ইা প্রথমে স্থূল ধ্যান করিতে করিতে আপনিই সূক্ষ্ম ধ্যানের ক্ষমতা আসিয়া পড়িবে । ধ্যানের যে মন্ত্র বা শব্দ, উক্ত শব্দ-দ্বারা প্রথমে বাহির হইতে একটি কম্পন আসিয়া থাকে—কম্পন আসিলেই, স্নায়বীয় গতির উৎপত্তি হয় । অতএব, স্নায়বীয় গতিতে ঐ কম্পন মনে লইয়া গিয়া পঁছছিয়া দেয় । মনে কম্পন উপস্থিত হইলে, আমাদের বাহ্য বস্তুর জ্ঞান উদয় হয় । এই বাহ্য বস্তুটিই আকাশীয় কম্পন হইতে মানসিক প্রক্রিয়া পর্য্যন্ত ভিন্ন ভিন্ন পরিবর্তন গুলির কারণ । শাস্ত্রে এই তিনটিকে শব্দ, অর্থ ও জ্ঞান বলে । এই জ্ঞানের উদয়ে ক্রমে ক্রমে অভ্যাসের বলে এমন শক্তি উপস্থিত হয়, যাহা দ্বারায় সূক্ষ্মাতি-সূক্ষ্ম ধ্যানের ক্ষমতা জন্মিয়া থাকে । তখন অবলম্বন ব্যতীতও ধ্যান করিবার ক্ষমতা জন্মিয়া থাকে ।

শিষ্য । ধ্যানের পরে উপচার দ্বারা পূজা করিতে হয় ?

গুরু । ইা ।

শিষ্য । দেবতা সূক্ষ্ম শক্তি । আমাদের প্রদত্ত আতপ চাউল, পক রসতা, ধূপ দীপ, নৈবেদ্য যাহা কিছু, তাহা কি তাঁহারা ভোগ করিতে পারেন ?

গুরু । হাঁ, পারেন ।

শিষ্য । কি প্রকারে ?

গুরু । সমস্ত দ্রব্যেরই স্কুল, সূক্ষ্ম এবং সূক্ষ্মাদপি সূক্ষ্ম অবস্থা বা ভাগ আছে, তাহা অবগত আছ ?

শিষ্য । হাঁ, তাহা জানি ।

গুরু । যিনি যেরূপ অবস্থাপন্ন, তিনি সেই প্রকার অবস্থাপন্ন দ্রব্য-ভাগ গ্রহণ করিয়া থাকেন । দেবতাগণ যেমন সূক্ষ্ম-শক্তি,—আমাদের প্রদত্ত দ্রব্যের সূক্ষ্মাংশও তেমনি তাঁহারা গ্রহণ করিয়া থাকেন ।

শিষ্য । কথাটা বুঝিতে পারিলাম না ।

গুরু । কি বুঝিতে পারিলে না ?

শিষ্য । দেবতারাও কি আমাদের মত আহার করিয়া থাকেন ? তাঁহাদেরও কি আমাদের মত মুখ, রসনা, দন্ত, কণ্ঠ-নালী, উদর প্রভৃতি আছে ?

গুরু । না ।

শিষ্য । তাকে আহার করেন কি প্রকারে ?

গুরু । আহার করা অর্থ কি ? আমরা স্কুল দেহী—স্কুল-দ্রব্যগুলি দেহস্থ করিবার জন্ত বা দেহরূপে পরিণত করিবার জন্ত দেহ-গহ্বর দ্বারা প্রচালন পূর্বক দেহস্থ করিয়া দেই,—এই না ?

শিষ্য । হাঁ, তা বৈ কি ।

গুরু । তাঁহারা সূক্ষ্মশক্তি—সূক্ষ্মভাগ দেহস্থ করিয়া লয়েন ।

গন্ধর দ্বারা প্রচালিত না করিলেই যে, দ্রব্যভাগ গৃহীত হয় না, তাহা কে বলিল ? বাতাসের কি দেহ আছে ?

শিষ্য । না !

গুরু । বাতাস, কুম্বের সূক্ষ্ম-ভাগ পরিমল গ্রহণ করে কেমন করিয়া ? বাতাস যদি পরিমল গ্রহণ করিতে না পারিত, আমরা কখনই ফুলের গন্ধ পাইতে পারিতাম না । হোমিওপ্যাথিক ঔষধের ডাইলিউশনের প্রতি লক্ষ্য করিলেই আমার কথা বুঝিতে সক্ষম হইবে । স্পিরিট কাঠের সূক্ষ্মাদপি সূক্ষ্মাংশ কিরূপে গ্রহণ করিয়া থাকে ? দেবতাগণও আমাদের ইচ্ছাশক্তির বলে সমাগত হইয়া আমাদের প্রদত্ত নৈবেদ্যের সূক্ষ্মাদপি সূক্ষ্মাংশ অর্থাৎ তাঁহাদের মত সূক্ষ্মাংশ গ্রহণ করিয়া থাকেন ।

শিষ্য । তবে উহা বৃথা প্রদত্ত হয় না ?

গুরু । নিশ্চয়ই নহে ।

শিষ্য । কিন্তু আর একটি কথা ।

গুরু । কি বল ?

শিষ্য । দেবতাগণও কি আমাদের মত দ্রব্যলোভী ? আমরা যেমন ভেটাদি পাইলে, দাতার উপরে সস্তুষ্ট হইয়া তাহার মনো-বাসনা পূর্ণ করিয়া থাকি, দেবতাগণও কি আমাদের নিকটে তদ্রূপ নৈবেদ্যাদি প্রাপ্ত হইয়া আমাদের মনোভীষ্ট সিদ্ধ করিয়া থাকেন ।

গুরু । না, তবে আমরা যে শক্তিকে উদ্বোধিত করিব,—সে শক্তির দ্বারা কার্য করিয়া লইব, তাহাকে সবল, সুপুষ্ট এবং কার্যক্ষম করিয়া লইতে হইবে । বলা বাহুল্য, দেবশক্তি আমাদের নিকট । ইহা অতীব গুহ্যতম ।

শিষ্য । তারপরে বিসর্জনের কথা ত পূর্বেই বলিয়াছেন ।

কিন্তু জপের বিষয় কিছুই শোনা হয় নাই। জপ করিলে কি হয় ?

গুরু । পাতঞ্জলদর্শনে উক্ত হইয়াছে,—  
তজ্জপস্তদর্শ ভাবনং ।

“মন্ত্রপ্রতিপাদ্য বস্তুর যে ভাবনা, তাহার নাম জপ। জপ বলিতে কেবল মন্ত্র আবৃত্তি করা নহে। তবে ভাবনার সঙ্গে সঙ্গে মন্ত্র ও আবৃত্তি করিতে হয়, কারণ মন্ত্রের উচ্চারণ দ্বারা সেই ভাবের অভিব্যক্তি হইয়া থাকে।”

শিষ্য । পূজায় আর কি করিতে হয় ?

গুরু । আত্ম সমর্পণ ।

শিষ্য । আত্ম সমর্পণ কি প্রকার ?

গুরু । মন্ত্রপাঠ করিয়া মন্ত্রের প্রতিপাত্ত বিষয় চিন্তা করিতে হয় ।

শিষ্য । সে কি প্রকার ?

গুরু । এই শিব পূজায় যাহা বলিতে হয়, শোন। পূজার সময়, যে বিশেষার্থ্য স্থাপন করিতে হয়, সেই অর্ঘ্যপাত্রস্থিত জল দক্ষিণ হস্তে লইয়া মন্ত্রপাঠ করিতে হয় ।

শিষ্য । সেই মন্ত্রটি আমার শুনিতে ইচ্ছা করিতেছে। কারণ, তাহা হইলে বুঝিতে পারিব, সেই মন্ত্রের প্রতিপাত্ত বিষয় কি ?

গুরু । মন্ত্রগুলি এবং পূজার পদ্ধতি আদি সমস্ত “পুরোহিত দর্পণে” দেখিতে পাইবে। তবে যখন শুনিতে চাহিতেছ, তখন বলি শোন,—

প্রাণবুদ্ধি দেহধর্ম্মাধিকারতো জাগ্রৎ স্বপ্নশ্চুপ্তা-  
বস্থানু মনসা বাচা ইস্ত্যাভ্যাং পদ্ভ্যামুদরেণ শিখা

যৎ স্মৃতং যদুক্তং যংকৃতং তৎ সৰ্ব্বং ত্রীশিবায়  
স্বাহা । মাং মদীয়াং সকলং সম্যক্ ত্রীশিবচরণে  
সমর্পয়ে ॥

শিষ্য । বুঝিয়াছি, পূজ্য দেবতায় আত্ম-মিশ্রণই ইহার উদ্দেশ্য ।  
সাধু-ব্যবস্থা । তারপরে বোধ হয় প্রণাম স্তব কবচ পাঠ ইত্যাদি ?  
গুরু । হ্যাঁ ।

শিষ্য । স্তবাদি পাঠে কি হয় ?

গুরু । তাঁহার গত লীলা দর্শন হয় ।

শিষ্য । ভয়ানক কথা !

গুরু । কি ভয়ানক ?

শিষ্য । গতলীলা শ্রবণ করা হয় বলিলেই স্মৃষ্ট হইত ; গত-  
লীলা দর্শন হইবে, কি প্রকারে ?

গুরু । তাহা হইতে পারে ।

শিষ্য । কি প্রকারে পারে, তাহা আমাকে বলুন । আপ-  
নার নিকটে এই সকল বিষয় যতই শুনিতেছি, ততই যেন এক  
নূতন রাজ্যে প্রবেশ করিতেছি ।

গুরু । আজি সন্ধ্যা হইয়া আসিয়াছে । সন্ধ্যোপাসনার সময়  
উপস্থিত, অল্প দিন ঐ সকল কথার আলোচনা করা যাইবে ।

শিষ্য । তবে প্রণাম, অল্প বিদায় হই ।



## অষ্টম অধ্যায় ।

### প্রথম পরিচ্ছেদ ।

#### তান্ত্রিকী-সাধনা ।

শিষ্য । বৈদিক ও পৌরাণিক সাধনা ব্যতীত দেবতা আরাধনার অন্তর্ভুক্ত তান্ত্রিক বিধান প্রচলিত আছে ?

গুরু । প্রচলিত কি, অধিকাংশস্থলেই তন্ত্রের মতে দেবতা-গণের আরাধনা হইয়া থাকে ; এবং তান্ত্রিক মতেই দেবতা আরাধনার অতি শীঘ্র ফললাভ হইয়া থাকে ।

শিষ্য । তাহার কারণ কি ?

গুরু । তান্ত্রিকগণ একরূপ সহজ ও সরলপন্থা সকল আবিষ্কার করিয়াছিলেন, যাহাতে মানব যোগের পথে অগ্রসর হইতে পারে ।

শিষ্য । তন্ত্রের প্রচলিত মত কি ভাল ? অনেক স্থলে যেন তাহা পাখিব ভোগেশ্বরের কথা বলিয়া জ্ঞান হয় ।

গুরু । তুমি বোধ হয় মন্থ মাংসাদি সেবন সম্বন্ধীয় কথাই বলিতে যাইতেছ ?

শিষ্য । আজ্ঞা হাঁ ।



গুরু । কিন্তু তন্ত্রশাস্ত্র আলোচনা করিলে তোমার বোধ হয় এ ভ্রম থাকিত না ।

শিষ্য । আপনি বোধ হয় মন্ত্র মাংসাদির অন্ত প্রকার অর্থ জানাইতে চাহেন ?

গুরু । না, সে কথা পরে হইবে । আপাততঃ এই কথা বলিতে ইচ্ছুক হইয়াছি যে, তন্ত্রশাস্ত্র শিববিরচিত—যাহা যোগের অত্যন্তম রত্নোচ্ছল পদ্ম,—তাহা কেবল পাথিব ভোগের জন্ত সৃষ্ট হইয়াছে, ইহা চিন্তা করাও মহাপাতক । যে তন্ত্রশাস্ত্রে ঐরূপ বিষয়োপভোগের কথা লিখিত আছে, সেই তন্ত্রশাস্ত্র কি ব্রহ্মজ্ঞানে অদর্শী ছিলেন ? মহানির্বাণ তন্ত্র হইতে তোমাকে এই বিষয়ে একটু শুনাইতেছি । তুমি অবশ্য অবগত আছ যে, তন্ত্রের বক্তা স্বয়ং পরম বৌগী মহাদেব, আর শ্রোত্রী আত্মাশক্তি ভগবতী ।

“দেবী কহিলেন, হে দেব দেব মহাদেব ! আপনি দেবগণের গুরুও গুরু, আপনি যে পরমেশ পরব্রহ্মের কথা বলিলেন, এবং যাহার উপাসনায় মানবগণ ভোগ ও মোক্ষলাভ করিতে পারে, হে ভগবন্ ! কি উপায়ে সেই পরমাত্মা প্রসন্ন হইয়া থাকেন ? হে দেব ! তাঁহার সাধন বা মন্ত্র কিরূপ ? সেই পরমাত্মা পরমেশ্বরের ধ্যানই বা কি ? এবং বিধিই বা কিরূপ ? হে প্রভো ! আমি ইহার প্রকৃত তত্ত্ব শুনিবার জন্ত সমুৎসুক হইয়াছি ; অতএব কৃপা করিয়া আমাকে বলুন ।

সদাশিব বলিলেন, হে প্রাণবল্লভে ! তুমি আমার নিকটে শুধু হইতে শুধু ব্রহ্মতত্ত্ব শ্রবণ কর । আমি এই ব্রহ্ম কুত্ৰাপি প্রকাশ করি নাই । শুধু বিষয় আমার প্রাণাপেক্ষা প্রিয় পদার্থ, তোমার প্রতি স্নেহ আছে বলিয়া আমি বলিতেছি । সেই

সচিৎ বিশ্বাত্মা পরমব্রহ্মকে কি প্রকারে জানা যাইতে পারে? হে মহেশ্বর! যিনি সত্যাসত্য নির্বিশেষ এবং বাক্য ও মনের অগোচর, তাঁহাকে যথাযথ স্বরূপ বা লক্ষণ দ্বারা কিরূপে জানা যাইতে পারে? যিনি অনিত্য-জগন্মণ্ডলে সৎরূপে প্রতিভাত আছেন, যিনি ব্রহ্মস্বরূপ, সর্বত্র সমদৃষ্ট, সমাধি-সাহায্যে ঐহাকে জানিতে পারা যায়, যিনি দ্বন্দ্বাতীত নির্বিকল্প ও শরীর-আত্মজ্ঞান পরিশূন্য, ঐহা হইতে বিশ্ব-সংসার সমুদ্ভূত হইয়াছে, এবং ঐহাতে সমুদ্ভূত হইয়া, নিখিল বিশ্ব অবস্থিতি করিতেছে, ঐহাতে সকল বিশ্ব লয়প্রাপ্ত হইয়া থাকে, এইরূপ লক্ষণ ব্রহ্মকে জানিতে পারা যায়।

কিন্তু সে কি প্রকার ব্যাপার, তাহা স্পষ্টরূপে বর্ণিত হইতেছে।

যথা,—

তৎসাধনং প্রবক্ষ্যামি শৃণুযাবহিতা প্রিয়ে ।

তত্রাদৌ কথয়ান্যাদ্যে মন্ত্ৰোক্তারং মহেশিতুঃ ।

মহানির্বাণ তন্ত্র ; ৩য় উঃ ।

“হে প্রিয়ে! তটস্থ-লক্ষণের সাহায্যে ঐহার ব্রহ্মলাভে ইচ্ছুক, তাঁহাদের পশ্চাল্লিখিত সাধনা আকাজক্ষা করে,—আমি সেই সাধনতত্ত্ব তোমাকে বলিতেছি,—শ্রবন কর।”

ইহাতে কি বৃষ্টিতে পারিলে? যে তন্ত্র ব্রহ্মের স্বরূপ অবগত হইয়াও তাহা সাধারণের অধিগম্য নহে, এবং তটস্থ লক্ষণে আরাধনা করিলে শীঘ্র তাঁহাকে লাভ করিবার উপায় করিবার জন্মই তন্ত্রের সাধনা শিবকর্তৃক প্রবর্তিত হইয়াছে। ইহাতে কি এখনও বুঝাইয়া দিতে হইবে যে, তন্ত্রোক্ত সাধনা, অতি পবিত্র; এবং তাহা মোক্ষ-প্রাপ্তির সহজ উপায়।

শিষ্য। বর্তমান কালের অনেকে বলিয়া থাকেন, তান্ত্রিকী

সাধনা আধুনিক ব্রাহ্মণদিগের কল্পিত-পন্থা। তন্ত্রের কাল, চৈতন্য দেবের কিয়দ্বিবস পূর্বে বলিয়াই তাঁহারা অনুমান করেন। তাঁহারা বলেন,—তন্ত্রোক্ত সাধনা-প্রণালীতে কোন সার পদার্থ নাই। প্রত্যুত, অনেক ব্যভিচারের কার্য আছে।

গুরু। বর্তমান কালের অনেক অনেক বিষয়ই অনুমান করিয়া থাকেন। অনেকে অনুমান করেন, বেদ কৃষকের গান,—রামায়ণ মহাভারত অসভ্য-ব্রাহ্মণ-লিখিত অশ্লীল গাণা,—পিতা পিতামহ সভ্যতাহীন,—মাতা ভগিনী উলঙ্গিনী ও অশিক্ষিতা,—এবং পক্ষী বিশেষের ডিম্ব ও জন্তু বিশেষের মাংসাহার না করাতেই ভারতবাসী অধঃপাতের তমোময় গুহায় প্রবিষ্ট হইতেছে, এবং ম্যালেরিয়া বল, কলেরা বল, তুর্ভিক্ষ বল, জল-কষ্ট বল একপ ঘটবার কারণ বাল্যবিবাহ—এ সকল তাঁহারা অনুমান করিয়া থাকেন। বানরগুলা যে, তাঁহাদের আদিপুরুষ, তাহাও তাঁহারা অনুমান করেন; তাঁহাদের অনুমানের বলাই লইয়া মরি,—কিন্তু সে সকল অনুমানে তোমার আমার কি আসিয়া যায়? যাহারা ঐ সকল অনুমানের নিক্তি লইয়া তোল করিয়া এই সকল দর্শন করিতেছেন, বলা বাহুল্য তাঁহারা কোন পুরুষে তন্ত্রশাস্ত্র আলোচনা করা দূরে থাকুক, দর্শনও করেন নাই,—হয়ত “তন্ত্র” বানান করিতেই তাঁহাদের চক্ষু স্থির হইয়া যায়। তন্ত্র শাস্ত্র যে, কি বিজ্ঞান, কি রসায়ন, কি যোগ এবং কি ভাবনাগর, তাহা ভাবিয়া স্থির করিবার অধিকার কাহারও নাই। তন্ত্রশাস্ত্রের আলোচনা করিলে, মুগ্ধ ও বিস্ময়াবিষ্ট হইতে হয়। মনে হয়, যাহারা জ্ঞান-বিজ্ঞানের এতদূর উন্নত সীমায় অধিরোহণ করিয়াছিলেন, তাঁহারা কি মানুষ না দেবতা ছিলেন! তন্ত্রের

আবিষ্ক্রিয়া, তন্ত্রের বিজ্ঞান ও তন্ত্রের অভাবনীয় অলৌকিক ব্যাপার সকল দর্শন করিয়া, নিশ্চয় বিশ্বাস হয় যে, উহা মানুষ কর্তৃক আবিষ্কৃত হয় নাই,—বাস্তবিকই দেবদেব পরমযোগী শিব কর্তৃক উহার প্রচার হইয়াছিল । তন্ত্রে যে সকল বিষয় লিখিত হইয়াছে, তাহার পরীক্ষা করিতে অধিক প্রয়াস পাইতে হয় না,—তন্ত্রোক্ত সাধন-প্রণালীতে শীঘ্রই ফল প্রাপ্ত হওয়া যায় । তন্ত্রের কথা এই যে, কলির মানুষ অন্নায়ু ও অন্নবিত্ত হইবে, তাহাদের দ্বারা কঠোর সাধনা' সম্ভব হইবে না,—তাই সেই অন্নায়ুঃ, অন্নবিত্ত, অন্ন মেধাবী জীবের নিস্তারের জন্ত মহাদেব এই পথের আবিষ্কার করিয়াছেন । সে কথা, তন্ত্রশাস্ত্র পুনঃ পুনঃ বলিয়া দিয়াছেন ।

আমি মহানির্বাণতন্ত্র হইতে একটু তোমাকে এ স্থলে শুনাই-তেছি । কিন্তু মূল সংস্কৃত ও অনুবাদ শুনাইতে অনেক সময় অতিবাহিত হইবে বলিয়া কেবল বাঙ্গালাটুকু শুনাইব । মূলশ্লোক দেখিবার প্রয়োজন হইলে, মহানির্বাণ তন্ত্র দেখিবে । আজি কালি মহানির্বাণ তন্ত্র অতি সুলভ হইয়াছে । যে টুকু তোমাকে শুনাইতেছি, উহা মহানির্বাণতন্ত্রের প্রথম উল্লাসের অষ্টাদশ শ্লোক হইতে তিগ্নান্ন শ্লোকের অনুবাদ বলিলাম, মূলের সহিত উহার প্রত্যেক বর্ণ মিলাইয়া দেখিতে পার ।

আগ্ন্যশক্তি কাহিলেন,—“হে ভগবন্ ! আপনি সর্ব ভূতের অধীশ্বর এবং সকল ধর্মজগণের অগ্রগণ্য ; হে ভগবন্ ! আপনি অস্ত্রযামিত্ত্ব নিবন্ধন ব্রহ্মাণ্ডের নিখিলতত্ত্ব অবগত আছেন । ১৮ । আপনি কৃপাপরবশ হইয়া সর্বধর্ম সমন্বিত চতুর্বেদ প্রকাশ করিয়া-ছেন ; ঐ বেদ সকলে সমুদয় বর্ণ ও আশ্রমের বিধি ব্যবস্থাপিত আছে । ১৯ । আপনার কথামত যাগ-যজ্ঞাদি সাধন করিয়া

সত্যযুগের পুণ্যবান মনুষ্যেরা দেবতা ও পিতৃলোকের তৃপ্তি সাধন করিতেন । ২০ । তৎকালীন লোকেরা জিতেন্দ্রিয় হইয়া বেদাধ্যয়ন, পরমার্থ চিন্তা, তপস্যা, দয়া ও দানশীলতার দ্বারা মহাবলবান মহাবীৰ্য্য-সম্পন্ন ও অতিশয় পরাক্রান্ত হইয়াছিলেন । ২১ । তাঁহারা দৃঢ়ব্রত, দেবকল্প ও মর্তুবাসী হইয়াও দেবলোকে গমন করিতেন ; সে সময় সকলেই সত্যবাদী সাধু ও সংপথাবলম্বী ছিলেন । ২২ । তৎকালে রাজারা সত্য-সঙ্কল্প ও প্রজ্ঞাপালনপরায়ণ ছিলেন । তাঁহারা পরস্পরকে মাতার স্থায় এবং পরের পুত্রকে আপন পুত্রের স্থায় দর্শন করিতেন । ২৩ । সে সময়ের লোকেরা পরের অর্গকে লোষ্ট্রের স্থায় দেখিতেন, এবং সকলেই স্বধর্মনিরত ও সংপথাবলম্বী ছিলেন । ২৪ । কেহই মিথ্যাবাদী, প্রমাদী, চোর, পরদ্রোহী ও দুরাশয় ছিল না । ২৫ । তাহারা মাৎসর্য্য, রোষ, লোভ বা কামুকতার হস্তে নিপতিত হয় নাই ; সকলেরই অন্তঃকরণ সং ও আনন্দময় ছিল । ২৬ । তৎকালে বসুন্ধরা নানা শস্যশালিনী ছিলেন, জলদাবলী কালে জলবর্ষণ করিত, গাভীগণ দুগ্ধভারাবনত ও বৃক্ষ সকল ফলভরে পূর্ণ ছিল । ২৭ । সে সময়ে অকাল মৃত্যু দুর্ভিক্ষ বা রোগ ভয় ছিল না ; সকলেই হৃৎপুঙ্গু, নীরোগ, তেজস্বী ও রূপ গুণ সমন্বিত ছিল । ২৮ । স্ত্রীগণ ব্যভিচারিণী ছিল না । সকলেই স্বামিভক্তিপরায়ণা ছিল ; ব্রাহ্মণ, ক্ষত্রিয়, বৈশ্য ও শূদ্রগণ সকলেই নির্দিষ্ট আচার ব্যবহারের অনুবর্তী হইতেন । ২৯ । তাঁহারা আপনাপন জাতীয় ধর্মের অন্তর্ধান করিয়া নিস্তারপদ প্রাপ্ত হইয়াছেন । সত্যযুগাবসানে ত্রেতাযুগে আপনি ধর্মের কথঞ্চিৎ অঙ্গহীনতা দেখিলেন । কারণ, সে সময়ে মনুষ্যগণ বেদোক্ত কর্মদ্বারা আপনাদের ইষ্টসাধনে অনর্থ হইলেন ; তাঁহারা

জানিলেন, বৈদিককার্য্য সামাধা করা নিতান্ত সাধনা-সাপেক্ষ, এবং  
 বহুতর ক্লেশ করিলে তাহা সিদ্ধ হইয়া থাকে । ৩১ । মানবগণ  
 যখন বৈদিককার্য্য সাধনে অপারগ হইলেন, তখন তাঁহাদিগের  
 অন্তঃকরণে সমাদি চিন্তার উদয় হইল ; তাঁহারা বেদোক্ত কার্য্য  
 সাধন বা তাহা পরিত্যাগ করিতে না পারিয়া থিড়মান হইলেন । ৩২ ।  
 আপনি তৎকালে বেদার্থময় স্মৃতি শাস্ত্র প্রকটন করিয়া তপস্যা ও  
 বেদাধ্যয়নে অক্ষম লোকদিগকে দুঃখ শোক ও পীড়াদায়ক পাতক  
 হইতে উদ্ধার করিয়াছিলেন,—আপনি ভিন্ন এই ঘোরতর সংসার-  
 সমুদ্র হইতে জীবগণকে কে আর রক্ষা করিতে পারে ? ৩৩—৩৪ ।  
 আপনি পিতার গায় অধম জীবের পালন কর্তা, ভরণ-পোষণ-কর্তা  
 ও উদ্ধার-কর্তা,—আপনি সকলের প্রভু ও কল্যাণ-বিধাতা । অনন্তর  
 যখন ছাপর যুগের প্রবর্তনা ঘটিল, তখনই স্মৃতি-সম্মত ক্রিয়াদি  
 প্রাণ পাইতে লাগিল । ৩৫ । তৎকালে ধর্ম্মের অর্দ্ধলোপ ঘটে,—  
 সূতরাং মনুষ্যগণ নানাপ্রকার আধি-ব্যাধি-পরিপূর্ণ হইল ; এই  
 সময়ে আপনি সংহিতা শাস্ত্রের উপদেশ প্রদানে মনুষ্যকে উদ্ধার  
 করেন । ৩৬ । এক্ষণে সর্ব্ব ধর্ম্মলোপী, দুষ্টকর্ম্ম-প্রবর্তক, দুর্মাচার  
 দুস্প্রপঞ্চ কলির অধিকার । ৩৭ । এই কালে বেদ প্রভাব খর্ব্বী-  
 কৃত হইল, স্মৃতি ও বিশ্বৃতি-সাগরে মগ্নপ্রায় ;—এ সময়ে নানা  
 প্রকার ইতিহাসপূর্ণ নানাপথ প্রদর্শক পুরাণাদির নাম পর্য্যন্ত  
 প্রকাশ থাকিবে না ; সূতরাং সকলেই ধর্ম্ম কর্ম্মে বিমুখ হইয়া  
 উঠিবে । ৩৮—৩৯ । কলির জীবগণ উচ্ছৃঙ্খল মদোন্মত্ত, সর্ব্বদা  
 পাপলিপ্ত, কামুক, অর্থলোলুপ, ক্রুর, নিষ্ঠুর, অপ্রিয়ভাষী ও শঠ  
 হইয়া উঠিবে । ৪০ । এই কালের লোকেরা অল্লায়ু, মন্দমতি  
 রোগ-শোক-সমাচ্ছন্ন, শ্রীহীন, বলহীন, নীচ ও নীচকার্য্যপরায়ণ



হইবে । ৪১ । এই কালে সকলে নীচ সংসর্গে রত, পরম্পাপহারী, পরনিন্দা পরদ্রোহ ও পরমানিত্যপর এবং খল হইয়া উঠিবে । ৪২ । পরস্মীহরণে ইহারা পাপশঙ্কা বা ভয় করিবে না ;— ইহারা নির্ধন, মলিন, দীন ও চিররুগ্ন হইয়া কালাতিপাত করিবে । ৪৩ । ব্রাহ্মণগণ সন্ধ্যা-বন্দনা-বিরহিত হইয়া শূদ্রের ন্যায় আচারবান্ হইবে ; তাহারা লোভের বশীভূত হইয়া অযাজ্য যাজন করিবে, এবং দুর্বৃত্ত হইয়া পাপানুষ্ঠানে রত থাকিবে । ৪৪ । ইহারা মিথ্যাবাদী, মূর্থ দান্তিক ও ঘোর প্রবঞ্চক হইয়া উঠিবে ;— কন্যা বিক্রয় করিবে, পতিত ও তপোব্রত ভ্রষ্ট হইয়া কালাতিপাত করিবে । ৪৫ । কলিযুগের ব্রাহ্মণেরা লোক-প্রতারণার উদ্দেশ্যে জপ ও পূজাপরায়ণ হইবে, কিন্তু অন্তরে ইহাদের শ্রদ্ধাভক্তি কিছুই থাকিবে না । ইহারা ঘোর পাষণ্ড ও পতিতের কাষ্য করিয়া ও আপনাদের পাণ্ডিত্যের পরিচয় প্রদান করিবে । ৪৬ । ইহাদের আহার, কাষ্য, ও আচার জঘন্য হইবে,— ইহারা শূদ্রের পরিচারক হইয়া শূদ্রান্ন গ্রহণ করিবে এবং শূদ্রানী গমনে লোলুপ হইয়া উঠিবে । ৪৭ । কলির মানব অর্থলোভে নীচ জাতীয় ব্যক্তিকে আপনার পত্নীবিনিয়োগ করিতেও কুণ্ঠিত হইবে না । ইহাদের ভক্ষ্যাভক্ষ্য বিচার কিংবা পানাদির নিয়ম থাকিবে না ;— ইহারা সর্বদা ধর্মশাস্ত্রের মানি ও সাধুদিগের অনিষ্টাচরণ করিতে থাকিবে । ৪৮ । ইহাদের নিকট সংকথার আলাপ কখনই স্থান প্রাপ্ত হইবে না । যাহা হউক,—জীবগণের উদ্ধারের জন্ত আপনি তন্ত্র শাস্ত্র প্রণয়ন করিয়াছেন । ৪৯ । আপনি ভোগ ও অপবর্গ-বিবয়ক বহুবিধ আগম ও নিগম প্রকাশ করিয়াছেন,—তাহাতে দেবদেবী-গণের মন্ত্র ও যন্ত্রাদির সাধনোপায় আছে । ৫০ । আপনি সৃষ্টি

স্থিতি প্রভৃতির লক্ষণ ও নানাপ্রকার ঞ্জাসের কথা বলিয়াছেন ; আপনি বন্ধাসন ও মুক্ত-পদ্মাসন প্রভৃতি অশেষ প্রকার আসনের কথাও বলিয়াছেন । ৫২ । যাহাতে দেবতাগণের মন্ত্র সাধনা ঘটে, আপনি তাদৃশ পশু, বীর ও দিব্যভাবের সাধনা বলিয়াছেন,— তদ্ব্যতীত শবাসন, চিতারোহণ, ও মুণ্ডসাধন প্রভৃতির কথাও বলিয়াছেন । ৫৩ ।”

তন্ত্র হইতে করিয়া উদ্ধৃত তোমাকে যাহা শ্রবণ করাইলাম, তাহাতে তুমি কি বুদ্ধিতে পার নাই যে, তন্ত্র কেবল অজ্ঞানীর অন্ধকার হৃদয়ের কতকগুলি কুক্রিয়ার পদ্ধতিতে পরিপূর্ণ নহে । ইহা ভোগাসক্ত জীবের ভোগের পথ দিয়া নিবৃত্তির পথে সহজে দাইবার অতি উৎকৃষ্ট পদ্ধতি সকলে পরিপূর্ণ । তন্ত্রোক্ত বিধানে আরাধনা করিলে, দেবশক্তি অতি সহজে ও অল্প সময়ে লাভ করা যায় । বলাবাহুল্য দেবশক্তি আরাধনা দ্বারা বশীভূত করিতে পারিলে, মানুষ দেবতার ঞ্জায় হইয়া বিভূতি প্রকাশে সক্ষম হয়, এবং ক্রমে ঈশ্বর-প্রেমের দিকে অগ্রসর হইতে পারে ।

## দ্বিতীয় পরিচ্ছেদ ।

কলির লক্ষণ ও কর্তব্যতা ।

শিষ্য । আপনি কলিকালের জীবের জন্মই তান্ত্রিক সাধনের শ্রেষ্ঠতা এইরূপই বলিলেন, এবং কলিকালের মানবের স্বভাব যেরূপ হইবে, প্রধানতঃ তাহারও কীর্তন করিলেন । আমি

শুনিয়েছি, শাস্ত্রে কলির মানবগণের স্পষ্টলক্ষণও বর্ণিত হইয়াছে ।  
সে কি গ্রন্থে ?

গুরু । বহুল পুরাণে, বহুল তন্ত্রে কলির লক্ষণ বর্ণিত হইয়াছে ।  
বিশেষতঃ ভবিষ্যপুরাণে কলির মানবগণ যেরূপ আচার ব্যবহার  
সম্পন্ন হইবে, দেশ ও দেশের অবস্থা যেরূপ হইবে, তাহার বর্ণনা  
করা হইয়াছে । মহানির্বাণ তন্ত্রেও সুস্পষ্টরূপে তাহা লিখিত  
হইয়াছে । আশা করি, ততটা বলিবার আমার সাবকাশ নাই  
বলিয়া বলিতে পারিলাম না, ইহাতে তুমি ক্ষুব্ধ হইবে না । ঐ সকল  
গ্রন্থ পাঠ করিয়া দেখিবে । হিন্দু শাস্ত্র বিষয়ে তথ্য অবগত হইতে  
হইলে, তাহা পাঠ ও তদ্বিষয় চিন্তা করা কর্তব্য ।

শিষ্য । মহানির্বাণতন্ত্রের কলির মানবের কথা বাহা পূর্বে  
আমাকে শ্রবণ করাইলেন, তদ্বিন্ন আরও কিছু আছে নাকি ?

গুরু । হাঁ, আছে । বর্তমানে এখন যে অবস্থা ঘটিয়াছে—  
বহু যুগযুগান্তর পূর্বে যোগ-চক্ষুতে দর্শন করিয়া তাহা মহর্ষিগণ  
লিপিবদ্ধ করিয়া গিয়াছেন ।

শিষ্য । আমাকে সেইটুকু শুনাইয়া কৃতার্থ করুন ।

গুরু । শুনাইতে হইলে, তাহার মূল সমেতই শুনাইতে হয় ।  
নতুবা তুমি ভাবিতেও পার, বর্তমানের অবস্থা জানিয়া আমি বৃষ্টি  
শাস্ত্রের দোহাই দিয়া তোমাকে তাহা শুনাইতেছি । মহানির্বাণ-  
তন্ত্রে লিখিত হইয়াছে ;—

যদা তু পুণ্যপাপানাং পরীক্ষা বেদসম্ভবা ।

ন স্থাস্যতি শিবে শাস্ত্রে তদৈব প্রবলঃ কলিঃ ॥

যদাতু শ্লেচ্ছ জাতীয়া রাজানো ধনলোলুপাঃ ।

ভবিষ্যন্তি মহাপ্রাক্তে তদৈব প্রবলঃ কলিঃ ॥

যদাস্ত্রিয়োহতি দুর্দাস্তাঃ কর্কশাঃ কলহে রতাঃ ।

গর্হিষ্যন্তি চ ভক্তারং তদৈব প্রবলঃ কলিঃ ॥

যদা তু মানবা ভূমৌ স্ত্রীজিতাঃ কামকিঙ্করাঃ ।

দ্রুহ্যন্তি গুরুমিত্রাদীন তদৈব প্রবলঃ কলিঃ ॥

যদা ক্ষৌণী স্বল্পকলা তোরদাঃ স্তোক বর্ষিণঃ ।

অসম্যক্ ফলিনো বৃক্ষাস্তদৈব প্রবলঃ কলিঃ ॥

ভ্রাতরঃ স্বজনা মাতা যদাধনকণেহয়া ।

মিথঃ সংগ্রহিষ্যন্তি তদৈব প্রবলঃ কলিঃ ॥

প্রকটে মদামাংনাদৌ মিন্দাদণ্ডবিবর্জিতে ।

গৃচপানং চরিষ্যন্তি তদৈব প্রবলঃ কলিঃ ॥

সত্যত্রেতাঙ্গাপরেষু যথা মন্যাদি সেবনম্ ।

কলাবপি তথা কুর্বাৎ কুলধর্ম্মানুসারত ॥ মহানির্বাণতন্ত্র ৪র্থ উঃ ।

“যখন কলি প্রবল হইয়া উঠিবে, তখন বৈদিক বা পৌরাণিক দীক্ষা পৃথিবীতে স্থান পাইবে না। হে শিবে! যে সময় সংসারে পাপপুণ্যের বেদোক্ত পরীক্ষার শক্তি থাকিবে না, তখনই জানিবে যে, দুর্জয় কলি সমুপস্থিত। কুলেশ্বর। তুমি যখন দেখিবে যে, সুরতরঙ্গিনী গঙ্গা স্থানে স্থানে ছিন্না-ভিন্না (পুল প্রভৃতির দ্বারা) হইয়াছে, তখনই জানিবে যে, কলি প্রবল হইয়া দাঁড়াইয়াছে। হে মহাপ্রান্তে! যখন দেখিবে, অতিশয় অর্থলোলুপ শ্বেচ্ছাচারি-গণ রাজা হইয়াছে, তখনই জানিতে পারিবে যে, কলি প্রবল হইয়া দাঁড়াইয়াছে। যে সময় দ্বীলোক অতিশয় দুর্দান্ত, কর্কশ, কলহ-প্রিয় ও পতিকে উল্লঙ্ঘন করিতেছে, তখনই জানিবে কলি প্রবল হইয়াছে। যে সময়ে লোকে কামকিঙ্কর ও যৈশ্বন হইয়া গুরুজন ও বন্ধু-বান্ধবদিগের প্রতি বিরুদ্ধ ব্যবহার করিতে থাকিবে, সেই সময়ই জানিবে, কলির ঘোর আধিপত্য দাঁড়াইয়াছে। বংকালে

ধনলোভাক হইয়া ভ্রাতৃগণ স্বজনগণ ও অমাত্যগণ পরস্পর কলহে ও বিবাদে প্রবৃত্ত হইবে, তখনই জানিবে, ঘোর কলি উপস্থিত । যে সময়ে প্রকাশভাবে মন্থ মাংস ভোজন করিলেও কেহ নিন্দা করিবে না, কেহ দণ্ড দিবে না,—প্রভাত সাধারণে গুপ্তভাবে সুরাপায়ী হইবে, তখনই বুঝিবে, কলির অতিশয় প্রাদুর্ভাব দাঁড়াইয়াছে । সত্য, দ্রোতা ও দ্বাপর যুগে কুলধর্ম্মানুসারে যেরূপ সুরাপানের নিয়ম ছিল, কলিতেও তাহার অনুরূপ হইবে না ।”

শিষ্য । কি কঠোর সত্য । আচ্ছা, মহানির্বাণতন্ত্রের কথিতা অনুসারে বর্তমান কালকেই প্রবল কলি-কাল বলা যাইতে পারে ?

গুরু । হাঁ,—তা বলা যাইতে পারে বৈ কি ।

শিষ্য । এই কলিকালের জন্মই কি তন্ত্রোক্ত সাধনা পদ্ধতি ?

গুরু । হাঁ ।

শিষ্য । কেন, অতীত কালে তন্ত্রোক্ত সাধনা প্রচলিত ছিল না আর কলিকালেই বা তাহার প্রচলন হইল কেন ?

গুরু । আমি পূর্বেই তোমাকে বলিয়াছি ব্রহ্মোপাসনার সকলেই সক্ষম নহে । কথ শিগিয়া তার পর দর্শন শাস্ত্র পাঠ করিতে হয় । আগে মনুষ্যস্ত্রের অনুশীলন করিয়া মানুষ হইতে হয়, তৎপরে দেবতার আরাধনা করিয়া দেবতা হইতে হয়—তার পরে ব্রহ্মোপাসনা । অধিকার ভেদে উপাসনার প্রণালী ভেদ । কথাটা মহানির্বাণতন্ত্রেও অতি পরিষ্কাররূপে কথিত হইয়াছে ।

শিষ্য । মহানির্বাণতন্ত্রে কি লিখিত হইয়াছে, তাহা আনাকে বলুন ?

গুরু । মহানির্বাণতন্ত্রেও ঐ কথাই বলা হইয়াছে । যথা,—  
নানাচারেণ ভাবেন দেশকালানুসারিতাম্ ।

বিভেদাৎ কথিতং দেবি কুত্ৰচিদ্গুপ্তসাধনম্ ॥  
 যে তত্রাধিকৃত্য মর্ত্যাস্তে তত্র ফলভাগিনঃ ।  
 ভবিষ্যন্তি তস্মিন্ভ্যস্তি মানুষা গতকিঞ্চিবাঃ ॥  
 বহুজন্মার্জিতৈঃ পুণৈঃ কুলাচারে মতিভবেৎ ।  
 কুলাচারেণ পুতাত্মা সাক্ষাচ্ছিবময়ো ভবেৎ ॥  
 যত্রাস্তি ভোগবাহন্যং তত্র যোগস্য কা কথা ।  
 যোগেহপি ভোগবিরহঃ কোলস্তু ভয় মগ্নতে ॥

মহানির্কারণতন্ত্র, ৪র্থ উঃ ।

সদাশিব কহিলেন,—“আমি দেশভেদে নানা প্রকার আচার ও নানা প্রকার ভাব প্রকাশ করিয়াছি,—কোন কোন তন্ত্রে গুপ্ত সাধনার কথাও বলিয়াছি । যে মনুষ্য যেরূপ আচার, ভাব ও ধর্ম সাধনার অধিকারী, তদনুরূপ অনুষ্ঠান করিলে ফলভোগী হইয়া থাকে, এবং সাধনায় নিষ্পাপ হইয়া সংসার-সমুদ্র হইতে সমুত্তীর্ণ হয় । জন্মজন্মার্জিত পুণ্যপ্রভাবে কুলাচারে যাহাদের বাসনা হয়, তাহারা কুলাচার অবলম্বনে আত্মাকে পবিত্র করিয়া সাক্ষাৎ শিব-ময় হইয়া থাকেন । যেখানে ভোগ বাহুল্যের বিস্তৃতি, সেখানে যোগের সম্ভাবনা কি ? যেখানে যোগ,—সেইখানেই ভোগের অভাব—কিন্তু কুলাচারে প্রবৃত্ত হইলে ভোগ ও যোগ উভয়ই লাভ করিতে পারা যায় ।”

শিষ্য । এই কুলাচারে বুঝি পঞ্চ-ম-কারের সাধনা ?

গুরু । সে কথা কেন ?

শিষ্য । সে সাধনা কি ভাল ?

গুরু । কোন সাধনা প্রণালীই দুর্বনীয় নহে ।

শিষ্য । যাহাতে মত্ত-মাংসাদি সেবনের ব্যবস্থা, সেখানে ধর্ম থাকিতে পারে বলিয়া বিশ্বাস করা যাইতে পারে না ।



গুরু। কেন ?

শিষ্য। উহাতে মানবগণকে অধঃপতনের পথেই লইয়া গিয়া থাকে।

গুরু। কিন্তু যাহার ভোগ বাসনার বিলোপ হয় নাই ?

শিষ্য। তাহাকে কি উহা সেবন করিতেই হইবে ? আমি অনেকস্থলে দেখিয়াছি, লোকে মদ্যাদি সেবন আরম্ভ করিয়া আর কিছুতেই নিবৃত্তির পথে যাইতে পারে না। মদ্যাদি সেবন করিয়া যে, ভোগের তৃপ্তি সাধন করিয়া পুনরায় ধর্মপথে আসিতে সক্ষম হইতে পারে, এ বিশ্বাস আমি কিছুতেই করিতে পারি না।

গুরু। নিশ্চয়ই নহে। যে মদ্যপানে আসক্ত,—ধর্মপথ ত দূরের কথা, সে নৈতিক পথেও বিচরণ করিতে সক্ষম হয় না। মদ্যপানে মানবের আসক্তি অসং পথেই প্রধাবিত হয়। মদ্যপানে মানুষ সকল দোষের আকর হইয়া থাকে।

### তৃতীয় পরিচ্ছেদ।

পঞ্চ ম-কার-তত্ত্ব।

শিষ্য। আপনি বোধ হয় তবে ঐ পঞ্চ ম-কারের অন্য প্রকার আধ্যাত্মিক অর্থ করিতে চাহেন ?

গুরু। পঞ্চ ম-কারের আবার আধ্যাত্মিক অর্থ কি ?

শিষ্য। আমি অনেকের নিকটে শুনিয়াছি, পঞ্চ ম-কার অর্থে মদ্য মাংসাদি নহে। উহার অর্থ অন্য প্রকার।

গুরু। অন্য প্রকার কিরূপ ?

শিষ্য । মগ্ন মাংস প্রভৃতি বলিতে গুঁড়ির দোকানের মদ বা ছাগ মাংসাদি নহে ।

গুরু । তবে কি ?

শিষ্য । কয়েকজন পণ্ডিতের পুস্তকে আমি উহার অন্তরূপ অর্থ ও শাস্ত্রীয় প্রমাণ দর্শন করিয়াছি । যদি আজ্ঞা করেন, বলিতে পারি ।

গুরু । তাহা বলিবার আগে পঞ্চ-ম-কার কি কি বল দেখি ?

শিষ্য । আমার এইরূপ জানা আছে,—

মদামাংসং তথা মৎস্য-মুদ্রামৈথুনমেবচ ।

ম-কার পঞ্চকং কৃৎস্না পুনর্জন্ম ন বিদ্যতে ॥

গুরু । এক্ষণে কোন্ পণ্ডিতের গ্রন্থে উহার কিরূপ অর্থ পাঠ করিয়াছ, তাহা বল ?

শিষ্য । আমি একখানি মহানির্বাণতন্ত্র গ্রন্থেরই ভূমিকাশূলে লিখিত দেখিয়াছি—ঐ তন্ত্রের অনুবাদক “তান্ত্রিক উপাসনার মূল মর্ম্ম এবং আধ্যাত্মিক-তত্ত্ব” নাম দিয়া একটি নাতিবিস্তৃত প্রবন্ধ প্রকটিত করিয়াছেন । তাহাতে লিখিয়াছেন,—

“তন্ত্রশাস্ত্রে মগ্ন, মাংস, মৎস্য ও মুদ্রা এই পঞ্চ-ম-কারের কথাই উল্লেখ দেখিতে পাওয়া যায় । সাধারণে ইহার উদ্দেশ্য ও মূলতত্ত্ব বুঝিতে না পারিয়া, এতৎ সম্বন্ধে নানা কথা বলিয়া থাকেন । বিশেষতঃ বর্তমানকালের শিক্ষিত লোকে মগ্নপানের ব্যবস্থা মাংস-ভোজন-প্রথা, মৈথুনের প্রবর্তনা ও মুদ্রার ব্যবহার জানিয়া তন্ত্রশাস্ত্রের প্রতি অতিশয় অশ্রদ্ধা প্রদর্শন করিয়া থাকেন । কেবল ইহা নহে, তান্ত্রিক লোকের নাম শুনিলেই যেন শিহরিয়া উঠেন । যাহা হউক, এক্ষণে ভারত-প্রচলিত তান্ত্রিক উপাসনার প্রকৃত

মর্ষ ও পঞ্চ-ম-কারের মূল উদ্দেশ্য আমাদের জ্ঞানে যতদূর উদ্বোধন করা হইয়াছে এবং ইহার আধ্যাত্মিক তত্ত্ব জানিতে পারা গিয়াছে তাহা নিম্নে প্রকাশিত হইল । পাঠকগণ বিবেচনা করিয়া দেখুন, যে তন্ত্রে পঞ্চ-ম-কারের ব্যবস্থা, তাহাতেই ইহার প্রকৃততত্ত্ব প্রকাশ পাইতেছে । আগমসারে প্রকাশ,—

সোমধারা ক্ষরেদ্ যা তু ব্রহ্মরক্ষুদ্ বরাননে ।

পীত্বানন্দময়ীং তাং যঃ সএব মদ্য-সাধকঃ ॥

তাৎপর্য্য ;—হে পার্বতি ! ব্রহ্মরক্ষু হইতে যে অমৃত-ধারা ক্ষরিত হয়, তাহা পান করিলে লোকে আনন্দময় হইয়া থাকে, ইহারই নাম মদ্য-সাধক । মদ্য সাধনার জায় মাংস সাধনা সম্বন্ধেও ঐ শাস্ত্রে এইরূপ বর্ণনা আছে ;—

মা শব্দাদ্রসনা ক্ষেয়া তদংশান রসনাপ্রিয়ে ॥

সদা যো ভক্ষয়েদেবি স এব মাংস-সাধকঃ ॥

তাৎপর্য্য,—হে রসনাপ্রিয়ে ! মা রসনাশব্দের নামান্তর,—বাক্য তদংশ-সম্ভূত ; যে ব্যক্তি সতত উহা ভক্ষণ করে, তাহাকেই মাংস-সাধক বলা যায় । মাংস-সাধক ব্যক্তি প্রকৃত প্রস্তাবে বাক্য সংযমী মৌনাবলম্বী যোগী । এইরূপ মৎস্য সাধকের তাৎপর্য্য যে প্রকার, তাহাও শাস্ত্রে লিখিত আছে । যথা—

গঙ্গায়মুনয়োর্মধ্যে মৎস্যো যৌ চরতঃ সদা ॥

তৌ মৎস্যো ভক্ষয়েদ্বস্তু স ভবেন্ন্যস্য সাধকঃ ॥

তাৎপর্য্য ;—গঙ্গা-যমুনার মধ্যে দুইটি মৎস্য সতত চরিতেছে, যে ব্যক্তি এই দুইটি মৎস্য ভোজন করে, তাহার নাম মৎস্য-সাধক, আধ্যাত্মিক মর্ষে গঙ্গা ও যমুনা অর্থাৎ ইজা ও পিঙ্গলা ; এই উভয়ের মধ্যে যে খাস-প্রকাশ, তাহারাই দুইটি মৎস্য, যে ব্যক্তি

এই মন্ত্র ভঙ্গন করেন, অর্থাৎ যে প্রাণায়াম-সাধক স্বাস প্রস্বাস  
রোধ করিয়া কুস্তকের পুষ্টি সাধন করেন, তাঁহাকেই মন্ত্র-সাধক  
বলা যায় । এইরূপ মুদ্রা সম্বন্ধেও শাস্ত্রের বর্ণনা দেখিতে পাওয়া  
যায় । যথা,—

সহস্রারে মহাপদ্মে কর্ণিকামুক্তিতা চরেৎ ।

আত্মাত্তৈব দেবেশি কেবলং পারদোপমঃ ॥

সূর্য্যাকোটি প্রতীকাশং চন্দ্রকোটি হৃশীতলম্ ।

অতীব কমনীষক মহাকুণ্ডলিনীযুতম্ ।

যস্য জ্ঞানোদয়স্তত্র মুদ্রাসাধক উচ্যতে ॥

তাৎপর্য্য,—হে দেবেশি ! শিরঃস্থিত সহস্রদলপদ্মে মুদ্রিত  
কর্ণিকাভ্যন্তরে শুদ্ধ পারদতুল্য আত্মার অবস্থিতি । যদিও তাহার  
তেজঃ কোটি সূর্য্য-সদৃশ ; কিন্তু স্নিগ্ধতায় ইনি কোটি চন্দ্র তুল্য ।  
এই পরম পদার্থ অতিশয় মনোহর, এবং কুণ্ডলিনী শক্তি সমন্বিত,  
—স্বাহার একরূপ জ্ঞানের উদয় হয়, তিনিই প্রকৃত মুদ্রা-সাধক  
হইতে পারেন ।

মৈথুনতত্ত্ব অতিশয় দুর্বোধ্য, এবং এ সম্বন্ধে গুরু-পরম্পরায়  
দুইটি মত দেখিতে পাওয়া যায় । আধ্যাত্মতত্ত্ববিৎ ব্যক্তিদিগের  
মতে মৈথুন-সাধক পরমযোগী বলিয়া উক্ত হইয়া থাকেন ; কারণ,  
তাঁহারা বায়ুরূপ স্নিগ্ধকে শূন্যরূপ যোনিতে প্রবেশ করাইয়া  
কুস্তকরূপ রমণে প্রবৃত্ত হইয়া থাকেন । মতান্তরে তন্মত প্রকাশ  
আছে যে,—

মৈথুনং পরমং তত্ত্বং সৃষ্টি স্থিত্যন্তকারণম্ ।

মৈথুনাৎ জায়তে সিদ্ধিব্রহ্মজ্ঞানং সূদূর্লভং ॥

তাৎপর্য্য ;—মৈথুন-ব্যাপার সৃষ্টি, স্থিতি ও লয়ের কারণ ;  
ইহা পরম তত্ত্ব বলিয়া শাস্ত্রে উক্ত হইয়াছে । মৈথুন ক্রিয়াতে

সিদ্ধিলাভ ঘটে, এবং তাহা হইতে সুছল্লভ ব্রহ্মজ্ঞান লাভ হইয়া থাকে । সাধারণ লোকে উদ্দেশ্য ও প্রকৃত মন্ত্য বুদ্ধিতে না পারিয়া তন্ত্রশাস্ত্র ও তন্ত্রোক্ত পঞ্চ-ম-কারের প্রতি ঘোর ঘৃণা ও অশ্রদ্ধা প্রদর্শন করেন,—ইত্যাদি ইত্যাদি ।

আমার বিশ্বাস যে, পঞ্চ-ম-কারের এইরূপ অর্থ কতকটা সঙ্গত হইতে পারে । কিন্তু আপনি বলিলেন,—“পঞ্চ-ম-কারের আবার আধ্যাত্মিক অর্থ কি ?” কেন, উক্ত পণ্ডিতমহাশয় যে আধ্যাত্মিক অর্থ করিয়াছেন, তাহা কি অশাস্ত্রীয়, না অযৌক্তিক ?

গুরু । তোমার নিকট পণ্ডিতমহাশয়ের আধ্যাত্মিক ব্যাখ্যা শুনিয়া আমার একটি গল্প মনে পড়িয়া গেল ! শিষ্য-বাড়ী গুরু আসিয়াছেন,—গুরু গোস্বামীঠাকুর । তিলক, মালা, এবং গোপীচন্দন ও নামাবলীতে যথাবিধি তদীয় দেহ অলঙ্কৃত । মস্তক মুণ্ডিত এবং একটি মৃক্ষ শিখা সেই মুণ্ডিত মস্তকের মধ্যস্থলে ধীর সমীরে ঈষদান্দোলিত হইয়া আপনার ক্ষীণতার বিষয় জ্ঞাপন করিতেছে । মুখে সর্বদাই “রাধাবল্লভ—প্রাণবল্লভ হে’র ধ্বনি ।

গুরুর আগমনে গৃহস্থ যথাসাধ্য সেবার আয়োজন করতঃ গুরু-সেবা প্রদান করিল । তার পর সন্ধ্যার সময় ঠাকুরের সন্ধ্যাহ্নিক ও জলযোগ সমাধা হইলে, শিষ্য গুরুদেবের নিকটে তৎকথা জানিতে অভিলাষী হইয়া জিজ্ঞাসা করিল—“প্রভো ! মৎস্য এবং মাংস উভয়ই জীবদেহ । উভয়ই আমীষ ; তবে মাংস খাইতে নাই কেন, আর মাছই বা খাইতে আছে কেন ? আমরা নয় যা হয় তা করিতে পারি, বা করিয়া থাকি ;—কিন্তু মৎস্য যখন প্রভুর সেবাতেও লাগিয়া থাকে, তখন অবশ্যই বুদ্ধিতে পারিয়াছি যে, মৎস্য ভক্ষণে দোষ নাই,—কিন্তু প্রভো ! এই পার্থক্যের কারণ

কি ? মাংস বা খাইতে নাই কেন ? আর মৎস্য বা খাইতে আছে কেন ?

প্রশ্ন শুনিয়া গুরুদেব একবার জ্বলন্ত্যাগের পর দশবার প্রভুর নাম স্মরণ ও ছোটিকাপরিচালনপূর্বক মৃদু মৃদু হাস্য সহকারে বলিলেন,—“বৎস ! •ও সকল আধ্যাত্মিক তত্ত্ব, অতিশয় গুহ্য । গুহ্য কি গুহ্য হইতেও গুহ্য ।”

শিষ্য, গুরুদেবের গৌরচন্দ্রিকা শ্রবণে কি একটা নূতনতত্ত্ব শ্রবণেশ্বরম পরিভূষি লাভ করিবে ভাবিয়া আরও বর্দ্ধিত-কৌতূহল হইয়া বলিল,—“প্রভো ! আমি আপনার শিষ্য—আমাকে বলিতেই হইবে, মাংস খায় না কেন, আর মাছই বা খায় কেন ?”

গুরুদেব গম্ভীর মুখে বলিলেন,—“ওর আধ্যাত্মিক ব্যাখ্যা হচ্ছে এই যে,—ওটা মাংস কি না, তাই খায় না । আর ওটা মাছ কি না, তাই খায়—বেশ ভাল করে বুঝে নিয়েছ ? ওটা—মাংস কি না, তাই খায় না, আর এটা মাছ কি না তাই খায় ।”

গুরুদেবের আধ্যাত্মিক ব্যাখ্যায় শিষ্যের আত্মা পরিভূষি লাভ করিয়াছিল কি না, জানি না । কিন্তু ঐ গুরুদেবের আধ্যাত্মিক ব্যাখ্যা, আর তোমার কথিত পণ্ডিত মহাশয়ের আধ্যাত্মিক ব্যাখ্যার বাহাদুরি কোন অংশেই প্লেভেদ নাই । হায় ! এই সকল পণ্ডিত মহাশয়েরা যদি ভুলগ্রহ করিয়া অনুবাদ আদি করিয়াই ক্ষান্ত থাকেন, তাহা হইলে আর শাস্ত্রার্থের এমন দুর্গতি শ্রবণে ব্যথিত ও বিধর্মী বা অনুসন্ধিৎসু ব্যক্তিগণের নিকটে নিন্দিত হইতে হয় না ।

তুমি বলিয়াছ, মহানির্বাণতন্ত্রের অনুবাদকালে ভূমিকা স্বরূপে পণ্ডিত মহাশয় উহা অনুগ্রহপূর্বক লিপিবদ্ধ করিয়াছেন । কিন্তু পাঠকগণ যখন মহানির্বাণতন্ত্রের পঞ্চ-ম-কারের ব্যাখ্যা পাঠ



করিবে, তখন তাঁহার বিচার ও আধ্যাত্মিক অর্থকে কিরূপভাবে গ্রহণ করিবে, তাহা একবার ভ্রমেও ভাবিয়া দেখেন নাই। কেবল তাঁহাকে কিছু ভাবিলে আমি দুঃখিত হইতাম না। কারণ, আজি কালি অবাধ মুদ্রা বজ্রের প্রসাদে এমন বহুল পণ্ডিতের বহু অত্যাচার সহ্য করিতে হইতেছে। কিন্তু তন্ত্রস্তর হইতে যে সকল শ্লোক উদ্ধৃত করিয়া দিয়াছেন, এবং তাহার যেরূপ তাৎপর্যার্থ দিয়াছেন, এবং স্পষ্ট বলিয়া দিয়াছেন—পঞ্চ-ম-কারের ইহাই হইল অর্থ, আর পার্থিব অন্যান্য জিনিষ বলিয়া যাহারা ভ্রম করে—নিশ্চয়ই তাহারা ভ্রান্ত, অধিকন্তু সেরূপ করিলে পতন নিশ্চয়। এ সকল কথায়—লোকে হাসিবে ভিন্ন আর কিছুই নহে—অধিকন্তু মহানির্বাণতন্ত্রের পঞ্চ-ম-কারের অর্থ দেখিয়া এক মহাব্রমে পতিত হইবে। তখন শাস্ত্রের প্রতি পাঠকের অসামঞ্জস্যজনিত একটা দারুণ সন্দেহের উদয় হইবে।

শিষ্য। আপনি কি বলিতে চাহেন, পঞ্চ-ম-কারের সাধারণ অর্থ ই স্থল ?

গুরু। আমি বলিব কি,—শাস্ত্রেই তাহা আছে।

শিষ্য। তবে পণ্ডিতমহাশয় যে শ্লোক গুলি উদ্ধৃত করিয়াছেন, তাহার অর্থ কি ?

গুরু। সকল পদার্থেরই একটা স্থল ও সূক্ষ্মভাব আছে অর্থাৎ বাহির-অস্তর আছে। বলা বাহুল্য, আগে বাহির, তারপরে অস্তর। আগে স্থল, তারপরে সূক্ষ্ম। আগে পদার্থের ব্যবহার,—তারপরে ভাব। মহানির্বাণতন্ত্রে পঞ্চ-ম-কারের স্থল-পদার্থ ব্যবহার,—আর পণ্ডিত মহাশয়ের উদ্ধৃত আগমসারের বচনার্থ তাহার ভাবতন্ত্র ব্যবহার।

শিষ্য । কথাটা ভাল রকমে বুঝিতে পারিলাম না ।

গুরু । কেন বুঝিতে পারিলে না ? কথাটার ত কোন গোল-  
যোগ নাই ।

শিষ্য । না থাকিতে পারে, কিন্তু আমি বুঝিতে পারিলাম না ।

গুরু । কি বুঝিতে পারিলে না ?

শিষ্য । আপনি বলিলেন, মহানির্বাণতন্ত্রের লিখিত পঞ্চ-ম-  
কার যথার্থ মণ্ড প্রভৃতি দ্রব্য, এবং তাহাকে স্থূল বা বহির্ভাগ  
বলিলেন, এবং আগমসারের ঐ বচন গুলিকে অন্তর্ভাগ বলিলেন,  
ইহার ভাবার্থ আমি গ্রহণ করিতে পারি নাই ।

গুরু । মানুষ যখন যৌবন-সোপানে পদার্পণ করে, তখন  
তাহার হৃদয়ে একটা ভালবাসার আকাঙ্ক্ষা জন্মিয়া থাকে,—ইহা  
মানব-হৃদয়ের সহজাত সংস্কার বা অবশ্যস্বাভাবী আকাঙ্ক্ষা,—এ  
কথা তুমি স্বীকার কর ?

শিষ্য । আজ্ঞা হাঁ, তাহা স্বীকার করি বৈ কি । শিক্ষা মা  
দিলেও যখন মানুষ এ আকাঙ্ক্ষা করিয়া থাকে, তখন ইহা স্বভাবজ  
বলিতে হইবে বৈ কি ! জীবজন্তুও যখন এ আকাঙ্ক্ষা হৃদয়ে  
পোষণ করিয়া থাকে, তখন ইহা যে স্বভাবের নিয়ম, তাহা কে না  
স্বীকার করিবে ।

গুরু । কিন্তু সেই ভালবাসার পদার্থ কি ?

শিষ্য । সম্ভবতঃ স্ত্রীজাতি পুরুষ ও পুরুষ জাতি স্ত্রীলোকের  
আকাঙ্ক্ষা করে ।

গুরু । কেন করে জান ?

শিষ্য । ভালরূপ জানি না, আপনি বলুন ।

গুরু । জীবমাত্রেই জড়াকর্ষিত ;—জড়ের জন্তু লালায়িত ।

রূপ রস গন্ধ স্পর্শ শব্দ প্রভৃতির ভিখারী, তাই জড়ের জন্ম আকাজক্ষী ।

শিষ্য । উহা যদি না পায় ?

গুরু । লালসা যায় না,—আজীবন লালসার আশ্রমে দগ্ন হয় ।

শিষ্য । আপনি কি বলিতে চাহেন,—স্ত্রী ও পুরুষের মিলন ব্যতীত ভালবাসার আকুলতা নিবারণ হয় না ?

গুরু । হইতে পারে,—জগতে দুইটি পথ আছে, এক নিবৃত্তির, অপর প্রবৃত্তির । নিবৃত্তি যোগ,—প্রবৃত্তি ভোগ । ভালবাসার আশাও দুই প্রকারে নিবৃত্তি হয়,—এক বাহ্যিককে লাভ করিয়া, অপর বাহ্যিককে চিন্তা করিয়া । বাহ্যিককে লাভ করিয়া যে ভালবাসা, তাহা প্রবৃত্তির পথে, আর বাহ্যিককে চিন্তা করিয়া যে ভালবাসা তাহা নিবৃত্তির পথে । মহানির্বাণতন্ত্র প্রভৃতির বর্ণিত স্কুল পঞ্চ-ম-কার প্রবৃত্তির পথে, আর আগমসারোক্ত সূক্ষ্মভাবের পঞ্চ-ম-কার নিবৃত্তির পথে, সধবা নারীর স্বামি-প্রেম আর বিধবা নারীর স্বামি-প্রেমে যে পার্থক্য—এতদুভয়েও সেই পার্থক্য । ব্রজ-সুন্দরী রাধা যখন গোকুল-চাঁদকে লইয়া ক্রীড়াশালিনী তখনকার ভাব মহানির্বাণতন্ত্রাদির পঞ্চ-ম-কার সাধনা ; আর শ্রীকৃষ্ণ মথুরাবাসী হইলে, যে ভাব, তাহাই আগম-সারাদির পঞ্চ-ম-কার ।

## চতুর্থ পরিচ্ছেদ ।



### পঞ্চ-ম-কার বিধি ।

শিষ্য । তাহা হইলে মহানির্বাণতন্ত্রাদিতে যথার্থই মগ্ন-মাংসাদির দ্বারা পঞ্চ-ম-কার সাধনের ব্যবস্থা আছে ?

গুরু । নাই তবে কি মিথ্যা কথার প্রচলন হইয়া আছে ?

শিষ্য । আপনি অক্লুগ্রহ করিয়া আমাকে তাহা শ্রবণ করান ।

গুরু । কেন তুমি কি কখনও মহানির্বাণতন্ত্র পাঠ কর নাই ?

শিষ্য । যদিও করিয়া থাকি, তথাপি তাহা বিশেষরূপ অর্থ হৃদয়ঙ্গম করিয়া নহে ।

গুরু । হিন্দুধর্মসম্বন্ধে তত্ত্বজিজ্ঞাসু হইলে পুনঃপুনঃ শাস্ত্রগ্রন্থ পাঠের আবশ্যিক । যাহা হউক, তোমার জিজ্ঞাস্য বিষয় বলিতেছি, শ্রবণ কর । মহানির্বাণ তন্ত্রে আছে,—

শ্রীশ্বেতাবাচ । যজুয়া কথিতং পঞ্চ-তন্ত্রং পূজাদি কর্মণি ।

বিশিষ্য কণাতাং নাথ যদি তেহস্তি কৃপা ময়ি ॥ ১

শ্রীমদাশিব উবাচ । গোড়ীপৈশ্রী তথা মাধ্বী ত্রিবিধা চোত্তমা সুরা ।

সৈব নানাবিধা প্রোক্তা তাম-পর্জুর সন্তা ॥

তথা দেশবিভেদেন নানাদ্রব্য বিভেদতঃ ।

বহুধেয়ং সনাপ্যাতা প্রশস্তা দেবতার্চনে ॥ ২

যেন কেন সমুৎপন্ন্য যেন কেনাক্রতাপিবা ।

নাত্র জাতি বিভদোহস্তি শোধিতা সর্কসিদ্ধিমা ॥ ৩

মাংসস্থ ত্রিবিধং প্রোক্তং স্থলভূচরখেচরম্ ।

যস্মাৎ তস্মাৎ সমানীতং যেন কেন বিঘাতিতম্ ।  
 তং সৰ্বং দেবতা প্রীতৈত্য় ভবেদেব ন সংশয়ঃ ।  
 সাধকেচ্ছা বলবতী দেয়ে বস্তুনি দৈবতে ।  
 যদ্ যচ্ছাষ্যপ্রিয়ং দ্রব্যং তত্তদিষ্টায় কল্পতে ॥ ৫  
 বলিদানবিধৌ দেবি বিহিতঃ পুরুষঃ পশুঃ  
 স্ত্রীপশুর্ন চ হস্তব্য স্তত্র শাস্তব শাসনাৎ ॥ ৬  
 উত্তমাস্ত্রিবিধা মংস্তাঃ শালপাঠীন-রোহিতাঃ ৭  
 মধ্যমাঃ কণ্টকৈর্হীন। অধমা বহুকণ্টকাঃ ।  
 তেহপি দেবৈব্য প্রদাতব্যাঃ যদি সৃষ্ট্ বিভজ্জিতাঃ ॥ ৮  
 মুদ্রাদি ত্রিবিধা প্রোক্তা উত্তমাди প্রভেদতঃ ।  
 চন্দ্রবিন্দু-নিভং শুভ্রং শালি তণ্ডুল-সম্ভবং ॥  
 যব গোধুমজং বাপি যুত-পকং মনোরমং ।  
 মুদ্রেয় মুক্তমা মধ্যা ভ্রষ্টধাশ্চাদি সম্ভবা ।  
 ভজিতাশ্চবীজানি অধমা পরিকীর্্তিতা ॥ ১০  
 মাংসংমীনশ্চ মুদ্রাচ ফল মূলানি যানি চ ।  
 শুধাদানে দেবতায়ৈ সংশ্লেষাং শুদ্ধিরীরিতা । ১১  
 বিনা শুদ্ধা ন্যাপানং কেবলং বিষ-ভক্ষণম্ ।  
 চিররোগী ভবেন্নস্ত্রী স্বল্পায়ত্রি যতেহ'চরাৎ । ১২  
 শেষতব মহেশানি নির্বার্যো প্রবলে কলৌ ।  
 যক্ষীয়া কেবলা জেয়া সৰ্বদোষ বিবজ্জিতা ॥ ১৩ ।

মহানির্বাণ তন্ত্র, ৬ষ্ঠ, উঃ ।

“দেবী জিজ্ঞাসা করিলেন,—হে নাথ । পূজাদিস্থলে কিরূপে  
 পঞ্চতন্ত্র নিবেদন করিতে হয়, আপনি তাহা বলিয়াছেন ;—এক্ষণে  
 প্রার্থনা, যদি আমার প্রতি রূপা থাকে, তাহা হইলে উহা সবি-  
 স্থারে বর্গন করুন । ১ ।

সদাশিব কহিলেন,—গোড়ী, পৈষ্টী ও মাংসী এই \* ত্রিবিধ সুরাই উত্তম বলিয়া গণ্য ;—এই সকল সুরা তাল, খর্জুর ও অন্যান্য দ্রব্যরসে সম্বৃত হইয়া থাকে । দেশ ও দ্রব্যভেদে নানা-প্রকার সুরার সৃষ্টি হইয়া থাকে,—দেবার্চনার পক্ষে সকল সুরাই প্রশস্ত । ২ । এই সকল সুরা যেরূপে উদ্ভূত ও যেরূপে এবং যে কোন লোকদ্বারা আনীত হউক না কেন, শোধিত হইলেই কার্য সূক্ষ্ম হইয়া থাকে,—ইহাতে জাতি বিচার নাই । ৩ । মাংস ত্রিবিধ,—জলচর, ভূচর ও খেচর । ইহা যে কোন লোকদ্বারা ঘাতিত বা যে কোন স্থান হইতে আনীত হইক, নিঃসন্দেহেই তাহাতে দেবগণের তৃপ্তি হইয়া থাকে । ৪ । দেবতাকে কোন্ কোন্ মাংস বা কোন্ বস্তু দেয়, তাহা সাধকের ইচ্ছানুগত ;—যে মাংস যে বস্তু নিজের তৃপ্তিকর ইষ্টদেবতার উদ্দেশ্যে তাহাই প্রদান করা কর্তব্য । ৫ । দেবি ! পুং-পশুই বলিদান-ক্ষেত্রে বিহিত হইয়াছে, স্ত্রীপশু বলি দেওয়া শিবের আজ্ঞার বিরুদ্ধ ; সূতরাং তাহা দিতে নাই । ৬ । মৎস্যের পক্ষে শাল, বোয়াল ও রুই এই তিন জাতি প্রশস্ত । ৭ । কণ্টকহীন অন্যান্য মৎস্য মধ্যম, এবং বহু-কণ্টকশালী মৎস্য অধম ; যদি শেষোক্ত মৎস্য সুন্দররূপে সজ্জিত হয়, তাহা হইলে দেবীকে নিবেদন করা যাইতে পারে । ৮ । মুদ্রাও উত্তম, মধ্যম, অধম এই তিন প্রকারের হইয়া থাকে । যাহা দেখিতে চন্দ্রবৎ শুভ্র,—শালিতগুল, অথবা যব, ও গোধূমে প্রশস্ত, যাহা ঘৃত-পক্ক ও মনোহর, তাহাই উত্তম মুদ্রা বলিয়া

\* গুড়ের দ্বারা যে মদ্য প্রস্তুত হয়, তাহাকে গোড়ী, পিষ্টক দ্বারা যাহা প্রস্তুত হয় তাহাকে পৈষ্টী এবং মধু দ্বারা যাহা প্রস্তুত হয়, তাহাকে মাংসী কহে ।



গণ্য । যাহা ব্রহ্মধাতু,—অর্থাৎ খৈ মুড়ির দ্বারা প্রস্তুত, তাহা মধ্যম এবং যাহা অগ্নি শস্যে ভাজিত তাহাই অধম বলিয়া কীর্তিত । ৯—১০ । দেবীকে সুধাপ্রদানকালে যে মাংস, মীন, মুদ্রা ও ফল মূল প্রদান করিতে হয় ; তাহাই শুদ্ধ বলিয়া গণ্য । ১১ । শুদ্ধি ব্যতিরেকে দেবীকে কারণ প্রদানপূর্বক পূজা বা তর্পণ করিলে তত্ত্বাবৎ ব্যর্থ হইয়া থাকে, এবং দেবতাও তাহাতে প্রীত হন না । শুদ্ধি ব্যতিরেকে মণ্ডপান করিলে তাহা বিষ-ভোজন হইয়া থাকে, অধিকন্তু ইহাতে অন্নায়ু হইয়া সত্বর মৃত্যুমুখে পতিত হয় । ১২ । মহেশ্বর ! কলি প্রবল হইলে শেষ-তত্ত্ব সর্ব দোষ বর্জিত আপনার স্ত্রীতেই সম্পন্ন হইবে । ১৩ ।

মহানির্বাণতত্ত্ব হইতে মূল ও অন্তবাদ উদ্ধৃত করিয়া যাহা তোমাকে শ্রবণ করাইলাম, তাহাতে কি কিছু আধ্যাত্মিক ব্যাখ্যা করিবার আছে ? মগ, মাংস, মৎস্য মুদ্রা ও মৈথুনতত্ত্ব সম্বন্ধীয় যে বিধি ব্যবস্থা জানিতে পারিলে, তাহাতে কি তোমার পণ্ডিত মহাশয়ের লিখিত আধ্যাত্মিক অর্থ আসিতে পারে ?

আর উহাদের যে সামঞ্জস্য অর্থ ও ভাব এবং হেতুবাদ পূর্বেই তোমাকে বলিয়াছি,—এক্ষণে তাহার পুনরুল্লেখ নিম্নয়োজন ।

পঞ্চম পরিচ্ছেদ ।

পঞ্চ-ম-কার শোধন ।

শিষ্য । আপনি যাহা বলিলেন, সমস্তই অবগত হইলাম, কিন্তু এখনও আমার ভ্রম দূরীভূত হয় নাই ।

গুরু । কি লম আছে বল ?

শিষ্য । মণ্ড-মাংসাদি ভোজনে মানুষ পশু-প্রকৃতি লাভ করিয়া থাকে,—আর সেই সকল যদি দেবারাধনার কারণ হয়, তবেত বড়ই সুখের কথা । কিন্তু দ্রব্য-গুণ যাইবে কোথায়, আমার বিবেচনার মানুষ উহাতে উপকৃত না হইয়া অপকারের হস্তেই নিপতিত হইয়া থাকে ।

গুরু । তুমি নিশ্চয়ই ধারণা করিয়া রাখিও,—হিন্দু ঋষিগণ যোগবলে ভূত ভবিষ্যত ও বর্তমানের আলোচনা করিয়া যে সকল নিয়ম বিধিবদ্ধ করিয়া গিয়াছেন, তাহাতে মানুষের অনিষ্ট হইবার কোন প্রকারেই সম্ভাবনা নাই । তবে তামাকের কলিকার আগুণ কেহ যদি গায়ের কাপড়ে ফেলিয়া দেয়, তবে কি অনিষ্ট হয় না ?—তা হইতে পারে ।

শিষ্য । আপনার কথা এখনও কিছুই বুঝিতে পারি নাই । আপনি কি বলিতে চাহেন, মণ্ডাদি মস্তকের দ্বারা শোধন হইলে, তাহারা তাহাদের স্ব স্ব গুণ হইতে নিবৃত্ত হইয়া অল্প গুণ প্রাপ্ত হয় ?

গুরু । তা হয় বৈ কি ।

শিষ্য । এ ও কি সম্ভব ? মস্তকের দ্বারা দ্রব্য-গুণ বিদূরিত হওয়া কি সহজ কথা ?

গুরু । সহজ কথা না হইতে পারে,—কথাটা গুরুতর বটে । সাধন-প্রণালীর ব্যাপারে সে গুরুত্ব সহজ ভাব ধারণ করিয়া থাকে ।

শিষ্য । ভাল, আগে সেই শোধনপ্রণালীটুকুই শুনিয়া লই,—তারপরে আমার যাহা বক্তব্য আছে, তাহা বলিব । অল্পগ্রহ করিয়া মণ্ডাদি-শোধনের নিয়মাদি যাহা আছে, তাহা আমাকে বলুন ।

গুরু । তাহা বলিতে হইলে অনেক মন্দির ও কার্যের উল্লেখ করিতে হইবে ।

শিষ্য । আমি সে সকল শিখিতে ইচ্ছা করি ।

গুরু । তাহা শিক্ষা করিয়া তুমি কি করিবে ?

শিষ্য । সে সব শিখিতে পারিলে, আমি তৎসাধনায় প্রবৃত্ত হইব ।

গুরু । সাধনের জন্য একটি পথ অবলম্বন করাই কর্তব্য । হিন্দুর প্রকাশিত সমস্ত পথই সরল ও ফলপ্রদ, কিন্তু কথা এই যে, যেমন সামান্য বাহ্য-বিজ্ঞানের আলোচনা ও তাহার ফললাভ করিতে হইলে, ঐকান্তিকতা ও সহিষ্ণুতার প্রয়োজন, আধ্যাত্মিক পথেও তদ্রূপ সহিষ্ণুতা ও ঐকান্তিকতার প্রয়োজন ।

শিষ্য । সে সহিষ্ণুতা ও ঐকান্তিকতা অবলম্বন করিব ।

গুরু । আজ একটি মত শুনিলাম, তাহার দিকে ছুটিয়া চলিলাম—কাল আর একটি মত শুনিয়া তৎপ্রতি ধাবমান হইলাম, ইহা দ্বারা কার্য হয় না । সকল পথই সরল ও সহজ-সাধ্য—একটু চেষ্টা করিলেই হিন্দু তাহাদের আৰ্য্যঋষিগণের যে কোন একটি পথ দিয়া উন্নতির দিকে অগ্রসর হইতে পারে ।

শিষ্য । তথাপিও শিখিতে আপত্তি নাই ।

গুরু । শোধন অর্থে কি জান ?

শিষ্য । শুদ্ধি বা বিশুদ্ধতা লাভ করান ।

গুরু । তাহাতে দ্রব্যগুণের তিরোধান হওয়া বুঝায় কি ?

শিষ্য । না । কিন্তু শুদ্ধি শব্দের ভাব অর্থ, যাহাতে উপকার বা উন্নতি হয় এমন কার্য বুঝায় ।

গুরু । তাহাই ঠিক । পঞ্চতন্ত্র শোধিত হইলে, তদ্বারা অনুপকার না হইয়া উন্নতির কারণ হইয়া থাকে ।

শিষ্য । কি করিয়া হয় ?

গুরু । তুমি কখনও মদ খাইয়াছ ?

শিষ্য । আপমার সহিত মিথ্যা কথা বলিতে নাই,—আগে  
খাইয়াছি ।

গুরু । এখন ?

শিষ্য । এখন আর খাই না ।

গুরু । আর দুই দিন খাইতে হইবে ।

শিষ্য । মদ খাইতে হইবে—ও মা, সে কি ? যাহা অনেক  
দিন হইল, ছাড়িয়া দিয়াছি—তাহা আবার খাইব কেন ?

গুরু । মদ খাওয়া কি পাপ বলিয়া বিবেচনা কর ?

শিষ্য । নিশ্চয় ! শাস্ত্রে আছে,—“মদমপেয়মদেয়মগ্রাহং ।”

গুরু । কেন বল দেখি ?

শিষ্য । তা জানি না ।

গুরু । মদে মানুষের হিতাহিত জ্ঞান শূন্য হয়, মদে মানুষকে  
চিররোগী করে, মদে মানুষকে আত্মতত্ত্ব-জ্ঞান হইতে সম্পূর্ণ  
পৃথক্ করিয়া রাখে,—এবং মানুষকে পশু করিয়া ফেলে, মদে  
শরীরের তমোগুণের অত্যন্ত বৃদ্ধি করিয়া থাকে,—এক কথায়  
মদে মানুষের সর্বনাশ করে, তাই মদ পানে ঐরূপ নিষেধ-  
বিধি ।

শিষ্য । তবে তদ্ব-শাস্ত্রে মদ পানের ব্যবস্থা কেন ?

গুরু । ব্যবস্থা আছে, আর তুমি আমি যে ভয় করিতেছি,—  
তাহাও তদ্বকার না করিয়াছিলেন, তাহা নহে । তাঁহার জ্ঞানচক্ষু  
জগজ্জয়ী—তিনি সকলই জানেন । তাই দেবী জিজ্ঞাসা করিতে-  
ছেন,—

মদ্যং মাংসং তথা মৎস্যং মুজ্জামৈখুনম্বেব চ ।  
 এতানি পঞ্চতন্ধানি ত্বয়া প্রোক্তানি শকর ॥  
 কলিকা মানবা লুকাঃ শিরোদয়-পরায়ণাঃ ।  
 লোভাত্তত্র পতিব্যস্তি করিষ্যন্তি চ সাধনম্ ॥  
 ইন্দ্রিয়াণাং স্থখার্থায় পীড়া চ বহুলং মধু ।  
 ভবিষ্যন্তি মদোগ্নস্তা হিতাহিত-বিবর্জিতাঃ ॥  
 পরস্ত্রীধর্মকাঃ কেচিদস্যবোবহবো ভুবি ।  
 ন করিষ্যন্তি তে মত্তাঃ পাপা বোনি-বিচারণম্ ॥  
 অতিপানাদি-দোষেন রোগিনো বহবঃ কিতৌ ।  
 ভক্তিহীনা বুদ্ধিহীনা ভূত্বা চ বিকলেন্দ্রিয়াঃ ॥  
 হৃদে গর্ভে প্রান্তরে চ প্রাসাদাৎ পর্কতাদপি ।  
 পতিব্যস্তি মরিষ্যন্তি মনুজা মদবিহ্বলাঃ ॥  
 কেচিৎশিবাদরিষ্যন্তি গুরুতিঃ স্বজনৈরপি ।  
 কেচিন্মোনা মৃতপ্রায়া অপরে বহুজন্মকাঃ ॥  
 অকার্যকারিণঃ ক্রুরা ধর্মমার্গ বিলোপকাঃ ।  
 হিতায় বানি কর্ম্মাণি কথিতানি ত্বয়া প্রভো ॥  
 মন্ত্রে তানি মহাদেব বিপরীতানি মানবে ।  
 কে বা যোগং করিষ্যন্তি স্তাসজাতানি কেহপিবা ॥  
 স্তোত্র-পাঠং যজ্ঞলিপ্তং পুরন্দর্য্যাং অসৎপতে ।  
 যুগ-ধর্ম-প্রভাষেন স্বভাষেন কলৌ নরাঃ ॥  
 ভবিষ্যন্ত্যতি দুর্কৃত্যঃ সর্কথা পাপ-কারিণঃ ।  
 তেষামুপায়ং দীনেষু কুপয়া কথয় প্রভো ॥  
 আয়ুরারোগ্যবর্জসং বলবীর্ধ্যবিবর্জনম্ ।  
 বিদ্যাবুদ্ধি-প্রদং নৃণামপ্রযত্নশুভকরম্ ॥  
 যেন লোকা ভবিষ্যন্তি মহাবল-পরাক্রমাঃ ।  
 শুদ্ধ-চিত্তাঃ পরহিতা মাতাপুত্রোঃ প্রেরকরাঃ ॥  
 স্বদার-নিষ্ঠাঃ পুরুষাঃ পরস্ত্রীষু পরাধুখাঃ ।

দেবতা গুরু-ভক্তাশ্চ পুত্র স্বজনপোষকাঃ ।

ব্রহ্মজ্ঞা ব্রহ্মবিদ্যাশ্চ ব্রহ্মচিন্তন-মানসাঃ ।

সিদ্ধার্থং লোকযাত্রায়ান্ কথয়ন্ত হিতায় যৎ ॥

মহানির্বাণ তন্ত্র ; ২য় উঃ ।

পার্বতী কহিলেন,—“আপনি মদ্য, মাংস, মৎস্য, মূত্রা ও মৈথুন এই পঞ্চতত্ত্ব সবিশেষ বলিয়াছেন । কিন্তু কলির জীবগণ লোভী ও শিল্পোদর-পরায়ণ,—তাহারা সাধনা পরিত্যাগ পূর্বক লোভের বাধ্য হইয়া ঐ পঞ্চতত্ত্বে নিপতিত হইবে । তাহারা মদোন্মত্ত হইয়া হিতাহিত-বিবেচনায় জলাঞ্জলি দিবে, এবং ইন্দ্রিয়-সুখের জন্ম অপরিমেয় মদ্যপান করিতে থাকিবে । তাহারা পরনারীর সতীত্ব বিনাশ ও দস্যুবৃত্তিতে দিনপাত করিবে ; সেই সকল পাপাচার ব্যক্তিগণ মত্ত হইয়া যোনি-বিচার করিবে না । তাহারা অপরিমিত পান-দোষে এই পৃথিবীতে চিররুগ্ন, শক্তিহীন, বুদ্ধিহীন ও বিকলেন্দ্রিয় হইয়া উঠিবে । তাহারা মত্ত হইয়া হুদে, গর্ভে, প্রাস্তরে, এবং প্রাসাদ কিম্বা পর্বত-শৃঙ্গ হইতে পতিত হইয়া মৃত্যুলোকে প্রস্থিত হইবে । কোন কোন ব্যক্তি মত্ততাবস্থায় গুরুলোক ও স্বজনগণের সহিত বিবাদ করিতে থাকিবে ; কেহ বা মৃত-প্রায় ও মৌনী হইয়া থাকিবে ;—কেহ কেহ বিস্তর জল্পনার প্রবৃত্ত হইবে । ইহারা দুষ্ক্রিয়ান্বিত ক্রুর ও ধর্মপথবিলোপী হইয়া উঠিবে । হে প্রভো ! আপনি জীবের মঙ্গলের জন্ম যে সকল কার্যের উপদেশ দিয়াছেন, আমার বোধ হয়, তাহা কলিতে মনুষ্যগণের পক্ষে বিপরীত হইয়া উঠিবে ;—কে যোগাভ্যাসে রত হইবে, এবং কেই বা শাসাদি কার্য করিতে প্রবৃত্ত হইবে ? হে জগৎপতে ! কোন্ ব্যক্তিই বা স্তোত্র পাঠ



এবং যজ্ঞলিপ্ত হইয়া পুরস্চরণ করিবে ? হে প্রভো ! যুগধর্ম-প্রভাবে এবং স্বভাব-গতিতে কলিযুগের মনুষ্যেরা অতিশয় দুর্বৃত্ত ও পাপকারী হইয়া উঠিবে । হে দীনেশ ! তাহাদের উপায় কি হইবে ?—রূপা করিয়া আমাকে তাহা বনুন । কি উপায় অবলম্বন করিলে লোকের আয়ু, আরোগ্য, তেজ ও বল-বীৰ্য্য বৃদ্ধি পায়, কি উপায়ে মনুষ্যের বিদ্যা-বুদ্ধি প্রথর ও যত্ন ব্যতিরেকে মঙ্গললাভ ঘটে, যাহাতে লোকে মহাবল পরাক্রান্ত, বিগুচ্ছচিত্ত, পরহিতরত ও মাতাপিতার প্রিয়কারী হয়, যেরূপে লোকে স্বদার-নিষ্ঠ, পরস্ট্রীবিমুখ, দেবতা ও গুরুভক্ত এবং পুত্র ও স্বজন-বর্গের প্রতিপালক হইতে পারে, লোক কিরূপে ব্রহ্মজ্ঞানসম্পন্ন ও ব্রহ্ম-পরায়ণ হয়, আপনি তাহা লোকযাত্রার সিদ্ধি এবং সকলের হিতের জন্ত বর্ণনা করুন ।”

তন্মোদ্ধৃত ঐ বাক্যগুলি দ্বারা কি স্পষ্টতঃই বুঝিতে পারা যায় না যে, মন্ত-মাংসাদি সেবনে মানব যে অধঃপাতে যায়, তাহা তাঁহারা অবগত ছিলেন, এবং যাহাতে এই বিধি-বিধানের অপব্যবহারে মানব সেই অধঃপাত-পথের পথিক হইয়া না পড়ে, তজ্জন্তও তাঁহারা শঙ্কিত হইয়াছিলেন ।

শিষ্য । তাহা বুঝিলাম,—কিন্তু সে জন্ত তাঁহারা কি উপায় অবলম্বন করিয়াছিলেন তাহাই জানিতে প্রবলা বাসনা উদ্ভূত হইতেছে ।

গুরু । তাই তোমাকে আমি পূর্বে জিজ্ঞাসা করিয়াছিলাম, তুমি কখনও মন্ত পান করিয়াছ ?

শিষ্য । আমিও আপনার সহিত মিথ্যা কথা বলিতে না পারিয়া বলিয়াছি, ইহা পূর্বে খাইতাম—এখন অনেক দিন হইল, পরিত্যাগ করিয়াছি ।

গুরু । কিন্তু মগের একটা গুণ গুণ আছে যে, পরিমিত সেবনে মনের অত্যন্ত একাগ্রতা সাধন করিতে পারে । তাই বলিয়াছিলাম, আর দুই দিন তুমি মগ পান করিয়া একটা পরীক্ষা করিয়া দেখিতে পার ।

শিষ্য । কি পরীক্ষা করিব ?

গুরু । একদিন কিছু মনে না করিয়া, কোন কথা না ভাবিয়া মগ পান করিয়া দেখিবে, তোমার চিত্তের ভাব কিরূপ হয়, আর একদিন উহা সেবনের পূর্বে প্রকৃতির রূপ রস গন্ধ স্পর্শাদি সমন্বিত-মূর্তির কল্পনা করিয়া তাহাকে হৃদয়ে হৃদয়ে পূজা করিয়া তারপরে পান করিবে, এবং পানের সময়েও তাহার মূর্তি ও মহত্ব চিন্তা করিতে থাকিবে, ইহাতে বা চিত্তের কি প্রকার অবস্থা ও ভাব হয়, তাহা দেখিবে ।

শিষ্য । হাঁ, আমি যখন মগ পান করিতাম, তখন তাহা অনুভব করিয়াছি ।

গুরু । কি প্রকার ?

শিষ্য । আমি কখনও নিয়মিত মগপান করি নাই,—কালে ভদ্রে কখনও এক আধ দিন খাইতাম । অন্য সময় যখন খাইতাম, তখন চিত্ত নানা বিষয়ে প্রধাবিত হইত,—অর্থাৎ যে দিন যেমন মনের গতি থাকিত, সেই দিন সেই ভাবে উত্তেজিত ও প্রধাবিত হইত । কিন্তু এক দিনের কথা আপনাকে বলিতে চাহি ।

আমাদের গ্রামে সেবার ওলাউঠার বড় প্রাদুর্ভাব হইয়াছিল । ঐ কালোপম ব্যাধিতে আমাদের গ্রাম হইতে নিত্য নিত্য দশ পনরটি করিয়া নরনারী কালকবলে পতিত হইতেছিল । গ্রামের

লোকে ইহাতে অত্যন্ত ভীত হইয়া চিরাগত প্রথামুসারে রক্ষা-কালী দেবীর পূজার উদ্যোগ করিল ।

কয়েকটি যুবকই তাহার প্রধান উদ্যোগী । তাঁহারাই চাঁদা আদায় করিয়া, দ্রব্যাদির আয়োজন করিয়া, পূজারস্ত করিয়া দিলেন,—বলা বাহুল্য, ঐ চাঁদার টাকা হইতে কয়েক বোতল মদও তাঁহারা আনাইয়াছিলেন । ঘটনা-ক্রমে আমি পূজার দিন রাত্রে বাড়ী গিয়া উপস্থিত হইয়াছিলাম । ষাঁহারা পূজার উদ্যোগী, তাঁহারা আমার বন্ধু বান্ধব,—তাঁহারা অনেকেই আমার "বাড়ী উপস্থিত হওয়াতে আনন্দিত হইলেন, এবং সমানিত মত্তের অংশীদার করিয়া লইলেন,—আমি উহার কিয়দংশ পান করিয়াছিলাম । কিন্তু কেমনই মনের পরিবর্তন হইয়া গেল,—যেন জগৎটা সেই কালীমূর্তির প্রতিকৃতি দর্শন করিতে লাগিলাম । সেই বরাভয় ধঙ্গ-মুণ্ডরা কালিকা কালের বক্ষে দাঁড়াইয়া নৃত্য করিতেছেন,—আমি জগৎ ভুলিয়াছিলাম, আত্মীয়-স্বজন সব ভুলিয়াছিলাম—কেবল সেই একরূপ হৃদয়ে নাচিতেছিল । আমার জীবনে বুঝি তেমন দিন আর আসে নাই ।—চিত্তের এইরূপ একাগ্রতা সাধন জন্মই তত্ত্বোক্ত মত্তাদি পান ?

গুরু । না না । এত ক্ষুদ্র কার্যের জন্ম মত্তাদিপানরূপ অত বড় একটা গর্হিত কার্যের আয়োজন বা প্রয়োজন হইতে পারে না ।

শিষ্য । মত্তাদি পান কি গর্হিত ?

গুরু । গর্হিত বলিয়া গর্হিত । মত্তাদি পান করিলে, ব্রাহ্মণকে প্রায়শ্চিত্ত করিতে হয় ।

শিষ্য । যাহা প্রায়শ্চিত্তাহঁ তাহা দ্বারা দেবতা বশীভূত হইবেন ?

গুরু । অন্ন ভক্ষণে কি পাপ ?

শিষ্য । অন্ন ভক্ষণে পাপ কেন ? আমরা তঁ সৰ্বলৈই অন্ন ভক্ষণ করিয়া থাকি ।

গুরু । কিন্তু অন্ন ভক্ষণেও মহাপাতক আছে, এবং তজ্জন্য প্রায়শ্চিত্তাহঁ হইতে হয় ।

শিষ্য । কি বলিতেছেন, বুঝিতে পারিলাম না ।

গুরু । চণ্ডালাদির অন্ন ভক্ষণে পাপ হয় কি না ?

শিষ্য । হাঁ, তা হয় ।

গুরু । সেইরূপ মগ্গপানে প্রায়শ্চিত্ত করিতে হয়,—এবং সাধনার উদ্দেশ্যে শাস্ত্রের বিধি অনুসারে পান করিলে তাহাতে প্রায়শ্চিত্তাহঁ হইতে হয় না ;—প্রত্যুত তাহাতে প্রকৃতিরূপা মহাকালী বনীভূতা হইয়া থাকেন । কুণ্ডলীশক্তির জাগরণের ইহা একটি অতি সহজ ও সরল পন্থা । যথা বাহ্য,—দেবতা-পূজা করিতে হইলে, কুণ্ডলীশক্তির জাগরণ ব্যতীত দেবতার আরাধনা হইতেই পারে না । যে কোন দেবতার আরাধনাই কর, কুণ্ডলী-শক্তি যাহাতে জাগ্রত হয়, তাহা করিতেই হইবে । নতুবা কোন প্রকারেই ফল লাভ হয় না । মগ্গাদি সাধন-দ্বারা তাহা অতি শীঘ্র—এবং সাধকের অজ্ঞাতসারে সম্পন্ন হইয়া থাকে । আর শাস্ত্র-বিধি-বিহিত মগ্গাদি দ্বারা শোধিত হইলে, ঐ সকল দ্রব্যও রূপা-স্তর প্রাপ্ত হইয়া থাকে । কেমন করিয়া হয়, তাহা তোমাকে পূর্বে বলিয়াছি ।

শিষ্য । শোধনের নিয়ম ও উপায় গুলি শুনিতে ইচ্ছা করি ।

গুরু । কালী সাধনায় পঞ্চ-ম-কার-প্রকরণে সে সকল শাস্ত্রেই লিখিত আছে ।

## ষষ্ঠ পরিচ্ছেদ ।



পঞ্চ-ম-কারে কালী-সাধনা ।

শিষ্য । পঞ্চ-ম-কারের সাধন-প্রণালী প্রভৃতি কালী-সাধনায় আছে, ইহা আপনি পূর্বে বলিয়াছেন,—অনুগ্রহ পূর্বক সেই সাধন-প্রণালী আমাকে বলুন ।

গুরু । এখানে তোমায় একটি কথা বলিতে চাহি,—সাধন-প্রণালী অতিশয় গুহ্য । ইহা সর্বত্র বলিতে নাই, তাহা তুমি বোধ হয় অবগত আছ ?

শিষ্য । হাঁ, তা বিশেষরূপে জানি ; কিন্তু সাধন-প্রণালী গুহ্য কেন, তাহা বুঝিতে পারি না ।

গুরু । যন্ত্রাদি গোপনীয় এই জন্ত যে, উহা সর্বত্র প্রচারিত হইলে উহার শক্তির হ্রাস হইয়া থাকে । গানের সুর যেমন যত যাতাসের সঙ্গে মিশে ততই তাহার শক্তি কমিয়া যায় । বোধ হয়, মন্ত্রও তদ্রূপ হইতে পারে ।

শিষ্য । আমার নিকটে তবে কি ঐ প্রণালী বলিতে আপনি অসম্মত ?

গুরু । না, প্রণালী বলিতেছি—তবে প্রণালীর ভিতর এমন কতকগুলি কাজ আছে, যাহা দেখাইয়া না দিলে কেহই বুঝিতে পারে না,—এবং কেহ কার্য বা সাধনাক্ষেত্রে সমুপস্থিত হইলে গুরু উহা দেখাইয়া দিয়া থাকেন,—সেই গুলি বলিব না । যদি কখনও তুমি সাধন-পথে অগ্রসর হও, আমি স্বয়ং উপস্থিত থাকিয়া শিখাইয়া দিব ;—তাহা হইলে তুমি আশ্চর্য্যান্বিত হইয়া যাইবে যে,

সে গুলির সামান্যমাত্র সাধনে যে সকল অলৌকিক কার্য সমাধা হইবে,—ইংরেজী বিজ্ঞানের বহু আয়াস-সাধ্য ব্যাপারেও তাহা সম্পন্ন হইতে পারে না । \*

শিষ্য । তবে অল্পগ্রহ করিয়া শাস্ত্র-বর্ণিত সাধন-প্রণালীই বলুন, এবং তাহার অর্থ বুঝাইয়া দিন ।

গুরু । তাহাও আমি তোমাকে সম্যক বলিতে পারিব না । তুমি কোনও তন্ত্রজ্ঞ-পুরোহিতের নিকটও সেই সকল বিষয় অবগত হইতে পারিবে, অথবা মহানির্বাণতন্ত্র একখানি পাঠ করিলেই পারিবে,—তবে এস্থলে ইহাও তোমাকে বলিয়া দেওয়া কর্তব্য যে, সাধারণ পুরোহিতের নিকটে বা তন্ত্র-গ্রন্থাদিতে যাহা অবগত হইতে পারিবে, তদ্বারা যেন কদাচ কার্য্যারম্ভ করিও না । যেমন পুস্তকে বাজনার বোল লেখা থাকিলে তাহা পাঠ করিয়া বাজনা বাজাইতে শিক্ষা করা যায় না, তদ্রূপ পুস্তকে যাহা আছে, তাহা পাঠ করিয়া সাধনা শিক্ষা হয় না । ক্রিয়ানভিজ্ঞ পুরোহিতগণও পূজা পদ্ধতি শিক্ষা দান করিলে, তাহাতে কোন ফল হয় না ।

শিষ্য । কালী-সাধনা করিলে কি ফল হয় ?

গুরু । কালকে জয় করেন, এইজন্য কালী, কালী । কালী অপরা প্রকৃতি,—অপরা প্রকৃতির রাজত্বে আমরা বিচরণ করিয়া থাকি । পরমাত্মা এই অপরা বা জড়া প্রকৃতিতে আবদ্ধ হইয়াই জীব । এই জড়া প্রকৃতিকে বশীভূত করিতে পারিলে মানুষ

\* কেহ তান্ত্রিকী সাধনার অবৃত্ত হইয়া যদি ঐ সকল গুপ্ততন্ত্র শিথিতে ইচ্ছা করেন, প্রকৃত সাধক হইলে, আমি শিখাইয়া দিতে, এবং প্রত্যক ফল দেখাইয়া দিতে পারি ।—গ্রন্থকার ।



অষ্টৈশ্বর্য লাভ করিতে পারে, এবং মরজগতে থাকিয়া যাহা ইচ্ছা তাহাই সম্পাদন করিতে পারে। তান্ত্রিকগণ এইজন্ত মারণ, উচাটন, বশীকরণ, শুশুন প্রভৃতি সমস্ত কার্য্যই অবহেলায় সম্পন্ন করিতে পারেন। তান্ত্রিকগণ এইজন্ত, মোকদ্দমায় জয় লাভ, শত্রু বশীভূত, নষ্টশক্তির পুনরুদ্ধার পর্য্যন্ত করিয়া থাকেন। কল কথা, জড়া প্রকৃতি বশীভূত হইলে আর কোন্ কার্য্য বাকি থাকিতে পারে ?

শাস্ত্রেও এ তত্ত্বের রহস্য উদ্ভেদিত হইয়াছে। তাহা তোমাকে বলিতেছি, শ্রবণ কর,—

শ্রীসদাশিব উবাচ ।

শূণু দেবি মহাভাগে তবারাধন কারণম্ ।  
 তব সাধনতো যেন ব্রহ্মসংযুজ্যামস্তু তে ॥  
 ত্বং পরা প্রকৃতিঃ সাক্ষাৎ ব্রহ্মণঃ পরমাত্মনঃ ।  
 ত্বতো জাতং জগৎ সৰ্ব্বং ত্বং জগজ্জননী শিবে ॥  
 মহাদাদ্যু পর্য্যন্তং যদেতৎ স চরাচরম্ ।  
 ত্বৈরবোৎপাদিতং ভদ্রে ত্বদধীনমিদং জগৎ ॥  
 ত্বমাদ্যা সৰ্ববিদ্যানামেশাকমণি জন্মভূঃ ।  
 ত্বং জানাসি জগৎ সৰ্ব্বং ন ত্বাং জানাতি কশ্চন ॥  
 ত্বং কালী তারিণী দুর্গা ষোড়শী ভুগনেশ্বরী ।  
 ধুমাবতী ত্বং বগলা তৈরবী ছিন্নমস্তকা ঐ ।  
 ত্বমন্নপূর্ণা বাগ্ দেবী ত্বং দেবী কমলালয়া ।  
 সৰ্বশক্তি স্বরূপা ত্বং সৰ্বদেবমরো তমুঃ ॥  
 ত্বমেব সূক্ষ্মা ত্বং হুলা ব্যক্তাব্যক্ত স্বরূপিণী ।  
 নিরাকারাপি সাকারা কত্বাৎ বেদিতু মর্হতি ॥  
 উগাসকানাং কার্য্যার্থং শ্রেয়সে জগতাষপি ।  
 দানবানাং বিনাশায় ধ্বংসে নানাবিধাস্তনুঃ ॥

চতুর্ভুজা হং দ্বিভুজা বড় ভুজাষ্টভুজা তথা ।

স্বক্বেব বিশ্বরক্ষার্থং নানাশস্ত্রাভ্যধারিণী ।

ভক্তরূপবিভেদেন মন্ত্র-বস্ত্রাদি সাধনম্ ।

কথিতং সর্বভক্তেষু ভাবাস্ত কলিতান্তয়ঃ ॥

মহানির্বাণতন্ত্র ; ৩র্থ ঠঃ ।

সদাশিব কহিলেন,—“হে দেবি ! লোকে তোমার সাধনার ব্রহ্মসায়ুজ্য লাভ করিতে পারে, এজন্য আমি তোমারই উপাসনার কথা বলিতেছি । তুমিই পর-ব্রহ্মের সাক্ষাৎ প্রকৃতি । হে শিবে ! তোমী হইতেই জগতের উৎপত্তি হইয়াছে,—তুমি জগতের জননী । হে ভদ্রে ! মহত্ত্ব হইতে পরমাণু পর্য্যন্ত এবং সমস্ত চরাচর সহিত এই জগৎ তোমী হইতে উৎপাদিত হইয়াছে,—এই নিখিল জগৎ তোমারই অধীনতার আবদ্ধ । তুমিই সমুদয় বিজ্ঞার আদি-ভূত, এবং আমাদের জন্মভূমি ; তুমি সমগ্র জগৎকে অবগত আছ,—কিন্তু তোমাকে কেহই জানিতে পারে না । তুমি কালী, দুর্গা, তারিণী, ষোড়শী, ভুবনেশ্বরী, ধূমাবতী, বগলা, ভৈরবী, ছিন্ন-মস্তা ;—তুমিই অন্নপূর্ণা, সরস্বতী ও লক্ষ্মী ;—তুমি সর্বদেবময়ী ও সর্বশক্তি-স্বরূপিণী । তুমিই স্থূল, তুমিই সূক্ষ্ম, তুমিই ব্যক্ত এবং অব্যক্ত-স্বরূপিণী ;—তুমি নিরাকার হইয়াও সাকার ;—তোমার ভক্ত কেহই অবগত নহেন । তুমি উপাসকগণের কার্যার্থ, মঙ্গলার্থ, এবং দানবগণের মলনার্থ নানাবিধ মূর্তি ধারণ করিয়া থাক । তুমি বিশ্ব রক্ষার জন্ত কখনও দ্বিভুজা, কখনও চতুর্ভুজা, কখনও বড়-ভুজা, কখনও অষ্টভুজা মূর্তি ধারণ করিয়া নানাবিধ অস্ত্র-শস্ত্র ধারণ করিয়া থাক । সকল ভক্তে তোমার নানাপ্রকার রূপভেদ, যন্ত্রভেদ ও মন্ত্রভেদের কথা উল্লেখ আছে, এবং তোমার ত্রিবিধ ভাবময় উপাসনার কথাও প্রকাশ আছে ।”

যাহা-তোমাকে শ্রবণ করান হইল, তাহাতে তুমি কালীতন্ত্র  
অবগত হইতে পারিয়াছ । এক্ষণে পঞ্চতন্ত্রের শোধন ও সাধনার  
কথা বলিতেছি ।

তাম্বিকমতে কালিকাদেবীর ষথাবিধি পূজা সমাপন করিবে । \*  
পঞ্চ-ম-কারের সাধনা করিতে হইলে, তদনন্তর গন্ধ-পুষ্প গ্রহণ  
করিয়া কচ্ছপ-মুদ্রাতে ধারণ পূর্বক সেই হস্ত হৃদয়ে স্থাপন করিয়া  
সনাতনী দেবীর ধ্যান করিবে । ধ্যান সাকার ও নিরাকার ভেদে  
দ্বিবিধ ;—তন্মধ্যে নিরাকার ধ্যান বাক্য ও মনের অগোচর । ইহা  
অব্যক্ত ও সর্বব্যাপী ;—ইহা বাক্যের অগোচর এবং সাধারণের  
অগম্য,—কিন্তু যোগিগণ দীর্ঘকাল সমাধির আশ্রয়ে বহুকষ্টে  
হৃদয়ঙ্গম করিতে পারেন । এক্ষণে মনের ধারণা, সত্বর অভীষ্ট  
সিদ্ধি এবং সূক্ষ্ম ধ্যানাবধারণের নিমিত্ত যে স্কুল ধ্যানের প্রকাশ  
হইয়াছে, তাহা বলিতেছি ।

অরূপায়াঃ কালিকায়াঃ কালমাতুর্মহাহ্যতেঃ ।

গুণক্রিয়ানুসারেণ ক্রিয়তে রূপকল্পনা ॥

মহানির্বাণতন্ত্র ; ২ম উঃ ।

কালরূপিণী অরূপকালিকার গুণ-ক্রিয়ানুসারে যে রূপ কল্পিত  
হইয়াছে, তাহাই স্কুল ধ্যান ।

শ্বেদাঙ্গীং শশিশেখরাং ত্রিনয়নাং রক্তাশ্বরং বিভ্রতীং,

পাণিত্যামভয়ং বরঞ্চ বিকসদ্রক্তারবিন্দস্থিতাম্ ।

নৃত্যস্তংপুরতো নিপীয় মধুরং মাধ্বীকপোম্পংমদং

মহাকালং বীক্ষ্য বিকসিতানন-বরামাদ্যাং ভজে ।

কালিকাম্ ॥

\* পুস্তক বিধান ২৫ শ্লোক "পুরোহিত-দর্শন" নামক গ্রন্থে দেখ ।

“ঐহার বর্ণ মেঘতুল্য, ললাটে চন্দ্রলেখা আজল্যমান, ঐহার তিন চক্ষু, পরিধান রক্তবস্ত্র, দুই হস্তে বর ও অভয়, যিনি ফুলার-বিন্দে উপবিষ্ট, ঐহার সম্মুখে মাধ্বীকপুষ্পজাত সুমধুর মৃগ পান করিয়া মহাকাল নৃত্য করিতেছেন,—যিনি মহাকালের একপ অবস্থা দর্শনে হাস্ত করিতেছেন,—সেই আশ্চা কালীকে ভজনা করি।”

সাধক এই প্রকারে ধ্যান করিয়া আপনার মস্তকে পুষ্প প্রদান পূর্বক অতিশয় ভক্তির সহিত মানসোপচারে পূজা করিবে। মানসোপচারে পূজার প্রক্রম, শাস্ত্রে এইরূপ উক্ত হইয়াছে,—

হৃৎপদ্মমালনং দদ্যাৎ সহস্রারচ্যুতাসুতৈঃ ।  
 পাদ্যং চরণয়োর্মদ্যাং মনস্বৰ্ঘ্যং নিবেদয়েৎ ॥  
 তেনামৃতেনাচমনং স্তানীয়মপিকল্পয়েৎ ।  
 আকাশতন্ত্রং বসনং গন্ধস্ত গন্ধতন্ত্রকম্ ॥  
 চিত্রং প্রকল্পয়েৎ পুষ্পং ধূপং প্রাণান্ প্রকল্পয়েৎ ।  
 তেজস্তন্ত্রং দীপার্ঘ্যে নৈবেদ্যক স্থধাঘুধিম্ ॥  
 অনাহতধ্বনিং বট্টাং বাহুতন্ত্রক চামরম্ ।  
 নৃত্যমিল্লিয়কর্মাণি চাকল্যাং মনসস্তথা ।  
 পুষ্পং নানাবিধং দদ্যাৎসাক্ষনো ভাবসিদ্ধয়ে ।  
 অমায়মনহকারমরাগমসদস্তথা ।  
 অম্বোক্তক মগন্ধক অধ্বোকোতকে তথা ।  
 অমাৎসর্ঘ্যমলোভক দশ পুষ্পং প্রকীৰ্ত্তিতম্ ॥  
 অহিংসা পরমং পুষ্পং পুষ্পমিল্লিয়নিগ্রহম্ ।  
 দদ্যাৎকম্বাজানপুষ্পং গন্ধপুষ্পং ততঃ পরং ॥  
 ইতি গন্ধদশ-পুষ্পার্ঘ্যব্রুপৈঃ প্রপূজয়েৎ ।  
 স্থধাঘুধিৎ মাৎসর্ঘ্যমলং ভক্তিভং মীনপর্কতম্ ॥  
 সুভারাগিৎ স্তম্ভক সুভাক্তং গায়সৎ তথা ।

কুলাযতক তৎপুস্পঃ পীঠকালনবারি চ ।

কামক্রোধৌ বিব্রকৃতৌ বলিং দ্বা জগং চরেৎ ॥

মহানির্কাণ তন্ত্র, মে উঃ ।

মানসোপচারে পূজা করিবার প্রণালী এই যে, সাধক, দেবীকে আপনার হৃদয়পদ্ম আসনরূপে প্রদান করিবে, সহস্রারচ্যুত অমৃত-দ্বারা দেবীর পাদমূলে পাত্ত প্রদান করিবে। মন অর্ঘ্য-স্বরূপে নিবেদিত হইবে। পূর্বোক্ত সহস্রারচ্যুত অমৃত দ্বারাই আচমনীয় ও স্নানীয় জল পরিকল্পিত হইবে, আকাশতত্ত্ব বসন, এবং গন্ধতত্ত্ব গন্ধস্বরূপে প্রদত্ত হইবে। মনকে পুষ্প এবং প্রাণকে ধূপ কল্পনা করিবে। হৃদয়-মধ্যস্থ অনাহতধ্বনিকে ঘণ্টা এবং বায়ুতত্ত্বকে চামর কল্পনা করিয়া প্রদান করিবে। অনন্তর ইন্দ্রিয়ের কার্য সমুদয় এবং মনের চপলতাকে নৃত্যরূপে কল্পনা করিবে। আপনার ভাবশুদ্ধির নিমিত্ত নানাপ্রকার পুষ্প প্রদান করিবে; অমায়িকতা, নিরহঙ্কার, বোধশূন্যতা, দম্বশূন্যতা, ঘেবহীনতা, ক্লেভরহিততা, মৎসরহীনতা ও নির্লোভতা, মানসপূজার পক্ষে এই দশবিধ পুষ্পই প্রশস্ত। অনন্তর অহিংসা-স্বরূপ পরম পুষ্প, দয়াক্রম পুষ্প, ইন্দ্রিয় নিগ্রহ, ক্ষমা ও জ্ঞান এই পঞ্চ পুষ্প প্রদান করিবে। এইরূপে পঞ্চদশ প্রকার ভাব-পুষ্প দ্বারা পূজা করিয়া পরিশেষে মানসে সুখা-সমুদ্র, মাংসশৈল, ভর্জিত-মৎস্ত-পর্বত, মূত্রাশি, সুন্দর ঘৃতাক্ত পায়স, কুলাযত, কুলপুষ্প, পীঠকালন-বারি এই সকল ভাব দেবীকে প্রদান করিবে।

শিষ্য। আমার একটা কথা জিজ্ঞাস্য আছে।

গুরু। কি ?

শিষ্য। আপনি বলিলেন, সাধক দেবীকে ঐ সকল তত্ত্ব

কল্পনার প্রদান করিবে । কল্পনা করিলে কি দেবী তাহা প্রাপ্ত হইবেন ?

গুরু । দেবী কি, তাহা কি তুমি এখনও বুঝিতে পার নাই ?

শিষ্য । তাহা বুঝিয়াছি,—কিন্তু ঐ সকল দ্রব্য কল্পনার দান করিলে কি হইতে পারে ?

গুরু । কোন জ্ঞান লাভ করিতে হইলে মানুষ সামান্যীকরণের সাহায্য লইয়া থাকে ;—ইহার জ্ঞান আবার ঘটনাসমূহ পর্য্যবেক্ষণের আবশ্যক । আমরা প্রথমে ঘটনাবলী পর্য্যবেক্ষণ করি, পরে সেই গুলিকে সামান্যীকৃত এবং তাহা হইতে আমাদের সিদ্ধান্ত বা মতামত সমূহ উদ্ভাবন করি । বাহ্যজগতে এমন করা অতি সহজ, কিন্তু অন্তর্জগতে বড়ই কঠিন । এখন তোমার কথা হইতেছে যে, কল্পনার সমর্পণ করিলে কি ইহা থাকে,—তাহাতে ত দেবতা প্রাপ্ত হইবেন না ? কিন্তু দেবশক্তি যাহা, তাহা তোমাকে আগেই বলিয়াছি ।

এখন আরাধনার উদ্দেশ্য এই যে, মনোরক্তিগুলিকে অন্তর্মুখী করা, উহার বহিমুখী গতি নিবারণ করা ;—যাহাতে উহার নিজের স্বভাব জানিতে পারে, নিজেকে বিশ্লেষণ করিয়া দেখিতে পারে, তজ্জন্ম উহার সমুদায় শক্তিগুলিকে, কেন্দ্রীভূত করিয়া মনের উপরেই প্রয়োগ করা, ধ্যানের উদ্দেশ্য । ইহা করিতে হইলে কল্পনার আবশ্যক ।

কল্পনার কি হয়,—ইহাই তোমার জানিবার উদ্দেশ্য ?

শিষ্য । হাঁ ।

গুরু । কল্পনাটা আর কিছুই নহে—চিন্তা । চিন্তা করিবে, আমার হৃদয়পদ্ম দেবীর আসন হইয়াছে । এই চিন্তার দেবীও



হৃদয়পদ্মের স্নানিকর্ষ হইবেন । চিন্তা বাস্তবে পরিণত হয় । চিন্তায় মানুষ সব করিতে পারে, এ কথা বোধ হয় তুমি অস্বীকার করিবে না ।

শিষ্য । এক্ষণে আর একটি কথা ।

গুরু । কি ?

শিষ্য । ঈশ্বর সমস্ত জগতের মূল,—সর্বজীবের হৃদয়াধিষ্ঠিত, সর্ব কর্মের মূলতম । কালী প্রভৃতি দেবদেবীর সাধনে চিন্তা-শক্তির প্রয়োগে প্রয়োজন কি ?

গুরু । সে কথা আগেও বলিয়াছি । আর একবারও বলিতেছি । কালের শক্তি কালী । কালী সাধনা না করিলে হয় ত জীব শক্তিশালীই হইতে পারে না । কালী সাধনা না করিলে হয় ত ঈশ্বরোপাসনার অধিকারী হইতে পারে না ।

শিষ্য । বুঝিলাম না । ঈশ্বরোপাসনার পূর্বে কি সকলকেই কালী সাধনা করিতে হয় ?

গুরু । হাঁ, তা হয় বৈ কি ! কেহ বা প্রত্যক্ষভাবে, কেহ বা পরোক্ষভাবে কালী সাধনা করিয়া থাকে ।

শিষ্য । আমাকে উহা স্পষ্ট করিয়া বলুন ।

গুরু । উহা স্পষ্ট করিয়া বলিলেই, পঞ্চ-ম-কার সাধনেরও উদ্দেশ্য বুঝিতে পারিবে । যোগিগণের মতে মেরুদণ্ডের মধ্যে ইড়া, পিঙ্গলা নামক দুইটি স্নায়বীর-শক্তি-প্রবাহ ও মেরুদণ্ডস্থ মজ্জার মধ্যে সুষুম্না নামে একটি শূন্যনালী আছে । এই শূন্যনালীর নিম্নদেশে কুণ্ডলিনীর আধার-ভূত পদ্ম অবস্থিত । যোগীরা বলেন, উহা ত্রিকোণাকার । যোগীদিগের রূপক-ভাষায় ঐ স্থানে কুণ্ডলিনী শক্তি কুণ্ডলীকৃত হইয়া বিরাজমানা । যখন এই

কুণ্ডলিনী জাগরিতা হন, তখন তিনি এই শূক্ৰনাগীর মধ্যে বেগে উঠিবার চেষ্টা করেন, আর যতই তিনি এক এক সোপান উপরে উঠিতে থাকেন, ততই মন যেন স্তরে স্তরে বিকশিত হয় ; সেই সময়ে নানারূপ অলৌকিক দৃশ্য দেখা যায়, ও সেই যোগীর নানারূপ অদ্ভুত ক্ষমতা লাভ হয় । যখন সেই কুণ্ডলিনী মস্তকে উপনীত হন, তখন যোগী সম্পূর্ণরূপে শরীরও মন হইতে পৃথক্ হইয়া যান । এবং তাঁহার আত্মা আপন মুক্তভাবে উপলব্ধি করেন । কুণ্ডলিনী শক্তি জাগ্রতা হইলে, সুষুম্নামার্গ পরিষ্কার হয়, এবং মানুষ দেবতা হইতে পারে ।

নাধারণ লোকের ভিতরে সুষুম্না নিয়মদিকে বদ্ধ ; উহার দ্বারা কোন কার্য হইতে পারে না । যোগীরা যোগসাধনা দ্বারা কুণ্ডলিনী শক্তিকে জাগ্রত করিয়া থাকেন,—তান্ত্রিকগণ আরও সহজে কুণ্ডলিনীকে জাগাইবার জন্য পঞ্চ-ম-কার সাধনার প্রণালী আবিষ্কার করেন ।

নহানির্বাণতস্তে পঞ্চ-ম-কার সাধন-প্রণালীতে মত্তপানের নিয়ম লিখিত হইয়াছে । যথা,—পূজা, হোম ও ছপ-কার্যাদি সমাপনান্তে পঞ্চপাত্র স্থাপনানন্তর সুধা ( সুরা ) পান করিবে । তাহার বিধান এই,—

স্বং স্বং পাত্রং সমাগয় পরমামৃতপূরিতম্ ।  
 মূলাধারাদিজিহ্বাস্থাং চিঙ্গপাং কুলকুণ্ডলীম্ ॥  
 বিভাব্যতমুখাস্তোজে মূলনজ্জং সমুচ্চরন্ ।  
 পরম্পরাজ্ঞানাদায় জুহুয়াৎ কুণ্ডলীমুখে ॥  
 অতিপানং কুলত্ৰীণাং গন্ধম্বীকারলক্ষণম্ ।  
 সাধকানাং গৃহস্থানাং পঞ্চপাত্রং প্রকীৰ্ত্তিতম্ ॥  
 অতিপানং কুলীনানাং সিদ্ধিহানিঃ প্রজায়তে ॥

‘যাবন্ন চালয়েদ্ দৃষ্টিং যাবন্ন চালয়েন্ননঃ ।  
 তাবৎ পানং প্রকুর্ষ্বাত পশুপানমতঃপরং ।  
 পানে জাস্তির্ভবেদ্যনা ঘৃণা চ শক্তিসাধকে ।  
 স পাপিষ্ঠঃ কথং ত্রয়াদাদ্যাকালীং ভজাম্যহম ॥  
 যথা ব্রহ্মার্পিতেহন্নানৌ স্পৃষ্টদোষো ন বিদ্যতে ।  
 তথা তব প্রসাদেহপি জাতিভেদং বিবর্জয়েৎ ॥

মহানির্বাণ তন্ত্র, ৭ম উঃ ।

অনন্তর কুলসাধক হৃষ্টমনে পরমামৃতপূর্ণ স্ব স্ব পাত্র গ্রহণ করিয়া মূলাধার হইতে আরম্ভ করিয়া জিহ্বাগ্র পর্যন্ত কুলকুণ্ডলিনীর চিন্তা করতঃ মুখ-কমলে মূলমন্ত্র উচ্চারণ করিয়া আজ্ঞা গ্রহণান্তে কুণ্ডলীমুখে হোম করিবে অর্থাৎ ঐ সুরা ঢালিয়া দিবে । কুলঙ্গীগণ কেবল সুরার আঘ্রাণ মাত্র স্বীকার করিবে, পান করিবে না । পঞ্চপাত্রে পান কেবল গৃহস্থগণের জন্ম ব্যবস্থেয় হইয়াছে । যদি অতিরিক্ত মদ্যপান ঘটে, তাহা হইলে কুলধর্ম্মাবলম্বিগণের সিদ্ধির হানি হইয়া থাকে । যে কাল পর্য্যন্ত দৃষ্টি ঘূর্ণিত ও মন চঞ্চল না হয়, তাবৎ সুরাপানের নিয়ম, ইহার অধিক পান পশুপানের সদৃশ । সুরাপানে যাহার ভ্রাস্তি উপস্থিত হয়, এবং শক্তিসাধককে যে ঘৃণা করে, সেই পাপিষ্ঠ ব্যক্তি ‘আমি আচ্ছা কালীর উপাসক’ এ কথা কিরূপে মুখ দিয়া বলিবে ? যেরূপ ব্রহ্ম নিবেদিত অন্নাদিতে স্পর্শদোষ নাই, সেইরূপ তোমার ( কাণীর ) প্রসাদেও জাতিভেদ পরিত্যাগ করিবে ।

যাহা তোমাকে শুনাইলাম, তাহাতে তুমি বোধহয় বুঝিতে পারিয়াছ,—মদ খাইয়া মত্ততা এবং তজ্জনিত পাশব-আনন্দ অনুভব করা শাস্ত্রের উদ্দেশ্য নহে । কুণ্ডলী-শক্তি আমাদের দেহস্থ শক্তি সমূহের শক্তি-কেন্দ্র । সেই শক্তি-কেন্দ্রকে উদ্বোধিত

করিবার জগ্গেই তন্মুখে মগ্ন প্রদান করা । ইহার উদ্দেশ্য অতি শুভকর । তোমাদের পাশ্চাত্য মতে আজি কালি যে মেস্‌মেরিজম্ ও হিপনটিক বিচার প্রচলন হইয়াছে, তাঁহারাও স্বীকার করেন, কোন কোন ঔষধের দ্বারা এই অবস্থা আসিতে পারে, কিন্তু কেন পারে, কি প্রকারে পারে,—তাহা তাঁহারা অজ্ঞাত । তাই সে সকল তথ্য জানেন না । তান্ত্রিক সাধক তাহা জানিয়াছিলেন, তাই মহাশক্তির আরাধনার শক্তিকেন্দ্র জাগাইবার জগ্গ পঞ্চ-ম-কারের আয়োজন হইয়াছিল ।

### সপ্তম পরিচ্ছেদ ।

#### গুহ সাধনা ।

শিষ্য । আরাধনার উদ্দেশ্য ধর্ম লাভ ;—ধর্ম সুখের উপায় । কিন্তু ঈশ্বরোপাসনা বাতিরেকে কি সুখলাভ হইতে পারে ?

গুরু । সে প্রশ্ন কেন ?

শিষ্য । কালী দেবী কালের শক্তি—অন্যান্য দেবতাও সূক্ষ্ম-দৃষ্ট শক্তি, শক্তি-সাধনায় কি ধর্ম লাভ হয় ? কিন্তু স্মরণ রাখিবেন, আপনি বলিয়াছেন,—আরাধনার উদ্দেশ্য ধর্ম ; ধর্ম আবার সুখের উপায় ।

গুরু । শক্তি-সাধনাতেও আনন্দ বা সুখ আছে । ঞ্চারদর্শন কেবল শক্তিতত্ত্বের আরাধনা দ্বারা মুক্তি-পথে যাওয়া যায়, এইরূপ কথা স্পষ্টতঃ প্রকাশ করিয়াছেন, হরত তন্ত্র ও সেই মত অবলম্বন করিয়া শক্তি সাধনার পথ দেখাইয়া দিয়াছেন । ঞ্চারদর্শনের মতে

সংসার দুঃখময় । সুখ ও দুঃখানুরক্ত, অতএব গৌণরূপে সুখ ও দুঃখ বলিয়া পরিগণিত । অন্মিলেই দুঃখ । যদি দুঃখ নাশ করিতে হয়, তবে জন্ম নিবারণ করিতে হইবে । জন্মের হেতু প্রবৃত্তি,—প্রবৃত্তির নিবৃত্তিই জন্মনাশের হেতু । কেন না, জীব প্রকৃতির বশে কৰ্ম্ম করে; তাহারই ফলে তাহাকে জন্মগ্রহণ করিতে হয় । কিন্তু প্রবৃত্তির হেতু কি ? দোষ । আসক্তি, বিদ্বেষ অথবা প্রমাদ দোষ ভিন্ন কোন বিষয়ে জীবের প্রবৃত্তি হয় না । এই রাগ ঘেব ও মোহ মিথ্যা জ্ঞান হইতে উৎপন্ন । অতএব এই মিথ্যা জ্ঞানের উচ্ছেদ-সাধন করিতে না পারিলে, দুঃখ নিবৃত্তির উপায় হইবে না ।

দুঃখ-জন্ম-প্রবৃত্তি-দোষ-মিথ্যাজ্ঞানানাম্ ।

উত্তরোত্তরাহপায়ে তদনন্তরাপায়াৎ অপবর্গঃ ॥ \*

শ্রায় ; ১১২

তত্ত্বজ্ঞান দ্বারা মিথ্যা জ্ঞানের নাশ হয় । অতএব, তত্ত্বজ্ঞান লাভ করিতে পারিলে জীব নিঃশ্রেয়স বা অপবর্গ ( মুক্তি ) লাভ করে । শ্রায় দর্শনের উদ্দেশ্য—এই তত্ত্বজ্ঞান জীবকে প্রদান করা । কিসের তত্ত্বজ্ঞান ? শ্রায় দর্শনের উত্তর এই যে, প্রমাণ, প্রমেয়, সংশয়, প্রয়োজন, দৃষ্টান্ত, সিদ্ধান্ত, অবয়ব, তর্ক, নির্ণয়, বাদ, জল্প, বিতণ্ডা, হেতুভাস, ছল, জাতি ও নিগ্রহ-স্থান এই ষোড়শ পদার্থের তত্ত্বজ্ঞান । তন্মধ্যে প্রমেয়ের তত্ত্বজ্ঞান স্বতঃ এবং

\* বলা হু তত্ত্বজ্ঞানাৎ মিথ্যা জ্ঞানম্ অপবাতি, তদা মিথ্যাজ্ঞানাপায়ে দোষা অপবাতি দোষাপায়ে প্রবৃত্তিরপবাতি প্রবৃত্তাপায়ে জন্ম অপবাতি, জন্মাপায়ে দুঃখম্ অপবাতি । দুঃখাপায়ে চাত্যস্তিকোহপবর্গে নিঃশ্রেয়সমিতি । বাৎসায়ন-ভাষ্যে ।

প্রমাণাদির তত্ত্বজ্ঞান পরতঃ অপবর্গের হেতু । অপবর্গ অর্থে আত্যস্তিক দুঃখ নাশ । ( ১ম অধ্যায় ১মূঃ )

শ্রীর দর্শনের অভিমত এই ষোড়শ পদার্থের স্বরূপ কি ? (১) প্রমাণ = প্রমার সাধনের নাম প্রমাণ ( Means of Knowledge ) প্রমাণ চারিপ্রকার ;—প্রত্যক্ষ ( Perception ), অনুমান ( Inference ) উপমান ( Analogy ) ও শব্দ ( আশুত্বাক্য ) । (২) প্রমেয় —প্রমাণের বিষয় ( Objects of knowledge ) ; প্রমেয় দ্বাদশ প্রকার ;—আত্মা, শরীর, ইন্দ্রিয়, ( চক্ষু, কর্ণ, প্রভৃতি ) অর্থ ( ইন্দ্রিয়ের বিষয় ক্ষিতি, অপ, তেজঃ, বায়ু ও আকাশের সংযোগে যথাক্রমে শব্দ, স্পর্শ, রূপ, রস, ও গন্ধ ) বুদ্ধি, মন, প্রবৃত্তি Activity দোষ ( রাগ, ঘেঘ, মোহ ), প্রেত্যভাব ( পুনর্জন্ম ), ফল. ( কৰ্ম-ফলভোগ ) দুঃখ ও অপবর্গ । (৩) সংশয় ( Doubt ) । (৪) প্রয়োজন ( Purpose )—যে উদ্দেশে লোকের প্রবৃত্তি হয়, তাহার নাম প্রয়োজন । (৫) দৃষ্টান্ত ( Instance ) । (৬) সিদ্ধান্ত = বিষয়ের নিশ্চয় ; (৭) অবয়ব = শ্রীর একদেশ ( Premiss ) । (৮) তর্ক ( Reasoning ) । (৯) নির্ণয় = পর-পক্ষ-দূষণ ও স্ব-পক্ষ স্থাপন দ্বারা অর্থের নিশ্চয় ( Conclusion ) । (১০) বাদ ( Argumentation ) । (১১) জল্প ( Sophistry ) । (১২) বিতণ্ডা ( Wrangling ) । (১৩) হেত্বাভাস ( Fallacies ) । (১৪) ছল ( Quibble ) । (১৫) জাতি ( False analogy ) । (১৬) নিগ্রহ স্থান—যদ্বারা বিবাদীর বিপ্রতিপত্তি ( Mistake ) বা অপ্রতিপত্তি ( Ignurance ) প্রকাশ পায় ।

এই যে ষোড়শ পদার্থ বাহার তত্ত্বজ্ঞান হইলে দুঃখের অত্যন্ত নিবৃত্তি বা অপবর্গ লাভ হয়, তাহার মধ্যে ইন্দ্ৰিয়ের কোন প্রসঙ্গ বা



উল্লেখ পাওয়া যায় না । অথচ ইহাদের বিচারেই সমগ্র জ্ঞানদর্শন নিঃশেষিত হইয়াছে । জ্ঞানদর্শনকে মোটামুটি তিন ভাগে বিভক্ত করা যাইতে পারে । ১ম জ্ঞানাংশ ( Logic ) ২য় তর্কাংশ ( Dialectic ), এবং ৩য় দর্শনাংশ ( Metaphysic ) । জ্ঞানাংশে প্রমাণের বিচার সহ পঞ্চাবয়ব ন্যায়ের ( Syllogism ) গবেষণা পূর্ণ আলোচনা দৃষ্ট হয় । পরবর্তী কালে পণ্ডিত নৈয়ায়িকগণ প্রমাণের বিচারেই সমস্ত শক্তির প্রয়োগ করিয়াছেন, এবং ঈশ্বরকে ঐ Syllogism ভুক্ত করিবার প্রয়াস করিয়াছেন ।

ক্ষিত্যাদিকং সৰ্বভূকং কার্যত্বাৎ ঘটবৎ ।

জ্ঞায় ।

ঘটের যেমন সৃষ্টিকর্তা কৃষ্ণকার আছে, জগতেরও সেইরূপ সৃষ্টিকর্তা আছেন—ঈশ্বর । এরূপ জ্ঞানের তর্কে যদি কাহারও ঈশ্বরে বিশ্বাস হয়, তবে উত্তম ; কিন্তু অনেকে মনে করেন, ঈশ্বরকে তর্কের বিষয়ীভূত না করিলেই ভাল হয় । \*

ন্যায়-দর্শনের তর্কাংশ, জল, বিতণ্ডা, ছল প্রভৃতির বিচারে নিয়োজিত । ইহার সহিত প্রকৃত দর্শনের সম্বন্ধ বড় ঘনিষ্ঠ নহে । ন্যায়ের দর্শনাংশ আত্মা, দেহ, ইন্দ্রিয়, মন প্রভৃতির তত্ত্ব-লোচনার নিযুক্ত । প্রসঙ্গক্রমে ক্ষিতি, অপ, প্রভৃতি পঞ্চভূত, ও রূপ, রস প্রভৃতি গুণের বিচার এবং সংক্ষেপে পুরমাণুবাদের উল্লেখ আছে । আত্মা যে শরীর, ইন্দ্রিয়, মন ও বুদ্ধি হইতে

\* আপমাজ্জ দ্রষ্টা নোহা সৰ্বজ্ঞাতেশ্বরঃ ইতি । বুদ্ধীদিভিস্চান্নলিঙ্গৈঃ  
নিরূপাব্যম্, ঈশ্বরম্, প্রত্যক্ষানুমানাগমবিহীনাতীতং কঃ শক্ত উপপাদয়িতুম্ । -  
জ্ঞায় ৩।২১ শূন্যের বাৎসর্যন-তাব্য । অতএব দেখা যায়, ঈশ্বরকে তর্কের বিষয়  
করা বাৎসর্যনেহুত অপ্ররিত নহে ।

স্বভঙ্গ, ভোক্তা ও জ্ঞাতা এবং নিত্য, জ্ঞানদর্শন যুক্তিদ্বারা তাহা সপ্রমাণ করিয়াছেন ।

জ্ঞান-দর্শন ঈশ্বর অস্বীকার করেন না ; বরং চতুর্থ অধ্যায়ের প্রথম আঙ্কিকে অসং হইতে সতের উৎপত্তি নিরাস-প্রসঙ্গে ঈশ্বরের উল্লেখ করিয়াছেন, এবং তিনিই যে জীবের কর্মফল দাতা, তাহাও প্রতিপন্ন করিয়াছেন ।

ঈশ্বরঃ কারণং পুরুষকর্মফল-দর্শনাৎ । স্তায় ; ৪।১২ ।

ইহার ভাষ্যে বাৎস্তায়ন লিখিয়াছেন,—

পরাদীনং পুরুষ-কর্মফলারাধনম্ ইতি যদধীনম্ স ঈশ্বরঃ । তস্মাৎ ঈশ্বরঃ কারণম্ ইতি ।

অর্থাৎ—“মানুষের কর্মফলভোগ ইহার অধীন, তিনিই ঈশ্বর ।” ইহা ভিন্ন জ্ঞান-দর্শনের আর কোথাও ঈশ্বরের প্রসঙ্গ দৃষ্ট হয় না ।

অতএব দেখা গেল যে, জ্ঞান-দর্শনে ঈশ্বরের স্থান মুখ্য নহে, অতিশয় গৌণ । জ্ঞান-দর্শনকার দুঃখ নাশ বা অপবর্গ লাভের যে উপায় উদ্ভাবন করিয়াছেন, তাহার সহিত ঈশ্বরের কিছু মাত্র সম্পর্ক নাই । ঈশ্বর থাকুন বা না থাকুন, জীবের সহিত তাহার সম্বন্ধ স্থাপিত হউক বা না হউক, তাহাতে জ্ঞান-দর্শনের উদ্ভাবিত প্রণালীর কিছু আসিয়া যায় না । কারণ, জ্ঞান-দর্শনোক্ত বোড়শ শর্তার্থের ( ঈশ্বর যাহার অন্তর্ভূত নহেন ) প্রকৃষ্ট জ্ঞান অর্জন করিতে পারিলেই জীব অত্যন্ত দুঃখের অধিকার এড়াইয়া অপবর্গ লাভ করিবে ।

তদ্বৎ কতকটা এই জ্ঞানদর্শনের মতাবলম্বন করিয়াছেন, বলিয়া বোধ হয় । তবে পার্থক্য এই যে, জ্ঞান-দর্শনকার পৃথক্-পৃথক্ যে বোড়শতকের কথা বলিয়াছেন, তাত্ত্বিক সেই সকল তত্ত্ব-

শক্তির মূলা শক্তি মহাশক্তি কালীকে আরাধনা বা আৰ্ত্ত করিলে সকল দুঃখ দূর হইবে, বলিয়াছেন । তাঁহার মতে নাগরে আসিলে আর নদীতে নদীতে ভ্রমণ করিতে হইবে না । নতুবা ঈশ্বর সম্বন্ধে তাঁহার মতও প্রায় ঐ প্রকার । তান্ত্রিকের ঈশ্বর মহাশক্তির পদতলে,—

শব রূপ মহাদেব-হৃদয়োপরিসংস্থিতঃ ।

শবরূপে মহাদেব বা ঈশ্বর মহাকালীর পদতলে—আর কালী তাঁহার বক্ষের উপর আসীনা । ইহাতে বলা হইয়াছে, 'ঈশ্বর আছেন—তিনি মহাশক্তির নিম্নে আছেন, না থাকিলেও চলিত—তিনি আর ততটা কিই বা করিতেছেন ? করিতেছেন,—মহাকালী । অতএব, মহাকালীর আরাধনা করিয়া তাঁহাকে আরাধনার ভূষ্ট করিতে পারিলেই জীব ভব-দুঃখ নাশে সমর্থ হয় ।

শিষ্য । তবে কি ঈশ্বর উপাসনায় প্রয়োজন নাই ?

গুরু । এ প্রশ্ন আবার কেন ? পুনঃ পুনঃ তোমাকে এ সকল কথা বলিয়া আসিয়াছি । কথা এই যে, যেমন অধিকারী—তেমনি অবলম্বন । যাহার প্রকৃতি জ্বর হয় নাই, সে পরমপুরুষাভিমুখী হইবে কি প্রকারে ? এবং আর এক কথা আছে ।

শিষ্য । সে কথা কি ?

গুরু । সে কথাও তোমাকে ইহার পূর্বে কতবার বলিয়াছি ।

শিষ্য । আর একবার স্মরণ করাইয়া দিন ।

গুরু । যে বিভূতি লাভের অভিলাষী, তাঁহাকে প্রকৃতির, শরণাপন্ন হইতে হইবে বৈ কি ! অতএব, উপাসনা বা আরাধনার উহাই প্রকার ভেদ ।

## অষ্টম পরিচ্ছেদ ।

রাধা-কৃষ্ণ ।

শিষ্য । রাধা-কৃষ্ণ সম্বন্ধে কিছু শুনিতে ইচ্ছা করি ।

গুরু । রাধা-কৃষ্ণ সম্বন্ধে কি শুনিতে চাহ ?

শিষ্য । কি শুনিতে চাহি, তাহা ঠিক করিয়া বলিতে পারিব না । তবে তাঁহাদের সম্বন্ধে জ্ঞান লাভের প্রয়োজন আছে ।

গুরু । রাধা-কৃষ্ণ সম্বন্ধীয় প্রকৃষ্ট জ্ঞান লাভ করা, অতীব কঠিন ব্যাপার ! বুঝানও বড় দুষ্কর ।

শিষ্য । কেন ?

গুরু । রাধা-কৃষ্ণ তদ্বৃট্টা বুঝান ও বুঝা অতিশয় কঠিন । ভাব কৃষ্ণ, প্রাণ রাধা ;—একথা বলিলে তুমি কিছু বুঝিতে পার কি ?

শিষ্য । কিছু না ।

গুরু । তবে রাধা-কৃষ্ণ সম্বন্ধে কি বুঝিবে বল ?

শিষ্য । কেন ?

গুরু । ভাব কৃষ্ণ, প্রাণ রাধা ।

শিষ্য । ভাব কাহাকে বলে, প্রাণ কাহাকে বলে,—তাহা আমাকে বুঝাইয়া বলুন ।

গুরু । অসম্ভব—বর্তমান আরোজনে তাহা পারা যাইবে না । সে অতিশয় কঠিন ব্যাপার । জগতে যাহা যত কঠিন আছে, ঐ দুইটি তন্ময়ের মত মধুর এবং অতিশয় কঠিন, আর কিছুই নাই ।

আর ঐ ব্যাপার “দেবতা ও আরাধনা” বুঝাইবার ব্যাপারের মধ্যেও আনিবে না। অতএব, উহা তোমাকে স্বতন্ত্ররূপে, স্বতন্ত্র সময়ে বুঝাইব।

শিষ্য। মোটামুটি ঐ সম্বন্ধে একটা জ্ঞান লাভ করা শ্রেয়ঃ-জ্ঞান করিতেছিলাম; কেন না, রাধা-কৃষ্ণেরও আরাধনা বা পূজা আছে।

গুরু। মোটের উপর জানিয়া রাখ, উঁহারাও দেবতা।

শিষ্য। তাহাতে এক অন্তরায় আছে।

গুরু। কি?

শিষ্য। আমাদের দেশের একজন বিখ্যাত প্রতিভাশালী লেখক বুঝাইয়া গিয়াছেন, শ্রীকৃষ্ণ দেবতা, রাধা প্রক্ষিপ্তা।

গুরু। তা হইতে পারে। তিনি হয়ত শ্রীকৃষ্ণের যে ভাগ দেখিতে বা বুঝিতে পারিয়াছিলেন, সে ভাগে রাধার প্রয়োজন হয় নাই। তাই তিনি রাধার তত্ত্ব অল্পসন্ধান করেন নাই, বা করিতে পারেন নাই।

শিষ্য। বুঝিতে পারিলাম না।

গুরু। এখন বুঝিয়াও কাজ নাই।

শিষ্য। কেন?

গুরু। তাহা বুঝা অনেক সময়ের প্রয়োজন + আগে “দেবতা ও আরাধনা” বুঝিয়া লও,—তার পরে ঐ বিষয় বুঝাইব। এখন মোটের উপরে জ্ঞান, রাধা-কৃষ্ণ জীবের অবশ্য উপাস্ত দেবতা।

শিষ্য। আপনি যখন পুনঃ পুনঃ ঐ সম্বন্ধীয় আলোচনা করিতে এখন নিবৃত্ত করিতেছেন, তখন নিরস্ত হইলাম,—কিন্তু বড়ই সন্দেহ থাকিয়া গেল।

গুরু । রাধা-কৃষ্ণ সম্বন্ধীয় সন্দেহ জীব মাত্রেই থাকে ।

শিষ্য । সে কি কথা ? তবে কি নিঃসন্দেহ দেবতা বলিয়া কেহই রাধা-কৃষ্ণকে পূজা করে না ?

গুরু । হাঁ, জীব যতদিন সাধারণ থাকে, ততদিন রাধা-কৃষ্ণকে ভালরূপে বুঝিতে পারে না, যখন অনন্ত-সাধারণ হয়, তখন বুঝিতে পারে । তবে কৃষ্ণের অপর পীঠ কেহ কেহ বুঝে ।

শিষ্য । যাক্,—কৃষ্ণলীলা সম্বন্ধে কিছু শুনিতে চাই ।

গুরু । যাহাকে বুঝিলে না, তাহার লীলা বুঝিবে কি প্রকারে ?

শিষ্য । রাধা-কৃষ্ণ দেবতা, মোটের উপর এখন ইহাই বুঝিয়া লইলাম,—কিন্তু মানুষের যাহা করিতে নাই, দেবতার যাহা করিতে নাই, তাহা তাহাদের করণীয় হইয়াছে কেন ?

গুরু । সে কি ?

শিষ্য । বৃন্দাবন লীলা ।

গুরু । বৃন্দাবন লীলাই কৃষ্ণ অবতারের সার-তত্ত্ব ।

শিষ্য । আর রাধা ?

গুরু । রাধা সেই লীলার মহা প্রাণ ।

শিষ্য । না বুঝাইয়া দিলে জানিব কি প্রকারে ?

গুরু । দেবতা-তত্ত্ব ও আরাধনা-তত্ত্ব আগে বুঝিয়া লও, তারপর উহা বুঝাইব ।

শিষ্য । রাসের কথাটা শুনিয়াছি ।

গুরু । অধিকার ব্যতিরেকে বুঝাইলেও কেহ বুঝিতে পারে না । আমি অবগত আছি, অনেকে রাধা-কৃষ্ণ-তত্ত্বকে অনেকরূপে ব্যাখ্যা করিয়াছেন, তুমিও তাহা বোধ হয়, পাঠ করিয়াছ, কিন্তু



সমুদয় বাহিরের কথা, এস্থলে তোমাকে ঐরূপ একটা কথা উদ্ধৃত করিয়া শুনাইতেছি,—“আত্মার সহিত পরমাত্মার যে ঘনিষ্ঠ সম্বন্ধ, যে সম্বন্ধ যোগ দ্বারা ক্রমশঃই ঘনিষ্ঠতর হইয়া আত্মার সহিত পরমাত্মার একেবারে সন্মিলন ঘটিয়া আত্মার মুক্তি-সাধন হয়, সে ঘনিষ্ঠ সম্বন্ধ কেবল স্ত্রীপুরুষের সম্বন্ধ ব্যতীত আর কিছুই অনুরূপ হইতে পারে না। এজন্য যোগের সেই ঘনিষ্ঠ সম্বন্ধ, হিন্দু ঋষি রাধা-কৃষ্ণ লীলায় প্রকাশ করিয়াছেন। পুরাণ ( ব্রহ্ম-বৈবর্তাদি ) বলিয়াছেন, রাধিকা প্রকৃতির পরমতত্ত্ব, কৃষ্ণ পুরুষের রূপ ; তাহাদের আনন্দিই কৃষ্ণরাধার প্রেম। আত্মা যখন সংসারের কুটিলতা ও মায়ী হইতে পরিব্রাজিত হয়েন, তখন তাহার ব্রজভাব ঘটে। সেই ব্রজভাবে প্রকৃতি ব্রজেশ্বরী। ব্রজেশ্বরীর মিলন আনন্দধাম বৃন্দাবনে। যত দিন না জীবের সংসার-বীজ সমুদয় নষ্ট হয়, তত দিন তাহার মুক্তি নাই। এই সংসার-বীজ ও সাংসারিকতা নির্কারণ করিবার জন্য কৃষ্ণ-বিরহা। প্রকৃতি-পুরুষের ঘনিষ্ঠতাই জগৎ-সংসার। জগতেই পুরুষ-প্রকৃতি ঘোর আনন্দি ; তাহাদের বিচ্ছেদই মুক্তির সোপান। রাধার শত বৎসর বিচ্ছেদে—জীবা-ত্মার শতবৎসরের অনাসক্তিতে মুক্তি লাভ। শত বৎসরের পর রাধিকার সহিত কৃষ্ণের মিলন। মিলনে জীবা-ত্মার মোক্ষ-পদ। যোগের এই সমস্ত নিগূঢ় তত্ত্ব এক একটি করিয়া হিন্দু, অবয়বী কল্পনায় মূর্ত্তিমান করিয়া দেখাইয়াছেন। যোগে জীবা-ত্মা পরমা-ত্মা-তত্ত্বের সহিত যত ভাবে রমণ করেন, তাহার অন্তর্ভব ও মিলনের যত প্রকার স্তর আছে, তৎ সমুদয় কৃষ্ণ লীলায় প্রকটিত। কৃষ্ণ যখন মথুরায়,—তখন তিনি প্রকৃতিতে অনাসন্দি হইয়া—বিকৃ-শক্তিতে পৃথিবীর উদ্ধার সাধন করি-

তেছেন,—মহাযোগী জগতের হিতব্রতে ব্রতী । দ্বারকালীলাও  
সেই ব্রত । কৃষ্ণীগীর উদ্বাহে ভক্তের উদ্ধার সাধন । যোগী ভিন্ন  
কে এ ভাব বুঝিবে ? এ ভাব পিতা-পুত্রের, বা প্রভু-ভূত্যের  
বা রাজা-প্রজার দূর সম্পর্ক নহে । প্রজাপালনরূপ গোপালনে  
( গো অর্থে প্রজা ) কৃষ্ণ, সংসার-ধামরূপ গোষ্ঠে ক্রীড়া করেন ।  
আনন্দধাম নন্দালয়ে পিতা পুত্রের সম্বন্ধে কৃষ্ণ দেখা দিয়াছেন ।  
কিন্তু অপরাপর ধর্মে যেরূপ পিতা-পুত্রের সম্বন্ধ, এ সেরূপ সম্বন্ধ নহে ।  
পিতা-মাতার প্রতি সন্তানের অনুরাগ এত প্রগাঢ় নহে, যত সন্তা-  
নের প্রতি পিতা-মাতার অনুরাগ-বাৎসল্য বোধ হয়, ভক্তি  
অপেক্ষা প্রগাঢ়তর । হিন্দুর ঈশ্বরানুরাগ, বাৎসল্য অপেক্ষাও বোধ  
হয় অধিক । যশোদা ও নন্দের বাৎসল্য একদা হিন্দুর দেবানু-  
রাগের সহিত তুলনীয় হইতে পারে । সেইরূপ অনুরাগে হিন্দুরা  
দেবার্চনা করিয়া থাকেন । হিন্দুরা দেবতাকে ক্ষীর ননী খাওয়ান,  
হৃদয়ের উৎকৃষ্ট উপহার ( ভক্তি ) পুষ্পচন্দনে চর্চিত করিয়া বিত-  
রণ করেন । এ ভাবকে শ্রদ্ধা বলিলে যেন কিছু দূর দূর বুঝায় ।  
তবে বল বাৎসল্য ; শুধু বাৎসল্য নহে,—যশোদা ও নন্দের স্নেহা-  
নুরাগ—যে স্নেহ শত বর্জুতে কৃষ্ণকে বাঁধিতে চাহে । কিন্তু সে  
স্নেহ অপেক্ষা বুঝি আরও উৎকৃষ্ট জিনিষ আছে, যদি আর কিছু  
উৎকৃষ্ট জিনিষ থাকে, সে দ্রব্য রাধিকার কৃষ্ণানুরাগ । হিন্দুর  
দেবানুরাগ ক্রমশঃ ক্ষুণ্ণিত হইয়া বাৎসল্য ভাব অপেক্ষাও  
প্রগাঢ়তর হইয়াছে ; প্রগাঢ়তর হইয়া রাধার প্রেমে উপনীত  
হইয়াছে । কৃষ্ণ আরও ঘনিষ্ঠতর হইয়া আসিয়াছেন । আসিয়া  
পতি-পত্নীর সম্বন্ধে মিলিত । কিন্তু ঠিক পতিপত্নীর সম্বন্ধেও  
একটু যেন দূর-ভাব আছে । পত্নী, পতিকে খুব নিকটে দেখেন

ঘটে, অথচ যেন একটু উচ্চ উচ্চ প্রভু ভাবে দেখেন । কেবল যে ললনা লুকাইয়া পতি অনুরাগিণী হন, তাঁহার প্রেমে সে প্রভুতার দূরভাব নাই । কৃষ্ণিণীর প্রেম সেইরূপ প্রেম, আরাধার প্রেম সেইরূপ প্রেম । সেই গোপনীয় প্রেমে রাধা, কৃষ্ণকে ভাল বাসিতেন । তাঁহার সহিত কৃণিক মিলনের জন্ত লালায়িত হইতেন । মিলন হইলে আনন্দ-সাগরে ভাসিতেন । যেমন বিষয়ী অর্থের জন্ত লালায়িত ; যেমন যোগী ঈশ্বরের জন্ত লালায়িত ; সেইরূপ লালায়িত রাধিকা । কৃণিক মিলনে যেমন যোগীর আনন্দ, রাধিকার আনন্দ ততোধিক । রাধিকা এইরূপ অনুরাগে কৃষ্ণপ্রেমে উন্মত্ত ছিলেন । এ যোগ, পতি-পত্নীর যোগ অপেক্ষাও গাঢ়তর । এ প্রেম, স্ত্রীপুরুষের গোপনীয় ঘনিষ্ঠ অনুরাগ । এ অনুরাগ হিন্দু যোগীর ঈশ্বরানুরাগ । সেই অনুরাগের ক্রমক্ষুতি যোগতত্ত্ব অনুভবনীয় । সেই ক্রম-ক্ষুতির বাহ্য বিকাশই কৃষ্ণলীলা । হিন্দু এই জন্ত রাধিকা ও কৃষ্ণলীলার উন্মত্ত হন—নন্দবিদায় ও রাধার প্রেম দেখিয়া (?) অশ্রু বিসর্জন করেন,—দেবদোল ও রাসে মাতিয়া যান ।”\*

এই যে কথা উদ্ধৃত করিয়া তোমাকে শুনাইলাম, ইহা অত্যন্ত মোটা কথা । রাধা-কৃষ্ণ-তত্ত্ব এমন স্থূলকথা যে, বুঝা ও যাঁহা, না বুঝা ও তাঁহাই । তবে দেবতাতত্ত্ব বুঝিবার সময় এইরূপ ভাবে বুঝিয়া রাখা নিতান্ত মন্দ নহে ।

\* বাবু পূর্ণচন্দ্র বসু প্রণীত “দেব-সুন্দরী ।”



## নবম অধ্যায় ।



### প্রথম পরিচ্ছেদ ।



#### গতলীলা দর্শন ।

গুরু । দেবতাতত্ত্ব সম্বন্ধে এযাবৎ তোমাকে যাহা বলিলাম, তুমি তদ্বারা বোধ হয়, অনেকটা এরূপ মতে উপস্থিত হইতে পারিয়াছ যে, হিন্দুর দেবতা কেবল সাধারণ মনঃকল্পিত পুঁতুল নহে,—উহা বৈজ্ঞানিকের সূক্ষ্ম শক্তিভূত । ঐ তত্ত্বালোচনা বা দেবতার আরাধনা হইতে মানুষ নিজ প্রাণে শক্তি সঞ্চয় করিয়া ভক্তি-পথের পথিক হইতে পারে, এবং দেব-চরিত্রাদির আলোচনা বশতঃ মানুষ, দেবতাদিগের গতলীলা আদি দর্শন করিতে সক্ষম হয় ।

শিষ্য । হ্যাঁ, আমি বঝিতে পারিয়াছি, “দেবতা ও আরাধনা” হিন্দুর খেলা নহে, বা ভ্রম বিজুস্তিত জল্পনা-কল্পনা নহে । কিন্তু এই মাত্র একট কথ্য, যাহা আপনি বলিলেন, তাহা ভাল রূপে হৃদবোধ করিতে পারিলাম না ।

গুরু । কি ?

শিষ্য । ' আপনি বলিলেন, ঐ তত্ত্বালোচনা বা দেবতার আরাধনা হইতে মানুষ নিজ প্রাণেশক্তি সঞ্চয় করিয়া ভক্তি-পথের পথিক হইতে পারে, এবং দেবচরিত্রাদির আলোচনা বশতঃ মানুষ, দেবতা-দিগের গতলীলা আদি দর্শন করিতে পারে ;—দেবতা দিগের গতলীলা আদি দর্শন করিতে পারে, এ কথার অর্থ কি ? লীলা-কথা এখন শাস্ত্রগ্রন্থে লিপিবদ্ধ, অথবা গুরু-পুরোহিত বা সাধু মহাস্তু অথবা শাস্ত্রজ্ঞ ব্যক্তির কণ্ঠে অবস্থিত,—এতদবস্থায় তাহা দর্শন করা যাইতে পারে, কি প্রকারে ?

গুরু । তাহা দর্শন করা যায় ।

শিষ্য । কি প্রকারে ?

গুরু । যাহা একবার হইয়াছে, তাহা কখনও লুপ্ত হয় না ;—তাহার সংস্কার বা দাগ্ জগৎ আপন বন্ধে যুগ-যুগান্তর ধারণ করিয়া রাখে । তবে যে কার্য যত শক্তিশালী, তাহার দাগ্ বা সংস্কার তত প্রস্ফুট অবস্থায় থাকিয়া যায় । আরাধনার বলে, সেই সংস্কারকে জাগাইয়া দিলে, আবার সেই সকল কার্য লোকের চক্ষুর সম্মুখীন হইয়া থাকে ।

শিষ্য । তথাপি কথাটা আমি ভালরূপ বুঝিতে পারিলাম না ।

গুরু । চিত্তকে একমুখী করিতে পারিলে, হৃদয়ে যে কম্পন উৎপাদিত হয়, সেই কম্পন ভাবের রাজ্যে গিয়া উপস্থিত হয়,—ভাব প্রস্ফুট হইয়া তাহার ক্রিয়াকে মূর্ত্তিমতী করিয়া চক্ষুর সম্মুখে প্রতিভাত করে । সেই জন্মই দেবতার ধ্যান ও মানস পূজা করার প্রথা প্রচলিত আছে ।

সেই জন্মই দেব-দেবীর লীলাকথা অমৃতবোধে হিন্দুগণ পাঠ ও শ্রবণ করিয়া থাকে । ইহা শ্রবণ করিতে করিতে মানবের

চিত্তে তাহার সৌন্দর্যগ্রাহিতার ফল অনুযায়ী দেবমূর্তির রূপ নিবদ্ধ হইয়া যায়, তার পরে সে সেই দেবতার লীলাকাহিনী অতি তন্ময় ভাবে শ্রবণ করে। শ্রবণ করিতে করিতে শেষে সে স্বপ্নে সেই সকল বিষয় দেখিতে থাকে। তার পরে, জাগ্রত অবস্থাতেও সে লীলা তাহার চক্ষুর সম্মুখে প্রতিভাত হইতে থাকে।

এই জন্মই বোধ হয় পৌরাণিক দেব-দেবীর উপাসকদিগের মধ্যে আগে দলাদলি ছিল। যে শৈব, সে বিষ্ণু বা গাণপত্যের ইষ্ট-দেবতার লীলার কাহিনী গুনিত না, যে বৈষ্ণব, সে কালী দুর্গা শিব প্রভৃতির লীলা কথা গুনিলে কর্ণে অঙ্গুলি প্রদান করিত। আমার বোধ হয়, একাগ্রতালাভ করাই এইরূপ করিবার উদ্দেশ্য ছিল। বহু মানবের প্রণয়াকাজী যেমন সর্বত্রই ব্যর্থ প্রণয়ের জ্বালা অনুভব করিয়া থাকে, তদ্রূপ বহু দেবতার লীলাকাহিনী গুনিয়া বেড়াইলেও বোধ হয় তদ্রূপ ফল হইবার সম্ভব। কিন্তু ইহা অতি ক্ষুদ্র অধিকারীর কথা। যে ব্যক্তি, মানুষের রূপ দেখিয়া অজ্ঞান হইবে, আত্মহারা হইয়া পাপ-পথে পড়িবে, বাহ্যিককে ভুলিয়া যাইবে, বলিয়া গৃহের অর্গল আবদ্ধ করিয়া বসিয়া থাকে, সে যে অতি দুর্বলচিত্ত তাহাতে সন্দেহ নাই। তবে একথা বলা যাইতে পারে, যে, হৃদয় যদি এমন দুর্বল হয়, তবে কিছু দিনের জন্ম সে পথ অবলম্বন করা নিতান্ত অযুক্তি নাও হইতে পারে।

কৈলাস, বৈকুণ্ঠ, সত্বেলোক, ইন্দ্রলোক, ব্রহ্মধাম যেখানকার যে লীলাই, যেখানকার যে কথাই বল, তৎপ্রতি মনের একাগ্রতা সম্পাদন করিতে পারিলেই, তাহা দর্শন করা যায়। তুমি যদি একদলা কাদার উপরে মনঃসংযোগ করিতে শিক্ষা কর, তবে শীঘ্রই ঐ লীলা দর্শন করিবার ক্ষমতা লাভ করিতে পারিবে।



শিষ্য। কি প্রকারে পারিব, তাহা আমাকে বলুন ।

গুরু। প্রথমে একদলা কাদা সম্মুখে রাখিয়া তৎপ্রতি চিত্তকে স্থির করিয়া রাখিবে । প্রথমেই কিছু আর অধিক সময় তাহা করিতে পারিবে না । দুমিনিট, চারিমিনিট করিয়া, আরম্ভ করিয়া ক্রমে সময়ের দীর্ঘতা অবলম্বন করিবে । কিন্তু ঐ কাদাদলা তোমার চিত্তানুযায়ী দর্শনীয় স্থান ভাবিবে । ক্রমে দেখিবে, তোমার চিত্তের একাগ্রতার দীর্ঘ সময়ের সঙ্গে সঙ্গে সেই স্থানের সর্ব শোভায় শোভাবিত ও মহিমাবিত হইয়াছে ।

## দ্বিতীয় পরিচ্ছেদ ।

যুগলরূপ দর্শন ।

শিষ্য। কোন কোন সাধু-মহাস্তের নিকটে গুনিতে পাওয়া যায়, তাঁহারা নাকি স্বকীয় ইষ্ট-দেবতাকে দর্শন করিতে সক্ষম হইয়েন ; ইহা কি সত্য ?

গুরু। তোমার কি বিশ্বাস হয় ?

শিষ্য। দেবতা যখন সূক্ষ্ম-অদ্ভুত-শক্তি, তখন তাহা দেখিবে কি প্রকারে ?

গুরু। মানুষ কি ? মানুষও ত সূক্ষ্ম আত্মা ;—যখন সূক্ষ্মে অধ্যাসিত হয়, তখনই তাহাকে দেখা যায় । আশুণ কি,—তাহাও ত সূক্ষ্ম শক্তি, যখন সূক্ষ্মে অধ্যাসিত হয়, তখনই তাহা দেখিতে পাওয়া যায় । সেইরূপ দেবশক্তিও যখন আমাদের ভৌতিকতর্ষে সমাগত হন, তখনই সাধক তাঁহাদিগকে দেখিতে পায় ।

শিষ্য । কেমন করিয়া দেখিতে পায় ?

গুরু । সাধনার বলে ।

শিষ্য । সে সাধনা কি প্রকার ?

গুরু । সে সাধনার কথা বলিবার আগে, তোমাকে আর একটি কথা বলিতে চাই ।

শিষ্য । কি ?

গুরু । অশ্রান্ত দেবতার দর্শন পাইতে যেরূপ সাধনার প্রয়োজন, তাহাহইতে অনেক কমচেষ্ঠাতেই রাধা-কৃষ্ণের যুগলরূপের দর্শনলাভ ঘটিয়া থাকে । আবার কালীসাধনার আরও অল্প সময়ের মধ্যে সাকল্যালাভ ঘটিয়া থাকে ।

শিষ্য । তাহার কারণ ?

গুরু । রাধা-কৃষ্ণ আমাদের অতি নিকটে অবস্থিত, আবার কালীদেবীও সর্বদা জড়িত ।

শিষ্য । রাধা-কৃষ্ণের যুগলরূপ কি প্রকারে দর্শনক রিতে পারা যায়, তাহা আমাকে বলুন ।

গুরু । ভাব কৃষ্ণ ও প্রাণ রাধা ;—ইহারা সর্বদাই সমস্ত জগৎ জুড়িয়া, সমস্ত জীবন ব্যাপিয়া অবস্থিত । সাধন-প্রণালী অন্য কিছুই নহে, সেই চিন্তের একাগ্রতা । চিন্তের একাগ্রতা লাভ করিতে পারিলে, ভাবও প্রাণ যুগলরূপে হৃদয়ে উদ্ভিত হইবে ।

শিষ্য । কি প্রকারে কি করিতে হয়, তাহা আমাকে বলুন ।

গুরু । শাস্ত্র বলেন,—

যথাহর্করশ্মিসংযোগাদর্ককান্তো হতাশনম্ ।

আবিঃ ক্রোতি তুলেষু দৃষ্টান্তঃ স তু যোগিনঃ ॥

সূর্য্যরশ্মিসংযোগে সূর্য্যকাস্তমণি বহু আবিষ্কার করে, ইহা দেখিয়া যোগিগণ সার্বজন্য শিক্ষা করিয়াছেন ।

প্রাগুক্তশিক্ষাদ্বারা সমস্তসাধনায় সিদ্ধি লাভ করাযাইতে পারে ।

শিষ্য । আমি ত উহার কিছুই বুঝিতে পারিলাম না ।

গুরু । ঘুড়ীর লকে বিদ্যুতের আবেশ দেখিয়া পাশ্চাত্যগণ তাড়িত-বিজ্ঞানের ( Telegraph এর ) আবিষ্কার করেন, রন্ধন-স্থানীর মুখের শরাব বাষ্পবলে উৎপত্তিত হইতে দেখিয়া, ষ্টীমওয়া-র্কের সৃষ্টি করেন, পক্ষফলের পতনদর্শনে পার্থিব আকর্ষণ ( Gravitation ) অবগত হইয়াছেন,—কিন্তু আতন্ পাথরের দ্বারা সূর্য্য-কিরণ কেন্দ্রীকৃত বা পুঞ্জীকৃত করিয়া তদ্বারা তৃণপুঞ্জ দগ্ধ করিতে দেখিয়া, ইতস্ততোবিক্সিপ্ত বা সহস্রমুখী চিত্তবৃত্তিকে এককেন্দ্রক করিয়া, তদ্বারা সূক্ষ্মবিজ্ঞান, ব্যবহিত-বিজ্ঞান ও অতীতানুগত বিজ্ঞান আবিষ্কার করিয়া আর্ধ্যগণ আরও প্রকৃষ্ট-ক্ষমতার পরিচয় প্রদান করিয়াছেন । বিস্কৃত, তরল বা বিরলাবয়ব সূর্য্য-কিরণ,—দাহকে আমরা প্রভা বা আলোক বলি—সে কাহাকেও দগ্ধ করে না । প্রত্যুত তাহাতে উত্তাপ নাই বলিয়াই প্রতীতি হয় । কিন্তু কৌশলক্রমে বা উপায়ের বলে, সেই তরলায়িত আলোক-রশ্মিকে যদি কেন্দ্রীকৃত করা যায়, ঘন বা পুঞ্জীকৃত করা যায়, তাহাহইলে দেখিবে যে, সেই সূর্যালোক-সমূহের পুঞ্জন স্থানে অর্থাৎ কেন্দ্রভবনে প্রলয়াগ্নির ন্যায় দাহিকা শক্তি আবির্ভূত হইয়াছে । আতন্ পাথরের নীচে তুলা অথবা শুষ্কতৃণ রাখিলে ঐ তুলা বা তৃণে আগুণ ধরিয়া যায়,—সময় সময় আগুণ ধরিতে বিলম্ব হয়, তাহা বোধ হয় তুমি জান । কেন হয়, তাহাও বোধ হয়, জান । উহার ফোকাস ( Focus ) ঠিক হয় না বলিয়া আগুণ

ধরে না। ঐরূপ হইলে পাথরখানিকে অল্পে অল্পে হয় উপরে আর নাহয় নিম্নের দিকে লইবে; তার পরে যেস্থলে আসিলে ঐ পাথরের ফোকাস ঠিক হইবে, তখনই নিম্নের তুলা বা তৃণ ধরিয়া যাইবে। পাথরের কোন্ শক্তিতে বা সূর্য্যাকিরণের কোন্ ক্ষমতায় সহসা আগুণ ধরে না, তাহা তুমি নিশ্চয়ই জান। ইতস্ততোবিক্ষিপ্ত সহস্রমুখ বিরলাবয়ব সূর্য্যাকিরণ আতম-পাথরের শক্তিতে এক-কেন্দ্রক হওয়ার তাহার কেন্দ্রস্থানটি অগ্নিরূপে পরিণত হয়, সূত্রাং কেন্দ্র-স্থানস্থিত বাহ্য-বস্তুমাত্রেই দগ্ধ হইয়া যায়। এই যেমন দৃষ্টান্ত, তেমনি ইন্দ্রিয়-পথে বহির্গত, ভিন্ন ভিন্ন বিষয়ে বিক্ষিপ্ত ও বহুস্থানে ব্যাপ্ত চিত্তবৃত্তিকে যদি প্রযত্নের দ্বারা, পথ-রোধের দ্বারা, একত্রিত করা যায়, ক্রম-সঙ্কোচপ্রণালীতে পুঞ্জীকৃত বা কেন্দ্রীকৃত করা যায়; তাহা হইলে সেই পুঞ্জীকৃত বা কেন্দ্রীকৃত চিত্তবৃত্তির অগ্রস্থিত যে কোন বস্তু—সমস্তই তাহার বিষয় বা প্রকাশ্য হইবে।

রাধা-কৃষ্ণের যুগল-রূপ মানুষের চিত্তবৃত্তির বড় নিকটে অবস্থিত। কেন না, ভাব আর প্রাণ লইয়া মানুষের যথাসর্ব্বস্ব। প্রাণের কান্দাল মানুষ সর্ব্বদা,—তাই বুঝি রসিকের সাধনার সৃষ্টি। বাহা হউক, ভাব আর প্রাণের উপরে চিত্তবৃত্তির নিরোধ করিলেই রাধা-কৃষ্ণের যুগলরূপ হৃদয়ে উদিত হয়।

## তৃতীয় পরিচ্ছেদ ।



### শালগ্রাম ও শিবলিঙ্গ ।

শিষ্য । ধানান্ত্রযাগী মূর্তিমান্ বিগ্রহের কথা বলিলেন, এবং তাহা বুঝিয়াও কৃতার্থ হইলাম, কিন্তু আর একটি সন্দেহ মনে জাগরুক থাকিল ।

গুরু । সে সন্দেহ কি ?

শিষ্য । শালগ্রামশিলায় নারায়ণের পূজা করা হয় । এবং শিবলিঙ্গে শিবপূজা করা হয়, কিন্তু নারায়ণ ও শিবের যে ধ্যান, ঐ দুইটি জিনিষে সে মূর্তি নহে, তবে তাহা সম্মুখে রাখিয়া পূজা করা হয় কেন ?

গুরু । স্বর্ণ-রৌপ্য-রেখাদিসম্বিত শালগ্রাম-শিলা,-বাগলিঙ্গ বা অন্তপ্রকারের শিবলিঙ্গ, অষ্টধাতুনির্মিত দেবমূর্তি, ফটিক ও স্বর্ণ-রৌপ্য-নির্মিত ত্রিকোণ যন্ত্র, চতুষ্কোণ ও ষট্‌কোণ যন্ত্র প্রভৃতি সম্মুখে রাখিয়া যে দেবতার আরাধনা করা হয়, তাহার কারণ তোমাকে আমি পূর্বেই বলিয়াছি । উহা মনস্ক্রম্যের হেতু ভিন্ন আর কিছুই নহে । অধিকন্তু উহাতে ত্রাটকযোগ অভ্যাস হয় । ঐ সকলের সহিত ঐ সমুদয় দেবতার শক্তির একটা সম্বন্ধ-সামর্থ্য আছে । উহা অতি পরমপবিত্র ক্রিয়া । নারায়ণশিলায় যে শক্তি সন্নিবিষ্ট আছে, নিত্য নিত্য একদৃষ্টে উহার দিকে চাহিতে চাহিতে একাগ্রতা লাভ হয় । পরন্তু, ত্রাটক-যোগ অভ্যাসের সুবিধা ও সুযোগ হইয়া থাকে ।


শিষ্য । কথাটা আরও একটু পরিষ্কারভাবে বলিলে বুঝিবার সুবিধা হইত ।

গুরু । আমি তোমাকে এযাবৎকাল যাহা বলিয়া আসিয়াছি, তাহাতে বোধ হয়, তুমি বুঝিতেপারিয়াছ যে, চিত্তবৃত্তির একাগ্রতাসাধনকরাই জীবের উদ্দেশ্য । স্বর্ণ-রৌপ্য-রেখাদিসম্বিত শাল-গ্রাম শিলা, বাণলিঙ্গ শিব, অষ্টধাতু-নির্মিত দেবমূর্তি, ক্ষটিক-নির্মিত ও স্বর্ণরৌপ্য-নির্মিত ত্রিকোণ যজ্ঞ, চতুষ্কোণ ও ষট্‌কোণ যন্ত্র প্রভৃতি সম্মুখে রাখিয়া তৎপ্রতি-চিত্তের লক্ষ্য রাখিয়া দেবতার আরাধনা করিলে, সহজে এবং সম্বরেই চিত্ত-শক্তির একাগ্রতা লাভ হইয়া থাকে । আরও, যোগশাস্ত্রে যে “ত্রাটক” নামক যোগের উল্লেখ আছে, দৃকশক্তি বাড়াইবার জন্ত, সূক্ষ্ম ও ব্যবহিত বস্তু দেখিবার জন্ত, সিদ্ধগন্ধর্বাদি অমানবপ্রাণ সন্দর্শনের জন্ত, চাক্ষুব জ্যোতিকে স্বাধীন করিবার জন্য, নিদ্রাতন্ত্রাদি অশেষবিধ চাক্ষুষ-দোষ বিনাশের জন্য, ঐ বিঘার শিক্ষা ও সাধনা করিয়া থাকেন । শালগ্রামশিলাপ্রভৃতি সজ্জোতিঃ বস্তু একটি সম্মুখে রাখিবে । অনন্তর আসনে উপবেশনপূর্বক তন্মনা হইয়া নিনিমেষ-নেত্র কেবল তাহাই দেখিতে থাকিবে । যতক্ষণ চক্ষুে জল না আইসে, —ততক্ষণ দেখিবে । শরীর না নড়ে, পলক না পড়ে, মন বিচলিত না হয়,—এরূপ নিয়মে, চক্ষুে জল আসাপর্য্যন্ত সেই দৃশ্যের প্রতি চক্ষুকে বা দৃষ্টিকে আবদ্ধ করিয়া রাখিবে । চক্ষুে জল আসিলেই তাহা আর দেখিবে না । কিছুকাল এইরূপ করিলেই দৃক-শক্তি বাড়িয়া যাইবে । চক্ষুর সকল দোষ নষ্ট হইবে । নিদ্রা তন্ত্রাদি স্বাধীন হইবে এবং চক্ষুর বশ্মি-নির্গম-প্রণালী বিশুদ্ধ হইয়া আসিবে ।



তুমি বোধহয়, বুঝিতে পারিয়াছ যে, শালগ্রামশিলাদিতে কি জন্য নারায়ণের আরাধনা করা হইয়া থাকে । হিন্দুগণ যে সকল নিয়ম, প্রথা ও ব্যাপার নির্দেশ করিয়া গিয়াছেন, তাহার সমস্ত ব্যাপার ও কার্যে স্মৃষ্টি বৈজ্ঞানিকতত্ত্ব নিহিত আছে । যাহার আদরণে মানুষ বহির্ অস্তব্ধ ও 'আত্ম-প্রকৃতির জয় করিতে সক্ষম হয় ।

আরও এস্থলে আমাদের জানিয়া রাখা কর্তব্য যে, বহু যুগ-যুগান্তর ধরিয়া জ্ঞানের বিমূল আলোক ধরিয়া হিন্দু ঋষিগণ যে সকল নিয়মপ্রণালী ও সাধনবিধির আবিষ্কার করিয়া গিয়াছেন, তাহার কুত্রাপি ভুল ভ্রান্তি নাই । তবে আমরা অত্যন্ত বদ্ধজীব, সে সকল বিধি-ব্যবস্থার বিষয় সমুদয় ভাল করিয়া যদি নাই বুঝিতে পারি, তবে সে দোষ আমাদেরই বুদ্ধির, তাঁহাদের নহে । ফলকথা, তাঁহাদের কার্যের কোন ভুল নাই । বিশ্বাস-সহকারে, অধিকারি-পদে কার্য করিয়া যাওয়াই শ্রেয়ঃ ।



## দশম অধ্যায় ।

### প্রথম পরিচ্ছেদ ।

#### পশু পূজা ।

শিষ্য । বিদ্বিগণ আরও এক বিষয়ের জ্ঞান হিন্দুগণকে বিদ্রূপ করিয়া থাকে ।

গুরু । সে বিষয় কি ?

শিষ্য । হিন্দুগণ পশুপূজা করিয়া থাকে । গোরু হিন্দুর নিত্য-পূজ্য, নবান্নে কাকপূজা, দেবতার বাহনে প্রায় সমস্ত পশুপক্ষীর পূজা হয় । তৎপরে অন্যান্য পশুকেও হিন্দু পূজা করিয়া থাকে । ইহার কারণ কি ?

গুরু । তাহারও উদ্দেশ্য অতি মহান্ । পাশ্চাত্যগণ বহু যত্নে যে সকল গুরু-ক্রিয়া শিক্ষার প্রয়াস পাইতেছেন, হিন্দুঋষি-গণ ঐ নির্বোধের হাস্যকরকার্যে তাহাই শিক্ষালাভ করিতেন ।

শিষ্য । হিন্দুগণ ঐ সকল পশুপক্ষীর ধ্যান করিয়া, যথাবিধি অর্চনা করিয়া ফললাভ করিতেন ?

গুরু।—যে ফললাভ করিতেন, তাহা পূর্বে বলিয়াছি, অর্থাৎ পশুপূজা দ্বারা তাঁহারা পশুপক্ষীর ভাষা, পশু পক্ষীর ভাব অবগত হইতে পারিতেন।

শিষ্য। কেমন করিয়া পারিতেন ?

গুরু।—ধ্যান, ধারণা ও সমাধি দ্বারা চিত্ত-সংযম হয়, সে কথা তোমাকে পূর্বেই বলিয়াছি, এবং পূজায় যে ধ্যান, ধারণা ও সমাধিই সর্বস্ব, তাহা তোমাকে নূতন করিয়া বলাই বাহুল্য। এক্ষণে পূজা দ্বারাতে কি প্রকারে ঐ কার্য সমাধা হইতে পারে, তাহা বলিতেছি।

শব্দ, অর্থ ও প্রত্যয়ের পরস্পরে পরস্পরের আরোপজন্য একরূপ সঙ্করাবস্থা হইয়াছে, উহাদিগের প্রভেদগুলির উপর সংযম করিলে সমুদয়ভূতের শব্দজ্ঞান হইয়া থাকে। হিন্দুগণ পশুপূজা করিয়া এই শক্তি লাভ করিয়া থাকেন।

শিষ্য। কথাটা আরও একটু বিস্তৃত করিয়া বলুন।

গুরু। শব্দ বলিলে বাহ্য-বিষয়—যাহাতে মনে কোন বৃত্তি জাগরিত করিয়া দেয়, তাহাই বুদ্ধিতে হইবে। অর্থ বলিলে, যে শরীরাত্যস্তরীণ বৃত্তি-প্রবাহ ইন্দ্রিয়-দ্বার দিয়া বিষয় লইয়া গিয়া মস্তিষ্কে পংছাঁইয়া দেয়, তাহাকে বুদ্ধিতে হইবে। আর জ্ঞান বলিলে মনের যে প্রতিক্রিয়া, যাহা হইতে বিষয়ানুভূতি হয়, তাহাকেই বুদ্ধিতে হইবে। এই তিনটি মিশ্রিত হইয়াই আমাদের ইন্দ্রিয়গোচর বিষয় উৎপন্ন হয়। মনে কর, আমি একটি শব্দ শুনিলাম, প্রথমে বহির্দেশে এত কম্পন হইল, তৎপরে শ্রবণেন্দ্রিয়ের দ্বারা মনে একটি বোধ-প্রবাহ গেল, তৎপরে মন প্রতিঘাত করিল, আমি শব্দটিকে জানিতে পারিলাম। আমি ঐ যে শব্দটিকে

জানিলাম, উহা তিনটি পদার্থের মিশ্রণ,—প্রথম, কম্পন ; দ্বিতীয় অস্থিতপ্রবাহ ; এবং তৃতীয় প্রতিক্রিয়া । সাধারণতঃ এই তিনটি ব্যাপারের পৃথক্ করা যায় না, কিন্তু অভ্যাসের দ্বারা যোগী উহা-দিগকে পৃথক্ করিতে পারেন । যখন মানুষ এই কয়েকটিকে পৃথক্ করিবার শক্তি-লাভ করে, তখন সে যে কোন শব্দের উপর সংযম-প্রয়োগ করে । অর্থাৎ যে অর্থপ্রকাশের জন্য ঐ শব্দ উচ্চারিত, তাহা মনুষ্যকৃতই হউক, বা কোন-পশু-পক্ষিকৃতই হউক, তৎক্ষণাৎ বুঝিতে পারিবে ।

হিন্দুগণ এই মহদুদ্দেশ্যেই পশু-পূজা করিয়া থাকেন ।

## দ্বিতীয় পরিচ্ছেদ ।



### অগ্নি আরাধনা ।

শিষ্য । আমি শুনিয়াছি, অগ্নির আরাধনায় অগ্নি বশীভূত হয় । মানুষ অগ্নি-যজ্ঞ করিয়া অগ্নিকে বশীভূত করিয়া থাকে,—এবং প্রজ্বলিত অগ্নিরাশির উপর দিয়া সঙ্কন্দে গমন করে,—ইহা কি প্রকারে সাধিত হয়, তাহা আমাকে বলুন ? বিজ্ঞানে ইহার কোন তরুই বুঝিতে পারা যায় না ।

গুরু । অগ্নির আরাধনায় অগ্নি বশীভূত হয়, এবং সেই প্রজ্বলিত অগ্নির উপর দিয়া, মানুষ গতয়াত করিতে পারে, এ কাজ তোমরা যে বিশ্বাস কর, ইহাই বথেষ্ট ।

শিষ্য ! বিশ্বাস না করিয়া আর কি করিতেছি,—জাপানে ঐ রূপ অগ্নি-যজ্ঞের অনুষ্ঠান হয়, তাহা সংবাদ পত্র ও পুস্তক-

দিতে পাঠ করিয়াছি । তার পরে, গত কয়েক বৎসর কলিকাতার বিখ্যাত ঠাকুর বংশের মহারাজা স্মার যতীন্দ্রমোহনঠাকুর মহাশয়ের কানীশ্ব বাড়ীতে তাঁহার ও বহু ভদ্রলোক ও কয়েকজন ইংরেজের সম্মুখে অগ্নি আরাধনার এই অলৌকিক ক্রীড়া, প্রদর্শন করা হয় । প্রজ্জ্বলিত অগ্নিকুণ্ডের মধ্য দিয়া অনেকেই গমনাগমন করিয়াছিলেন, কিন্তু কাহারও গাত্রে একটু আঁচপর্য্যন্ত লাগে নাই । \* এরূপ গল্প অনেক স্থলে শ্রুত হওয়া গিয়াছে । তখন আর অবিশ্বাস করা যায় কি প্রকারে ? কিন্তু কোন্ শক্তিবলে, কি প্রকার সাধনার দ্বারা যে ইহা সংঘটন হয়, তাহা আমরা ভাবিয়া স্থির করিতে পারি না । অতএব অনুগ্রহ করিয়া তাহা আমাকে বলিয়া অনুগ্রহীত করুন ।

গুরু । অগ্নির আরাধনা-পদ্ধতি যজ্ঞাদিকাৰ্য্য লিখিতপুস্তকাদিতে প্রকাশ আছে । সাধারণভাবে হোমাদি করিলেও অগ্নি বশীভূত হইয়া থাকে । তবে কাৰ্য্য যেরূপভাবে হইবে, বশীভূত ও সেই প্রকারের হইবে । যজ্ঞাদির প্রয়োগ ও আত্ম-সম্বন্ধীয় ক্রিয়াদ্বারাতেই এরূপ ঘটয়া থাকে ।

শিষ্য । আমি আবার সেই কাৰ্য্যপ্রণালী শিক্ষা করিতে চাহিতেছি না,—এখনও সে উদ্দেশ্যও নহে । তবে কোন্ কাৰ্য্য দ্বারা অর্থাৎ কোন্ কাৰ্য্যের কোন্ শক্তি বলে যে, উহা ঘটতে পারে, তাহাই শুনিতে বাসনা করিতেছি ।

গুরু । আমি পূর্বেই তোমাকে বলিয়াছি, বাহিরের প্রকৃ-

\* স্মৃতিবর শ্রীযুক্ত পূর্ণচন্দ্র দে উদ্ভটসাগর কবিভূষণ বি এ, একদিন নিজে মহারাজের কানীশ্ব বাটিকাতে ঐ ঘটনা দেখিয়াছিলেন, এবং তিনি আশাদের সাক্ষাতে গল্প করিয়াছিলেন—লেখক ।

তিতে যাহা দেখিতে পাওয়া যায়, আমাদের শরীরাত্যন্তরেও তাহা আছে । আরাধনা, সেই, সূক্ষ্মশক্তির বিকাশমাত্র । আরাধনা দ্বারা সূক্ষ্মশক্তিকে স্ববশে আনিয়া সুলভকর্ষ্য করিয়া লওয়া । শাস্ত্র বলেন, এবং পরীক্ষাদ্বারাও অবগত হওয়া গিয়াছে,— উদান-নামক স্নায়ু-প্রবাহ জয়ের দ্বারা যোগী জলে মগ্ন হন না, তিনি কণ্টকের উপর ভ্রমণ করিতে পারেন, ও ইচ্ছামৃত্যু হন, এবং অগ্নির মধ্যে দণ্ডায়মান ও অগ্নির শক্তি-বিলোপে সমর্থ হইবেন । অর্থাৎ যে স্নায়বীয় শক্তি-প্রবাহ ফুস্ফুস ও শরীরের উপরিস্থ সমুদয় অংশকে নিয়মিত করে, যখন তাহাকে জয় করিতে পারেন, তখন তিনি অতিশয় লঘু হইয়া যান । তিনি আর জলে মগ্ন হন না । কণ্টকের উপর ও তরবারি-ফলকের উপর অনায়াসে ভ্রমণ করিতে পারেন, অগ্নির মধ্যে দণ্ডায়মান হইয়া থাকিতে পারেন ও অত্রান্ত নানাপ্রকার শক্তিনাভের সহিত তিনি অগ্নির দাহিকা-শক্তি স্বশক্তিতে সংযোজিত করিয়া রাখিতে পারেন । ইহা যে প্রকারে সাধিত হয়, তাহা যোগী যোগ-সাধনা দ্বারা সম্পন্ন করিতে পারেন । আর সাধক অগ্নির পূজা, অগ্নির বীজ-জপাদি দ্বারাও সম্পন্ন করিতে সক্ষম হইবেন ।

### তৃতীয় পরিচ্ছেদ ।

জলের আরাধনা ।

শিষ্য । জলের আরাধনা দ্বারা জল হয়, ইহাও কি সম্ভবপর ?

গুরু । হাঁ, তাহা হয় ।



শিষ্য । কি প্রকারে হয় ? আকাশে মেঘ হইবে, তাহাও কি ইচ্ছাশক্তির বলে হয়, এই কথা বলিবেন ?

গুরু । হাঁ, তাহা বলিব বৈ কি । কিন্তু ইচ্ছাশক্তির সহিত ধূম-জ্যোতিঃ প্রভৃতি পরিচালন করিলে আরও শীঘ্র সে কার্য সম্পন্ন হইয়া থাকে । তজ্জন্য হোমাদিকার্য্য অনুষ্ঠিত হইয়া থাকে । বীজমন্ত্রও সেই ইচ্ছাশক্তির সহায় হইয়া থাকে । তুমি জল হওয়ানর জন্ম ইচ্ছাশক্তি প্রয়োগের অভূত ঘটনার কতকগুলি পরীক্ষা করিয়া দেখিতে পার ?

শিষ্য । সে পরীক্ষা কি কি ?

গুরু । যখন জলাভাবে কৃষককুলের সর্বনাশ সাধনের উপক্রম হয়, দেশ জলিয়া পুড়িয়া থাকে হইতে বসে, তখন কৃষকেরা প্রবল ইচ্ছাশক্তির বলে বৃষ্টি করিয়া থাকে ।

শিষ্য । কৃষকেরা প্রবল ইচ্ছাশক্তির প্রেরণে মেঘের সৃষ্টি করিয়া বৃষ্টি করায় ? নিরক্ষর কৃষকেরা ইচ্ছাশক্তি প্রেরণের কি জানে ?

গুরু । তোমরা পণ্ডিত, তোমরা বৈজ্ঞানিক,— তোমরা ইচ্ছাশক্তির তথ্য অবগত আছ, তাহারা ইচ্ছাশক্তি বলিয়া কোন পদার্থ আছে; তাহা অবগত নহে,—কিন্তু ইচ্ছাশক্তি তোমাদেরও আছে, তাহাদেরও আছে । তোমরা না হয়; ইচ্ছাশক্তির পরিচালনা বলিয়াই পরিচালনা কর । আর তাহারা তাহা না জানিয়া অন্তভাবে পরিচালনা করিয়া থাকে ।

শিষ্য । তাহারা কি করে ?

গুরু । জল না হইলে, অর্থাৎ অনাবৃষ্টির বৎসরে তাহারা “শতেক হাল” যোড়ে । তাহার ব্যবস্থা এইরূপ যে, একশত এক-

খানি লাকল একখানি ভূমিতে গিয়া যুড়িয়া সেই ভূমি কর্বণ করিতে থাকে । কিন্তু যে ব্যক্তি সেই একশত একখানি লাকলের সর্ব-প্রথমের লাকলখানি ধরিবে, সে এক মাসের এক সন্তান হওয়া চাই,—তারপরে সকলে লাকল চষিতে থাকে । আমি তিন চারি স্থানে পরীক্ষা করিয়া দেখিয়াছি, প্রচণ্ডরোদ্রে লাকল যুড়িয়া ভিজিতে ভিজিতে কৃষকগণ লাকল লইয়া গৃহে ফিরিয়াছে ।

শিষ্য । লাকল চষিয়া কিরূপে ইচ্ছাশক্তির প্রেরণা করিয়া থাকে ?

গুরু । হাতে লাকল চষিতে থাকে, কিন্তু সেই একশত এক জন লোকের প্রাণের ইচ্ছা জল হউক,—সে ইচ্ছা একমুখী ও ঐকান্তিকী ।

শিষ্য । আর কি বলিতেছিলেন ?

গুরু । ঐরূপ অনাবৃষ্টি হইলে লক্ষ দুর্গানাম লিখিয়া মেঘ ও বৃষ্টি করিতে দেখিয়াছি । আমার বয়স তখন দশ কি এগার বৎসর,—একবার সকলের সঙ্গে যিথিয়া দুর্গানাম লিখিয়া জলে ভিজিতে ভিজিতে বাড়ী ফিরিয়া ছিলাম ।

শিষ্য ।—তাহার প্রক্রিয়া কি ?

গুরু ।—বালক বৃদ্ধ যুবক নির্বিশেষে এবং যে কোন জাতিই হউক, একত্রে কোন নদীর ধারে, বা ত্রিপাস্তুর মাঠে বসিয়া, বটপত্রে দুর্গানাম লিখিতে হয় । বলা বাহুল্য, তাহারও উদ্দেশ্য ইচ্ছাশক্তির প্রয়োগ ।



## একাদশ অধ্যায় ।

### প্রথম পরিচ্ছেদ ।

#### পুরস্চরণ ।

শিষ্য ।—পুরস্চরণ করিলে কি হয় ?

গুরু ।—পুরস্চরণ না করিলে মন চৈতন্য হয় না, মন চৈতন্য না হইলে সে মনপ্রয়োগে কোন ফলালাভ করা যাইতে পারে না। অতএব যে কোন মস্তে সিদ্ধিলাভ করিতে হইলে পুরস্চরণ করা কর্তব্য। চলিত ভাষায় পুরস্চরণক্রিয়াকে “মন জাগান” বলা যাইতে পারে।

শিষ্য ।—পুরস্চরণ করিলে কোন্ শক্তি মস্তে অধ্যাসিত হয় ?

গুরু ।—অস্বাভাবিক প্রশ্ন।

শিষ্য ।—কেন ?

গুরু ।—কোন্ শক্তি মস্তে অধ্যাসিত হয়, এ প্রশ্নের উদ্দেশ্য কি ?

শিষ্য ।—উদ্দেশ্য এই যে, কোন্ শক্তি আবিষ্কৃত হইয়া মন্ত্রকে বিশিষ্টরূপে কার্যক্ষম করিয়া তুলে ?

গুরু । যে মন্ত্রের যে শক্তি পুরস্চরণ করিলে, সেই মন্ত্রের সেই শক্তি বৃদ্ধি প্রাপ্ত হয় ।

শিষ্য । আমার প্রশ্নটা ঠিক হয় নাই । কোন্ শক্তির বলে মন্ত্রের ক্ষমতা বৃদ্ধি হয়, ইহাই প্রশ্নের উদ্দেশ্য ।

গুরু । বেহাগ-রাগিণী গাহিতে জান ?

শিষ্য । না ।

গুরু । খাঙ্খাজ ?

শিষ্য । জানি ।

গুরু । কি প্রকারে শিক্ষা করিয়াছিলে ?

শিষ্য । গলা সাধিয়া ।

গুরু । গলাসাধা কাহাকে বলে ?

শিষ্য । ঐ স্বর বাহির করিবার অভ্যাস করা ।

গুরু । অভ্যাস না করিলে কি হইত ?

শিষ্য । পারিতাম না ।

গুরু । কি প্রকারে অভ্যাস করিয়াছ ?

শিষ্য । স্বর-কম্পন যেরূপভাবে বাহির করিলে খাঙ্খাজ রাগিণী হয়, সেইরূপ করিয়া ।

গুরু । পুরস্চরণ ও তাহাই । মন্ত্র যে ভাবে উচ্চারণ করিলে স্বর-কম্পন হয়, তাহাই । আরও আছে ।

শিষ্য । কি ?

গুরু । রাগিণী অভ্যাস করিতে যেমন স্থান-বিশেষ দিয়া ঐ স্বর বাহির করিতে হয়, অর্থাৎ গলাসাধিতে হয়, মন্ত্র উচ্চারণ

করিতেও, তদ্রূপ নাড়ী সাধিতে হয়। পুরস্চরণ, সেই নাড়ী সাধা ।

শিষ্য । পুরস্চরণ ত কেবল মন্ত্রজপ । নাড়ী সাধার তাহাতে কি আছে ?

গুরু । গানের জন্ত গলাসাধাও ত কেবল চীৎকার করা । গলায় ঘাড়া করিতে হয়, তাহা সাধকই অবগত হয়, পুরস্চরণেও ঘাড়া নাড়ীতে করিতে হয়, তাহা সাধক জানেন ।

শিষ্য । নাড়ীতে কিছু হয় নাকি ?

গুরু । হয় না !

শিষ্য । আমি একবার পুরস্চরণ করিয়াছিলাম, কৈ নাড়ীতে ত কিছু করি নাই ।

গুরু । তবে পুরস্চরণও হয় নাই ।

শিষ্য । আমার গুরু উপস্থিত থাকিয়া পুরস্চরণ করাইয়া ছিলেন ।

গুরু । গুরু উপস্থিত থাকিলেই যে পুরস্চরণ সিদ্ধ হইবে, একথা কে বলিল ? তিনি যদি তাহা না জানেন ?

শিষ্য । শাস্ত্রে কি ঐরূপ কোন কথা আছে নাকি ? আমি ত আমার গুরুরূপদেশে মন্ত্রই জপ করিয়াছিলাম ।

গুরু । শাস্ত্রে নাই, তবে কি আমি রচাইয়া বলিতেছি । শাস্ত্রের কথা শোন,—

মূলমন্ত্রং প্রাগবুধ্য্য সুষুম্নামূলদেশকে ।

মন্ত্রার্থং তস্য চৈতন্যং জীবং ধ্যান্তা পুনঃ পুনঃ ॥

গৌতমীয়ে ।

গৌতমীর তন্ত্রে লিখিত হইছে যে,—মূলমন্ত্রকে সুষুম্নার মূলদেশে জীবরূপে চিন্তা করিয়া মন্ত্রার্থ ও মন্ত্র-চৈতন্য পরিজ্ঞানপূর্বক জপ করিবে ।

মনোহন্যত্র শিবোহন্যত্র শক্তিরন্যত্র যাকৃতঃ ।  
ন সিদ্ধ্যতি বরারোহে লক্ষকোটি-শতৈরপি ॥

কুলার্ণবে ।

কুলার্ণবে উক্ত হইয়াছে যে,—“বরারোহে ! জপকালে মন, পরম শিব, শক্তি এবং বায়ু পৃথক্ পৃথক্ স্থানে থাকিলে অর্থাৎ ইহাদিগের একত্রে সংযোগ না হইলে শতকোটিকল্পেও মন্ত্রসিদ্ধি হয় না ।

চৈতন্য-রহিতা মন্ত্রাঃ প্রোক্তবর্ণাস্তু কেবলাঃ ।  
ফলং নৈব প্রযচ্ছন্তি লক্ষকোটিশতৈরপি ॥

তন্ত্রসারে ।

চৈতন্যমন্ত্র সর্বসিদ্ধিপ্রদ, অচৈতন্য মন্ত্র কেবল বর্ণ মাত্র ।  
অচৈতন্য মন্ত্র লক্ষকোটিজপেও ফলপ্রদানে সমর্থ হয় না ।

হৃদয়ে গ্রহিভেদশ্চ সর্বাভয়বর্ধনম্ ।  
আনন্দাশ্রুণি পুলকো দেহাবেশঃ কুলেশ্বরী ।  
গদগদোক্তিঃ সহসা জায়তে নাত্র সংশয়ঃ ।  
সকুচুচরিতেপ্যেবং মন্ত্রে চৈতন্যসংযুক্তে ।  
দৃশ্বন্তে প্রত্যয়া যত্র পারম্পর্য্যং তদ্বচাত্তে ॥

তন্ত্রসারে ।

জপকালে হৃদয়-গ্রহিভেদ, সর্ব অবয়বে বদ্ধিসুতা, আনন্দাশ্রু, রোমাঞ্চ, দেহাবেশ, এবং গদগদভাষণ প্রভৃতি ভক্তিচিহ্ন প্রকাশ পায়, ইহাতে সংশয় নাই । মন্ত্র চৈতন্যসংযুক্ত করিয়া সেই মন্ত্র একবারমাত্র উচ্চারণ করিলেই পূর্বোক্তভাবের স্মৃতি হইয়া থাকে ।

শিষ্য মন্ত্র-চৈতন্য কাহাকে বলে ?

গুরু । মন্ত্র ও মন্ত্র-চৈতন্য কি, তাহা তোমাকে ইতি পূর্বে



বলিয়া দিয়াছি, \* বোধ হয় তাহা তোমার স্বরণ থাকিতে পারে।

শিষ্য। হাঁ, তাহা স্বরণ আছে। তবে মন্ত্র-চৈতন্য কি প্রকারে করিতে হয়, তাহাই বলুন।

গুরু। সে কথাও তখন পরিষ্কার রূপে বলিয়া দিয়াছি, বর্তমানে সংক্ষেপতঃ পুনরায় বলিতেছি,—তন্ত্রশাস্ত্রে উল্লেখ আছে,—

পশুভাবে স্থিতা মন্ত্রাঃ প্রোক্তা বর্ণাস্তু কেবলাঃ ।

সৌম্য-ধনু্যচ্ছরিতাঃ প্রভুত্বং প্রাপ্নুবন্তি তে ॥

মন্ত্রাঙ্করাণি চিৎশক্তৌ প্রোক্তানি পরিভাবয়েৎ ।

তামেব পরমব্যোমি পরমানন্দ-বৃংহিতে ॥

দর্শয়াত্যাম্ন-সঙ্ঘাৎ পূজাহোমাদিভির্কিনা ॥

গৌতমীয় তন্ত্রে ।

পশুভাবে স্থিত যে মন্ত্র, অর্থাৎ যাহা অচৈতন্য ; তাহা কেবল বর্ণমাত্র। অতএব, ঐ সকল মন্ত্র সুষমাধ্বনিতে উচ্চারিত করিয়া জপ করিলে প্রভুত্ব প্রাপ্তি হয়, অর্থাৎ মন্ত্রের কার্যকরী ক্ষমতা আয়ত্ত্ব হয়। মূলাধার-পদ্যের অন্তর্গত ব্রহ্মনাড়ী এবং ব্রহ্মনাড়ীর অন্তর্গত যে স্বয়ম্ভুলিঙ্গ আছে, সার্ক-ত্রিবলয়াকারা কুলকুণ্ডলিনী শক্তি এই স্বয়ম্ভু-লিঙ্গকে বেষ্টন করিয়া রহিয়াছেন। সাধক জপকালে মন্ত্রাঙ্করসমুদয় এই কুণ্ডলিনী-শক্তিতে গ্রথিত ভাবনা করিয়া এই কুণ্ডলিনী-শক্তিকে উত্থাপিত করতঃ সহস্রার-কমল-কর্ণিকার মধ্যবর্তী পরমানন্দময় পরম-শিবের সহিত ঐকাত্ম্য পাওয়াইবে। পূজাহোমাদি বিহনেও উক্ত প্রকার অগুষ্ঠানে মন্ত্রসিদ্ধি হইয়া থাকে।

ইহা করিবার প্রণালী ও বৈজ্ঞানিক তত্ত্ব আমি তোমাকে

\* সংগ্ৰহীত “দীক্ষা ও সাধনা” নামক পুস্তকে মন্ত্রচৈতন্য নামক প্রবন্ধ দেখ।

পূর্বে বলিয়াছি বলিয়া এস্থলে আর পুনরুল্লেখকরা নিম্প্রয়োজন জ্ঞান করিলাম । \*

শিষ্য । এইরূপে মন্ত্র-চৈতন্য করিয়া জপকরা যদি পুরশ্চরণের উদ্দেশ্য ও ক্রিয়া হয়, তবে ত আমরা যাহা করি, তাহা নিষ্ফল !

গুরু । যাহারা পুরশ্চরণ বা মন্ত্র সিদ্ধি করিতে গিয়া তাহার অনুষ্ঠান না করিয়া অন্যপ্রকার করে, তাহারা নিষ্ফলতা লাভ না করিবে কেন ? অন্নপাক করিতে গিয়া, কেবল হাঁড়ীতে জল চড়াইয়া জ্বাল দিলে কি অন্ন প্রাপ্ত হওয়া যায় ? চাউল দেওয়া চাই ।

শিষ্য । তবে এখনকার অধিকাংশ যজমান বা শিষ্য, গুরু বা পুরোহিতের নিকটে পুরশ্চরণ পদ্ধতি জানিয়া লইয়া যে পুরশ্চরণ করে, তাহারা কেবল অনর্থক অর্থব্যয় ও উপবাসাদি করিয়া থাকে-মাত্র ?

গুরু । যাহারা না জানিয়া কার্য্য করে বা করায়, তাহা নিষ্ফল হইবে বৈ কি । তোমাকে বলাই বাহুল্য যে, ঐ সকল কারণেই হিন্দুধর্মের প্রতি লোকের অনুরাগ কমিয়া যাইতেছে । কেননা, অর্থ ও সময় নষ্ট করিয়া যে কার্য্য সমাপন করিল, তাহাতে যদি কোন প্রকার ফললাভ না করিতে পারে, তবে সে কার্য্য করিতে কাহার ইচ্ছা হয় ? বলা বাহুল্য, এ বিষয়ে গুরু ও পুরোহিতগণই সম্বন্ধিক দোষী ।

---

\* দীক্ষা ও সাধনা নামক পুস্তকে দীক্ষা গ্রহণ হইতে মন্ত্রসিদ্ধি পর্য্যন্ত সাধকের যাহা কিছু প্রয়োজন, লিখিত হইয়াছে,—পুস্তক ধানি, একবার পড়িলে ভাল হয় ।

## द्वितीय परिच्छेद ।



### जपेऱ विशेष नियम ।

शिष्य । जपनियम कि प्रकार, ताहा आमाके बलून ?°

गुरु । जपेऱ कि नियम बलिब ?

शिष्य । आमि सुनियाछि, ओं एहि मन्त्र, अन्तान्त मन्त्रेऱ आदिते ओ अन्ते संस्थापन ना करिया जप करिले, मन्त्र कदाच सिद्ध हय ना । ताहा कि सत्य ?

गुरु । ई । सेतुभिर जप निफल हय, अतएव सेतु-निर्णय शास्त्रे कथित हईराछे । कालिकापुराणे लिखित आछे वे, सर्वप्रकार मन्त्रेऱई ओं एहि बीज सेतु । जपेऱ पूर्वे ङ्काररूपी सेतु ना থাকिले सेई जप पतित हय एवंग परे सेतु ना থাকिले ई मन्त्र विशीर्ण हईया घाय, अतएव मन्त्र-जपेऱ पूर्वे ओ परे सेतुमन्त्र जप अवशुक । येनन सेतुविहीन जल क्षणकालमध्ये निम्न प्रदेशे गमन करे, सेईरूप सेतुविहीन मन्त्र साधकेऱ फल-दायक हय ना । चतुर्दश स्वर ओं, ईहाते नादबिन्दु योग करिले ओं एहि बीज हय । ईहाई शूद्रेऱ सेतु जानिबे ।



## তৃতীয় পরিচ্ছেদ ।

পঞ্চাঙ্গ শুদ্ধি ।

শিষ্য । পঞ্চাঙ্গশুদ্ধি কাহাকে বলে ? এবং পঞ্চাঙ্গশুদ্ধি না করিলে কি হয় ?

গুরু । পঞ্চাঙ্গশুদ্ধি-ব্যতীরেকে পূজা নিফল হয় । কলার্ণব-তন্ত্রে লিখিত আছে যে, আত্মা, স্থান, মন্ত্র, দ্রব্য ও দেবতা এই পঞ্চ-শুদ্ধিকে পঞ্চাঙ্গশুদ্ধি বলে । যাবৎ পঞ্চাঙ্গ-শুদ্ধি না করা হয়, তাবৎ তাঁহার পূজার অধিকার হয় না । তাহা অভিচারার্থ হইয়া থাকে । তীর্থাদি বিশুদ্ধ জলে স্নান করিয়া ভূতশুদ্ধি, প্রাণায়াম, ও ষড়ঙ্গশাস্তি করিলে আত্ম শুদ্ধি সম্পাদিত হয় । যে স্থানে পূজাদিকার্য্য করিবে, সেই স্থানকে মাজ্জ'ন ও অমুলেপন করিয়া দর্পণের স্তায় নিষ্কল করিবে । চন্দ্রাতপ, ধূপ, দীপ ও পুষ্পমালা-দ্বারা সেই স্থানকে সুশোভিত করতঃ পঞ্চবর্ণচূর্ণদ্বারা চিত্রিত করিবে, ইহাকে স্থান-শুদ্ধি বলে । মাতৃকাবর্ণদ্বারা অমুলোম-বিলোমে মন্ত্রবর্ণ পুটিত করিয়া দুইবার পাঠ করিবে । এইরূপ করিলে মন্ত্রশুদ্ধি হইয়া থাকে । পূজার দ্রব্যসকল কুশাগ্রদ্বারা মূল ও ফট্ এই মন্ত্রে প্রোক্ষণ করিয়া ধেনু মুদ্রা প্রদর্শন করিলে দ্রব্যশুদ্ধি হয় । • সাধক পীঠশক্তির পূজা করিয়া মূলমন্ত্রে সকলী-করণ-মুদ্রার সকলীকরণ করিবে এবং মূলমন্ত্রে মালাদি, ধূপ, ও দীপ প্রোক্ষণ করিবে, এইরূপ করিলে দেবতা শুদ্ধ হয় ।

এই প্রকারে পঞ্চাঙ্গশুদ্ধি করিয়া দেবতার আরাধনা করিতে হয়, নতুবা আরাধনা নিফল হইয়া থাকে ।

## চতুর্থ পরিচ্ছেদ ।



### মন্ত্র শুদ্ধির উপায় ।

শিষ্য । আপনি মন্ত্র-পুরশ্চরণের কথা বলিয়াছেন, কিন্তু আপনার কথিত উপায় অবলম্বন করিয়াও যদি কেহ মন্ত্র-শুদ্ধি করিতে না পারে, অর্থাৎ আপনার কথিত ভক্তিভাবের উদয় দর্শন করিতে না পায়, তবে সে কি করিবে? কেবল আপনার কথিত মতে পুরশ্চরণ করিয়াই কি ক্লান্ত থাকিবে?

গুরু । পুরশ্চরণ করিলে সাধকের ঐ ভাবের উদয় নিশ্চয়ই হইবে । যদি না হয়, তবে জানিবে মন্ত্রসিদ্ধি হয় নাই ।

শিষ্য । তখন কি করিবে?

গুরু । গৌতমীয় তন্ত্রে লিখিত আছে যে,—

সম্যাপনুষ্ঠিতো মন্ত্রো যদি সিদ্ধিন্‌জায়তে ।

পুনশ্চেনৈব কর্তব্যং ততঃ সিদ্ধো ভবেদ্‌ ধ্রুবম্ ।

গৌতমীয় তন্ত্রে ।

সম্যাক্রূপে পুরশ্চরণাদি সিদ্ধ কার্যের অশুষ্ঠান করিলেও যদি মন্ত্রসিদ্ধি না হয়, তাহা হইলে পুনর্কীর' পূর্ববৎ করিবে । অর্থাৎ পুনরায় পূর্ববৎ নিয়মে পুরশ্চরণাদি করিবে । তাহা হইলে নিশ্চয়ই মন্ত্রসিদ্ধি হইবে ।

শিষ্য । এমন দুর্ভাগ্য যদি কেহ থাকে, এবারও যদি মন্ত্র-সিদ্ধিস্বরূপ ফলের অশুভব না করিতে পারে?

গুরু । শাস্ত্রে আছে,—

পুনরনুষ্ঠিতো মন্ত্রো যদি সিদ্ধো ন জায়তে ।

পুনস্তেনৈব কর্তব্যং ততঃ সিদ্ধো ন সংশয়ঃ ॥

গৌতমীয়ে ।

পুনরনুষ্ঠান করিলেও যদি মন্ত্রসিদ্ধি না হয়, তবে তৃতীয়বার পূর্ববৎ কার্য করিবে ।

শিষ্য । এমন কি কেহ নাই, যাহার পর পর তিনবার পুরশ্চণাদি করিলেও মন্ত্রসিদ্ধি হয় না ?

গুরু । হাঁ, তাহা আছে—বৈ কি ।

শিষ্য । তাহার উপায় কি ?

গুরু । শাস্ত্রে সে নির্দেশও আছে বৈ কি ।

শিষ্য । কি আছে, তাহা অনুগ্রহ করিয়া বলুন ।

গুরু । শাস্ত্র বলেন,—

পুনঃ সোহনুষ্ঠিতো মন্ত্রো যদি সিদ্ধি ন জায়তে ।

উপায়ান্তত্র কর্তব্যঃ সপ্ত শঙ্করভাষিতাঃ ॥

ব্রামণং রোধনং বশ্চং পীড়নং শোষণপোষণে ।

দহনাস্তং ক্রমাৎ কুর্য্যাৎ ততঃ সিদ্ধো ভবেন্নমু ॥

গৌতমীয়ে ।

পুরশ্চরণাদি কার্য যথাবিধি তিনবার অনুষ্ঠান করিলেও যদি মন্ত্রসিদ্ধি না হয়, তাহা হইলে শঙ্করোক্ত সপ্ত উপায় অবলম্বন করিবে । ব্রামণ, রোধন, বশীকরণ, শোষণ, পোষণ ও দাহন, —ক্রমতঃ এই সপ্তবিধি উপায় অবলম্বন করিলে নিশ্চয়ই মন্ত্রসিদ্ধি হইবে । ইহাই শেষ উপায় ।

শিষ্য । ব্রামণ কাহাকে বলে, এবং কি উপায়ে তাহা সম্পাদন করিতে হয় ?

গুরু । বং এই বায়ুবীজদ্বারা মন্ত্রবর্ণ সকল গ্রহন করিবে ।



অর্থাৎ শিলাবসনামক গন্ধ দ্রব্য, কর্পূর, কুঙ্কুম, উশীর ( বেণার মূল ) ও চন্দন মিশ্রিত করিয়া তাহা দ্বারা মন্ত্রাস্তর্গত বর্ণসকল পৃথক্ পৃথক্ করতঃ একটি বায়ুবীজ এবং একটি মন্ত্রাকর, এইরূপে যন্ত্রেতে সমস্ত মন্ত্রবর্ণ লিখিবে । পরে, ঐ লিখিত মন্ত্র হুঁ, স্বত, মধু ও জলমধ্যে নিক্ষেপ করিবে । অনন্তর পূজা, জপ ও হোম করিলে মন্ত্রসিদ্ধি হয়, ইহাকেই মন্ত্রের ভ্রামণ বলে ।

শিষ্য । রোধন কাহাকে বলে ?

গুরু । ভ্রামণের দ্বারাও যদি মন্ত্রসিদ্ধি না হয়, তবেই রোধন করিবে । ঐ এই বীজদ্বারা মন্ত্র পুটিত করিয়া জপ করিবে, এইরূপ জপের নাম মন্ত্রের রোধন ।

শিষ্য । যদি রোধনক্রিয়াদ্বারাও মন্ত্রসিদ্ধি না হয় ?

গুরু । তাহা হইলে কশীকরণ করিবে !

শিষ্য । কশীকরণ কি প্রকারে করিতে হয় ?

গুরু । আলতা, রক্তচন্দন, কুড়, হরিদ্রা, ধুস্তুরবীজ ও মনঃশিলা এই সকল দ্রব্যদ্বারা ভূজ্জপত্রে মন্ত্র লিখিয়া কণ্ঠে ধারণ করিবে,—এইরূপ করিলেই মন্ত্রের বশীকরণ হইয়া থাকে । বশীকরণের দ্বারাও মন্ত্রসিদ্ধি না হইলে মন্ত্রের পীড়ন করিবে ।

শিষ্য । পীড়নক্রিয়া কি প্রকারে সম্পাদন করিতে হয় ?

গুরু । অধরোস্তরযোগে মন্ত্র জপ করিয়া অধরোস্তররূপিণী দেবতার পূজা করিবে । পরে আকন্দের ছুঁটদ্বারা মন্ত্র লিখিয়া পাদদ্বারা আক্রমণপূর্বক সেই মন্ত্রদ্বারা প্রতিদিন হোম করিবে,—এই কাৰ্য্যকে মন্ত্রের পীড়ন বলে । যদি এইরূপ পীড়ন করিলেও মন্ত্রসিদ্ধি না হয়, তাহা হইলে মন্ত্রের পোষণ করিবে ।

শিষ্য । মন্ত্রের পোষণ কি করিয়া করিতে হয় ?

গুরু । মূলমন্ত্রের আদি ও অন্তে ত্রিবিধ বালাবীজ যোগ করিয়া জপ করিবে এবং গোদুগ্ধ ও মধুদ্বারা মন্ত্র লিখিয়া হস্তে ধারণ করিবে । ইহাকেই মন্ত্রের পোষণ ক্রিয়া বলে ।

শিষ্য । ইহাতেও যদি মন্ত্রসিদ্ধি না ঘটে, তাহা হইলে বোধ হয়, শোষণ-ক্রিয়া করিতে হইবে । শোষণক্রিয়া কিরূপ ?

গুরু । বং এই বায়ুবীজ দ্বারা মন্ত্র পুটিত করিয়া জপ করিবে, এবং ঐ মন্ত্র যজ্ঞীয়ভস্মদ্বারা ভূর্জপত্রে লিখিয়া গলে ধারণ করিবে ।

শিষ্য । যদি উহাতেও মন্ত্র-সিদ্ধি না ঘটে ?

গুরু । তবে দাহন-ক্রিয়া করিবে ।

শিষ্য । সে কি প্রকারে করিতে হয় ?

গুরু । মন্ত্রের এক এক অক্ষরের আদি, মধ্য ও অন্তে বং এই অগ্নি-বীজ যোগ করিয়া জপ করিবে এবং পলাশবীজের তৈলদ্বারা সেই মন্ত্র লিখিয়া স্বক্লেদে ধারণ করিবে । মহাদেব বলিয়াছেন, এই প্রকার করিলে নিশ্চয়ই মন্ত্র-সিদ্ধি হইয়া থাকে ।

শিষ্য । এই যে সকল ক্রিয়া করিবার বিধান বলিলেন, ইহা অতি সহজ । কোন্ শক্তির বলে মন্ত্র এত শীঘ্র শক্তিমান হইয়া উঠে, তাহা আমার ক্ষুদ্র বুদ্ধিতে আসিল না । যে মন্ত্র পুরস্চরণরূপ অতি উচ্চ বৈজ্ঞানিক প্রণালীতে সিদ্ধ হইল না, তাহা এই সামান্য ক্রিয়াতে কি প্রকারে সিদ্ধ হইতে পারিবে ?

গুরু । প্রশ্নটি সমীচীনই হইয়াছে । কিন্তু তোমাকে আমি বলিয়া দিতে ভুলিয়া গিয়াছি,—এই যে মন্ত্রসিদ্ধির জন্ত সপ্ত-ক্রিয়ার কথা বলা হইল, ইহা কোন অভিজ্ঞ ও মন্ত্রসিদ্ধ ব্যক্তির দ্বারা সম্পন্ন করাইতে হয় । পুরস্চরণ-ক্রিয়া-দ্বারা তাহার মন্ত্রসিদ্ধি হইল না, বুদ্ধিতে হইবে হয় সে সাধকের ব্রহ্ম-পথ-

মন্ত্রের উপায় হয় নাই, নয় তার গুরুদত্ত মন্ত্র স্বাভাবিক অর্থাৎ তাহার উপযুক্ত হয় নাই। কিন্তু তাই বলিয়া যে মন্ত্র একবার লওয়া হইয়াছে, সে মন্ত্র আর পরিত্যাগ করিতে নাই। পাশ্চ বলেন, বিবাহিতা নারীর পতি অক্ষয় ও অধাৰ্মিক হইলেও যেমন, পত্নী-ভর গ্রহণে ব্যভিচার ঘটে, নিষ্ফল মন্ত্র গ্রহণ করিয়া তাহা পরিত্যাগ করিয়া পুনরায় মন্ত্র গ্রহণ করিলেও তদ্রূপ ব্যভিচার ঘটে। অতএব তখনকার কর্তব্য, কোন মন্ত্রসিদ্ধ অভিজ্ঞ ব্যক্তির দ্বারা ঐ মন্ত্র ক্রিয়ার যে কোন ক্রিয়া করাইয়া মন্ত্রসিদ্ধি করিয়া লইবেন। ঐ সকল দ্রব্যাদি দ্বারা ও বীজাদি দ্বারা তিনি সাধকের শরীরে ঐ মন্ত্রেরই তেজ প্রবেশ করাইয়া দিয়া মন্ত্র চৈতন্য করিয়া দিতে পারেন। এ ক্রিয়া অতি সহজ,—চারি পাঁচ দিনের মধ্যে সম্পন্ন হয়।

### পঞ্চম পরিচ্ছেদ।

মন্ত্রের দোষ শাস্তি।

শিষ্য। তদ্বাদিতে পাঠ করিয়াছি, কোন কোন মন্ত্রে ছিন্নাদি দোষ আছে, এবং তুষ্টি মন্ত্রের অপাদি করিলে, কখনই সে সকল মন্ত্রে সিদ্ধিলাভ করা যায় না। অতএব, সে দোষের কি প্রকারে শাস্তি বিধান করিতে হয় ?

গুরু। মন্ত্রের ছিন্নাদি যে সমস্ত দোষ নিরূপিত হইয়াছে, নাত্ত্বেকাবর্ণ-প্রভাবে সেই সকল দোষের শাস্তি হইয়া থাকে। নাত্ত্বেকাবর্ণ-দ্বারা মন্ত্র বা বিদ্যাকে পুড়িত করিয়া অর্থাৎ মন্ত্রের পূর্কের অকারাদি স্বকারণ বর্ণের এক একটি বর্ণ পূর্কের এবং এক একটি বর্ণ পরে যোগ করিয়া অষ্টোত্তর শতবার ( কলিতে চারিশত

ত্রিশবার ) জপ করিবে,—তাহা হইলেই মন্ত্রের ছিন্নাদি দোষের শাস্তি হয়, এবং সেই মন্ত্র যথোক্ত ফলপ্রদানে সমর্থ হইয়া থাকে ।

শিষ্য । কেবল অক্ষরযোগে মন্ত্রের ছিন্নাদি দোষ শাস্তি হয় কেন ?

গুরু । অক্ষরে শব্দ উত্থাপিত করে । মন্ত্রের ছিন্নাদি দোষ এই যে, মন্ত্র সকল বহুদিন হইতে লোকের মুখে মুখে চলিয়া আসিতেছে, যদি কোন ভুল-ভ্রান্তিতে তাহার কোন অংশ পতিত বা ছাড় হইয়া থাকে, তবে কম্পন ঠিক হয় না । কাজেই মন্ত্র-জপের উদ্দেশ্যও সাধিত হয় না । অতঃ অক্ষরাদির একত্র যোগে জপ করিলে ঐ মন্ত্রের সে দোষের শাস্তি হইয়া যায় অর্থাৎ তাহাকে কম্পনযুক্ত করিয়া লইতে পারে ।

### ষষ্ঠ পরিচ্ছেদ ।

#### মন্ত্রসিদ্ধির লক্ষণ ।

শিষ্য । পুরাণচরণ সিদ্ধ হইলে, যে সকল লক্ষণের প্রকাশ পায় বলিয়া আপনি নির্দেশ করিয়াছেন, এই সকল উপায়ে মন্ত্র সিদ্ধ হইলেও কি সেই লক্ষণ প্রকাশ পায় ?

গুরু । হাঁ, তাহাও পাইতে পারে । তত্ত্ব-আরও নানা-বিধ লক্ষণ প্রকাশ পাইতে পারে । মনোরথ-সিদ্ধিই মন্ত্রসিদ্ধির প্রধান লক্ষণ । সাধক যখন যে অভিলাষ করে, তখন অক্রেমে সেই অভিলাষ পূর্ণ হইলেই মন্ত্র সিদ্ধ হইয়াছে বলিয়া জানা যায় । দেবতাদর্শন, দেবতার স্বর শ্রবণ, মন্ত্রের স্বর-শব্দ-শ্রবণ প্রভৃতি মন্ত্রসিদ্ধি হইলে ঘটিয়া থাকে । \*

\* মন্ত্রসিদ্ধিলাভ ও এই সকল বিষয় বিশেষ করিয়া যে সকল সাধকের আনিবার ইচ্ছা, প্রয়োজন হইলে শিখাইয়া দিতে পারা যায় ।—গুরুকার ।

যজ্ঞের সাধনায় চরম সিদ্ধিলাভ করিলে, মানুষ দেবতাকে দেখিতে পার, মৃত্যু নিবারণ করিতে পারে, পরকায়-প্রবেশ, পরপুত্র-প্রবেশ, এবং শূন্যমার্গে বিচরণ করিতে পারে, ভূচ্ছিন্ন দর্শন করে এবং পাখিবতন্তু জানিতে পারে । এতাদৃশ সিদ্ধ পুরুষের দিগন্তব্যাপিনী কীর্তি হয়, বাহন-ভূষণাদি বহুদ্রব্য লাভ হয়, এবং উদূর্ণ ব্যক্তি দীর্ঘকাল বাচিয়া থাকে । রাজা এবং রাজপরিবার-বর্গের বশীকরণ করিতে পারে, সর্বস্থানে চমৎকার-জনক কার্য প্রদর্শন করিয়া সুখে কালযাপন করে । তাদৃশ লোকের দৃষ্টিমাত্র রোগাপহরণ ও বিষ-নিবারণ হইয়া থাকে । সর্বশাস্ত্রে অযত্নশূলত চতুর্বিধ পাণ্ডিত্য লাভ করে, বিষয়ভোগের ইচ্ছা থাকে না, সর্বভূতের প্রতি দয়া ছন্দে, পরিত্যাগ-শক্তি জন্মে, অষ্টাঙ্কযোগের অভ্যাস হয়, এবং সর্বশুভতা গুণের স্ফূর্তি হয় । এই সকল গুণ মধ্যবিধ সিদ্ধ পুরুষের লক্ষণ । কীর্তি ও বাহন-ভূষণাদি লাভ দীর্ঘজীবন, রাজপ্রিয়তা, রাজপরিবারাদি সর্বজন-বাৎসল্য, লোক-বশীকরণ, প্রভূত ঐশ্বর্য, ধন-সম্পত্তি, পুত্র-দারাদি সম্পদ এই সকল গুণ অধম সিদ্ধির লক্ষণ । প্রথম অবস্থায় এই সকল লক্ষণ হইয়া থাকে । বাস্তবিক ধাঁহারা প্রকৃত যজ্ঞসিদ্ধি লাভ করিয়াছেন, তাঁহারা সাক্ষাৎ শিবতুল্য, ইহাতে কোন সংশয় নাই ।

শিষ্য । যোগ-সাধনায় আর যজ্ঞ-সাধনায় কোন প্রভেদ বলিয়া বুঝিতে পারিলাম না ।

গুরু । উদ্দেশ্যস্থান একই,—তবে পথের বিভিন্নতা এই মাত্র ।



## দ্বাদশ অধ্যায় ।

### প্রথম পরিচ্ছেদ ।

#### গ্রহশাস্তি ।

শিষ্য । আপনি পূর্বে বলিয়াছেন, জীবের পূর্বজন্মের শুভা-  
শুভ কর্মের ফল লইয়া অদৃষ্ট সংগঠিত হয়, এবং সেই অদৃষ্টবলেই  
মারুৎ সুখী ও দুঃখী হয় । তবে লোকে বলে, আমার গ্রহ এখন  
ভাল নহে, এখন সময় মন্দ যাইবে,—এখন শুভগ্রহ, এখন যে  
কার্য করিব,—তাহাতে শুভ ফল পাইব, ইত্যাদি । এমন কি,  
গ্রহের ফলে নাকি জীব শুভাশুভ সমস্ত কর্ম করিয়া থাকে ।  
জ্যোতিষ শাস্ত্রেও ঐ কথাই প্রসঙ্গ আছে । আবার বিরুদ্ধ  
গ্রহের শাস্তি-কার্য করিলে, তাঁহারাও শুভফল প্রদান করিয়া  
থাকেন । এক্ষণে কোন্ কথাটা সত্য, তাহা জানিতে চাহি ।

গুরু । অদৃষ্টই গ্রহদিগকে ভাগ্যদেবতা গড়াইয়া লয় । যাঁহার  
যেমন অদৃষ্ট, গ্রহ-দেবতারাও সেই স্থলে দাঁড়াইয়া থাকেন । নতুবা  
তোমার আমার অদৃষ্টে গ্রহদেবতাগণ একই ভাবে দাঁড়াইতেন ।



জগতে দুইটি মানুষের কার্য এক প্রকারের নহে,—তুমি সহস্র সহস্র মানুষের কোষ্ঠি মিলাইয়া দেখ; দুইজনের কোষ্ঠিও একরূপ দেখিতে পাইবে না। কোন না কোন বিষয়ে নিশ্চয়ই পার্থক্য থাকিবে। মানুষের অন্তর্স্থিত কর্ম যেমন পৃথক,—অদৃষ্টাধিষ্ঠাতা গ্রহ-দেবতার সমাবেশ ও উদ্ভূত বিভিন্ন। অতএব, মানুষ যেমন অদৃষ্ট লইয়া জন্মগ্রহণ করিবে, গ্রহ-দেবতাগণও তাহার রাশিচক্রে তেমনই ভাবে অধিষ্ঠিত হইবেন। অদৃষ্ট আর গ্রহদেবতা একই স্তম্ভ বাধা-বাধি।

শিষ্য। কর্মফল বা অদৃষ্টকে বিলোপ বা কাহার সংস্কার-সাধন করা কি কাহারও সাধ্যায়ত্ত আছে ?

গুরু। তা আছে বৈ কি।

শিষ্য। কাহার আছে ?

গুরু। যোগীর—সাধকের। এই সাধনার নামই দৈব বা পুরুষকার। গ্রহযোগ প্রভৃতি যাহা প্রচলিত আছে, তদারা সাধকগণ গ্রহশাস্তি করিতে পারেন। কি করিয়া সে সকল কার্য করিতে হয়, তাহা বোধহয়, তোমার শিখিবার প্রয়োজন নাই ?

শিষ্য। তাহা শিখিবার প্রয়োজন হইলে, আমি পুরোহিত-দর্পণ পাঠ করিয়া শিখিতে পারিব। আর একটি কথা জ্ঞানিবার ইচ্ছা আছে।

গুরু। কি বল ?

শিষ্য। যাহা জিজ্ঞাসা করিব, তাহার নাম দৈববাণী,—দৈব-বাণী কি ?

## দ্বিতীয় পরিচ্ছেদ ।

দৈববাণী প্রকাশ ।

গুরু । তুমি দৈববাণী-সম্বন্ধে কি দ্বিজ্ঞাসা করিতেছিলে, তাহা ভাল করিয়া বল ?

শিষ্য । আমি বলিতেছিলাম যে, অনেক স্থলে শুনিতে পাই দৈববাণীতে অমুক কথা প্রকাশ পাইল । অনেকের প্রতি দৈবা-  
দেশ হইল,—ইহা কি প্রকারে সম্ভব হইতে পারে ? আপনি বলিয়াছেন, দেবতা অদৃষ্টশক্তি ।


গুরু । শক্তিভিন্ন জগতে কিছুই নাই,—তুমি আমি ও মহা-  
শক্তির মহালীলামাত্র । মানুষ যখন তন্মনা হয়, মানুষের চিত্ত-  
বৃত্তি যখন একমুখী হয়, তখন যে দেবতার উপরে তাহাদের চিত্তবৃত্তি  
একমুখী হয়, তখন সে তাহার বাঞ্ছিত দেবতার নিকটে বাঞ্ছিত  
আদেশ শুনিতে পাইবে, তাহাতে আর বিচিত্র কি ?

তুমি যদি চিত্তবৃত্তির নিরোধ অর্থাৎ একমুখী করিয়া একটি-  
বন্ধের বিষয় চিন্তা করিতে পার, দেখিবে—সেই বৃক্ষই তোমার  
সহিত কথা কহিবে, ভাবনার মূলকারণ ইচ্ছা । ইচ্ছাদ্রেক  
না হইলে যখন ভাবনা-প্রবাহ উৎপন্ন হয় না,—তখন অবশ্যই  
তাহার মূলকারণ ইচ্ছা । সেই ইচ্ছা-শ্রোত যে দিকে লইবে,  
সেই দিক হইতেই তাহার সাধনাসিদ্ধি প্রাপ্ত হইবে । জগতটা  
শব্দের বাহ্যিক । সমস্ত শক্তিরই স্বাকার বা শব্দ আছে । যে  
শক্তির উপরে ইচ্ছাশক্তির চালনা করিবে, সেই শক্তির নিকটেই  
উত্তর পাইবে, তাহাতে সন্দেহ নাই ।

অতএব দেবতা ও আরাধনা নিষ্ফল নহে । দেবতা ও আরাধনা হিন্দুর পুঁতুলখেলা নহে । বহিজ্জ'গতের কার্যকৌশল যেমন যোগ ; তদ্রূপ অস্তজ্জ'গতের কার্যকৌশলও যোগ । দেবতা ও আরাধনা এই যোগ বা মানস-ক্রিয়ার কৌশল বা যোগ ও সাধনার প্রথম সোপান ব্যতীত আর কিছুই নহে ।

সম্পূর্ণ ।

শ্রী শ্রী কৃষ্ণার্পণমস্ত ।







# মহিলা সাধারণ পুস্তকালয়

## নির্ধারিত দিনের পরিচয় পত্র

বর্গ সংখ্যা

পরিগ্রহণ সংখ্যা.....

এই পুস্তকখানি নিয়ে নির্ধারিত দিনে অথবা তাহা  
গ্রন্থাগারে অবশ্য ফেরত দিতে হইবে। নতুবা মাসিক ১ টাকা  
জরিমানা দিতে হইবে।

নির্ধারিত দিন	নির্ধারিত দিন	নির্ধারিত দিন	নির্ধারিত দিন
৩০/১১ ৪/১১/১৩			



